


PHARVS  
BENEDICTINA







# PHARVS BENEDICTINA

Vniuersum Orbem irradians.

S I V E

## VITA S. P. N. BENEDICTI

A B B A T I S,

*Eiusque Sanctissima Regula & Ordinis utilitas,  
ac Monachorum de Orbe merita gloriosa, binis  
Tractatibus compendiario demonstrata,  
lucique publica,*

Per R. P. STANISLAVM SCZYGIELSKI Benedictinum Tinecensem exposita.

EGO BENEDICTVS IPP. ET MONACHVS PINGERE FECI.



S. Petrus Princeps Aploꝝ  
Dei et D.N. z. C. Vicarij

S. Ben. Abb. Patr. cha.  
et legislator Mon<sup>u</sup>

S. Paulus S. Petri Coapulus  
et Doctor Gentium

Ecclia Rom<sup>a</sup> Adificator.

Ecclia Rom<sup>a</sup> Readificator.

Ecclia Rom<sup>a</sup> Coadificator.

Ex Vetus Pictura in Abside Ecclia S. Sebastiani in Foro Boario Romae expressa A.C. 1773.

CRAC: Ex Offic: SCHEDELLANA, S. R. M. Typ: A.D. 1669

*Emendatum Constantianum Inula iniqua*



Gentilitia arma  
ILLVSTRISSIMI ET EXCELLENTISSIMI D.  
D. IOANNIS CAROLI KOPEC,  
PALATINI POLOCENSIS.



Falcibus ex istis Heroica facta nitescent,  
Quæis surgit famæ messis opima tuæ.  
Sed quod sacra DEO palatia, claustraq; condis,  
Hoc maius cunctis, omnia vincit, opus.

JLLV.





ILLVSTRISSIMO ET EXCELLENTISSIMO Dño.  
D. IOANNI CAROLO  
IN WIERZCHOWICE  
K O P E C,  
PALATINO POLOCENSI.  
Iurburgensi, Caunensi, Wierzbolouiensi, Wla-  
dislauenfi, &c. &c.  
CAPITANEO

F. STANISLAVS SCZYGIELSKI *Felicitatem.*

**M**ultum profecto illi de vniuersa Christi fideiū  
Ecclesiā merentur, Illustrissime & Excellentissi-  
me Domine, qui omnes animi curas in id solū  
intendunt, vt antiquæ fidei pietatisque Catholi-  
cæ successionem, à sanctissimis illis maioribus ac-  
ceptam, ipsi quā religiosissimè teneant, posteris  
verò suis, ad eorum hereditatem nunquam intermorituram di-  
ligentissimè commendent. Id verò dignum homine Catholico  
studium, cum alijs plurimis, tum hoc vel maximo apud omnes  
argumento in omnem hominum memoriam propagari solet,  
vbi is, qui Ecclesiæ filium ac nutrimum se libens agnoscit, acce-  
ptum



*Epistola Dedicatoria.*

ptum ex Catholica vocatione beneficium, omni quâ potest voluntate ad benefaciendum effusâ, mereri contendit: quo ceteri uiuentes intelligant, illi homini diuinitus illustrato, mentem Catholicam & credendo & faciendo minime defuisse. Hoc scilicet illud est, reâple Christianum hominem exprimere, Christi possessionem in animo primùm suo, dehinc aliorum credentium dilatando producere; quemadmodum illi viri diuini, post Christum salutis nostræ vindicem, Apostoli, in eo pietatis officio studium posuerunt, vt fidem Christi plantarent, Ecclesiam toto orbe fundarent, construerentq; in ipso angulari lapide Christo IESU ciuitatem Dei, de quâ gloriosa dicta sunt omnia: quam gloriosissimis victoriæ suæ triumphis proprio sanguine purpuraris, inuicti Martyres auxerūt, quam Doctores docendo & scribendo indefessi, vitæ ac sapientiæ meritis perennibus confirmarunt, quam Religionis, Virginitatis, ac cuiusuis alterius sanctæ continentiae pietatisq; studiosi, proprio quisque suo exemplo condecorarunt ac propagarunt. Quod ipsum Christianæ rei augendæ munus, quam diu hic in terris Ecclesia militabit, ad omnes quidem qui nomen Christo Deo dederunt, iure quodam pertinere nemo est qui dubitet; Viris tamen Principibus, qui ex primis post sacerdotes & eorum Praefatos, Ecclesia sunt filijs, hæc Christianæ hereditatis simulq; dignitatis promouendæ cura potissimum incumbit; de quibus olim Rex magnus, idemque Propheta ore diuino, Christi & Ecclesiæ magnum epithalamium canens, dixerat, Ecclesiam quasi præsentem allocutus; Et Filia Tyri in muneribus, vultum tuum deprecabuntur omnes diuites pl. bis. Id quod & Vates Evangelicus illi ipsi Ecclesiæ promiserat, Et afferent, inquit, filios tuos in vlnis, & filias tuas super humeros portabunt, & erunt Reges nutricij tui & Reginae nutriciæ tuæ. Nam quanto maior apud illos est rerum huius mundi, siue potentiam, siue honores, siue diuitias spectes, copia & gloria diuinitus illis data, post haustum è cælo diuinum fidei lumen; tantò plus Ecclesiæ debent, cuius causa hæc acceperunt, vt non ad diminuendum, sed amplificandum, non ad oppugnandum, sed defendendum Ecclesiæ Regnū, generi mortalium se natos esse arbitrentur.

Imitaris equidem Tu Illustrissime & Excellentissime Domine



*Epistola Dedicatoria.*

mine magnos illos Ecclesiæ, fideique cultores & patronos, qui  
Tellustri loco natum, ac in Christo renatum meministi; nam  
ubi primum ex ratione diuinitus illustratâ, viuere atque agere  
cepisti, omnem animi contentionem eò retuleras, vt verè gra-  
tum, verè amantem, verè obseruantem Ecclesia Catholica Fi-  
lium Te suum agnosceret. Ita semper ab ineunte illâ primâ  
ætate vixisti, vt vel ipsa Christianæ pietatis rudimenta pectore  
& animo Tuo cupidissimo percepta, satis loquerentur, quis &  
quantus, pro Ecclesiâ Vir in Republica futurus esses. Adole-  
scentem ac iuuenem, præclara virtutum ac litterarum studia,  
magnorum Virorum doctrinâ & hortatu, exercebant; ex qui-  
bus tantum præsidij pro Republicâ & Patriâ comparasti, quan-  
tum nunc in Viro splendidissimis natalibus orto, non modo satis  
esse, verùm etiâ plurimùm Ecclesiæ Catholicæ prodesse videmus.  
Quando enim Tu eximias illas animi ac ingenij Tui opes, non  
in Rem Ecclesiæ atque Patriæ communem conferebas? cui ni-  
hil antiquius erat, quàm de vtrâque illâ parente post Deum  
primâ, quàm optimè mereri? Atque hinc sanè profectum, illud  
Tuum Heroicum ac præstanti animo Tuo dignum studium,  
quod in Re diuinâ publicè priuatimque constituendâ & ornan-  
dâ collocasti. Non satis esse putas, Rempubicam cuius Sena-  
tor es, virtute, consilio, ingenio, & re ipsâ, dum re opus est,  
iuuare; dignitatem Regiam, incolumitatem Regni, legum san-  
ctiones, libertatis iura, vel maximo etiam Fortunarum, imo &  
vitæ si quando fors ita ferat, discrimine tueri, nullum periculi  
genus pro communi salute pertimescere, nullum non conten-  
tionis laborem adire, nullis non cum odijs maleuolorum homi-  
num dimicare, dummodò Reipublicæ commodares. Et tamen  
animo illo tuo sublimi ac generoso longè minora hæc esse vide-  
bantur, nisi etiam ad Rem Ecclesiæ propagandam atque tuen-  
dam omnes curas, labores, fortunas, vitam etiam ipsam liben-  
tissimè conferres. Et dedisti quidem Tu Heros Magnanime plu-  
rima & maxima veræ pietatis Catholicæ in DEVM, obseruantia  
in Diuos, amoris in Ecclesiam, honoris in Ecclesiasticos, fauo-  
ris in litteratos, beneficentiæ in egenos homines argumenta.  
Posteaquam verè apud animum illum Tuum heroicum diligen-  
tius



*Epistola Dedicatoria.*

tius cogitare cœpisti, præter illos nunquam satis laudatos Ecclesiæ defensores, Constantinos, Theodosios, Honorios, Carolos, nostrosque Miescones, Chabrios, Casimiros, alios etiam Religionis ac Religiosorum amicos & patronos, ut alios aliarum gentium nunc taceam, apud nos in Poloniâ & Lituaniâ, Vladislao Iagiellones, Vitoldos, Sieciechos, Iaxas, Iuones, Wolscios, Pacios, cæterosque illos in omni æternitate memorandos Heroes sanè divinos; in eam statim Heroe Christiano dignam sollicitudinem venisti, ut aliquod Religiosis hominibus domicilium, in quo vera pietas ageret, cum iugi laude Dei, apud te collocaret. Et ecce Deo sic adspirante, venit Tibi in mentem ille magnus Ecclesiæ splendor, magnus quoque tot Religiosorum in Domino Parens & Patriarcha DIVVS BENEDICTVS ABBAS, qui Nursiam natale solum, Parentes Eupropium & Abundantiam apprimè copiosos & nobiles habuit; ex quibus ortus, anno post editam salutem octogesimo supra quadringentesimum, utroque Imperio plurimis maximisque cladibus debilitato iam, & ad occasum properante, Re quoque Christiana, (solutâ passim veteri disciplinâ & erumpentibus quotidie pravorum dogmatum Authoribus) miserandum in modum ægra laborante; tunc divinæ providentiæ admirabilis gubernatio, difficillimis Ecclesiæ suæ temporibus Benedictum excitavit, quem furenti Erebo, eiusque ministris omnia ubique terrarum pro libidine miscentibus opposuit, cuius ope ac magisterio perditæ mores sunt correcti, propagata Religio, sanctitas redintegrata. Quem etiam cum innumeris honorum titulis exornet illa, quæ omnes in eo stuporem adusque demirantur, cum illud quoque non postremum decus addit, quod infinita numero, virtute immortalis, eruditione conspicua soboles, ad Christianæ Reipublicæ commoda & decus, ab ipso profeminata sit, ac toto Orbe propagata. Neque eò tantum, sed propterea etiam, quod ab ijs omnibus virtutum ornamentis cumulatissimè instructus fuerit, quæ ad celsissimum sanctimonix ac venerationis fastigium, mortalium beatissimos efferre consueverunt. Cuius quidem Patriarchæ Sanctissimi, eiusque filiorum, mille & ducentis in Ecclesia Dei laborantium annis, sudores, amplissimaque merita, cum Te Illustrissime Domine



*Epistola Dedicatoria.*

mine minimè laterent, tum quod in Annalibus Christianæ Republicæ optime versatus, quantopere Benedictinus Ordo de Ecclesia Dei meruerit clarissimè legeris; tum ipse quoque apud exteras remotasq; nationes videris, quæ vitæ doctrinæque ratio & disciplina inter eos vsque adhuc diligentissime conseruetur: ad Benedictinos ex illo sacratissimo Cassinensi Domicilio vocandos, atque in illo horizonte Russico locandos, animum non nisi de Religione cogitantē adieciisti. Dignum sanè Tuo illo pectore excelso facinus hoc. Quid enim? an non verè Catholici viri, haud magis ex natalibus clarissimis, quàm meritis amplissimis, illustrissimum in Republicâ locum iurè tenentis, illa nota est, De Religiosorum colonijs, pro Dei gloriâ & animarum salute deducendis, cogitationem atq; curam sumptibus heroicis & beneficentiæ liberalissimæ coniunctam, suscipere? Rari equidè hoc tempore calamitoso Fundatores nostrorū inueniuntur Monasteriorum, qui substantiam fortunasque suas Religiosorum vñibus addicant consecrentue, qui Abbantias erigant, easque redditibus annuis ad necessaria claustraliū profuturis augeant; quin è contra, innumeros videre licet, qui pulcherrima illa priscæ pietatis liberalitatisq; monimenta, veterum Regularium monasteria pessumdant, qui claustrales exsufflant, Fundatorum priorum Principumque supremam voluntatem cassant & immutant, suis bonis benè quæsitis & tanto sæculorum decursu in pace possessis Monasteria spoliant; serosque BENEDICTI Patris filios hereditatibus suis sacrilegè exuunt, & pupillorum Cænobiorum receptâ in se tutelâ, cū patrocinari deberêt, bona proterût, ut BENEDICTVS Abbatū gemma dicere iure possit, Qui deuorat plebē meā ut cibum panis. Nouum itaque hoc & præsentis æui insolitū factū imò miraculum à Te Illustr. & Excellent. Domine exhibitum est, qui magnam illustis patrimonij tui partem, in Tuo Castro Cassinensi Monasterio erigendo locasti, qui in ornando non mediocres impensas fecisti, qui sumptibus non pepercisti, ut novos colonos ab Aufoniâ aduectos orâ, in Priscensi collocares tractu. Maçte sis animo Heroum præstantissime, atq; BENEDICTI prolem è sacro monte Cassino traductam, eâ quâ cæpisti beneuolentiâ & beneficentiâ complectere: quidquid enim in nepotes tanti Pa-



*Epistola Dedicatoria.*

eris contuleris, ipse ille Parens noster & Monachorum in Occidente Patriarcha gloriosissim<sup>9</sup>, magnus apud Deū Tuus Patronus & exorator, sibi præstitū magno in pretio mihi credere reponet.

Quò verò magis tanti Patris alumnos, Tuosque Clientes & oratores coram Deo assiduos, in Domino amare, ac ornare, prout capisti non dedigneris, en Tibi Vitam Sanctissimi Patriarchæ BENEDICTI, à Magno Gregorio olim disertissimè scriptam, & cultis nuper Anagrammatibus metrisque à quodam è nostris adornatā, cum nonnullis additamentis & parergis, quæ labores & fructus maiorum nostrorū breuiter commemoratos repræsentant, adferimus: ex quibus omnibus, bene merita Ordinis nostri in Ecclesiam uniuersam præstita cognosces, simulque etiam pro tuā singulari animi prudentiā & æquitate iudicabis, An non ex Re hominum in Ecclesiā sit Ordo ille, qui Contemplantis simul & Agentis vitæ institutum amplexus, publicam Ecclesiæ salutem quotidie curat, idq; etiam in votis habet, vt omnes Christo lucretur, & omnibus in Christo, & propter Christum semper ac vbique prosit. Recognosces in eodem Opusculo, Magnum Ecclesiæ Catholicæ decus, ac vitæ perfectioris magistrum Benedictum, & quo loco ab omnibus haberi, quo cultu & veneratione excipi debeat, ab aliorum exemplis intelliges, atq; in eius cultu & inuocatione amplius inardesces; simul etiam perspicies, quot ex sacra institutione Almi huius Patris prodierint summi Pontifices sanctitate ac sapientiā celebres? quot Martyres, sanguine propter Christum profuso purpurati? quot Doctores scriptorum in omni genere librorum monumentis aureis insignes? quot Cardinales, Archiep: Præsules, Abbates, Religiosi ac Religiosæ variarum gentiū ac ætatum, meritis in Ecclesiam & Christianam rempublicam amplissimis illustres? Quos dum intuebère, atq; humanius recognosces, Ascetas Tuos Castro Casinenses in illā septentrionis orā nouos per Te incolas, impensius amabis, & eam quam Domino iubente, instituisti nouellam plantationem, ad maturitatem vsque perduces, illaq; gratiā ac benefica voluntate, quam nobis de Te pollicemur omnes, æternū vsque fouebis. Accipe igitur hanc PHARVM mundi decusque orbis, BENEDICTVM Patrem, Institutorem & pri-

mum



### *Epistola Dedicatoria.*

munum vitæ monasticæ in Occidente propagatorem, cuius Admirabilem vitam Tibi offerimus, eumq; apud Deum Tibi nobisq; communem patronū esse oramus, ac nostrū apud Te amoris & captæ benevolentia, vadem ac præsidem cum obsecratione quadam interponimus. Deus verò ille Opt. Max. Religiosorum mentium auctor, & amator, Te Ecclesiæ suæ nutricium, Reipublicæ senatorem, Religiosorum fautorem, virtutum ac litterarum cultorem, ita suis Benedictionum Gratijs benignissimè auctum velit, ut inter mortales atq; Diuos, ipse Tu, Lectissimaque Heroïna coniux Tua, pietatis Tuæ æmula & Pincensis Dominicanorum Canobij liberalis fundatrix, & cara pignora vestra, familiæ vestræ decora & columnina, beati vivere, gloriosiusque lætari possitis. Dabam in Tinecensi Monast. Anno 1669. V. Kal. Septemb.



### F A C U L T A S.

Permitto editionem huius libri cui titulus est, PHARVS BENEDICTINA &c.  
Anno Dñi 1669. Apr: 12.

HYACINTHVS LIBERIVS  
S. T. D. Præpositus C. R.  
Librorum Censor.





PRIVILEGIA QVINQVE  
S. P. BENEDICTO

1

CHRISTO DOMINO,  
VIVÆ VOCIS ORACVLO  
CONCESSA.

1. **Q**uod Ordo suus videlicet, vsque ad mundi finem stabit.
2. Quod in eius fine pro Ecclesiâ Romanâ stabit fidelissimè, & plurimos in fide confortabit.
3. Quod nullus in eo morietur, nisi in statu salutis: & si malè incipiet vivere, & non desistet, vel confundetur, vel ab Ordine ejicietur, vel per se egredietur.
4. Quod omnis qui Ordinem suum persequetur, nisi resipiscat, vita sibi abbreviabitur, vel malâ morte morietur.
5. Quod omnes qui Ordinem suum diligent, bonum finem habebunt.

*Refert hoc Oraculum Prudentius Sandoallus. Arnoldus Wion. Carolus Stengelius. Cornelius à lapide. Benedictus Hefteus & alij.*

PHA-





PHARVS BENEDICTINÆ,  
TRACTATVS PRIMVS.

IN QVO

VITA S.P.N. BENEDICTI  
SOLVTA ET LIGATA ORATIONE  
DESCRIPTA, CONTINETVR.

LECTORI

Beneuolo S.

**E**X innumeris, quæ à morte S. P. N. BENEDICTI contigerunt, Miraculis, unicum tantum recitat S. Gregorius Papa, quo diuina placuit bonitati, serui sui merita honorare. Caterum, ab alijs pariter magni nominis Scriptoribus, Miraculorum, quæ DEVS omnipotens interuenienti- bus Almi Patris & Patriarchæ nostri meritù & precibus, prodigiosè operari dignatus est, ingens copia recensetur. quorum vim penè immensam, in hoc præliminari alloquio lubet vel obiter attingere, ut Lectoris animus amplius erudiatur, & ad venerationem tanti Patris efficacius per- moueatur. Fuit verò per insigne illud, quod circumlati hyberno tempe- re ( in Processione ut vocant ) eius Reliquijs, spectante ingenti Procerum, Cleri, populique frequentia, se prodidit; quippe quaqua uersum incedere- tur, arbores pomifera aquæ agrestesque, sed & spineta quæuis atque arbu-



### Ad Lectorem prefatio.

*Ita, in oculis illicò omnium in flores eruperunt. Nautis quoque spissâ deten-  
ta glacie, Cherubici Viri illatis exuuijs, soluta non solum, verum per  
milliaria sedecim, & absque dirigente ac remige inoffensa decurrit. Ce-  
rei etiam vi ventorum extincti, caelesti lumine resuscitati sunt; ut pra-  
gnans prodigiorum miraculum asseueres. Surdos, mutos, cacos, claudos,  
agros innumeros curasse inter minima fuit; inter maxima nihilominus,  
pro ipsa miraculorum multitudine, tantoque decursu saeculorum, perpe-  
tuitate censendum. Mortuis pluribus, ut viuus, sic mortuus vitam red-  
didit: morituris autem singularis à Numine Patronus designatus, in eo  
ipso, vniuerso mortaliû generi sui copiam fecit, & certò promisit, quisquis  
ipsum tam singularis suae in morte gratia, quotidie admonuisset. Demonibus,  
ut semper terribilis visus, sic terribilior multò post mortem fuit, sic ut solo  
eius nomine velut fulmine dispellerentur. Beatissimis verò cali ciuibus  
(quorum honorem praecipue per orbem propagauit) Angelis purissimis,  
eius etiam cineres, sacri & quos contactu sacrauerat cellula parietes  
venerandi fuere, ad cuius tumulum, ut & in cellâ eiusdem, festiuis ma-  
ximè diebus, diuturno miraculo, choros instituire musicos auditi sunt,  
caelestis odoris fragrantia & luce admirandâ locum implentibus. Fuisse  
quodammodo miraculorum potestate & diuersitate cunctipotentem, ex  
diuersissimis & admirandis sanè prodigijs liquet, quae in quatuor mundi  
elementa, Terram, Aquam, Aëra, Ignem, sed & in calos etiam ipsus,  
& inferos, animos insuper, & abditissimas animorum cogitationes, ma-  
nifestissimum est potuisse.*

*Terra motibus imperare se posse, non vno exemplo docuit, & ut  
eo in timore Tutelaris ipse inuocaretur, ipse etiam hortatus est. Terra  
eius etiam voluntati abdita reddidit, rosas extra tempus, ac florum copi-  
am protulit; ab alto cadentes à morte seruauit; allisa & fragilia inte-  
gra-excepit; duritiem exiit, manna protulit, praecisa & exaresacta a-  
nimauit, mortuos absque eius gratiâ è visceribus suis reiecit &c. Aqua  
in suuius repente intumuit, eademque rursus desedit, integras classes  
mersit, quos seruatos ille voluit, nunquam lesit, alios nec madefecit, &  
stabilem se praebuit; pisces pro libitu protulit, mersa è fundo resudit, ex  
arida & scopulis fluxit, &c. Aeris pestilitatem correxit, ventorum  
turbines concitauit, rursumque compefcuit, pluuias calo deduxit, seren-  
itatem reduxit, tenebras idem, idem lumen, & insolentia ista omnia,  
concessâ à Numine potestate effecit, &c. Igne alios rigide plectit, alios  
eripit*



*Ad Lectorem prefatio.*


eripit, grauissima sopit incendia, merentes è calo fulminat, seruat, curat, protegit penitentes & ad se confugientes, &c. Vt nulla posteritas sculorum, Thaumaturgum hunc nostrum dignè & satis admiretur. Fren-dente infero vniuerso, ultimâ Italia possessione ipsum deiecit, detestanda illius simulachra & lucos euerit, fraudes & dolos eius detexit, solâ alapâ è diuersis obfessorum corporibus eiecit, solo iisdem nomine horror, & cladi fuit; totas à morituris legiones dispulit, innumera animorum millia infero præripuit, calo autem vindicauit, Triumphantis Ecclesie Exercitum, multis myriadibus auxit, calites peccatoribus conciliauit, Dei ipsius iram iustissimam euicit, &c. Nihil ipsi, neque abditissimas animorum cogitationes, dum viueret, latuisse, Gregorio, an potius Diuino teste spiritu, ex vitâ liquet; nunc verò multò perfectius, suorum omniû cogitationes, & voluntates penetrare, innumerus exemplis patuit. Auxijs, dubitantibus, desperabundis, cogitata retexit, errores & desperatissima consilia correxit, menti tranquillitatem reddidit, maiorem gaudio inexplicabili permutauit, occultissima animorum vulnera persanauit, aduersum monachos parata seu meditata prodigiosè auertit, & rigidè punijt, ad penitentiam etiam obstinatos sapè permouit, inimicos Monachis solo cuculli sui contactu amicissimos reddidit; efferatissimos barbarorum animos solo intuitu flexit; alias diuersissimis temporibus, integros exercitus & legiones obtriuuit & compescuit; Reges, alios Regnis auxit & beauit, alios expulit & oppressit, vt meritò singularem militia tutelarem & Præsidem, celeberrimi olim Imperatores, Orientis quidem Alexius Comnenus, Calo-Ioannes, alijque; Occidentis Magnus Carolus, Ludouicus Pius, Lotharius primus & secundus, Henricus secundus & tertius, Ortho tertius, &c. Reges potentissimi, Pipinus è Carolingis primus Galliarum Rex, Hugo Capetus, Robertus Pius, &c. Archistrategi triumphatorumque hostium gloriâ immortales bello præcipui Duces, Robertus Guiscardus, Gonsalvus Magnus alijque plurimi venerati sunt, & nunc etiam, quibus stupenda eiusmodi, non superioribus solum & præscis sæculis, sed & proximâ etiam ætate profligatorum à BENEDICTO exercituum exempla audire contigit, suæ militia & gloriæ Tutelarem, cultu præcipuo venerentur.

Eius insuper merita omnia omninò esse, quæ ab ipsomet non solum, sed sui instituti posteris omnibus facta sunt, quæque innumerabilia prorsus, etiam silens orbis depradicaui vniuersus, & reuelatione celesti didicit



### *Ad Lectorem Praefatio.*

didicit Sancta Gertrudis nostra: ut meritò, non tantum tot centenorum millium sacrâ generatione filiorum verè admirabilis Pater, sed tot, sine numero meritorum copia quasi immensa, Gratiarum Oceanus aliquis depradicetur. Nec hoc pratermittendum, quod ad gloriam Sancti Patris Nostri singulare: tres nimirum Christi vicarios, eosdemque omnes rarâ vita sanctitate conspicuos, Vitam atque adeo res à S. P. N. gestas, dignissimis Panegyricis celebraſſe: Sanctum videlicet & Magnum Ecclesia Doctorem Gregorium Primum; Sanctum Zachariam, qui Græco sermone Orienti communicavit; & Sanctum Victorem Tertium, qui [Baronio & Petro Diaconotestibus] miræ eius, librû omnino quatuor complexus est. Sed nos missis interim aliorum pro Sanctissimo Patriarcha nostro studijs & lucubrationibus, solius Gregorij Magni librum II. Dialogorum de vita & miraculis S. P. Benedicti Tibi Lector humanissime legendum & contemplandum offerimus, ex quo quantum utilitatis & delectationis accepturus sis, sequens Introductio patenter demonstrabit,



INTRO.





# INTRODVCTIO IN VITAM S. BENEDICTI ABBATIS.



I velut eximium quid, in laudibus Diui Ioannis præcursoris Domini, quo inter natos mulierum non surrexit maior, reponitur; quòd Saluator noster, Dei sapientia & summa veritas, seruo suo panegyricum dixerit, amplissimisque extulerit præconijs, Lector humanissime: ad Sanctissimi P. N. BENEDICTI commendationem quoque spectare non iniuriâ dixerim, quòd illius Vita, non abs vulgari quopiam scriptore, sed à Summo Christi interris Vicario, eodemque Gregorio Magno, sit litteris consignata.

Alexander Magnus Achillem fortunatum exclamavit, qui præconem Hòmerum reperisset; Auctor Flavius Vopiscus in Probo. Idemque Rex, ut ait Horatius Epistolarum lib. i. Epist. i.

*Edicto vetuit, ne quis se, præter Apellem.*

*Pingeret, aut alius Lysippo, duceret ara.*

*Fortis Alexandri vultum simulantis.*

Quidni beatum etiam dixerim Patriarcham nostrum, qui virtutum suarum nactus est præconem Gregorium, maximum Ecclesiæ Doctorem? Gregorium inquam, quem Isidorus Noster Hispalensis Antistes, de viris Illustribus Cap: 40. vocat compunctione timoris Dei plenum, & humilitate summum, tantoq; per gratiam



tiam Spiritus Sancti scientia lumine praditum, ut non modo illi praesentium temporum quisquam, sed nec in praeiis quidem par fuerit unquam.

Eundem porro Ildephonsus Toletanus, de viris Illustribus Cap: 1. non est veritus sublimiori elogio exornare; praedictis enim Isidori verbis subiungit: Ita enim cunctorum meritorum claruit perfectione sublimis, ut exclusis omnium illustrium virorum comparationibus, nihil illi simile demonstret antiquitas: vicit enim sanctitate Antonium, eloquentiam Cyprianum, sapientiam Augustinum. Haec Ildephonsus. Quae si videri possint hyperbolicè dicta (ait Baronius Anno Christi 604.) quod ex his possis consequi, illud est, quod eam aestimatione ad posteros fama de sanctitate & doctrinâ Gregorij propagata est, ut maxima quæq; Gregorium diligentibus visa sint ipso minora Gregorio. Quem & Rupertus Tuitensis lib: 4. in Regulam S. BENEDICTI Cap: 7. huiusmodi decoravit elogio: *Beatus Gregorius de notissimis Patrum nostrorum, est Sedis Apostolica lampas splendida, & pro merito sermonis egregij Sancta Vniuersalis Ecclesia columna argentea, & reclinatorium aureum, in quo sine dubio reclinavit se ipsa Sapientia. Hic dixit & scripsit, quia B. BENEDICTVS omnium iustorum spiritu plenus fuit. Laudibus proinde S. BENEDICTI maximum à Scriptore maximo pondus accedit, quod ab ijs, qui res eius sunt prosecuti, maximi semper habitum. Martyrologium Romanum: In monte Casino natalis S. BENEDICTI ABBATIS, qui Monachorum disciplinam in Oriente panè collapsam restituit, ac mirificè propagauit: cuius vitam virtutibus & miraculis gloriosam Beatus Gregorius Papa conscripsit. Paulus Diaconus in historiâ Longobardorum: Beatissimus BENEDICTVS magnis vita meritis & Apostolicis virtutibus effulsit: cuius vitam, sicut notum est, B. Papa Gregorius in suis Dialogis suauis sermone composuit. Et Aldelmus Schireburgensis Episcopus in lib: de laude Sanctorum, de S. BENEDICTO agens hæc habet.*

*Primo qui statuit nostra certamina vite,  
Qualiter optatam teneant Canobia normam,  
Quoque modo properet directo tramite Sanctus  
Ad superum scandens calorculmina cultor,  
Cuius praclaram pandens ab origine vitam,  
Gregorius Praesul chartis descripserat olim.*



Goffridus Vindocinensis in serm: de S. BENEDICTO: Me-  
vito, inquit, non omnium iustorum spiritum hausisse tantum, sed omni-  
um iustorum spiritu plenus fuisse, in secundo libro Dialogorum Sancti  
Gregory laudabilis vita Doctoris, qui venerabilem illius vitam scripsit,  
pradicatur. Sed amplissimè hinc S. BENEDICTVM celebran-  
dum putavit S. Odo Cluniacensium Propatriarcha, quem suis  
verbis loquentem attende, Serm: de S. BENEDICTO. Quo-  
niam verò, inquit, sancta atq; admiranda BENEDICTI gesta in-  
promptu habentur, nos interim taceamus de illis. Hoc tamen ad ipsius  
honorificentiam referamus, quod non alius quilibet ex Magistris Ecclesia  
vitam tanti Patris digessit, quàm insignis ille disertissimus Papa Grego-  
rius, qui totum quod scripsit, quasi aurum resulget. Divinitus enim  
dispositum est, ut cum idem excellentissimus Legislator in cateris modis  
sit à DEO decoratus, etiam hinc maiori auctoritate, tam ipse quam  
legislatio eius roboretur: quod eandem vitam summus Apostolica Se-  
dis Pontifex ordinavit. Qua scilicet vita, etiam ex occasione Dialogi  
eius, pluribus innotesceret: & non solum apud Latinos, sed etiam apud  
Græcos notissima foret. Hæc ille. Eodem sensu S. Odilo in vitâ  
S. Maioli: Beatissimus Pater merito BENEDICTVS & nomine,  
quasi quoddam sydus caeleste praeclarus enituit. Qui tantus ac talis, vi-  
tâ, moribus, & miraculis extitit, ut eius ortum, vitam & obitum de-  
scribendo Sanctissimus Papa Gregorius, per omnia Vir Apostolicus, &  
Apostolica Sedis Episcopus, testimonium ei præberet, qui inter princi-  
pales Primates Ecclesia insigni quoddam & principale privilegium, & vi-  
ta & doctrina dignoscitur obtinere. Similiter Aimoinus Floriacen-  
sis Cænobita, Serm: de S. BENEDICTO: Superna dignatio Maie-  
statis electos suos caelestibus munerans donis, in terris quoq; eximijs lau-  
dum ditat præconijs. Qua per servos suos, summa scilicet eloquentia  
viros, dilatans in populis, quam magni apud se sint meriti, facundis e-  
lucidari præstat scriptis. Vnde egregij meriti famulum Benedictum,  
tanto præceteris Sancta Ecclesia Patribus donavit privilegio, ut eius vi-  
ta laudes, non quilibet scholasticorum, verum præcipuus Doctorum Gre-  
gorius, sancta Sedis Apostolicus, mellitis dilatarit eloquijs. Et multo-  
rum quidem Sanctorum duo aut tria defloravit miracula: huius autem  
qualis ab ineunte ætate fuerit vita, quamque mirandum habuerit tran-  
situm, dulcissimâ promulgavit facundiâ. Idemque lib: 2. de gestis



Introducō in vitam,

4  
Francorum Cap: 22. Tantis, (Benedictus) effulsit miraculorum signis, ut nisi vir toto, venerabilis orbe, Papa videlicet Gregorius, eius esset vita relator, simulq; assertor eximius, profecto ab infidelibus tam mirandis derogaretur actibus. Robertus Antissiodorensis ex Ordine Præmonstratensi in chronico ad annum 538. Huius (Benedicti) vitam Sanctus Papa Gregorius scripsit virtutibus plenam, & miraculis coruscantem, quam ab ijs didicit & audiuit, qui faciem illius viderunt, & ei in præsentī peregrinatione comites fuerunt: Quam etiam vitam & Regulam idem Dominus Apostolicus auctoritate roboravit & stylo. Wernerus Roleuink Carthusianus in fasciculo temporum, Anno Christi 504. Legislator excellentissimus BENEDICTVS, Pater maximus, totius Ecclesiæ fulcimentum & norma Religionis, inelytissimos habuit discipulos, & plures numero, & obtinuit orbem terrarum &c. ad cuius honorificentiam hoc etiam accessit, quod non alius quilibet ex Magistris Ecclesiæ, vitam illius digessit, quam insignis ille disertissimus Papa Gregorius; qui totum quod fecit, quasi aurum fulget: diuinitus enim dispositum est, ut cum idem legislator excellentissimus in cæteris modis sit à Deo decoratus, etiam hinc maiori auctoritate, tam ipse, quam Legislatio eius roboretur: quod eandem vitam summus Apostolicæ sedis pontifex ordinauit. Sic ille.

Verum, ut præstantissimorum artificum si quæ remanserint imperfecta opera alij minoris ingenij perficere ac ne attingere quidem audent, operum præstantiâ deterritis quodd nimirum ea adæquare se posse desperent: ita religio quædam inuasit non ignobiles scriptores, qui maiestate & sanctitate Gregorij præstricti, summâ quadam erga sanctissimum Pontificem reuerentiâ abstinentium putauerunt ab ulteriori gestorum & miraculorum Sancti BENEDICTI narratione, illud sibi persuadentes ad Gregorij scriptionem aliquid addidisse, idem esse ac decerpisse. Ita citatus paulò ante Aimoinus: De ferro (inquit) quod ex profundo aqua redijt, nobis ticendum, ut summo Præsuli Gregorio congruus honor exhibeatur, qui hunc Beatissimum Patrem Nostrum Benedictum in hoc signo, huic sancto exæquauit Elisæo. Et pluribus interiectis: Ceterum ea quæ à Beato Gregorio descripta sunt, eius relinquimus excellentia. Hoc de nobis proculdubio profitentes, nequaquam gloriam tanti Patris, nostris laudibus eo propagari, quo eam promulgauit dulcis elo-

quen.



quentia huius Presulis. Qui videlicet Beatus Papa, uti Ioannes, maioris eius vita descriptor, testatur: Missis Anglorum genti predicatoribus, huius mansuetissimi Legislatoris institutionem, post Euangelium, precipue observandam tradidit. Eadem mente S. Petrus Damiani sacrum atque veridicum Gregoriani styli veneratus eloquium, sermonem in Sancti BENEDICTI festo ita exorditur: In huius Patris nostri precipua solennitate, totis esset viribus incumbendum, nisi nobilis lingua Gregorij totum eius itinerarium sermone magifico collegisset. Ita enim & actus eius & vitam, undantis eloquij claritate depinxit, ut & stylus sententiarum maiestate scintillet, & sententia stylo reluceant clariori. Ex abundanti igitur est, post vocem tanti viri aliquid addere, in cuius comparatione nos non solum ineloquentes, sed & mutos esse non ignoramus. sic ille.

Jam vero, quæ & quanta sit, Vitæ S. BENEDICTI Abbatis, quam Magnus Gregorius conscripsit, utilitas, vix longiori tractatione explicari posset. Nemini etenim dubium esse potest, quin utilem Reipublicæ Christianæ nauent operam, qui Sanctorum Vitas, & recte viuendi exempla, litterarum monumentis consignant. Quemadmodum enim pictores, cum imaginem ex imagine pingunt, exemplar identidem respectantes, lineamenta eius transferre conantur magno studio ad suum opificium; ita qui sese meditantur omnibus numeris virtutis absolutum reddere, velut simulacra quadam spirantia & actiuosa, Sanctorum Vitas respicere oportet, probaq; opera illorum, sua imitando facere. ita S. Basilius epist: i. ad Gregor:

Eiusdem mentis animiq; fuit, S. P. N. BENEDICTVS, qui Regulæ Cap: 42. suis quotidie non tantum Collationes sed & Vitas Patrum decreuit prælegendas. Cur autem hoc? nimirum censebat, quod & asseruit, eiusdem Regulæ Cap: 73. scilicet, Collationes Patrum, & instituta, & vitas eorum, nihil aliud esse nisi bene viuentium Monachorum exempla, & instrumenta virtutum. Sed quod ille de aliorum Sanctorum scriptâ vitâ asseruit, hoc de eiusdem & nos iure merito possumus affirmare. Etenim, ut ille etiam num viuens, dum virtutibus signisq; in solitudine succresceret, plures ad Omnipotentis Dei seruitium suo attraxit exemplo: id ipsum ab exarata vitæ eius historiâ licebit expectare. Et hoc sanè fine; à Magno Gregorio descriptam non ambiget, qui Dialogorum



suorum libris, hanc ab eo præpositam sententiam leget; *Sunt nonnulli quos ad amorem patriæ celestis plus exempla, quam prædicamenta succendunt.*

Quod cum sit verissimum, minus opus est aliorum testimonijs in re clarâ uti, cum ipsiusmet Gregorij assertio sufficiat, qui libro 2. Dialog: Cap: 2. ait voluisse DEVM omnipotentem, *BENEDICTI vitam in exemplum hominibus demonstrare, ut posita supra candelabrum lucerna claresceret, quatenus omnibus qui in domo DEI sunt, luceret.*

Cuius vita, cum tota sit moralis & informatiua, ac præsertim monasticâ doctrinâ illustrata, emolumentum magnum ex ea potest haberi, si diligentius inspicatur. ac inprimis certum est, eos qui hanc S. Patris BENEDICTI Vitam, seu absolutam quandam Monasticâ vitæ ideam, viuumque & spirans Sanctitatis exemplar secuti sunt, ad eximium perfectionis gradum peruenisse. Quo in numero Ordinis nostri minimè paucos extitisse, vix esse credo, qui dubitet. Magna fanè illa post solem nostrum sydera, Maurus & Placidus, paternæ virtutis æmuli, vestigia eius ut tempore, ita & moribus proximè sunt sectati: ut enim ex vtriusque vitâ licet colligere, quod eum facere videbant, id ipsum moribus quàm accuratissimè exprimebant.

Quod autem illi viuum intuentes prototypon in se repræsentarunt, id alij deinceps ex hac à Gregorio descriptâ historiâ imitari conati sunt. Hinc adeò factum est, ut obortis subinde controuersijs & difficultatibus, hac vnâ S. BENEDICTI Vitâ, eiusq; exemplo plures Sancti, & illustres viri se, suamq; doctrinam defenderint. Credebant nimirum minimè improbandum, quod tanti Patris firmaretur exemplo: quod quidem cum ad S. Patris nonnullam spectet gloriam, eamque quam diximus exarata eius vitæ comprobeat utilitatem, nonnullis confirmabimus exemplis.

Ex hac igitur vita B. Nilus apud Baron. anno Christi 980. docuit fas esse Dominico ieiunare die. Ex hac vita Petrus Blefensis epist: 86. Alexandro Carthusiano persuadere conatur, ne Ordinem suum, quòd quotidie in eo remissam facere non posset, deserat. Ex hac ipsâ vitâ S. Petrus Damiani opusc: 19. cap: 11.

Nico.



Nicolao Papæ comprobare nititur, licere sibi Episcopatum dimittere, quia videlicet B. Benedictus commissum non ambigitur regimen dimisisse. Sed & Gratianus causa 7. q. 1. can: *ibi adunati*. rationem eam ob quam S. Gregorius ostendit licuisse B. BENEDICTO subditos deserere, in suum referens Decretum, communem eam deinceps voluit efficere regulam. Idem Gratianus distinct: 45. can: *cum beatus*. ex eo quod S. BENEDICTVS vagum Monachum virgâ percusserit, astringit aliquando subditos verberibus posse corripi.

Angelicus porro Doctor plussculas veritates S. BENEDICTI exemplis, verbisq; ex hac vitâ desumptis, confirmat.

*Primò* enim, ut probet non esse necessarium, ut quicumque ad superiorem vult statum peruenire, à minori incipiat; & quod aliquis ab altiori gradu Sanctitatis incipiat, quàm sit summum, ad quod alius totâ vitâ peruenit: id probat ex eo, quod Gregorius dicat: *Omnes agnoscunt à quanta Benedictus puer conuersationis gratiam perfectione capisset*. D. Tho: 2. 2. q. 189. Art: 1. ad 2. Et opusc: 13. Cap: 7. Et quodlib: 5. Art: 21.

*Secundò* ex eo, quod Sanctus BENEDICTVS nutricem occultè fugiens, & Romano Monacho propositum suum aperuerit, colligit Opusc: 17. Cap: 9. deliberationem de vitâ statu non ineundam cum consanguineis & proximis.

*Tertiò* ibidem Cap: 13. ex eodem facto probat, pueros perfectionis statum posse eligere, seseque religioni deuouere: *Quis enim*, inquit, *puerum Benedictum stultitia argui patiatur, quod relictâ domo, rebusq; patris, sanctæ conuersationis habitum & desertum quaesivit*, Idipsum & alio, ibid: Cap: 3. probat argumento, ex eiusdem S. BENEDICTI vitâ: quod Romanæ Urbis Nobiles, B. BENEDICTO filios suos Omnipotenti Deo nutriendos tradiderint.

*Quartò*, idem S. Doctor 2. 2. q. 188. Art: 8. exemplo S. BENEDICTI docet absq; præcedenti exercitio solitariam vitam, ex diuinæ gratiæ inspiratione suscipi posse, quod alias esset periculosissimum.

*Quintò*, ut ostendat Religiosis non necessario incumbendum manuum operibus, id Opusc: 19. Cap: 5. S. BENEDICTI exemplo confirmat, qui tribus annis in specu mansit manibus non laborans, ut ex hoc victum quæreret.

*Sexto,*



*Sextò, ex eodem fonte ibid: Capite 7. deducit, licere Religioso valido & forti, ex fidelium eleemosynis vitam, traducere: nimirum quia BENEDICTVS tribus illis annis in specu manens, de his qua à Romano Monacho ministrabantur, refectus est, postquam domum parentis reliquerat: & tamen validus corpore existens, non legitur de labore manuum victum quassuisse. Et hactenus quidem Angelicus Doctor.*

Sanctus verò Bonaventura libro de paupertate Christi q. 1. Art. 2. & q. 2. postrema duo similiter ex S. BENEDICTI vitâ concludit; qui etiam libro de profectu Religiosorum Cap: 6. probat, Deum post tentationem consuevisse seruos suos amplius consolari, & purioris perfectionis gratiam conferre, quia B. BENEDICTVS cum grauitur tentaretur, viriliterque resisteret, ita plene vicit, ut DEI gratiâ nunquam postea motus carnalis illicebra in se sentiret.

Reginaldus S. Dominici discipulus, exemplo S. BENEDICTI instructus, fratrem qui vilem pannum sine superioris licentiâ acceperat, aliumque fugam meditantem, virgâ percutiens, vtrumque à dæmonis insidijs liberauit.

Ab hoc Sancto Patre didicit Sanctus Amatus, quod de eo scribitur: quod in obliquâ parte Vosagij Montis concanuum reperiens saxum, angustum illic sibi vni habitaculum construxerit, ibiq; lectulum habuerit corpori accommodatum; nec enim specus amplius aut longius sese porrigebat. Superius autem immanis harebat rupes, ex quâ minister eius, tintinnabulo ad funem ligato, exiguam panis particulam, & parum aqua in vasculo ei submittebat. Hoc idem quoque S. BENEDICTO Romanus præstitit monachus.

Non parum quoque utilis est hæc S. BENEDICTI vita, ad redarguendum eos, qui Catholicæ fidei contradicunt, aut Nouatoribus cedunt & credunt. Si enim Magnus Gregorius vitæ huius scriptor, fuerit, etiam ipsius Caluini (lib: 4. Instit Cap: 7. & Cap: 17. & in Epist: ad Sadol: Card:) testimonio, VIR Sanctus, & Theologiæ ipsius propugnator, quique Romæ Episcopus iure dici possit, neq; ante Gregorij ætatem Romana defecerit Ecclesia, consequens hinc fit, sana ea esse dogmata, verosque DEI ritus, qui ex eiusdem Gregorij scriptis vsu recepti fuisse pro-



probantur: ac proinde errare, qui hæc talia vt supersticiosa, & veræ Christi Ecclesiæ minùs consentanea improbant & damnant.

I. Missæ vocabulum & rem, missam faciunt hæretici. Lutherus Missam neq; esse à Deo institutam, neq; esse Sacrificium, imò neq; esse bonum opus asseruit, libro de captiuit: Babilonis. Quinimo tanto odio Missam persecutus est, vt librum aduersus illam scripserit hoc titulo *De abrogandâ Missâ*: in quo scribit, eam esse summam idololatriam & impietatem. Calvinus quoq; lib: 4. Cap: 18. Eucharisticum Sacrificium Missæ nomine appellatum, conuictijs dilaniat. Sed Missæ vocabulum & rem, in hac S. BENEDICTI vitâ à Gregorio tradi Cap: 23. videmus; & in ipsâ suâ Regulâ S. BENEDICTVS Missæ meminit Cap: 35. & 60.

II. Negat idem Calvinus, cum Wicleffo, Carolstadio, Oecolampadio, & Zuinglio, veram, realem, & substantialem pretiosissimi Corporis & Sanguinis in Eucharistiâ præsentiam: sed hic Cap: 24. refertur BENEDICTVS Dominicum corpus parentibus cuiusdam defuncti pueri tradidisse. Et Cap: 38. exitum suum Dominici Corporis & Sanguinis perceptione munivisse. Ex utroque loco intelligi verosimiliter queat, Eucharistiam tum temporis fuisse reueruatam; quod ipsum hæreticis displicet.

III. Oderunt hæretici Clericorum à laicis distinctionem, & Ministrorum in Ecclesiâ DEI varietatem. Lutherus in lib: de abrog: Missâ priuatâ parte I. *Hoc dixisse contenti sumus, Christianum populum esse simplicem, in quo prorsus nulla secta, nulla differentia personarum, nullus Clericus, nullus Laicus, nullus vinctus, nullus rarus, nullus Monachus esse debeat.* Et Calvinus lib: 4. Iuæ Instit: Cap: 4. §. 9. *Hæc, inquit, appellatio aut errore, aut certe ex prauâ affectione nata est, cum tota Ecclesia Clerus, id est, hereditas Domini à Petro dicatur.* Verum si huic Gregorij narrationi adhibeant fidem, non difficulter omnium Ordinum gradus inuenient: Cap: enim 16. & 31. occurret Clericus, Cap: 8. Subdiaconus & Diaconus. Cap: 15. Presbyter, & 16. Episcopus.

IV. Tempia in Martyrum, aut Sanctorum aliorum memoriam, Deo exædificari, sectarij nolunt, vt olim etiam Eustachius in Gangrensi Concilio damnatus: verùm hinc à B. BENEDICTO Oratoria S. Ioanni Baptistæ, & S. Martino dicata, legere est.



Sacrarum Reliquiarum venerationem, & inuocationem Sancto-  
rum, cum idololatriâ coniunctam, non semel ait Calvinus. In  
hac porro vitâ Cap: 16. narrat Gregorius Clericum per multa  
Martyrum loca transmissum, vt sanari posset. Vbi peregrina-  
tiones ad loca Sancta probari videas, quas tamen Lutherus in  
declamationibus Wittembergæ habitis, *discursus ex diabolo* nun-  
cupat. Calvin: lib: 4. Instit: Cap: 13 §. 7. *plenas manifesta im-  
pietatis* audet dicere.

V. Signi crucis productionem, passim rident hæretici: hîc  
autem Cap: 3. videre est vitreum vas cui venenum inerat, edito  
hoc salutari signo confractum. Eodem, Cap: 9. insidentem,  
lapidi dæmonem pepulit. Ieiunia & ciborum delectum impro-  
bant Nouatores; sed videas hîc Cap: 11. ab ipso DEO commen-  
dari S. BENEDICTI in ediam: Cap: 13. laudari eum qui ieiunus  
ad virum DEI annis singulis venire consueuerat. Et Cap: 16.  
sanato Clerico præscribi à S. Patre, abstinentiam à carnibus.

VI. Carpit Gebennensis Apostolus Instit: lib: 3. Cap: 20.  
§. 9. editionis Gallicæ, Breuiarij recitationem vnâ cum Diui-  
no officio, quod Canonici, ac Religiosi noctu diuq; celebrant,  
illa omnia *garrulitatis DEO pueriliter illudentis* nomine appellans.  
Sed Monasticæ psalmodiæ celebris hîc Cap: 4. mentio habetur;  
quam ab ipso S. BENEDICTO duodecim capitibus descriptam,  
in Regulâ videre est. Ecclesiasticam Excommunicationem vt  
brutum fulmen sectarij exsibilant; & Lutherus nullatenus ti-  
mendam seu procurandam ait. Ex hac porro vitâ Cap: 23. quam  
fit, formidanda luculenter discim<sup>9</sup>. Moniales enim, quibus solùm  
interminatus erat, quod communione eas priuaret, nisi mores  
corrigerent, visæ sunt post mortem de sepulchris exire.

VII. Maximè inuehuntur sectarij in Monachalem statum &  
Religionis vota. Wicleff omnes Religiosorum Ordines à dia-  
bolo in Ecclesiam introductos sensit, & Augustinum, BENEDI-  
CTVM, Bernardum, ad inferos esse damnatos, nisi poenitentiam  
egerint. Lutherus in Epithalamio, statum Religionis nihil va-  
lere, sed ethnicum, terrenum, sæcularem, ac veluti lutum esse  
dicit. Calvinus libro 4. Instit: Cap: 13. Monasteria dicit lupa-  
naria, vota monastica retia sathanæ, Monachos omnes sophi-  
stas



stas cucullatos, qui ab Ecclesiâ dissensionem fecerint, & se totos diabolo consecrauerint. Sed videas hîc à Gregorio laudari BENEDICTVM vt Eremitam incolam, Monachorum Patrem, & Monasteriorum Fundatorem. Videas hîc sanctæ conuersationis habitum, obedientiam, paupertatem, & abstinentiam Monasticam, plerosq; Canobitarum ritus, Sandimonialium institutum viuendi, Regulam à Viro DEI scriptam, promissionem manendi in Monasterio Cap: 25. aliaque quæ in Monachis subfannant ac carpunt sectarij.

Animaduertit iam, credo, prudens Lector, quot ex vno hoc libro emolumenta proueniant? quot redarguantur hæreses? qualiter mores instruantur claustralium? quam necessaria doctrinæ ad benè beateq; viuendum, ex Vita S. Patris eruantur? vt planè, perfectam ad virtutem eundi rationem, & certam ad cælum perueniendi viam, hac sola Vita S. BENEDICTI monstrare videatur. Eam itaque, ex his rationibus, tum quod filijs Almi Patris, & fratribus meis, Ordinem eius & Regulam professis consulere, & ad pietatis incrementum auxilij quidpiam suggerere summo opere velim, imprimendâ curauit: vt eam crebrius relegendo, Monasticè viuendi rationem & ipse ediscerem, & alijs proficiendi, habitâ copiâ exemplarium vitæ eius, opportunitatem præpararem. Siquidem Romani sapientis, ad Lucil: epist: II. monitum esse noui. *Aliquis vir bonus nobis eligendus, ut sic tanquam illo spectante viuamus, & omnia tanquam illo vidente faciamus.* Sed quis in hoc genere Pædagogus eligendus? *Elige, inquit, eum, cuius tibi placuit & vita & oratio, & ipsius animum ante te ferens & vultus, illum tibi semper ostende, vel custodem, vel exemplum.* Opus est enim aliquo, ad quem mores nostri se ipsi exigant. *Nisi ad regulam praua non corriges.* Quem autem Monachi melius ante oculos habeant, quàm monachorum omnium Patriarcham, cuius vita eis & oratio placuit? Ad quem Regulares, mores suos exigant, nisi ad regulam, & Regulæ conditorem? Si enim hunc elegerint, sub cuius vexillis DEO militarent, a quo profecto est, & Ducis sui sectentur vestigia. Si scriptæ ab eo Regulæ colla submiserint, meritò & in illum respicient, qui Regulæ suæ imago, & viuum quoddam est simulacrum. Nam vt



magnus de eo scripsit Gregorius, Dial: 1. 2. C. 36. *Sanctus Vir nullo modo potuit aliter docere, quàm vixit, nec aliter viuere, quàm scripsit.* Vt eius mores in Regulâ, tanquam in speculo quodam lucidissimo, appareant; & Regulæ ipsius praxis, in ipsius Vita moribusque cognoscatur.

Quid? quod & ipsum PATRIS nomen, quo Legislatorem nostrum libentes meritoque afficimus, non venerationem dumtaxat, sed & imitationem, adeoque factorum eius considerationem iure suo exigat. *Attendite*, inquit Scriptura Isaia 51. *ad Abraham patrem vestrum, & ad Sarâm quæ peperit vos.* Et Apostolus ad Hebr: 13. 7. *Mementote Præpositorum vestrorum, qui vobis locuti sunt verbum DEI; quorum intuentes exitum conuersationis, imitamini fidem.* Nihil enim sic filiorum exstimulare debet animum, quàm domesticum sui Patris exemplum. *Tanquam enim magnes*, inquit Fran: Saccin: *dum è circulis ferreis, quasi catenam arcana rapacitate struit, ut quisq; est proximus, ita primum, ac vehementissimè rapit; sic virtutis illecebra, atq; pellacia coniunctissimum quemque maximè debet afficere, ac deuincere, ad seque deducere.* Eò sit, ut etiam vulgo fœdissimum habeatur, Maiorum non respondisse virtuti. Quippe eadem virtus & Regula posteris est, ad quam vitam dirigere suam iubentur, & quædam clara lux, quæ sicubi aberrant atque degenerent, prauitatem in obscuro esse non sinit. Huc scilicet pertinet acris illa Christi Domini ad Iudæos increpatio, Ioan: 8. 39. *Si filij Abraham estis, opera Abraham facite.* Quasi filiorum nomine censeantur indigni, qui paternas non exprimunt virtutes. Quas sanè nemo ad viuum repræsentabit melius, quam qui prototypon & crebrius in spexerit, & attentius.

Ex his porro capitibus Sancti Patris BENEDICTI vitam, non nostro sed Magni Gregorij adumbratam penicillo, typis euulgandam curauit: ut vitæ eius prælucente nobis face, ad regulæ eiusdem obseruationem, dirigerentur pedes nostri in viam salutis. Ne verò nudum dumtaxat Gregorij daremus textum, eandem Sancti Patris vitam, Anagrammatibus ornatam carmineque expressam, adiecimus: ut fessus legentis animus, istâ varietate refectus, totum percurrere legendo, non tædescat. Recte siquidem Cassiodorus epist: 36. monuit: *Nemo dubitat, homi-*



nes suâ varietate recreari: quia in continuatione rerum, magnum mentibus constat esse fastidium. Quocirca cum non æqualiter omnes ad lectionem quamque affectos & natos sciam⁹, cum alij Pœticis arguti, alij Rhetoricis floribus & scriptionibus magis oblectentur; ut vnus quisque in hac sacra Vita habeat, in quod magis legendo propendet, vtroque hic exhibetur stylo.

*Te quoque, mi Lector, pede nunc, nunc ire caballo.*

*Nunc iuuat ire rotâ, nunc iuuat ire rate.*

Si verò alicui hæc opella nostra displiceat, tum quòd ex alieno penu deprompta sit, tum quòd styli inæqualitatem referat; mihi tamen hæc ipsa typis commendandi non indigna occasio visa est, ut hoc pacto, Parentem filius, Magistrum discipulus, Ducem miles, Pastorem ouis, Prælatum subditus, Patronum, cliens, non adorarem tantum, sed & adornarem pro mea tenuitate, factis ad prælium impenis & aliquo studio in edendo collato: pro quo conatu meo, si non laudem, veniam saltem merebitur, bene de Patriarcha nostro totoque eius Ordine merendi voluntas.

## INVOCATIO.

*Assumptâ descriptione vite, Sancti BENEDICTI Abbatis, Diuinum Numen, & Nomen Diui Patris, implorat Pœta, factâ allusione tali.*

Diuus Patriarcha BENEDICTVS

A N A G R A M M A

Hic Sanctus dat purè iubar DET.

**N**auta per immensum ventis Aridentibus æquor  
 Qui ratis exiguo remige pulsus abit,  
 Ne ruat in scopulos, vel aperta pericula Syrtes,  
 Erret & ignoti per vada cæca maris

B3

Si



*Introductio in vitam Sancti Benedicti Abbatis.*

*Si qua Pharos teretis fulgens in vertice cliui*

*Aspicit aquoreis altior extet aquis;*

*Mox sua vela parans, tortos aptansq; rudentes,*

*Insequitur visum naue volante iubar.*

■ *Sic BENEDICTE tuis turgens dum laudibus aquor*

*Pieridum velis nostra carina petit,*

*Ne sulcet dubia fluctus ambage viarum,*

*Aut illisa vadis naufraga potet aquas,*

*Tuta sed ut recto contingat tramite portum,*

*Quod demonstrat iter, querit habere iubar,*

*Quarit habere iubar multo splendore coruscum,*

*Nam iubar exiguum non satis esse potest,*

*Lucida si niteant secunda sidera Leda,*

*Aut Helice lumen spargat in Orbe suum;*

*Non satis illa regent rutilo fulgore carinam,*

*Qua BENEDICTE tuum per mare tentat iter,*

*Splendidus Solis, Luna fulgentius astro,*

*Quod iubar est, summi debet adesse Dei.*

*Hoc iubar,, Aonijs nauem qua remigat alis,*

*In portus placidum promouet usq; locum.*

*Sed iubar hoc quisnam faciet fulgere Tonantis,*

*Vel quonam venient hæ præcunte faces?*

*Purpureis euecta rotis Tithonia coniux*

*Præuia temoni Solis adunat equos.*

*Qui præit, atq; Dei iubar hoc exurgere mandat,*

*Lucifer in terris es BENEDICTE Pater,*

*Sicq; Dei rutilo iubar hoc demittis ab axe,*

*Ut purè Omnigena sit sine labe nitens.*

*Non tegitur tenebris, pluuio nec conditur imbre;*

*Sed purè radians detinet usque decus.*

*Hoc iubar ergo, Pater, cum te tribuente coruscet,*

*Fac veluti nostra sit Cynosura rati,*



S. GREGORII MAGNI  
 PAPÆ PRIMĪ  
 DIALOGORVM LIBER II.  
 DE VITA ET MIRACVLIS  
 S. BENEDICTI,  
 PRÆFATIO.

**B**VIT vir vitæ venerabilis, gratiâ BENEDICTVS  
 & nomine, ab ipso suæ pueritiæ tempore cor gerens  
 senile. Ætatem quippe moribus transiens, nulli vo-  
 luptati animum dedit. Sed dum in hac terra adhuc  
 esset, quo temporaliter liberè vti potuisset, de-  
 spexit iam quasi aridum mundum cum flore. Qui liberiori  
 genere ex provincia Nursiæ *a* exortus, *b* Romæ liberalibus studi-  
 js traditus fuerat. Sed cum in eis multos ire per abrupta vitiorum  
 cerneret, eum, quem quasi in ingressu mundi posuerat, retraxit  
*c* pedem: ne, si quid de scientiâ eius attingeret, ipse quoque in-  
 immane præcipitium totus iret. Despectis itaque literarum stu-  
 dijs, relicta domo rebusque patris, soli Deo placere desiderans,  
 sanctæ conuersationis habitum quæsiuit. Recessit igitur scien-  
 ter nesciens, & sapienter indoctus. Huius ego omnia gesta non  
 didici: sed pauca, quæ narro, quatuor discipulis illius referenti-  
 bus, agnoui: CONSTANTINO scilicet, reuerendissimo valde viro,  
 qui ei in Monasterij regimine successit: VALENTINIANO quoque,  
 qui



qui annis multis Lateranensi Monasterio præfuit: SIMPLICIO,  
qui congregationem illius post eum tertius rexit: HONORATO et-  
iam, qui nunc adhuc cellæ eius, in qua prius conuersatus fuerat,  
præst.

EIVSDEM SANCTISSIMI  
AC DEO ACCEPTESSIMI  
MONACHORVM PATRIARCHÆ,  
DIVI BENEDICTI,  
VITA ET MIRACVLA  
ANAGRAMMATIBVS ET METRO  
Comprehensa.

Nascitur Diuus Patriarcha BENEDICTVS

ANAGRAMMA.

\* Nursia hunc parit, & ab arce ducit fidus.

**O**mnia Cimmerijs quàm sint hic plena tenebris,  
Quamq; sub humano nox cubet atra sinu,  
Mellifluus Doctor Bernardus id edocet ore,  
a Cantica dum Sponsa mystica verba refert.  
2 Serm: Totus, ait, densa tegitur caligine mundus,  
71. Totus & in tenebris noctis imago iacet,  
Omnia nam videat si quisquam crimina Mundi,  
Hunc bene conspiciet lucis habere nihil.  
Liuor edax, odiumq; furens, & fada voluptas,  
Cæca libido, vorax crapula, spurca Venus,  
Ambitiôq; nocens, tumidaq; elatio mentis,  
Insidia, fraudes, furta, rapina, doli,

Quid



Quid nisi sunt tenebrae, quibus hic obuoluitur Orbis?  
 Nox quibus & medio cernitur esse die?  
 Antè tamen CHRISTVS veniens quàm Solis ad instar  
 Virtutum radijs lumina multa daret;  
 Flagitij grauior terras caligo premebat,  
 Mundus præ tenebris Oedipus alter erat.  
 Ille foret quamuis visu præstantior Argo,  
 Attamen in tanto lumine cæcus erat.  
 Cæcus erat, CHRISTI quia verâ luce carebat:  
 Lux ea nam lucis nomina sola gerit.  
 Ast ubi Virgineâ CHRISTVS demissus ab aluo,  
 Sol velut exorians fulsit in Orbe nouus;  
 Tunc scelerum nebulas, Mundi tenebrasq; fugauit:  
 Non tamen expulsis omnibus aura fuit.  
 Omnibus ipsa quidem tenebris lux orta nitebat,  
 Sed tenebrae lucis non tenuere iubar.  
 Hinc Deus ad proprij solaris lumina Nati  
 Addidit exiguae sidera multa facis,  
 Quae vario mundi sub climate nata fuerunt:  
 Talia pars Orbis qualibet astra dedit.  
 Ardua sic res est vitiorum tergere nubes,  
 Cuiusuis tenebras & minuisse mali.  
 Qualibet at quamuis dederit pars sidera Mundi,  
 Sidera diuina quævis facis ardor erat,  
 Vrbs tamen Hesperiae non infima Nursia terra,  
 Fulgidius celsâ sidus ab arce dedit.  
 Sidus ab arce dedit BENEDICTVM, cuius origo  
 Stemmâque ab illustri nobilitate venit.  
 Sidus ab arce dedit virtutis, lumine cuius  
 Clarius haud spargunt astra minora iubar.  
 Parrhasis Vrba velut, v'l clara Lycaonis Arctos,  
 Hoc sidus tenebras iussit abire procul.  
 Cuncta repurgato nequijt s; nubila Mundo  
 Pellere, quod CHRISTI non potuere facies;  
 Sic tamen effudit BENEDICTVS lumina terris,  
 Clarior vt fuerit, quàm foret antè dies.



6 Diuus BENEDICTVS iuuenis studet Romæ.

CANAGRAMMA

Benè rectus viuit DEO vnà Musis deditus.

**I**Am decus in primo BENEDICTI flore iuuenta  
 Hebe lacteolis fecerat esse genis  
 Illius ut nitidum radiabant sidus ocelli,  
 Dignus & illius Principe vultus erat.  
 Pulchrior at pulchro veniens in corpore virtus,  
 Splendidius mentis fecerat esse decus.  
 Nam formam niuei BENEDICTVS corporis augens,  
 Moribus Angelicis condecoratus erat.  
 Tantæque matura grauitatis signa gerebat,  
 Ut foret hic iuuenis corpore, mente senex.  
 Non illum Paphia recreabant munera Diua,  
 Quæ iuuenes animos exhilarare solent:  
 Non iuga Taigeti, neq; cursu Manala lustrans,  
 Tendebat timidus subdola lina feris.  
 Altior his animo voluens sed seria nugis,  
 Aonia cultor sedulus artis erat.  
 Hinc magis à patriâ posset tellure remotus  
 Iugiter ut sacris inuigilare choris,  
 Totius Ausoniam mundi caput iuit ad urbem,  
 Quæ fuit & quondam Palladis ampla domus.  
 Hæc ubi Pieriâ viuit BENEDICTVS in arce,  
 Exsuperat socios sedulitate suos,  
 Artibus ingenuis cultum iungitq; Tonantis  
 Virtuti studium damna nec vlla parit.  
 Sicq; DEO rectus iuuenis benè viuit, & vnà  
 Deditus est Musis, deditus estq; libris.

Diuus



•Diuus BENEDICTVS Romam deserit.

ANAGRAMMA.

Sit amor DEI iustum deducens Urbè.

**N** vrsus ut Iuuenis bene Musis deditus extat,  
 A studijs socios degenerare stupet:  
 Miratur vitij spatiosum currere callem,  
 Castalides monstrant quèis pietatis iter.  
 Hic etenim clypeos mutans, & tela Minerua,  
 Idalio mollis sub Duce miles erat.  
 Ille frequentarat Phabi dum manè Palastram,  
 Quod reliquum superest, tempus agebat iners.  
 Deterior seruans studiosi nomina tantum,  
 Lusibus & choreis deditus alter erat.  
 Cetera quid memorem? Quidquid vesana cupido,  
 Cecus & in Iuenum pectore mandat amor;  
 Nil Numen veriti, leges, aut verba Magistri,  
 Audebant faciles in genus omne mali.  
 De vitijs certamen erat; palmam ille tenebat,  
 Cui minimum sancti cura pudoris erat.  
 Hac videt, & mæsto BENEDICTVS pectore seruans,  
 Sapius ad socios verba monentis habet.  
 Sed quos à vitijs nequeunt renocare Magistri,  
 Consocij possunt eripuisse minus.  
 Quid reliquum BENEDICTVS aget? benedictus habetur,  
 Admixtus prauis num maledictus erit?  
 Vt mala vicina ladunt contagia pestis,  
 Crimina prauorum sic nocuisse solent.  
 Quisue picem tangit, qui non fadatur ab ipsa?  
 Stupaque vicino nunquid ab igne flagrat?  
 O quantum generant consortia praua pericli!  
 Quam sæpè hinc Iuenum certa ruina fuit!



## Vita S. Benedicti Abbatis,

Appetit ingenuos qui non corrumpere mores,  
 Hi procul à socijs debet abesse malis.  
 Non fugienda magis dama sunt ora Leonis,  
 Quam pravi facies est fugienda bono.  
 Ergone quas tanto coluit BENEDICTVS amore,  
 Deseret Aonius exul ab vrbe Deas?  
 Ergone Pegasei latices è fonte caballi  
 Spernet, ut in luteo flumine potet aquas?  
 Inscius atais virides an transiget annos,  
 Ignarusque seris assimilandus erit?  
 Vtpotè vix hominis censetur nomine dignus,  
 Cuius mens studijs non bene culta fuit.  
 Quid faciet? Latij mox linquere tecta Quirini  
 Pravorum vitijs vita pudenda iubet.  
 Castalidum sed amor mandat remanere sororum,  
 Urbis & egressum Phabus Apollo vetat.  
 Linquere Musarum tales sed CHRISTVS alumnos  
 Imperat, ac odio mandat habere scelus.  
 Hos voluens dubios BENEDICTVS pectore motus  
 Hareret: at hunc dubium non mora longa tenet.  
 Iustum Diuus amor Romana educit ab vrbe,  
 Et solùm obscuros cogit adire specus.

## C A P V T I.

## De capisterij fracti reparatione.



Ic itaque cum iam, relictis litterarum studijs, pe-  
 tere deserta decreuisset, nutrix, quæ hunc arctius a-  
 mabat, sola secuta est. Cumque ad locum venisset,  
 qui dicitur Enfide: multisque honestioribus viris  
 pro charitate se illic detinentibus, in beati Petri  
 Ecclesia demorarentur, prædicta nutrix illius ad purgandum,  
 criticum à vicinis mulieribus præstari sibi capisterium petijt: quod  
 super



super mensam incautè derelictum, casu accidente fractum est, sic vt in duabus partibus inueniretur diuisum. Quod mox rediens nutrix illius vt ita inuenit, vehementissime flere cœpit: quia vas quod prœstitum acceperat, fractum videbat. BENEDICTVS autem religiosus & pius puer, cùm nutricem suam flere conspiceret, eius dolori compassus, ablatis secum vtrisque fracti capisterij partibus, sese cum lachrymis in orationem dedit: qui ab oratione surgens, ita iuxta se vas sanum reperit, vt in eo inueniri fracturæ nulla vestigia potuissent; moxque nutricem suam blandè consolatus, ei sanum capisterium reddidit, quod fractum tulerat. *a* Quæ res in eodem loco à cunctis est agnita, atque in tanta admiratione habita, vt hoc ipsum capisterium eius loci incolæ, in Ecclesiæ ingressu suspenderent: quatenus præsentes & secuturi omnes agnoscerent, à quanta BENEDICTVS puer conuersationis gratiam perfectione cœpisset: quod annis multis illic ante omnium oculos fuit, & vsque ad hæc Longobardorum tempora super fores Ecclesiæ pependit. Sed BENEDICTVS plus appetens mala mundi perpeti, quam laudes, & pro DEO laboribus fatigari, quam vitæ huius fauore extolli: nutricem suam occulte fugiens, deserti loci secessum petiit, cui Sublacus vocabulum est: qui ab Romana vrbe quadraginta fere millibus distans, frigidas atque perspicuas emanat aquas. Quæ illic videlicet aquarum abundantia in extenso prius lacu colligitur, ad extremum verò in amnem deriuatur. Quò dum fugiens pergeret, monachus quidam, Romanus nomine, hunc euntem reperit; quo tenderet requisivit. Cuius cum desiderium cognouisset, & secretum tenuit, & adiutorium impendit, eique sanctæ conuersationis habitum *b* tradidit, & in quantum licuit, ministravit. Vir autem Dei ad eundem locum perueniens, in arctissimum specum se tradidit, & tribus annis, excepto Romano Monacho, omnibus hominibus ibi incognitus mansit. Qui videlicet Romanus non longè in Monasterio sub Theodari Patris regula degebat: Sed piè eiusdem Patris sui oculis furabatur horas, & quem sibi ad manducandum surripere poterat, diebus certis BENEDICTO panem ferebat. Ad eundem verò specum à Romani cella iter non erat, quia excelsa



desuper rupes eminebat: sed ex eadem rupe in longissimo fune ligatum Romanus deponere panem consueverat; in qua etiam resti paruum tintinnabulum inseruit, ut ad eius sonum Vir Dei cognosceret, quando sibi Romanus panem praeberet, quem exiens acciperet. Sed Antiquus hostis unius charitati invidens, alterius refectiois; cum quadam die submitti panem conspiceret, iactavit lapidem, & tintinnabulum fregit. Romanus tamen modis congruentibus ministrare non desijt. Cum verò iam Deus omnipotens & Romanum vellet à labore quiescere, & Benedicti Vitam in exemplum hominibus demonstrare, ut posita supra candelabrum lucerna claresceret, quatenus, omnibus, qui in domo Dei sunt luceret: cuidam Presbytero longius manenti, qui refectioem sibi in Paschali festiuitate parauerat, per visum Dominus apparere dignatus est dicens. Tu tibi delicias praeparas, & seruus meus illo in loco fame cruciatur. Qui protinus surrexit, atq; in ipsa solemnitate Paschali cum alimentis, quae sibi parauerat, ad locum tetendit, & virum Dei per abrupta montium, per concaua vallium, per defossa terrarum, quasi inuit, cum que latere in specu reperit. Cumque oratione facta, benedicentes Dominum omnipotentem consedisent, post dulcia vitae colloquia is, qui aduenerat, Presbyter dixit: Surge, sumamus cibum, quia hodie Pascha est. Cui Vir Dei respondit, dicens: Scio, quia Pascha est, quia hodie videre te merui. Longè quippe ab hominibus positus, quia die eodem Paschalis sollemnitas esset, ignorabat. Venerabilis autem Presbyter rursus asseruit, dicens: Veraciter hodie resurrectionis Dominicæ Paschalis dies est, abstinere tibi minimè congruit: quia & ego ad hoc missus sum, ut omnipotentis dona Dei pariter sumamus. Benedicentes igitur Dominum sumpserunt cibum. Expleta itaque refectioe & colloquio, ad Ecclesiam suam Presbyter recessit. Eodem quoque tempore hunc in specu latitantem etiam pastores inuenerunt: quem dum vestitum pellibus inter fruteta cernerent, aliquam bestiam esse crediderunt; sed cognoscentes Dei famulum, eorum multi ad pietatis gratiam à bestiali mente mutati sunt. Nomen itaque eius per vicinaloca innotuit cunctis, factumque est, ut ex illo iam tempore à multis frequen-

cari



cari coepisset, qui cum ei cibum afferrent corporis, ab eius ore  
in suo pectore alimenta referebant vitæ.

“ DIUUS BENEDICTVS vas fractum restituit.

ANAGRAMMA.

Diues ac debitus manet virtutis fructus.

**F** *Vgerat Ausonij BENEDICTVS tecta Quirini,  
Et celer in patulis iam properabat agris;  
Audijt ut proprio quem fouerat ubere Nutrix,  
Romanos inuenem deseruisse lares,  
Protinus egrediens spatiosa manibus urbis;  
Quam puer accepit, suscipit illa viam.  
Ut reor, huic dederat celeris amor anxius alas;  
Ille nec à portis tam procul urbis erat.  
Tunc Nutrix lacrymis oculos suffusa nitentes,  
Talia marenti pectore verba dedit:  
O BENEDICTE, mei verè optima portio cordis,  
Et mihi præ cunctis semper amate puer!  
Cur fugis? aut cur te nostris amplexibus arces?  
Quem tibi proponis solus adire locum?  
Solus abis, lateriq; tuo comes omnis abeset,  
Me tibi maternus nî sociasset amor.  
Nam tibi si proprio dederim non sanguine vitam,  
Propter quod merear matris honore frui;  
Nostra tamen teneris sugens puer ubera labris,  
Es solitus matrem me vocitare tuam.  
Inde tui parili mea mens feruescit amore,  
Quo materna coquit viscera prolis amor.  
Si tua nunc igitur merito sum nomine mater,  
Non secus ac matri, tu mihi pande fugam  
Dic mihi, cur fugias? vel quid fugiendo requiras?  
Vel tibi cur alio climate vita placet?*

Ano



## Vita S. Eenediæli Abbatis.

An locus est toto, Româ, præstantior Orbe?  
 Hanc Mundi memorant totius esse caput.  
 Si sedes variare cupis, Latiôsq; penates,  
 Delectâtque novos incoluisse lares;  
 Littera scripta prius debet monuisse parentes,  
 Ac illis animi pandere sensa tui.  
 Quid dicent, ubi te sacras Heliconis alumnas  
 Accipient montis deseruisse Deas?  
 Quis precor, illorum penetrabit viscera mæror,  
 Si semel a Latîâ sugeris vrbe procul?  
 Tota tuis etenim domus inclinata recumbit  
 Artubus, illustri stemmate clara domus.  
 Cur igitur linguis, natalibus edite magnis,  
 Quod venit ex tanta nobilitate genus?  
 Flecte viam, mecumq; redi festinus ad urbem,  
 Multo post reditus tempore turpis erit.  
 Vel tua si stabili perslet sententia menti,  
 Qua saltem fuerit, dic mihi, causa fuga.  
 Talibus in lacrymas Nutrix resoluta studebat  
 Planctibus a cæptis hunc reuocare vijs.  
 At Diuo Iuuenis flagrans BENEDICTVS amore,  
 Nutrici similes reddidit ore sonos:  
 Quid cursu sequeris fugientem præpete Nutrix?  
 Vel mihi susceptum quid remoraris iter  
 Quid remoraris iter fugientis retia mundi?  
 Prò nimium multis retiâ plena dolis!  
 Deberes potius nostris talaria plantis  
 Addere, quàm gressus sistere velle meos.  
 Insidias nescis, nescisque pericula mundi,  
 Illius & quanto gaudia felle madent.  
 Dulcia promittens nam mundus. amara propinat,  
 Mellèq; sub blando dira venena tegit.  
 Non tantum nocuit cunctis Medæa venenis,  
 Nec tantam genuit saua Megera lumen;  
 Idalius quantam toto puer efflat in Orbe,  
 Qualia vel spargit saua aconita Venus.



Nullus in Orbe locus fudo nun <sup>erstat:</sup>  
 Quilibet infectus cernitur e <sup>ialis.</sup>  
 Ipsaque Musarum studijs sacrata Palastra  
 Flagitij pestem praterisse nequit.  
 Nam quamuis fuerit virtus germana Camænis.  
 Attamen Aonijs exulat illa locis.  
 Crede mihi, feruens iuuenum præcordia sanguis  
 Qui mouet, in quoduis hos facit ire scelus.  
 His ego coniunctus, simili nè crimine mores  
 Inficiam, Clarij desero tecta chori.  
 Omnibus est socijs mihi virtus carior una,  
 Numinis atque magis me mouet vnus amor.  
 Cælicus vrget amor totum me dedere CHRISTO.  
 An duce ego possem nobiliore frui?  
 O quanta est Domino tali seruire voluptas!  
 O quàm leta fluit vita sacrata DEO!  
 Plura locuturum Nutrix sermone resumpto  
 Impediens lacrymis, talia verba dedit:  
 Ergo cauernosos fugiens BENEDICTE recessus,  
 Sylvarumq; citis cursibus antra petis?  
 Tunc puer, tenero cui vernat in ore iuuenta,  
 Et vestit roseas mollior aura genas?  
 Tunc, cui nullis est apta laboribus atas,  
 Syluanas poteris sic habitare domos?  
 Ah nescis, BENEDICTE, quibus sit subdita panis,  
 Quam cupis agresti ducere vita loco.  
 Non ea debilibus puerorum vita lacertis  
 Conuenit; est forti vix subeunda viro.  
 Quilibet est istis non miles idoneus armis;  
 Athletas tantum talia bella decent.  
 Has ubi nutricis BENEDICTVS ab ore querelas,  
 Audijt, accelerat quam cupit ire viam.  
 Haud illi reddenda putat responsa loquenti:  
 Nouerat hac tantum verba senilis anis.  
 Ipsa tamen Nutrix pueri vestigia seruans,  
 Mæsta comes cæpta iungitur vsque via.



## Vita S. Benedicti Abbatis,

Insignem domibus donec, populoq; frequentem  
Ad vicum veniant deficiente die.

Hic iubet hospitij nox proxima tecta subire,  
Fesâque tranquillo membra locare toro.

Vnica nec tantum reficit nox acta lacertos,  
Longior est isto sed mora facta loco.

Hoc labor assumptus, ratio siue altera vellet,  
Non satis est promptum posse referre metrum.

Quidquid id est, paucis hic pausat uterque diebus;  
Nec cupit hoc nutrix ducere tempus iners.

Dona capisterio Cereris purgare laborat,  
Corrupta exiguis sarrâque mundat aquis.

Necdum impletur opus caeptum versatile Nutrix,  
Dum lapsus manibus vas ruit ante pedes.

Hac subito lacrymis magno turbata dolore  
Tecta replens, querulos mittit in astra sonos.

Namq; capisterium graue quamuis frangere non sit,  
Est aliena tamen perdere, culpa grauis.

Percipit has mæsto Nutricis ab ore querelus,  
Nescius & casus, hac BENEDICTVS ait:

Cur tantum mulier singultibus ilia rumpis,  
Et tristis querulâ sidera voce feris?

Dic, age, quâ tantus promanat origine mæror,  
Prima refer, quamnam semina planctus habet.

Hac puero gemitu vix permittente loquelam,  
Qua sibi contigerant, ordine cuncta refert.

Omnibus auditis, animo deponere curas  
Dum iubet, in calos fert sua vota puer.

Suppliciter iunctas tendens ad sidera palmas,  
Has facit æthereo feruidus igne preces:

Magne Parens hominum, solus qui luce creatâ  
Fecisti è fragili corpora nostra luto;

Quam citò qui nosti, quidquid fabricatur arenâ,  
In partes abeat, sitq; quod antè fuit;

Hac lutei fragmenta Deus, precor, aspice vassis,  
Qua tuo dignetur reddere iuncta manum.



Auctore Gregorio Magno.

29

Vix ea satis erat, partes (mirabile dictu)  
Cernuntur proprio quaq; coire loco.  
Debitus isse manet fructus virtutis abunde;  
Perneris etenim thaumata nulla quadrante.  
Mittitur hac celeri vicum pede fama per omnem,  
Tantæque per puerum quilibet acta stupet.  
Rumor & ut multos crescat vulgatus in annos,  
Affixum templi vas manet ante fores.

6 Vestitur Monachus.

ANAGRAMMA

Hic sanè ut mortuus.

**N**on solet esse pio magis exitiale venenum,  
Quàm sibi delati magnus honoris amor.  
Noxia censetur pietati gloria pestis,  
Certaque mors anima laus celebrata venit.  
Sapius in vanas transit vindemia frondes,  
In lolium segetes degenerare solent.  
In vitium, nisi sit virtus abscondita, transit,  
Atque pias mentes gloria vana necat.  
Ipse suis igitur metuens hunc frugibus imbrem,  
A populi plausu nunc BENEDECTVS abit.  
Nè levis incautam pertentet gloria mentem,  
Viso prodigio, quam sibi turba refert.  
Egreditur vico, fugiens Nutricis amores,  
Quaq; sibi elegit, promptior antra petit.  
Rupe sub ingenti Sublacus nomen adepta,  
Frondebz & ramis tecta cauerna fuit;  
Huc longâ Iuuenis fertur regione viarum,  
Huncq; labore graui pergit adire locum.  
Obuius occurrit Monachali tectus amictu  
Nomine Romanus, vir pietate graui.



## Vita S. Benedicti Abbatis,

Alloquitur Iuuenem, verbisq; inuitat amicis,  
 Errantem dubias quem putat ire vias.  
 Quod genus, inquit, quodnam sit stemma Parentum,  
 Quod studium, qualis patria, quæue domus.  
 Talia sollicitè paucis responsa petenti  
 Subiungens verbis, hæc BENEDICTVS ait:  
 Non, Venerande Pater, per sylvas perditus erro,  
 Sed Deus hos iussit me penetrare specus.  
 Scire cupis patriam, nostra vel originis ortum?  
 Nursia me genuit, nobile stemma dedit.  
 Sed patriam fugio, ceras contemno Parentum;  
 Quod decus est vere nobilitatis, amo.  
 Cestio prima mea dare CHRISTO tempora vita:  
 Nam veteri munus plus iuuenile placet.  
 Hic amor, hoc studium, fuit hæc mihi meta viarum,  
 Direxitque meos spiritus ille pedes:  
 Hæc ubi Romanus magno non absque stupore  
 Audijt, hos lato reddidit ore sonos:  
 Gaudeo te iuuenem Mundi contemnere pompam,  
 Gratulor ad CHRISTI te properare crucem.  
 Cum tua nunc igitur mihi sit manifesta voluntas,  
 Assumes Monachi me tribuente togam.  
 Talibus auditis, flexo mox poplite, sacrâ  
 Romani manibus corpora veste tegit.  
 Mortuus hic animo quamuis spirante uidetur:  
 Mortuus est Mundo, viuit at ille Deo.  
 Mortuus, & viuus sic est BENEDICTVS in antro  
 Fælix quem vita mors sociata tenet.

• BENEDICTVS à Romano enutritus.

ANAGRAMMA.

Vt datur iste cibus? nõne amore?



**C**um nullos sterilis fructus Iudaea Colonis  
 Redderet, & multos tolleret orta fames,  
 Quâ pietate decet Natos coluisse Parentes,  
 Iosephum legimus sic releuasse Patrem.  
 Venditus à proprijs, sine crimine, fratribus exul,  
 Egypto dominans, Rex velut alter erat.  
 Audijt ut patriam Cereris non dona tulisse,  
 Atque cibo multos deficiente mori;  
 Ad sua decrepitum mox Patrem regna vocauit,  
 Cui fuit adducto copia magna dapum.  
 Dauidi quondam profugo formosa Monarcha  
 Abigail etiam vina, dapésque tulit.  
 Nec minor est pietas eius, quæ carcere clausum  
 Vberis haud timuit tacte fouere Patrem.  
 His impensa tamen BENEDICTO in rupe latenti  
 Romani pietas est celebranda magis.  
 Ut datur iste cibus? Diuino nunquid amore?  
 Dignus hic æternis laudibus extat amor.  
 Non multum fuerit Cereris si farra dedisse,  
 Illa sibi non est eripuisse parum.  
 Romano, ceu moris erat, sat parca dabatur  
 Portio; nam modicus fercula panis, erant.  
 Ut proprij posset stomachi sedare dolores,  
 Sufficiens omnis vix erat iste cibus.  
 Hunc tamen aequali diuisum parte, petitâ  
 Abbatis veniâ, fert BENEDICTE tibi.  
 O pietas! ô magnus amor! qui subtrahis escas,  
 Nutriat ut corpus proximus inde suum!  
 Martini diuisa chlamys si grata Tonanti,  
 Eterna potuit laudis habere decus;  
 Dignus honore cibus nonnè est partitus amore?  
 Iste etenim pretium tegmine maius habet.  
 Quâ verò ratione dapes demittat in antrum  
 Romanus, metricis persequar ipse modis.  
 Rupe sub excelsâ, vasto semota recessu,  
 Nomine Sublacus, densa cauerna fuit.



Vita S. Benedicti Abbatis,

Eius utrumque latus scopuli, montesque premebant,  
 Difficilesque aditus vallis in antra dabant.  
 Altera per nemorum tractus via fortè patebat  
 Planior, ingressus quàm BENEDICTVS erat;  
 Sed via Romanum remorari tanta nequibat;  
 Ocius est monachis nam repetenda domus.  
 Vtpotè communis rata sunt proueria dicti:  
 Cænobium Monachus, flumina piscis amat.  
 Hinc super excisa stans alta cacumina rupis,  
 Mittit in obscurum fercula fune locum:  
 Aduentusque sui sonitu denuntiat horam,  
 Pendula iuncta cibus quem nola parua facit.  
 Inuidet vnus Damon, quod cernit amoris  
 Officio, alterius commoda tanta dolet.  
 Ad mala, vel fraudes animum conuertere doctus,  
 Proiectu lapidis diuidit æra nola.  
 Campanam stygius potis est sic frangere serpens,  
 Sed pia Romani frangere corda nequit.  
 Dum nola fracta silet, sonitus sit voce ferentis  
 Romano haud iactus fregerat ora lapis.

A Sacerdote inuisitur.

ANAGRAMMA

En sacro die visitatur.

**M**Os fuit à primâ seruatus origine Mundi,  
 Festiuas epulis concelebrare dies.  
 Dum tua lux bisfrons radiabat Iane Quirino,  
 Quam nouus auratis Sol vehit vsque rotis;  
 Plebs ea certatim conuiuia lauta parabat,  
 Omnigeno mensas exonerante cibo.  
 Menades insani facientes orgia Bacchi,  
 Sumebant hilari prompta salerna manib.



Prima dies dapibus de festis quinque Minerva  
 Gaudebat, reliquum tempus ad arma fuit.  
 Iudaus pariter seruans sua festa per annum,  
 Est solitus varijs fercula parare cibus.  
 Ad seros etiam venit mos iste nepotes,  
 Hi nolunt ab auis degenerare suis.  
 Talia nec puduit CHRISTI prestare clientes,  
 Inchyta dum festi lux celebranda venit.  
 Non vetat ille dapes, qui nostris vsibus illas  
 Condidit: at luxum, deliciâsque vetat.  
 Attalico si quis celebrat conuiuia luxu,  
 Christiadium ritum non bene festa colit:  
 Non nisi finitis precibus, votisque peractis,  
 Sunt ea per tenues nam facienda dapes.  
 Hâc pius aptarat quidam ratione Sacerdos  
 Paschatis in sanctam fercula pauca diem;  
 Cum noctis medio præeuntis tempore festum,  
 Huic Deus in somnis talia verba dedit:  
 Tu modò lauta paras conuiuia, clausus in antro  
 Et meus ut comedat, nil BENEDICTVS habet.  
 Sat fuit hoc dictum, quod vox audita iuberet  
 Protinus agnoscens, exilit ille toro:  
 Ac ubi nudatum corpus vestiuit amictu,  
 Quæ ferri poterant, fercula parata capit.  
 His oneratus abit: syluas, saltusque pereirat,  
 Lustrâque soliuagis antra relictâ feris.  
 Sic cupit ignoto sua munera ferre Sacerdos:  
 Est satis hunc notum voce fuisse Dei.  
 Jam cæli medium Sol scanderat igneus Orbem,  
 Maior & illius pars erat actâ via,  
 Cum densâ nemoris BENEDICTVM in rupe latentem:  
 Presbyter inuenit, cui prior ista refert:  
 Salue vir meritis multum dilecte Tonanti,  
 Quem fauor athereus me reperire dedit:  
 Si lubet, amplexu mihi sis coniunctus amici,  
 Oscula nec renuas, quæ tibi casta feroi



## Vita S. Benedicti Abbatis,

Id simul admirans, simul & conterritus harens,  
 Presbytero paucis hæc BENEDICTVS ait:  
 Quis precor es, tanto petis hæc qui lustra labore?  
 Visendi ignotum quæ tibi cura fuit?  
 Talia quarenti reddens responsa Sacerdos,  
 Sit factæ memorat quæ sibi causa via.  
 Nox erat, & medijs conuexa per atria cæli  
 Alta pruinosos Luna regebat equos,  
 Me Deus ut placidi capientem munera somni  
 Emisâ, thalamo surgere, voce iubet,  
 Exponitq; tui quæ sint ieiunia ventris,  
 Quæq; parata habui, fercula ferre iubet.  
 His moror haud dictis, hodierna festa diei  
 Lux quamuis poterat me retinere domi.  
 Lux ea nam niueo redijt signanda lapillo,  
 Quâ CHRISTVS Hygrio victor ab hoste fuit.  
 Quæ colis assidue, non sunt ieiunia festo  
 Hoc pascha celebri continuanda die.  
 Ergo age, sume dapes, latamq; exporriges frontem;  
 Et tua sit modico mens recreata mero.  
 Dixerat; & viridi factâ de cespite mensâ,  
 Festinè appositos sumit uterque cibos.  
 Mens tamen eloquijs prius est nutrita sacratis.  
 Quàm sit ab egroto corpore pulsa fames.  
 Si iuuat interdum dapibus miscere loquelam,  
 Enthea diuino verba calore sonant.  
 Mensâ nec in longas noctis traducitur horas,  
 Vnica sumendis vix datur hora cibis.  
 Quæ postquam solito cursu transacta recessit,  
 Quas debet, grates reddit uterque Deo.  
 Presbyter & proprios, antro, sylvisque relictis,  
 Luce petit velox deficiente lares.



Auctore Gregorio Magno.

133

• Pastores in fide instruit

ANAGRAMMA

Is est in prudentia fortis.

**F**ortē sub annosā querens umbracula quercū,  
Dum lumen medio Phœbus ab axe daret,  
Ad loca frondosis BENEDICTI proxima lustrū  
Rustica Pastorum venerat vna cohors.  
Eminus ut medio Diuum conspexit in antro,  
Hunc ibi degentem credidit esse feram.  
Scilicet hic inter nemoris virgulta latebat;  
Arboræa frondes huic quoque vestis erant.  
Attamen ut propius quidam subiere cauernam,  
Aspiciunt formam corpus habere viri.  
In medijs hominem mirantur viuere syluis,  
Et Iuuenem obscuros sic habitare specus.  
De turbâ reliquis Diuum tunc doctior vnus,  
Quid iuuat in densâ valle manere, rogat.  
Incipit inde rudi BENEDICTVS dogmata turbæ  
Pandere, quēis verus noscitur esse Deus.  
Exponitq; decem summi Præcepta Tonantis,  
Qualis & ad cælos sit via certa, docet.  
Explicat & virtus quā sit ratione colenda,  
Et fuga cuiusvis sit facienda mali.  
Ut scelus infernas fontes detrudat in undas,  
Ut iustos etiam præmia digna manent.  
Vtq; reconciliat Superis Metanæa nefandos,  
Crimina cuncta lauat, iustificatq; reos.  
Fallacisq; probat sunt quanta pericula mundi,  
Quam Venus illicitis estq; timenda suis.  
Sicq; animos Diui fortis prudentia vincit,  
Doctrinā Salomon ut qucat esse nouus.



## CAPUT II.

*De tentatione carnis superata.*

Quadam verò die, dum solus esset, tentator adfuit. Nam nigra paruaque avis, quæ vulgò merula nominatur, circa eius faciem volitare cœpit, eiusque vultui importunè insistere, ita vt manu capi posset, si hanc Vir Sanctus tenere voluisset: sed signo crucis edito, recessit avis. Tanta autem carnis tentatio, aue eadem recedente, secuta est, quantam Vir Sanctus nunquam fuerat expertus. Quendam namque aliquando foeminam viderat, quam malignus spiritus ante eius mentis oculos reduxit, tantoque igne serui DEI animum in specie illius accendit, vtdum in eius pectore amoris flamma vim caperet, etiam pænè deferere cremum, voluptate victus, deliberaret. Tunc subito supernâ gratiâ respectus, ad semetipsum reuersus est, atque virticarum & veprium iuxta densa succrescere frutera conspiciens, exutus indumento, nudum se in illis spinarum aculeis & virticarum incendijs proiecit, ibique diu volutatus, toto ex eis corpore vulneratus exiit, & per cutis vulnera eduxit à corpore vulnus mentis, quia voluptatem traxit in dolorem. Cumque benè poenaliter foris arderet, extinxit quod intus illicite ardebat. Vicit itaque peccatum, quia mutauit incendium. Ex quo videlicet tempore, sicut post discipulis ipse perhibebat, ira in eo est tentatio voluptatis edomita, vt tale aliquid in se minimè sentiret. Cœperunt postmodum multi iam mundum relinquere, atque ad eius magisterium festinare. Liber quippe à tentationis vitio, vero iure iam factus est virtutum magister. Vnde & per Moysen in Exodo præcipitur, vt Leuitæ à viginti quinque annis & suprâ ministrare debeant: ab anno verò quinquagesimo, custodes vasorum fiant.



P E T R V S.

Jam quidem prolati testimonij mihi aliquantum intel-  
lus interlucet, sed tamen hoc plenius exponi postulo.

G R E G O R I V S.

Liquet, PETRE, quòd in iuuentute carnis tentatio serueat,  
ab anno autem quinquagesimo calor corporis frigescat. Vasa  
autem sacra, sunt fidelium mentes. Electi ergo cum adhuc in-  
tentatione sunt, subesse eos ac seruire necesse est, & obsequijs  
laboribusque fatigari. Cum verò iam mentis ætate tranquilla  
calor recesserit tentationis, custodes vasorum sunt: quia Docto-  
res animarum fiunt.

P E T R V S.

Fateor, placet, quod dicis: sed quia prolati testimonij clau-  
sa referasti, quæso, vt de vita iusti debeas ea quæ sunt incho-  
ata, percurrere.

A Diabolo in specie auis tentatur.

A N A G R A M M A.

Ea laude obtenta spinis victoria.

**S**ic ubi Sublacum colit indefessus eremum,  
A Domina fugiens Nursus vrbe puer:  
Tartarus inuidit, iuuenisq; Tyrannus Athleta  
Collectâ statuit cæpta vetare manu.  
Parua mora est. Pugili fecialem mittit Auernus,  
Proxima qui saua nuntiet arma Hyæis.  
Quò ferat hic citius Plutonis iussa Magistrî,  
Factus auis, pennâ remige carpit iter.  
Si merulam fingit, quia nigra est illa volucris,  
Aptum huic monstro nil reperire quijt.  
Et pugilem versus tendit propiore vocatu,  
Ceu legatorum libera iure foret.



## Vita S. Benedicti Abbatis,

Inuolat in faciem, subito procul inde recedit;  
 Mox iterumq; redit, mox iterumq; fugit.  
 Si placet Athleta (tanta est audacia Ditis)  
 Dum circumuolitat, se sinit illa capi:  
 Masculus in primo bellandi nescius aus  
 Alitis insolitâ se stupet arte peti.  
 Hâc tectum effigie feciale nescit Auerni  
 Declarare serâ bella gerenda manu.  
 Nescit Tartareas in se properare phalanges;  
 Nescit ibi Plutum, nescit adesse stygem.  
 Mulceat hic volucres circumspicit ecquis Arion?  
 Aduocet & quisnam trax citharista feras.  
 Ergo pugil timidus rerum nouitate suarum,  
 A stygio fieri conijcit hoste dolos:  
 Se tamen oblatum parat ad certamen Auerni;  
 Viuificâ signans pectus & ora cruce.  
 Instantis crux illa fuit certaminis index,  
 Nuntia conflictûs crux fuit illa tuba.  
 Ficta per hanc subito volucris vanescit in aurâ,  
 Et vocat instructas ex Acheronte manus.  
 Mox nigra properant acies, properantq; cohortes;  
 Eumenidum simulat buccina rauca Duces.  
 Pluto preit, comes est Cypriâ cum Matre Cupido;  
 Et primi in pugilem flammea tela vibrant.  
 Ante oculos statuunt formosa Virginis ora,  
 Quondam in Romuleis obuia facta iugis.  
 Illâque depingunt admisto muricis ostro,  
 Thermodoontââ candidiora niue.  
 Quo valet hoc iaculum BENEDICTVS robore vincit,  
 Atque animi firmâ summonet arma serâ.  
 Acrius obijcitur species, fugat acrius ipse:  
 Sape repellit eam, sape repulsa redit.  
 Hic contrâ opponit manantia vulnera CHRISTI.  
 Gaudia calorûm, tormina dira stygis.  
 Vultibus obiectis cedunt sed vulnera CHRISTI  
 Astra poli cedunt, atque gehenna stygi.



Hac ubi nil profunt; sua tundit pectora palmis;  
 Sed neque dulce malum pectora tunsa fugant.  
 Occurrunt animo decorati laspide cirrhi,  
 Astat Erythraeus colla per alba lapis.  
 Emula sideribus blandè se lumina sistunt,  
 Labraque Pestanis anteferenda rosis.  
 Vincitur; ecquid agat? longo sudore fatiscit,  
 Penè manu scutum deficiente cadit.  
 Jam sphelea parat tres relinquere culta per annos,  
 Victaque fœmineâ vertere terga fugâ.  
 Illa suis tantùm credit solatia flammis:  
 Semper amans quodnam diligit, ipse cupit.  
 Quid faciat nescit: non est nam sensus amanti:  
 Cæcus & infelix nil videt omnis amans.  
 Qui tamen extremis consuevit adesse periclis,  
 Ecce Deus famulo protinus addit opem.  
 Stabat in hoc stádio paliuris dumus acutis  
 Horridus, hirsutus, sentibus atque minax.  
 Numinus huc properat motu celestis Athleta,  
 Et tegetem exutam corpore ponit humi.  
 Mox salit in medias positâ formidine spinas,  
 Haud secus ac tepida balnea credat aqua.  
 Nunc humeros terebrat stimulis, dorsumq; supinus;  
 Nunc oculos, faciem pronus & ora fodit.  
 Nunc latus in dextrum repetito vulnere, membra  
 Ut secet, in lauum nunc furit ira latus.  
 Nunc ferit immitis collecto pectora ramo,  
 Non satis ut per se spina maligna foret.  
 Jam loca vulneribus desunt, venâq; patente,  
 Sanguis inundanti non minor amne fluit.  
 Pellis olorina nusquam pars ulla videtur,  
 Undique diffuso tota cruore latet.  
 Macte animo, BENEDICTE, tibi laus inde resultat;  
 Vicisti stygio fortior hoste, pugil.  
 Obtenca ex spinis tribuit victoria palmam:  
 Fugit ab aspectu iam procul acta Venus.



*Vita S. Benedicti Abbatis,  
Et licet exutum ralla te vidit adempta,  
Amplecti nudum non tamen ausa fuit.  
Terruit hanc hirti sindon nimis aspera lecti,  
Quæq; feris vepribus culcitra facta fuit.*

## C A P V T III.

*De vitro fracto per signum crucis.*

**R**Ecedente igitur tentatione, Vir DEI quasi spinis erutis, exculta terra, de virtutum segete feracius fructus dedit. Præconio itaque eximie conuersationis celebre nomen eius habebatur. Non longe autem monasterium fuit, cuius congregationis pater defunctus est, omnisque ex illo congregatio ad eundem Venerabilem BENEDICTVM venit, & magnis precibus, vt eis præesse deberet, petijt. Qui diu negando, distulit, suis illorumque fratrum moribus se conuenire non posse prædixit; sed vitus quandoque precibus assensum dedit. *a* Cumque in eodem monasterio regularis vitæ custodiam teneret, nullique vt prius, per actus illicitos in dexteram læuamque partem deflectere à conuersationis itinere liceret: suscepti fratres insanè sæuientes, semetipsos prius accusare cœperunt, quia hunc sibi præesse poposcerant, quorum scilicet tortitudo in norma eius rectitudinis offendeat. Cumque sibi sub eo conspicerent illicita non licere, & se dolerent adsueta relinquere, durumque esset, quod in mente veteri cogebantur noua meditari, & quia grauis est semper prauis moribus vita bonorum, tractare de eius morte aliqui conati sunt, qui inuito consilio, venenum vino miscuerunt. Et cum vas vitreum, in quo ille pestifer potus habebatur, recumbenti patri ex more Monasterij ad benedicendum fuisset oblatum, extensa manu BENEDICTVS signum crucis edidit, & vas, quod longius tenebatur, eodem signo rupit: sicque confractum est, ac si in illo vase mortis, pro cruce lapidem dedisset. *b* Intel-



tellexit protinus Vir Dei, quia potum mortis habuerat, quod portare non potuit signum vitæ: atque illico surgens, vultu placido, mente tranquilla, conuocatos fratres alloquutus est, dicens: Misereatur vestri, fratres, omnipotens Deus: quare in me facere ista voluistis? Nunquid non prius dixi vobis, quia vestris ac meis moribus minimè conueniret? Ite, & iuxta vestros mores patrem vobis quærite: quia posthac me habere minimè potestis. Tumque ad locum dilectæ solitudinis redijt, & solus in superni spectatoris oculis habitauit secum.

## P E T R V S.

Minus patenter intelligo, quidnam sit; Habitauit secum.

## G R E G O R I V S.

Si Sanctus Vir contra se vnanimiter conspirantes, suæque conuersationi longè dissimiles, coactos diu sub se tenere voluisset, fortasse sui vigoris vltum & modum tranquillitatis abscinderet, atque à contemplationis lumine suæ mentis oculum declinasset. Dumque quotidie illorum correptione fatigatus, minus curaret sua, & se forsitan relinqueret, & illos non inueniret. Nam, quoties per contagionis motum, nimium extra nos ducimur, & nos sumus, & nobiscum non sumus; quia nosmetiplos minimè videntes, per alia vagamur. An illum secum fuisse dicimus, qui in longinquam regionem abiit, portionem quam acceperat, consumpsit, vni in ea ciuium adhæsit, porcos paut: quos cum manducare videret siliquas, & esuriret: qui tamen cum postmodum cœpit cogitare bona, quæ perdidit, scriptum de illo est. *Luca 15. In se reuersus dixit: Quanti mercenarij in domo patris mei abundant panibus?* Si igitur secum fuit, vnde ad se redijt? Hunc ergo venerabilem Virum secum habitasse dixerim: quia in sua semper custodia circumspectus, ante oculos conditoris se semper adspiciens, se semper examinans, extra se mentis suæ oculum non diuulgauit.

## P E T R V S.

Quid ergo, quod de Apostolo Petro scriptum est, dum de carcere ab angelo eductus fuisset; Qui ad se reuersus, dixit:

*Autor*



*Actor: 12: Nunc scio verè, quia misit Dominus Angelum suum, & eripuit me de manu Herodis, & de omni expectatione plebis Iudaorum.*

## G R E G O R I U S.

Duobus modis, PETRE, extra nos ducimur: quia aut per cogitationis lapsum sub nosmetipsos recidimus, aut per contemplationis gratiam super nosmetipsos leuamur. Ille itaque, qui porcos pavit, vagatione mentis & immunditie sub semetipsum cecidit. Iste verò, quem Angelus soluit, eius mentem inextrasim rapuit, extra se quidem, sed super semetipsum fuit. Vterq; ergo ad se redijt: quando & ille ab errore operis se collegit ad cor: & iste à contemplationis culmine ad hoc redijt, quod in intellectu communi ut prius fuit. Venerabilis igitur BENEDICTVS in illa solitudine habitabat secum, in quantum se intra cogitationis claustra custodiuit: nam quotiescumque hunc contemplationis ardor in altum rapuit, se procul dubio sub se reliquit.

## P E T R U S.

Placet quod dicis, sed quaso respondeas, si deserere fratres debuit, quos semel suscepit?

## G R E G O R I U S.

Ut ego, PETRE, existimo, ibi adunatiæ quamimenter portandi sunt mali, vbi inueniuntur aliqui, qui adiuentur, boni. Nam vbi omnimodo de bonis fructus deest, fit aliquando de malis labor vacuus, maximè si è vicino causæ suppetant, quæ fructum DEO ferre valeant meliorem. Vir itaque Sanctus, propter quem custodiendum staret, qui omnes vnanimiter se persequentes cerneret? Et sapè agitur in animo perfectorum, quod silentio prætereundum non est: quia cum laborem suum sine fructu esse considerent, in locum alium ad laborem cum fructu migrant. Vnde ille quoque egregius predicator, *Philip: 1.* qui dissolui cupit, & cum Christo esse, cui vivere Christus est, & mori lucrum, qui passionum certamina non solum ipse appetijt, sed ad toleranda hæc & alios accendit, *Actor: 9.* Damasci persecutionem passus, ut posset quadere, murum, *2. Cor: 11.* funem, sportamq; quasiuit, seque la-



tenter deponi voluit. Nunquid non Paulum mortem dicimus timuisse, quam se ipse pro amore JESV testatur appetere? Sed cum in eodem loco minorem sibi fructum adesse conspiceret, & graui labore ad laborem se alibi cum fructu seruauit. Fortis enim praliator DEI teneri intra claustra noluit, certaminis campum qua siuit. Vnde idem quoque Venerabilis BENEDICTVS, si libenter audis, citius agnoscis: quia non tantos ipse indociles deseruit, quantos in locis alijs à morte animæ suscitauit.

## P E T R V S.

Ita esse vt doces, & manifesta ratio, & prolatum congruum testimonium declarat. Sed quæso, vt de vita tanti patris ad narrationis ordinem redeas.

## G R E G O R I V S.

Cùm Sanctus Vir diu in eadem solitudine virtutibus signisq; succresceret, multi ab eo in eodem loco ad omnipotentis DEI seruitium sunt congregati; ita vt illic duodecim c monasteria cum omnipotentis JESV Christi Domini opitulatione construeret, in quibus statutis patribus duodenos Monachos deputauit, paucos verò secum retinuit, quos adhuc in sua præsentia aprius erudiri iudicauit. Cœpere etiam tunc ad eum Romanæ vrbs nobiles & religiosi concurrere, suosq; ei filios omnipotenti DEO nutriendos dare. Tunc quoq; bonæ spei suas soboles, Eutychius Maurum, d Tertullius verò patricius Placidum tradidit: è quibus Maurus iunior, cum bonis polleret moribus, magistri adiutor cæpit existere: Placidus verò puerilis adhuc indolis gerebat annos.

a Abbas constituitur.

A N A G R A M M A.

Ob curas Titan subit,



## Vita S. Benedicti Abbatis

**I** Am fama velox ocyor Icaro,  
 Remotiores Hesperia plagas  
 Vagata, Sublacum colentis  
 Detulerat pia facta, Divi.  
 Fatalis uni cum Lachesis colo  
 Deducta vitæ stamina Prasuli  
 Seneca pregit, constituti  
 Mortis ad imperium diei  
 Momenta servans. Protinus orphanæ  
 Fratres Parentem dum cupiunt novum,  
 Virtute cuius sparsa totum  
 Fama volat celebris per Orbem,  
 Virum requirunt. Consilio pari  
 Votisq; eisdem quem sibi deligunt,  
 Et Prasulis volunt honore  
 Cænobij moderari habenas.  
 Sic illa in antro sub modio velut  
 Quæ lux latebat, clarior emicat  
 Situ altiori collocata;  
 Sicq; magis radians videtur.  
 Effectus Abbas sollicitudinis  
 Curæq; prestans munia debita,  
 Fulgentior Titan diurno  
 Namq; subit BENEDICTVS astro.

6 Signo Crucis vas venenatum frangit.

A N A G R A M M A

Cùm sic agit, nōne fugans erat virus?

**V** T insulatis celsus honoribus,  
 Magnique summus Cænobij Pater,  
 Virtutis astro fulgurante  
 Enituit BENEDICTVS Abbas:



Auctore Gregorio Magno.

43

Suum gubernans, non secus ac bonus  
Ovile Pastor, sollicitudine  
Implere susceptum laborat  
Officium vigilantiore.  
Nunc à sacrato tramite devios  
Sermonè blando corripit, acriùs  
Nunc urget, Abbatisque pleno  
Imperio reprimat rebelles.  
Quam quisque summo sèderea domus  
Vouit Monarcha, moribus integram  
Seruare vitam mandat omnes,  
Ne stygios patiantur ignes.  
Panis Auerni nam grauioribus  
Tonante nullus vindice subditur,  
Quàm facta qui Numen colendū  
Fœdisfragus sua vota spernit;  
Periculorum Præsulis & memor  
Non corrigentis crimina subditi,  
Radice primâ pullulantem  
Flagitij BENEDICTVS ardet  
Ausserre ramum. Brachia viribus  
Adhuc tenellis dum gerit impotens,  
Hunc erigit sudore nullo,  
Aut resecat fruticem colonus:  
Sed longiori luxurians comâ  
Dum celsiorem crevit in arborem,  
Ridet colonos, & securim,  
Nec Boreâ metuit furorem.  
Neglecta primùm pertenuis licet  
Scintilla, nunquid sapiùs excitat  
Incendium magnæ ruine,  
Et varias populatur vrbes?  
Sic vita prauis moribus insolens,  
Primi sub ipsis principijs mali,  
Est corrigenda, tardioris  
Imperij renuit lupatum.



## Vita S. Benedicti Abbatis,

Quid dissoluta, quos nimium tenet  
 Antiqua vita, praua licentia,  
 Virtutis excitare fratres  
 Ad studium, BENEDICTE, gestis?  
 Frustrà laboras. Desine, desine  
 Venti loquelas spargere flammis;  
 Monere iussis perauelles  
 Atque tuis BENEDICTE cessa.  
 Vides ut alto celsa cacumine  
 Mens subditorum, non secus ac suis  
 Annosa ramis est Cupressus,  
 Siderea minitetur athra.  
 Verbis monendo non tamen abstinet.  
 Hortatur, urget: dum ratio iubet,  
 Castigat, & duro nocentes  
 Imperio rigidus coercet.  
 Hac dirigentis cuncta sed irritò  
 Labore fiunt. Promptior in malum  
 Natura, Patris iussa spernens,  
 Deterius facit ire fratres.  
 Odere vocem: verba diutius  
 Audire nolunt. pœnitet hunc sui  
 Concordibus votis seuerum  
 Cœnobij statuissè Patrem.  
 Obscuriori, quod coluit prius,  
 Viuens sub antro, tegmine frondium  
 Latere vellent, derelicto  
 Officio moderationis.  
 Latere vellent, aut etiam necis  
 Acutiori vulnere saucium  
 Testuris, orbatum calore,  
 Visceribus posuissè corpus.  
 Quousque pergis praua licentia?  
 Quod crimen audes Numinis immemor  
 Amens voluntas? quòue tandem  
 Flagitio nocuissè tentas?



Venena fratres, ô pudor! ô scelus!  
 Infusa paruo dant cyatho Patri  
 Admixta vino, fella dulci  
 Sparsa mero tribuuntq; mortis.  
 Oblata Diuus sed cruce prauia  
 Signando lethi pocula, protinus  
 Sic fregit: ac nostra salutis  
 Signa crucis lapides fuissent.  
 Hâc arte scuit pocula luridos  
 Tulisse potus luctifica necis,  
 Impressa quæ vera nequibant  
 Signa sibi retinere vitæ.  
 Is concitato non tamen impetu  
 Arsit furoris, sed lacrymis sua  
 Spargens obortis labra Diuus  
 Flagitium doluit patratum.  
 Ipsisq; toto pectore fratribus  
 Crimen remittens, hoc monuit scelus  
 Dolere factum; sicq; solus  
 Ad solitos redijt recessus.

• Duodena claustra erigit.

ANAGRAMMA.

Clara et digna DEO virtus.

**S**Ub cauernoso nemorum recessu  
 Quis queat clarum radio nitente  
 Fulgidi longo retinere solis  
 Tempore lumen?  
 Clauditur nullis tenebris, vel antris,  
 Quod iubar, cæli veniens ab arce,  
 Flammeo toti rutilante curru  
 Spargitur Orbi.



## Vita S. Benedicti Abbatis,

Emicat, clausis caput ex cauernis  
Exerit lumen, patulosque gaudet  
Fronte ridenti radians per agros

Posse videri.

Flamma qua factò venit igne fulgens,  
Semper assurgit, celerique magnas  
Aëris partes ressecans, volatu

Tendit ad alta.

Clara sic semper superisque digna  
Non potest mentis latitare virtus,  
Emicat, toto decus & nitoris

Spargit in Orbe.

Presulis curâ Monachos regentis  
Gaudet amissâ, rediisse Diuus  
Ad lares, densâ BENEDICTVS antri  
Fronde virentes.

Abditus cunctis cupit hic latere,  
Solutus & CHRISTO pia vota ferre;  
Optimo prodit subito sed illum

Indice virtus.

Hunc viri magno pietatis aestu  
Fervidi quarunt, sine labe vitam  
Ut queant eius, Superis sacrare

Dogma secuti.

Hæret his visis, dubiosque fluctus  
Mente percoluit BENEDICTVS; illum  
Hinc amor lustris mouet, inde turba

Cura salutis.

Sed quid incertas dubij procellas  
Mente non fixâ BENEDICTE versas?  
Num vides quantus pietatis illos

Possidet ardor?

Igne, quem Diuus posuit Cupido,  
Cerne quam magno caleant medulla:  
His tua flammis documenta debes

Addere vita.



Annuit diuus monitis Tonantis;  
Vt queat paucis sociatus esse,  
Rupe sub celsâ medijs in antris  
Collocat adem.

Illa sed cunctos Superum ministros  
Dum nequit factis retinere claustris,  
Proximos rupi statuit secundos  
Monte penates.

Postmodum crescens numerus clientum,  
Quos amor vitæ Monachalis, ades  
Urget ad sacras properare, Diuum  
Claustra locare

Sena his cogit procul haud remota:  
Cuncta quæ Diui meritò gerentis  
Nomen Abbatis, vigili labore  
Cura gubernat.

a Tertulli & Eutichij natos suscipiens

A N A G R A M M A

Sanctè viuit, & sic piè illos instruet.

**D**Um virtus Monachi fulgida Nursij,  
Cura iuncta Patrîs sollicita, suos  
Quâ fratres habitis legibus instruit,  
Crescens per geminas fuit  
Solis vecta vias: seu maris igneas  
Quâ lassus tremulis mergit aquis rotas,  
Seu surgens nitidum quâ caput exerit  
Mundo lumina conferens,  
Ad sese spatio diffusa maximo  
Perducens hominum pectora, nobilis  
Tertulli sobolem Romulea inclyti  
Gentis stemmate fulgido;

Nec



*Vita S. Benedicti Abbatis,*

*Nec non Eutichij, quem proauum genus  
Reddebat parili sanguine nobilem,  
Traxit sidereo flamine filium.*

*Ambos hos iuuenes Pater*

*Informat simili lege Monasticus:  
Et quamuis reliqui sat vigilans gregis,  
Ut pastor gereret sollicitudinem;*

*Hos maioribus attamen*

*Exornat studijs, utpotè ceteris,  
Quos fulgere magis stemmate conspicit,  
Hos virtute simul præ reliquis magis*

*Spectandos faciat viros,*

*Sanctè sanctus enim viuit ut integer,  
Et purus sceleris, sic pius instruit  
In virtute, dato munere Numinis*

*Quos optat similes sibi.*

C A P V T IV.

*De castigatione Monachi vagi.*

**I**N vno autem ex eis Monasterijs, quæ circum-  
quaq; construxerat, quidam Monachus erat, qui ad  
orationem stare non poterat: sed mox ut se fratres  
ad studium orationis inclinabant, ipse egrediebatur  
foras, & mente vagâ terrena aliqua & transitoria  
agebat. Cumque ab Abbate suo sapius fuisset admonitus, ad  
Virum DEI deductus est, qui ipse quoque stultitiam eius ve-  
hementer increpauit, & ad monasterium reuersus, vix duobus  
diebus viri DEI admonitionem tenuit. Nam die terciâ ad vsum  
proprium reuersus, vagari tempore orationis cœpit. Quod cum  
seruo DEI ab eodem monasterij patre quem constituerat, nun-  
tiatum fuisset, dixit: Ego venio, eumque per memetipsum e-  
mendo. Cumque vir DEI venisset ad idem monasterium, &



constitutâ horâ expletâ psalmodiâ sese fratres in orationem dedissent, aspexit quod eundem monachum qui in oratione manere non potuit, quidam niger puerulus per vestimenti fimbriam foras traheret. Tunc eidem patri monasterij, Pompeiano nomine, & Mauro DEI famulo secretè dixit: nunquid non aspiciatis quis est, qui istum monachum foras trahit? Qui respondentes dixerunt: Non. Quibus ait: Oremus ut vos etiam videatis, quem iste monachus sequitur. Cumque per biduum esset oratum, Maurus monachus vidit: Pompeianus verò eiusdem monasterij Pater videre non potuit. Die igitur aliâ, expletâ oratione vir DEI oratorium egressus, stantem foris monachum reperit, quem pro cœcitate cordis sui, virgâ percussit: qui ex illo die nil persuasionis ulterius à nigro iam puerulo pertulit, sed ad orationis studium immobilis permansit: Sicque antiquus hostis dominari non ausus est in eius cogitatione, ac si ipse percussus fuisset ex verberè.

Monachum percutiens, diabolum fugat.

A N A G R A M M A

Id virga cum hoste factum planè bonum.

**D**Amnis piorum tempore sit licet  
Intentus omni Tartareus Leo,  
Omni que virtutis repugnet  
Usque operi metuendus hostis.  
Orationis vim metuens magis,  
Quam novit instar turris eburneae,  
In cuius arma celsiore  
Multa tholo Deus ipse fixit.  
Huic grandiores insidias parat,  
Illamque multo concutit impetu  
Ferociori, nec quiescit,  
Donec eam sibi subdat hostis.

G

Cum



## Vita S. Benedicti Abbatis,

Cum turba fratrum cetera laudibus  
 Dei vacaret, votaque redderet  
 Quæ ferre mandat congregatos  
 Religio Monachos in unum;  
 Tentator unum de numero trahens  
 Fratrem malignus, sapius egredi  
 Choro iubebat, nè Tonanti  
 Cum reliquis sua vota ferret.  
 Id cum notaret sollicitus Pater,  
 Vultus nigrantes Æthiopem velut  
 Infantulum vidit gerentem,  
 Qui tunicâ Monachum trahebat.  
 Vir sanctus hostis callida protinus  
 Noscens dolosi consilia, hunc preces  
 Fratrem inchoatas deferentem  
 Corripuit feriendo virgâ  
 Overberantis quanta potentia!  
 Virgæ lacertos quo Monachi ferit,  
 Dolos eodem pellit hostis  
 Tartarei BENEDICTVS ic̃u.

## C A P V T V.

De fonte in vertice montis viri DEI oratione pro-  
ducto.

**E**X his autem monasterijs, quæ in eodem loco  
 contruxerat, tria sursum in rupib⁹ montis erant, &  
 valde erat fratribus laboriosum, quòd semper ad la-  
 cum oportebat descendere, vt aquam haurire de-  
 buissent: maximè quia è deuexo montis latere erat  
 graue descendens in timore periculum. Tunc collecti fra-  
 tres ex eisdem tribus monasterijs, ad DEI famulum BENEDI-  
 CTVM



OTVM venerunt, dicentes: Laboriosum nobis est propter aquam  
quotidie vsq; ad lacum descendere, & idcirco necesse est, ex eo-  
dem loco monasteria mutari. Quos blandè consolans dimisit,  
& nocte eadem cum paruo puerulo nomine Placido, cuius supe-  
rius memoriam feci, eiusdem montis rupem ascendit, ibique diu-  
tiùs orauit. Et oratione completâ tres petras in loco eodem  
pro signo posuit, atque ad suum, cunctis illis nescientibus mo-  
nasterium redijt. Cumq; die aliâ ad eum pro necessitate aquæ  
prædicti fratres redijissent, dixit: Ite & rupem illam, in quâ tres  
super inuicè positas petras inueneritis, in modicū cauate: valet e-  
nim omnipotens DEVS etiam in illo montis cacumine aquam  
producere, vt vobis laborem tanti itineris dignetur auferre. Qui  
cuntes rupem montis, quam BENEDICTVS prædixerat, iam su-  
dantem inuenerunt. Cumque in ea concauum locum fecissent,  
statim aqua repletus est: quæ tam sufficienter emanauit, vt nunc  
vsque vbertim defluat, atque ab illo montis cacumine vsque ad  
inferiora deriuetur.

Fontes miraculosè educit.

A N A G R A M M A.

Ideo factus meritò lucens.

**Q**ui sinit alati productus ab vngue Caballi.  
Fontem Parnassî, desine Musa loqui.  
Et satis accensam nimio quoque fratris amore  
Cantasse effectam Biblida fontis aquam.  
Egeriam pariter mutato corpore lympham  
Dum Pimplea refers, quid nisi stulta refers?  
Quos stupeas fontes, dignâ celebrèsque Camænâ,  
Producit meritò Nursius ecce Pater.  
Quæ noua præcelso fuerant in monte locata,  
Nulla scatens rinis claustra rigabat aqua.



*Vita S. Benedicti Abbatis,*

*Fluminis hausturos undas, descendere magnus  
 Cogebat Monachos vallis ad ima labor.  
 Hinc variare petunt quæ sunt in montibus ades,  
 Et cupiunt alia Claustra parare loco.  
 Sed Pater hic verbo fratres solatus amico.  
 Æthereo promptam munere spondet opem.  
 Et postquam precibus notem est traducere visus,  
 Cum socio egrediens culmina montis adit.  
 Tres ibi mox fontes terram penetrante ligone  
 Eruit, & claustris largior unda fluit.  
 Vnius ut Clemens est fontis origine lucens,  
 Fontibus hic lucens sic tribus esse potest.  
 Dum sitis Hebræos vasta torreret eremi,  
 Educta ut Moſen concelebrauit aqua;  
 Sic meritò lucens laudes BENEDICTVS auitas  
 Exigit, & clarum limpida vena facit.  
 Quas igitur Moſes, Clemens, & cætera Diuùm  
 Turba tulit laudes, has BENEDICTVS habet.*

C A P V T VI.

*De reiuñctione ferri cum manubrio.*



ALIO quoque tempore Gothus quidam pauper spiritu, ad conuersionem venit: quem DEI VIR BENEDICTVS libentissimè suscepit. Quadam, verò die ei dare ferramentum iussit, quod ad falcis similitudinem falcastrum vocatur, ut de loco quodam vepres absunderet, quatenus illic hortus fieri deberet. Locus autem ipse quem mundandum Gothus susceperat, super ipsam laci ripam iacebat. Cumque Gothus idem densitatem veprium totius virtutis annisu succideret, ferrum de manubrio proſiliens in lacum cecidit, ubi scilicet tanta erat aquarum profunditas, ut spes requirendi ferramenti nulla iam esset. Itaque ferro



ferro perduto, tremebundus ad Maurum monachum cucurrit  
Gothus damnum quod fecerat nuntiavit, & reatus sui egit  
poenitentiam. Quod Maurus quoque monachus mox BENE-  
DICTO famulo DEI curauit indicare. Vir igitur Domini BE-  
NEDICTVS hæc audiens, accessit ad lacum: tulit de manu Go-  
thi manubrium & misit in lacum: & mox ferrum à profundo  
rediit, atque in manubrium intrauit. Qui statim ferramentum  
Gotho reddidit, dicens: Ecce labora, & noli contristari.

Diuus falcem Gothi reparat.

ANAGRAMMA.

Clarus per fidem agit vota.

**E** St occulta trahens pro ul remota  
Magnetis meritò stupenda virtus;  
Nursini sed eam præit Parentis:  
Quod iam prodigium referre nostra  
Intendit tenui Thalia versu.  
Ad ripam fluuij Gothus rapacis  
Scindebat grauidò vepres labore,  
Cum nudata suo manubrio falx  
Vicinas abiit lacus per undas.  
Ad ripam subito venit vocatus,  
Acceptum gelidis manubriumque  
Dum demergit aquis Dei Minister,  
Falx, sic ut celeres mouere nando  
Gressus docta foret (stupore dignum  
Magno prodigium) manubrio undis  
Se merso socians, lacum relinquit.  
Clarus sic peragens Dei fauore  
Diuus vota tenet, fidemque monstrat.



## C A P V T VII.

*De ambulatione Mauri superaquam.*

**Q**UADAM verò die dum idem Venerabilis BEN-  
EDICTVS in cella consisteret, prædictus Placi-  
 dus puer, Sancti Viri Monachus, ad hauriendam  
 de lacu aquam egressus est, qui vas quod tenuerat,  
 in aquam incautè submittens, ipse quoque cadendo  
 sequutus est. Quem mox vnda rapuit, & penè ad vnus sa-  
 gittæ cursum eum à terra introrsus traxit. Vir autem DEI intra  
 cellam positus, hoc protinus agnouit, & Maurum festinè vo-  
 cavit, dicens: Frater Maure, curre, quia puer ille, qui ad hauri-  
 endam aquam perrexerat, in lacum cecidit, iamque eum longius  
 vnda trahit. Res mira, & post Petrum Apostolum inusitata.  
 Benedictione etenim postulatâ atq; perceptâ, ad patris sui im-  
 perium concitus perrexit Maurus. Itaque vsque ad eum locum,  
 quo ab vnda deducebatur puer, per terram se ire existimans, su-  
 per aquam cucurrit, eumque per capillos tenens, cursu rapido re-  
 diit. Qui mox vt terram tetigit, ad se reuersus, post tergum re-  
 spexit, & quia super aquas cucurrisset, agnouit; & quod præ-  
 sumere non potuisset, vt fieret, miratus extremuit factum. Re-  
 uersus itaque ad patrem, rem gestam retulit. Vir autem vene-  
 rabilis BENEDICTVS hoc non suis meritis, sed illius obedientiæ  
 deputare capit. At è contrâ Maurus pro solo eius imperio factum  
 dicebat, seque conscium in illa virtute non esse, quam nescius  
 fecisset. In hac itaque mutuâ humilitatis & amica contentio-  
 ne, accessit arbiter puer, qui ereptus est, nam dicebat: Ego cùm  
 ex aqua traherer, super caput meum meliorem Abbatis videbam,  
 atq; ipsum me ex aquis educere considerabam.

## P E T R V S.

Magna sunt valde, quæ narras, & multorum ædificationi pro-  
 futura: ego autem boni viri miracula, quò plus bibo, eò plus sitio.

Diuus



## Diuus Maurus super undas incedit

## A N A G R A M M A.

Pius cursu ardens ad nutum Dei sui.

**P** Aruus adhuc prima peragens lanuginis annos  
 Cœnobio iunctum lymphas haustus ad amnem,  
 Facta sibi Placidus Patris mandata capeßens  
 Iuerat; at rapidis cum vas immergeret undis  
 Decidit, à ripâ subito multumque recedens  
 Inter aquas animam morti vicinus agebat.  
 Non Diuum sobolis latuere pericula Patrem;  
 Ille sed in cellâ precibus cum ex more vacaret,  
 Protinus agnoscens in quo discrimine vitæ  
 Versatur Placidus, Maurum iubet ocius ad se  
 Ferre gradum, cui mox venienti talia profert:  
 Alueus en Placidum prono rapit impete lapsum;  
 Accelera, & Fratrem, si quis modus, eripe morti.  
 Dixerat: Ille Notò citius volucris que sagittâ  
 Currit, & à ripa puerum (mirabile dictu)  
 Distantem sequitur, dextra quem crine prehensum  
 Proximiora celer præiens ad littora dū it.  
 Ut terram tetigit sensus habuitque priores,  
 (Hos etenim nimio saluandi fratris amore  
 Perdiderat) magni rapidas iusse per amnis  
 Se miratur aquas. Proprio perterritus actu,  
 Non secus ac victo Cadmus serpente, peractum  
 Spectat opus: tamen haud victor sibi plaudit in illos  
 Sed BENEDICTE tuâ partum virtute trophaum  
 Cognoscens, meritò Patris deponit ad aras  
 Arma, quibus fluidos fecit solidare liquores  
 Naiadas, ut morti socium subducere posset.  
 Quid Nati refugis Pater acceptare triumphum?  
 Facta quid hæc meritis sancta miracula vitæ

Aferi.



## Vita S. Benedicti Abbatis,

Ascribi renuis? prò quanta modestia Diui!  
 Maurus ut auctori proprio miracula Patri  
 Acta refert: Pater hac potius sed munere Mauri  
 Ad sua parentis promptè mandata, fuisse  
 Signa Dei collata manu contendit, & inter  
 Illos exoritur sancta discordia mentis.  
 O felix animi nimium dissensio, ferri  
 Quà bene promeriti nolunt sibi munia laudis!  
 Dum laudem fugiunt, corpus velut umbra, fugaces  
 Laus retrò sequitur, palmas qua præbet utrique.  
 Te BENEDICTE manet facti celebrata per Orbem  
 Gloria prodigij, qualis non dignior ulla  
 Esse potest. Homines quantum conferre Tonanti  
 Possumus, ista parem CHRISTO te gloria reddit:  
 Petrus & hoc factò, tu Maure, secundus habebis.

## C A P V T VIII.

De infecto per venenum pane, per coruum longius  
 proiecto.



Vm iam loca eadem in amorem Domini DEI  
 nostri IESV Christi longè lateque feruiscerent, &  
 sæcularem vitam multi relinquerent, & sub leni  
 Redemptoris iugo ceruicem cordis edomarent: (si-  
 cut mos prauorum est inuidere alijs virtutis bonum,  
 quod ipsi habere non appetunt) vicinæ Ecclesiæ presbyter Flo-  
 rentius nomine, huius nostri Subdiaconi Florentij auus, antiqui  
 hostis malitiâ percussus, Sancti Viri studijs caput æmulari, eius-  
 que conuersationi derogare: quosque etiam posset ab illius vi-  
 sitatione compescere. Cumq; iam se conspiceret eius profectibus  
 obuiare nonposse, & conuersationis illius opinionem crescere,  
 atque multos ad statum vitæ melioris, ipso quoque opinionis  
 eius præconio indesinenter vocare, inuidiæ facibus magis ma-  
 gisq;



gisque succensus, deterior fiebat: quia conuersationis illius appetebat habere laudem, sed habere laudabilem vitam nolebat. Qui eiusdem inuidiæ tenebris cæcatus, ad hoc usque perductus est, vt seruo Omnipotentis Dei infectum veneno panem & quasi pro benedictione transmitteret. Quem Vir Dei cum gratiarum actione suscepit: sed eum, quæ pestis lateret in pane, non latuit. Ad horam verò refectionis illius ex vicinâ siluâ coruus venire consueuerat, & panem de manu eius accipere. Qui cum more solito venisset, panem quem presbyter transmierat, vir Dei ante coruum proiecit, eique præcepit, dicens: In nomine IESU Christi Domini nostri tolle hunc panem, & tali eum in loco projice, vbi à nullo hominum possit inueniri. Tunc coruus aperto ore, expansis alis circa eundem panem cœpit discurre, crocitare, ac si aperte diceret, & obedire se velle, & tamen iussa implere non posse. Cui vir Domini præcipiebat iterum, atque iterum, dicens: leua, leua securus, atque ibi projice, vbi inueniri non possit. Quem diu demoratus, quandoque coruus momordit, leuauit, & recessit. Post trium vero horarum spatium abiecto pane rediit, & de manu hominis Dei annonam, quam consueuerat, accepit. Venerabilis autem pater contra vitam suam inardescere Sacerdotis animum videns, illi magis quam sibi doluit. Sed prædictus Florentius, quia magistri corpus necare non potuit, se ad extinguendas discipulorum animas accendit: ita vt in horto cellæ, cui BENEDICTVS inerat, ante eorum oculos nudas septem puellas b mitteret, quæ coram eis sibi inuicem manus tendentes & diutius ludentes, illorum mentes ad peruersitatem libidinis inflammarent. Quod vir Sanctus de cella conspiciens, lapsusque adhuc tenerioribus discipulis pertimescens, idque pro sui solius persecutione fieri pertractans, inuidiæ locum dedit, atque oratoria & cuncta quæ construxerat, substitutis Præpositis, adiunctis fratribus ordinauit, & paucis secum monachis ablatis habitationem mutauit loci. Sicq; Vir Dei eius odia humiliter declinavit, quem Omnipotens DEVS terribiliter percussit. Nam cum prædictus presbyter stans in solario BENEDICTVM discessisse cognosceret, & exul-



taret, perdurante immobiliter totâ domus fabricâ, hoc ipsum tantum in quo stabat solarium cecidit, & BENEDICTI hostem conterens extinxit. Quod viri DEI discipulus Maurus nomine, statim venerabili Patri BENEDICTO, qui adhuc à loco eodem vix decem millibus aberat, æstimauit esse nuntiandum, dicens: Reuertere, quia presbyter qui te persequabatur extinctus est: Quod vir DEI BENEDICTVS audiens, sese in grauib. lamentis dedit, vel quia inimicus occubuit, vel quia de inimici morte discipulus exultauit. Quâ de re factum est, vt eidem quoque discipulo poenitentiam indiceret, quod mandans talia, gaudere de inimici interitu præsumpsisset.

## P E T R V S.

Mira sunt & multum stupenda quæ dicis: Nam in aquâ ex petrâ productâ Moysen: *Exod: 6. 6.* in ferro verò, quod ex profundo aquæ redijt, *4. Reg: 6.* Helizum: in aquâ itinere, *Math: 14.* Petrum: in corui obedientia, *3. Reg: 17.* Eliam: in luctu autem mortis inimici, *2. Reg: 1.* Dauid video: & perpendo, quia vir iste spiritu iustorum omnium plenus fuit.

## G R E G O R I V S.

Vir DEI BENEDICTVS, Petre, vnus DEI spiritum habuit, qui per concessâ redemptionis gratiam, electorum corda omnium impleuit, de quo Ioannes dicit: *Ioan: 1.* *Erat lux vera, qua illuminat omnem hominem venientem in hunc mundum.* De quo rursus scriptum est: *Ioan: 1.* *De plenitudine eius nos omnes accepimus.* Nam Sancti DEI homines potuerunt à Domino virtutes habere, non etiam alijs tradere. Ille autem signa virtutis dedit subditis, qui se daturum signum Ionæ, promisit inimicis: vt coram superbis mori dignaretur, coram humilibus resurgeret: quatenus & illi viderent, quod contemnerent, & isti quod venerantes amare debuissent. Ex quo mystero actum est, vt dum superbi aspiciunt despectum mortis, humiles contra mortem, acciperent gloriam potestatis.

## P E T R V S.

Quæso te, post hæc, ad quæ loca vir Sanctus migrauerit, vel



¶ aliquas in eis virtutes, postmodum ostenderit, innotescet.

## G R E G O R I U S.

Sanctus vir ad alia demigrans loca non hostem mutauit. Nā eantō post grauiora praelia pertulit, quantum contra se apertē pugnantē, ipsū malitiæ magistrū inuenit. Castrū namq; quod Casinū dicitur in excelsi montis latere situm est, qui videlicet mons distenso sinu hoc idem castrū recipit, sed per tria millia in altum se subrigens velut ad æera cacumen tendit: vbi vetustissimum fanum fuit, in quo antiquorum more gentium à stulto rusticorum populo Apollo colebatur. Circumquaque etiam in cultu dæmonum luci succreuerant, in quibus adhuc eodem tempore infidelium insana multitudo Sacrificijs sacrilegis insudabat. Illic itaque Vir Dei perueniens contriuit & idolum, subuertit aram, succendit lucos, atque in ipso templo Apollinis, Oraculum B. Martini, vbi verò ara eiusdem Apollinis fuit, oraculum Sancti Ioannis construxit, & commorantem circumquaque multitudinem prædicatione continuā ad fidem vocabat. Sed hæc antiquus hostis tacitè non ferens, non occultè, vel per somnium, sed aperta visione eiusdem Patris oculis sese ingerebat, & magnis clamoribus vim se perpeti conquerebatur, ita vt voces illius etiam fratres audirent, quamuis imaginem minimè cerne-  
rent. Vt enim discipulis suis Venerabilis Pater dicebat, corporalibus eius oculis idem antiquus hostis teterrimus & succensus apparebat, qui in eum ore oculisque flammantibus sauire videbatur. Jam verò quæ diceret audiebant omnes: prius enim hunc vocabat ex nomine. Cui cum vir Dei minimè responderet, ad eius mox contumelias erumpebat. Nam cum clamaret, dicens: BENEDICTE, BENEDICTE, & eum sibi nullo modo respondere conspiceret, protinus adiungebat, Maledicte non BENEDICTE, quid mecum habes? quid me persequeris? sed iam nunc spectanda sunt contra Dei famulum antiqui hostis noua certamina, cui pugnam quidem volens intulit, sed occasiones victoriæ ministravit inuitus.



Vita S. Benedicti Abbatis,  
 a Donum panis venenati.

A N A G R A M M A

Sanè non piè vni datum.

**I**Ndutus Tyrio saturatam murice vestem,  
 Mundaque deterfis gestans talaria plantis,  
 Et pallà verrente solum comptisque capillis,  
 Cecropus ingressus regalia tecta Parentis,  
 Filius ut nata thalamos caducifer Herpes  
 Mercurius peteret; natu soror altera maior,  
 Quam sibi Athlantiades optabat habere fauentem,  
 Cum non vellet opem, magno nisi pondere ~~munera~~  
 Ferre Deos: rigida succensâ Palladis irâ  
 Inuidia tanto fuit exagitata furore,  
 Jugiter ut thalamos, fortunatumq; sororis  
 Coniugium versans animo, non munera somni,  
 Nec potum, lautasq; dapes, quas regia Patris  
 Mensa ministrabat, felicibus inuida tadis  
 Sumeret, & fuso per viscera cuncta veneno  
 Inuidia putri lentâq; miserrima tabe  
 Deficiens, tenues omnino abisset in auras,  
 Nî sibi claudentem venientis limen, Athlantis  
 Pleionêque nepos, iustas effusus in iras  
 Mutasset. Sceleris crudelius esse veneno  
 Inuidia nihil esse potest. Hæc noxia pestis  
 Extenuat corpus, sortes frangitque lacertos,  
 Ante diem Hygias animosque relegat ad undas.  
 Talis erat sanctis BENEDICTI Presbyter actis  
 Inuidus: huius erat nomen Florentius, omen  
 Nominis at pulchri non conuenienter adeptus.  
 Quam seruare nequit vitam, morêque pudicos  
 Improbatur hic Diui. Ratio non altera tristis  
 Inuidia solet esse: virum virtute dolosâ,

Mori.



Moribus & factis BENEDICTVM prædicat esse,  
 Qui sibi diuitias Monachali tectus amictu  
 Quareret impostor; quas dum cumularit abunde,  
 Mentita studium pietatis liqueret omne.  
 Inclyta sed cunctis BENEDICTI cognita virtus,  
 Talia pestifera non sentit spicula linguae:  
 In caput auctoris nullo iaculante sed illa  
 Profluant. Quid aget miserandus Presbyter? ecce  
 Pro pudor! inuidia zelo meditatur, & audet  
 Indignum facinus. BENEDICTO tollere vitam  
 Pane venenato, donat quem muneris instar,  
 Nititur: at fraudes noscens BENEDICTVS opertas,  
 Accipit hunc panem, lato vultuque ferenti  
 Dum grates retulit, venienti protinus illum  
 Projiciens cornu, panem iubet abdere syluis.  
 Iussa facit timide, veluti si toxica coruus  
 Nosceret, & circum postquam volitando periculum  
 Est visus pandisse doli, sibi facta peregit  
 Iussa Patris, panem ignotis & condidit antris.

Nudæ tripudiantes in horto sunt puellæ.

ANAGRAMMA.

Non pudet illas; ô rite puniantur à te DEVS!

**P**ane venenato BENEDICTI perfidus hostis  
 Presbyter, ut vidit se non potuisse beato  
 Eripuisse Patri vitam, maioribus actus  
 Inuidia stimulis, animas occidere fratrum,  
 Absque tamen gladio, factâ nec cade parauit.  
 Canobio iunctus varijs cultissimus herbis,  
 In cellâ positi poterant quem cernere fratres,  
 Hortus erat: famulus Diti, CHRISTIQ; minister  
 Illius in medio nudas sine veste puellas



## Vita S. Benedicti Abbatis,

Presbyter alterno choreas pede ducere mandat:  
 O scelus! ô quidnam mortalia pectora cogis  
 Inuidia feruor! Pater hæc spectacula Diuus  
 Vt vidit, metuens casus, & damna suorum,  
 Protinus ut nitido fulsit lux postera cælo,  
 Fratribus electis, eius qui frana tenere  
 Canobij possent, paucis comitatus abiuit.  
 Sed tanti sceleris vindex qui nulla relinquit  
 Impunita Deus, tecto labente nefandum  
 Presbyterum oppressit. Tristis qua nuntia casus  
 Accipiens alto Diuus suspiria duxit  
 Pectore, & effusis miserandi fletibus hostis  
 Ingemuit casum, CHRISTI, Stephaniq; secutus  
 Exemplum. Pietas non est sublimior vlla,  
 Quàm bene velle hosti, nullis damnisque moueri.

Idola Cassini euertuntur.

A N A G R A M M A.

DEVS venit, colatur in aris.

**J**Am Deus humanam natus de Virgine formam  
 Induit, ut dignum est, fumante colatur in aris  
 Thure sacris. Quid adhuc pateris simulacra Deorum  
 Vir, BENEDICTE, Dei feruens qui totus honore  
 Cassini frondosa petis fastigia montis?  
 Jam Deus aduenit, BENEDICTE, colatur in aris.  
 Non bene conueniunt, nec in una sede morantur  
 Rex Erebi, rectorq; Poli. Cum Damone CHRISTVS  
 Nil commune gerit: toto dominetur in Orbe,  
 Ut ratio dicat, totum qui condidit orbem.  
 Iam Deus aduenit, talisq; colatur in aris:  
 Templâ ruant quacumque Dijs sacra profanis.  
 Iam iuuat accensâ lucos euertere flammâ,  
 Et nemus incisum strictâ violare securi.

Cedat



Auctore Gregorio Magno.

Cedat Apollo Deo, terris sit Iupiter exul;  
Juno, Diana, Venus Diuo priuentur honore,  
Illi dentq; locum, solus qui Numen habetur,  
Aduenitq; Deus. Per te BENEDICTE, profani  
Sint procul hinc ritus; CHRISTVSq; colatur in aris.  
Iussa Dei BENEDICTVS agit; nemus omne repurgat,  
Cassiniq; omnes latebras perlustrat, & aras  
Funditus evertit. Magno cum murmure montis  
Dæmones, antiquas debent dum linguere sedes,  
Circum claustra fremunt, voces ad sidera tollunt  
Horrendas, tremulisq; ululatibus aëra complent.  
Consonat omne nemus, strepitu collesq; resulant.  
Terribiles visu formæ, sylleq; bisformes,  
Multaque præterea variarum monstra ferarum,  
Aëra per vacuum ferri sublimè videntur.  
Sicq; repurgato Cassini vertice montis  
Pieridum ficto steterant ubi sana Parenti,  
Magnifica extruxit BENEDICTVS templa beato  
Jugni meritis Martino. Celsior extis  
Ac ubi caprarum Phæbo fuit ara litandis,  
Alterâ consimili Diuus fabricata decore  
Baptista posuit BENEDICTVS templa Ioanni.

Marcus Poëta, beatissimi Patris BENEDICTI discipulus, & Monachus Casinas, conuersionem sanctam, atque miracula eiusdem B. P. BENEDICTI elegiaco metro describens, inter alia, de Angelis, qui Sancto BENEDICTO, è Sublacensi commoratione, Casinum eunti, viam qua pergere deberet, monstrabant, taliter cecinit, Cap: 12.

Ad quam, tu ex alio monitus cum monte venires,

Per deserta tibi, Dux fuit ipse Deus.

Namque duos iuuenes, binum perduxit ad omne,

Qui te firmarent, quod sequeris iter.

Hic quoque viuenti iustorum dixerat vni,

Hu tu parce locis, alter amicum adesset.

Idem Marcus, de tribus coruis, quos S. P. BENEDICTVS alere solitus erat, & qui eum a Sublaco Casinum usque, per quinquaginta ferè milliari, sunt sequuti, in præconio spiritualis sui Doctoris metricè ita lusi.



Credeque flecti loqui, nisi ternū solus abiret,  
 Tres subito corui promeruere sequi.  
 Hic quoque te clamant, populos qui teste requirunt.  
 Expectas noctū cum pia festa sacra.  
 Qui velut orbatū rancis tibi flere loquelis  
 Instant, conuictū quod caruere tuo.  
 Te sibi sublato tenebrū mons Calius horret,  
 Et pallēt nebulae concolor ipse suū.

## C A P V T IX.

*De ingenti saxo per serui Dei orationem leuato.*



Vadam die dum fratres habitacula eiusdem  
 cellæ construerent, lapis in medio iacebat, quem  
 in ædificiū leuare decreuerunt. Cumque cum duo vel  
 tres leuare non possent, plures adiuncti sunt, sed  
 ita immobilis manlit ac si radicatus in terrā tene-  
 retur, vt palam daretur intelligi, quod super eum ipse per se  
 antiquus hostis sederet, quem tantorum virorum manus mo-  
 uere non possent. Difficultate igitur facta, ad virum Dei mis-  
 sum est, vt veniret, & orando hostem repelleret, vt lapidem  
 leuare possent. Qui mox venit, & orationem faciens benedi-  
 ctionem dedit, & tantā lapis celeritate leuatus est, ac si nullum  
 prius pondus habuisset.

Diabolus saxo inhærens repellitur.

A N A G R A M M A

Ille Nero exulans paradiso suberit.



**J**Am Fratrum posito sacri fundamine templi  
 Turba laborabat marmorum attollere moles,  
 Artificesque alij magno conamine saxa  
 Vectabant humeris, atque ordine quaque locabant.  
 Ecce furens imis Erebi de sedibus hostis  
 Improvisus adest, vastisque molaribus instat.  
 Plurima non vni saxo coniuncta leuando  
 Robora sufficiunt. Virtus coit omnis in vnum:  
 Nil valida possunt dextra, labor irritus extat:  
 Deficiunt vires. Manet hoc immobile saxum,  
 Non secus ac fixis hæret radicibus arbor.  
 Scilicet hunc Damon lapidem gravitate teneri  
 Fecerat insolitâ. Sudant, frustra laborant  
 Artifices, Diuque petunt meliora parentis  
 Auxilia, exposcuntq; velit depellere seui  
 Damonis insidias. Accedit & annotat hostem  
 Diuus, in immoto stygium requiescere saxo.  
 Signa crucis faciens, mox Damona surgere mandat.  
 Quo fugiente, niger vacuas dispersus in auras  
 Est fumus, densusq; vapor. Conamine paruo  
 Artifices tollunt magni tunc pondera saxi;  
 Sicque subesse Nero paradiso cogitur exul,  
 Qui prius in toto dominans regnauerat Orbe.

## EPIGRAMMA.

## In Dæmonem lapidi infidentem.

**I**mpie quid gelido resides in marmore Damon?  
 Non poteras solio nobiliore frui?  
 Istius est aliquod voluisti frigore saxi  
 Fors calidis matibus, ferre refrigerium.



## CAPVT X.

De phantastico coquina incendio.

**T**unc in conspectu Viri Dei placuit, ut in eodem loco terram foderent. Quam dum fodiendo altius penetrarent, æreum illic idolum fratres inuenerunt. Quo ad horam casu in coquinam proiecto, exire ignis repente visus est, atque in cunctorum monachorum oculis, quia omne eiusdem coquinæ ædificium consumeretur, ostendit. Cumque iaciendo fratres aquam ad ignem quasi extinguendo perstreperent, pulsatus eodem tumultu Vir Dei aduenit. Qui eundem ignem in oculis fratrum esse, in suis verò non esse considerans, caput protinus in orationem flexit, & eos quos phantastico reperit igne deludi vocauit, fratres monuit ut oculos suos signarent, ut & sanum illud coquinæ ædificium assistere cernerent, & flammæ quas antiquus hostis finxerat, non viderent.

BENEDICTVS ignem sedat.

ANAGRAMMA.

Dum est agens, benedicit.

**P**atre dum terram fodiant iubente  
 Altius fratres, simulacra vani  
 Numinis tollunt, radiante quondam  
 Facta metallo.

Illa complendo, nimis impediti  
 Dum manus seruent operi, culina  
 Inserunt tectis, repetuntque gressu  
 Præpete campum.

Sed



Sed sub inuentâ latitans figurâ  
Hostis Antiquus, celebri triumpho  
Erui terra cupiens latebris,

Concipit iras.

Frendet arrosis labijs & vngue,  
Absque dum plausu, laribus decoram  
Cernit in vilis statuam culina

Esse locatam.

Utor infestus cupiens, repente  
Hoc scelus factum sibi vindicare  
Subdolis fictos crepitante flammâ

Suscitat ignes.

Altior tectis vehitur culina  
Flamma mendaci simulata formâ,  
Et suo fratres operi applicatos

Territat omnes.

Protinus surgens ferit astra clamor:  
Territi magnos faciunt tumultus,  
Qui solent visâ simili perignes

Esse ruinâ.

Diuus accurrit BENEDICTVS, ignis  
Conspicit magnas, nouitate mirâ,  
Nulla subiecta nocumenta flammâ

Ferre culinâ.

Demonis fraudem Pater iste Diuus  
Detegens, nostra pretij salutis  
Signa dum fecit crucis, in vapores

Transijt ignis.

## C A P V T XI.

De puero con fracto à pariete, sanato.



Rursum dum fratres parietem, quia res ita exigebat,  
paulò altiùs erigerent, Vir DEI in orationis studio  
intra cellæ suæ claustra morabatur. Cui antiquus ho-



itis insultans apparuit, & ei, quod ad laborantes fratres pergeret, indicauit. Quod Vir Dei per nuntium celerrime fratribus indicauit, dicens: Fratres cautè vos agite: quia ad vos hâc horâ malignus spiritus venit. Is qui mandatum detulit, vix verba compleuerat, & malignus spiritus eundem parietem, qui ædificabatur, euertit, atque vnum puerulum monachum cuiusdam curialis filium opprimens, ruina contriuit. Contristati omnes ac vehementer afflicti, non damno parietis, sed contritione fratris, venerabili Patri BENEDICTO celeriter cum graui luctu nuntiarunt. Tunc idem Pater BENEDICTVS dilaceratum puerum ad se deferri iubet. Quem portare non nisi in sacco potuerunt: quia collapsi saxa parietis, non solum eius membra, sed etiam ossa contriuerant. Præcepitq; Vir Dei statim eum in cella sua in psyathio, quo orare consueuerat, proijci, missisque foras fratribus, cellam clausit, qui orationi instantius quàm solebat, incubuit. Mira res, eadem hora hunc incolumem, atque vt prius valentem, ad eundem iterum laborem misit, vt ipse quoque parietem cum fratribus perficeret, de cuius se interitu antiquus hostis BENEDICTO insultare credidisset.

### Resuscitatur Monachus.

### A N A G R A M M A.

Sic charus antè mortuus.

**Q**uamuis aperto bella Tartareus sago  
Indicat hostis omnibus, secum velit  
Et in nigrantes trahere Phlegetontis lacus,  
Quoscumque cœli sorte felici videt  
In spem vocatos, attamen semper pijs  
Infestus hostis, grandius bellum ciet.  
Frustrâ vibrans si prius telus, nihil

Necne.



Nocuerit anima, corpori insidias parat.  
 Necdum peracta Lachesis eripiens colo  
 Hic pensa vita sapius scindit manu  
 Nimum feroci, mortis ut subita malo  
 Cuius timendo, fortè non istà mori  
 Horà paratos mergat inferni vadis.  
 Quis nàmque vita ducere innocuus sua  
 Sine labe totum criminis tempus potest?  
 Assucta Phæbus spatia decurrens poli,  
 Illuare terris exerit nunquam caput,  
 Quin parua quamuis vitia, vel lapsus leues  
 Videat piorum. Septies iustus cadit.  
 Si tanta non sint vitia, pro quibus Stygis  
 Cogatur ignes auctor istorum pati  
 Nesandus hostis gaudet in paruis tamen  
 Vicisse iustos: semper istorum notat  
 Proinde gressus, semper his fraudes parat.  
 Hoc concitatus ergo tentator pijs  
 Vesu nocendi, cum semel murum altius  
 Pia filiorum turma BENEDICTI Patri  
 Erigere vellet, molis euertens onus  
 (Clamore Diui, Damonis fraudem & dolos  
 Procul videntis, cateris lapsis fugâ)  
 Sic tardioris membra cuiusdam, graui  
 Muri ruinâ fratris imminuit, simul  
 Ut dissoluta non cohererent magis.  
 Mox ad Parentem cateri exanimem suum  
 Duxere socium, cuius extincti pius  
 Pater misertus, alter Elisaus velut  
 Feruentiori mente conceptas preces  
 Ad astra mittit. O stupor! mox frigido  
 Oratione, corpori redit calor:  
 Elisa rursus membra cernuntur suis  
 Harere neruis, tamque perfectò modo  
 Animante corpus sanguine allis simul



*Vita S. Benedicti Abbatis,  
Nesciuntur artus, mortis ut frater ferens  
Vista trophaum, Patris imperio, suum  
Repetas laborem. Mortuus nunquid Deo  
Suoque charus Prasuli hic dici potest?  
Sic estimandum vita Monachorum docet.*

## C A P V T XII.

*De Monachis qui extra cellam comederant.*

**C**OEpit verò inter ista Vir Dei prophetiæ etiã spiritu pollere, ventura prædicere, præsentibus etiã absentia nuntiare. Mos etenim cellæ fuit, ut quoties ad responsum aliquod egrederentur fratres, cibum potumq; extra cellam minimè sumerent. Cũq; hoc de vsu regulæ sollicitè seruaretur, quadam die ad responsum fratres egressi sunt, & in eo tardiori compulsi sunt hora demorari. Qui manere iuxta religiosam fœminam nouerant, cuius ingressi habitaculum, sumplerunt cibum. Cumq; iam tardius ad cellam rediissent, benedictionem patris ex more petierunt. Quos ille protinus percunctatus est, dicens: vbi comedistis? Qui responderunt: Nusquam. Quibus ille ait: Quare ita mentimini? Nunquid illius talis fœminæ habitaculum non intrastis? Nunquid hos atq; illos cibos non accepistis? Nunquid tot calices non bibistis? Cumque eis venerabilis pater & hospitium mulieris, & genera ciborum & numerum potionum diceret, recognoscentes cuncta quæ egerant, ad eius pedes tremefacti ceciderunt, & se deliquisse confessi sunt. Ipse autem protinus culpæ pœnitentiam pepercit, perpendens quòd in eius absentia ultra non facerent, quem præsentem sibi esse in spiritu scirent.

Diuus



Diuus BENEDICTVS Prophetas.

ANAGRAMMA.

Penè vt Dauid hic probus est.

**H**ic probus est Monachus, magnusq; Prophetas videtur.  
Penè etiam Dauid creditur esse nouus.

C A P V T XIII.

*De fratre Valentiniani Monachi, quem Vir DEI  
in via comedisse carpsit.*

**R**ater quoque Valentiniani eius Monachi, cuius superius memoriâ feci, vir erat laicus, sed religiosus. Qui vt Serui DEI orationem perciperet, & germanum fratrem videret, annis singulis de loco suo ad cellam eius ieiunus venire consueuerat. Quâdam igitur die, dum iter ad monasterium faceret, sese illi alter viator adiunxit, qui sumendos cibos in itinere portabat. Cumque iam hora tardior excreuisset, dixit: veni Frater sumamus cibum, ne lassemur in viâ. Cui ille respondit: Absit Frater, hoc non faciam: quia ad Venerabilem Patrem BENEDICTVM ieiunus semper peruenire consueui. Quo respôso percepto ad horam conuiator tacuit. Sed cum post hoc aliquantulum itineris spatium egissent, rursus admonuit, vt manducarent. Noluît consentire qui ieiunus peruenire decreuerat. Tacuit quidem qui ad manducandum inuitauerat, & cum eo ieiunus adhuc pergere modicum consensit. Cumque iter longius agerent, & eos tardior hora fatigaret, ambulantes inuenerunt in itinere pratum & fontem, & quæque poterant ad reficiendum corpus dele-



delectabilia videri. Tunc conuiator ait: Ecce aqua, ecce pratum, ecce amarus locus, in quo possumus refici & parum quiescere, ut valeamus iter nostrum postmodum incolumes explere. Cum igitur & verba auribus & loca oculis blandirentur, tertiâ admonitione persuasus, consensit & comedit: vespertinâ verò horâ peruenit adcellam. Præsentatus autem Venerabili BENEDICTO patri, sibi orationem petijt: Sed mox ei vir Sanctus hoc quod in viâ egerat improperauit, dicens: quid est frater quod malignus hostis, qui tibi per conuiatorē tuum locutus est, semel tibi persuadere non potuit, secundò non potuit, tertio verò persuasit, & te ad hoc quod voluit superauit? Tunc ille reatū infirmæ suæ mentis agnoscens, eius pedib⁹ prouolutus tantò magis cœpit culpam deslere & erubescere, quanto se cognouit etiam absentem in BENEDICTI Patris oculis deliquisse.

## P E T R V S.

Ego Sancti Viri præcordijs Helisæi Spiritum video inesse,  
quia absenti discipulo præsens extitit.

## In Prophetias Sancti Patris.

## E P I G R A M M A.

**P**Risca suos sileat veteres celebrare Pòetas,  
Audeat, haud ultra, laurea dona dare:  
Unicus eripuit cunctis palmam BENEDICTVS,  
Quod fuit, & quod sit, quaq; futura vident.  
Infirmi frangunt quondam ieiunia Fratres,  
Quod factum celant, explicat ipse Pater.





## CAPVT XIV.

*De simulatione Regis Totila deprehensa.*

G R E G O R I U S.



Portet Petre vt interim fileas, quatenus adhuc maiora cognoscas. Gothorum namque temporibus, cum Rex eorum Totila Sanctum Virum prophetia habere spiritum audisset, ad eius monasterium pergens, paulò longius substitit, eique se venturum esse nuntiavit. Cui dum protinus mandatum de monasterio fuisset vt veniret, ipse, sicut perfidæ mentis fuit, an Vir DEI prophetia spiritum haberet, explorare conatus est. Quidam verò eius spatarius Riggo dicebatur, cui calceamenta sua præbuit, eumque indui vestibus regalibus fecit, quem quasi in personâ suâ pergere ad DEI hominem præcepit. In cuius obsequio tres, qui sibi præ cæteris adherere consueverant. Comites misit, scilicet Vultericum, Rudericum & Blindinum, vt ante serui DEI oculos ipsum Regem Totilam esse simulantes, eius lateri obambulant, cui alia quoque obsequia quasi spatarij præberent, vt tam ex eisdem obsequijs, quàm ex purpureis vestibus Rex esse putaretur. Cumque idem Riggo decoratis vestibus obsequentium frequentia comitatus monasterium fuisset ingressus, vir DEI eminus sedebat. Quem venientem conspiciens, cum iam ab eo audiri potuisset clamauit, dicens: pone fili, pone hoc quod portas: non est tuum. Qui Riggo protinùs in terram cecidit. Et quia tanto viro illudere præsumpisset, expauit, omnesque qui cum eo ad hominem DEI veniebant, terræ consternati sunt. Surgentes autem ad eum propinquare minime præsumpserunt, sed ad suum Regem reuersi nuntiauerunt trepidi, in quantâ velocitate fuerant deprehensi.



Vita S. Benedicti Abbatis,  
 Diuus ficti Regis fraudes nouit.

A N A G R A M M A

DEO gratus is efficitur diuinus.

**T** Iresias factus iudex de lite iocosâ,  
 Jater lunonem quæ fuit atque louem;  
 Famineo sexum dum vult prestare virilem,  
 Firmans fulminei ludicra verba Dei;  
 Indignante Iouis fit coniuge, luminis expers;  
 Talia iudicij fert monimenta sui.  
 Jupiter at magno pœnam compensat honore;  
 Luminis expertem scire futura sinit.  
 Sic ubi concluso BENEDICTVS lumine mentis  
 Non mundana videt, vana nec acta probat;  
 Hic veluti cæcus, Vatis donatur honore,  
 Atque DEO gratus, multa futura videt.  
 Intima secreti lustrat penetralia cordis,  
 Percitus & diuo Numine multa canit.  
 Non ita Rex Helenus, summus Phœbiq; Sacerdos  
 Eneæ cecinit certa pericla maris:  
 Nec Cumæa magis folijs oracula virgo,  
 Fatidico reddens ore locuta fuit,  
 Quàm ventura canat BENEDICTVS Vatis ad instar,  
 Cernat & ex oculis quæque remota suis.  
 Spargitur hæc Vatis velox dum fama per Orbem,  
 Ingreditur Totila Regia castra Ducis.  
 Ille Gothis præerat, sceptris opibûsque superbus,  
 Impius, inamitis, barbarus, atque ferox.  
 Hicq; sui cupiens pnes extendere regni,  
 Hostis per Latios arma ciebat agros.  
 Agmine multiplici Romam tendebat ad urbem,  
 Quam Mundi Dominam nouerat atque caput.  
 Audijt ut quendam BENEDICTVM nomine Diuum,  
 Sidereo Vatis munere, multa loqui;

Pro-



Propterea hunc magno cernendi flagrat amore,  
 Illius & cinctus milite claustra petit.  
 Antè tamen sacri subeat quàm limina claustrì,  
 Vt sibi de Diuo dicta probare queat;  
 Præmittit famulum magnâ comitante cateruâ,  
 Qui Regem Totilam dissimulanter agat.  
 Huic præbet croceo pictum velamen acantho,  
 Eius & in manibus regia sceptrâ locat;  
 Quo solet atque vehi, cristis, ostròque decorum  
 Riggonem famulum scandere mandat equum.  
 Tres iuxta famulos socios simul instruit armis,  
 Vt sunt qui lateri Regis adesse solent.  
 Sicq; peregrina ferrugine Riggo resurgens,  
 Fatidici ingreditur claustra sacrata Patrìs.  
 Non vultus deerat, facièsque simillima Regis;  
 Expers Casarea nec grauitatis erat.  
 Iste videbatur verissima Regis imago,  
 Effigiem Totila fronsq; manusq; dabant.  
 Hoc, Regem melius, scriptis si credere fas est,  
 Qui posset Totilam fingere, nullus erat.  
 Vt videt hunc sacri subeuntem limina claustrì  
 Diuus subridens, hæc BENEDICTVS ait:  
 Exue quam gestas, fili, cum veste coronam:  
 Exue, non tua sunt, cur aliena geris?  
 His dictis riguit tantâ formidine Riggo,  
 Vt Diui ruerit protinus antè pedes.  
 Qui comites aderant, parili terrore rigescunt;  
 In cunctis eadem causa timoris adest,  
 Sed postquam redijt circum præcordia sanguis,  
 Hæc celerant Regi facta referre suo.  
 Nonne Deo gratus meritò diuinus habetur,  
 Qui bene diuinans talia verba refert?



## C A P V T XV.

*De Prophetia Regi Totila, & Canusina Ecclesie  
Antistiti, facta.*

**N**unc per se idem Totila ad Dei hominem accessit, quem cum longè sedentem cerneret, non ausus accedere, sese in terram dedit. Cui cum Vir Dei bis teruè diceret: Surge, sed ipse antequam de terra erigere se non auderet, BENEDICTVS Christi IESV famulus per semetipsum dignatus est accedere ad Regem, prostratumque de terra leuauit, & de suis actibus increpauit, atque in paucis sermonibus cuncta, quæ illi erant ventura, prænuñtiavit, dicens: Multa mala fecisti, iam aliquando ab iniquitate conquiesce. Equidè Romam ingressurus es, mare transiturus, nouem annis regnans, decimo morieris. Quibus auditis Rex vehementer territus, oratione petita recessit, atque ex illo iam tempore minus crudelis fuit, & non multò post Romam adiit, ad Siciliam perrexit. Anno autem regni sui decimo, Omnipotentis Dei iudicio regnum cum vita perdidit. Præterea Canusina Antistes Ecclesie ad eundem Dei famulum venire consueuerat, quem Vir Dei pro vitæ suæ merito valde diligebat. Is itaque dum cum illo de ingressu Regis Totilæ & Romanæ vrbs perditione colloquium haberet, dixit: per hunc Regem ciuitas ista destruetur, ut iam amplius non inhabitetur. Cui Vir Domini respondit: Roma à gentibus non exterminabitur, sed tempestatibus, coruscis turbinibus, ac terræ motu fatigata, in semetipsâ marcescet. Cuius prophetiæ mysteria nobis iam facta sunt luce clariora, qui in hac vrbe dissoluta moenia, euerfas domos, destructas Ecclesias turbine cernimus, eiusque ædificia longo senio lassata, quia ruinis crebrescentibus prosternantur, videmus: quamuis hoc Honoratus eius discipulus, cuius mihi relatione compertum est, nequaquam ex ore illius audisse se perhibet: sed quia hoc dixerit, dictum sibi à fratribus fuisse testatur.

Regi



## Regi Totilæ ventura prædicens.

## A N A G R A M M A

Vir tantus in lege Dei præco erat.

**A**D Totilam Riggo detectâ fraude reuersus,  
 Quæ sibi contigerant, ordine cuncta refert.  
 Eius adhuc gelido torpens in corpore sanguis,  
 Quæ profert trepido gutture verba, probat.  
 Omnibus auditus, voluisse illudere Vati  
 Rex dolet, & veniam quarit habere doli.  
 Quoddam prius suscepit iter, quo claustra petuntur,  
 Perfit it, & sacros pergit adire lares.  
 Obuius est Regi factus prope limina Diuus,  
 Cuius in amplexu Rex prior ipse ruit,  
 Ac illi tribuens patrio de more salutem,  
 Sternitur oblongâ veste tegente solum.  
 In terram sceleris, proiectus corpore toto,  
 Admissi veniam suppliciterque petit.  
 Hunc Pater à terra subito sed tollit amicum;  
 Erectum alloquitur talibus atque modis:  
 Inclute præclaro Rex stemmata sanguine ducens,  
 Quinque fudes maior, Patribus esse tuis,  
 Quid precor in nigrâ Monachum me veste vereris,  
 In te quem nosti iuris habere nihil?  
 Quàm foret id melius cæli, terræq; Monarcham,  
 Conuenit ut cunctis, te timuisse Deum.  
 Pro dolor, illius violatis legibus, arma  
 Corripis, ex æternos & popularis agros.  
 Egredius proprii spatioso limite regni,  
 Hostis agens prædas, cur aliena rapis?  
 Aspice, sit quantus hæc patrii subdita damnis,  
 Te duce dum Mauors hic sua tela iacit.



## Vita S. Benedicti Abbatis,

Aeterna, castra, domus, nec non sacrata Tonantia  
 Diruta Palladio templa furore iacent.  
 Iam satis est scelervis, rabidum compeſce furorem:  
 Deſine crudeles tingere caede manus.  
 Non impunè ſuam Martis furor explicat iram:  
 Crede mihi, punit bella cruenta Deus.  
 Mille Duces Troiam curvis petiere carinis,  
 An tamen incolumes mille fuere Duces?  
 Reſpice Philacidem, ſato qui primus iniquo  
 Aduectus Phrygiam ſanguine ſparſit humum.  
 Quin etiam Danaum vindex fatalis Achilles,  
 Occidit inuictò tela vibrante Deo.  
 Qua Caſar retulit civilis pramia belli?  
 Curia Caſareo ſanguine tincta fuit.  
 Te quoque ſors eadem, inſelix & finis habebis:  
 Qua dico, ingenio vaticinante loquor.  
 Cum tibi ſit noſtris pectus non flexile verbis,  
 Qua tibi contingent, ordine cuncta canam.  
 Conſcendes Latia victor Capitolia Roma,  
 Et maris undofas tranſgredieris aquas;  
 Annorumq; nouem Rex tempore ſceptra tenebis,  
 Abſcindet Lachæſis poſt, tua fila manus.  
 His Totila egreditur dictis, magnoque timore  
 Ducitur, haud ſtabili vix pede adornat iter.  
 Non tamen incepti belli cum ſtrage tenorem  
 Deſerit, Auſoni ſeruet amore ſoli.  
 Emporium, Mundiq; caput ſibi ſubdere Romam  
 Belligeri nouit nobile Regis opus.  
 Victorem toties nullo cogente reuerti  
 Ad proprios ſtultum iudicat eſſe lares.  
 Quam fuit ante tamen, multò iam mitior extat,  
 Bellaque non tantà ſtrage cruenta facit.





6 Ciuitatis Romanæ excidium præuidens ingemit.

Æ N A G R A M M A.

Ita ex igne cadente sic rem diuinavit improuisam.

**C**Um semel intrasset BENEDICTI claustra parentis  
 [Sapius hunc etenim visere moris erat]  
 Vir Canus in reuerendus Prasul in urbe  
 Dicitur hæc Diuo verba dedisse Patri:  
 Numinus interpres, Superum qui oracula pandis,  
 Orèque fatidico multa futura canis;  
 Dum Regi Totila recolo, quæ verba dedisti,  
 Largior ex oculis defluit vnda meis.  
 Mania sè Latia subeat Rex barbarus urbis,  
 Quam dolor! hæc stragem gignet in urbe furor?  
 Celsa mihi videor Capitolia cernere plano,  
 Molibus euersis, aqua iacere, solo.  
 Qua modò magnifici cernuntur templa decoris,  
 Sanctorum exuijs atque referta sacris,  
 Ornatu spoliata suo, viduatæque cultu,  
 Hostili rabie diruta nunquid erunt?  
 Tecta, domus, arces, porta, munimina, turres,  
 Quid nisi erunt Troie lapsa figura noua?  
 O Roma Ausonia primaria gloria terræ!  
 O Roma eximius totius Orbis honor!  
 Siccine tam multis mirum quod floruit annis,  
 Vnica quidquid habes auferet hora decus?  
 Prasulis hæc Vates Diuino concitus æstro  
 Dicta notans, illi mox BENEDICTVS ait.  
 Verba scias Totila, Prasul, me vera dedisse;  
 Non tamen illius Roma furore cadet.  
 Ista quidem magnis, erit urbs oppressa ruinis,  
 Illius & muri, templa, domusque ruent.  
 Non tamen hæc strages veniet victore Tyranno,  
 Roma sed insolito fulminis igne cadet.

Exi-



*Vita S. Benedicti Abbatis,  
Exitus infelix hac Vatis dicta probauit;  
Verus enim Vates dicere falsâ nequit.*

## C A P V T XVI.

*De Clerico à Damone liberato vsque ad tempus.*



Odem quoque tempore quidam Aquinensis Ecclesiæ Clericus damonio vexabatur, qui à Venerabili Viro Constantio eiusdem Ecclesiæ Antistite per multa fuerat Martyrum loca transmissus, vt sanari potuisset. Sed Sancti DEI Martyres noluerunt ei sanitatis donum tribuere, vt quanta esset in BENEDICTO gratia demonstrarent. Ductus itaque est ad Omnipotentis DEI famulum BENEDICTVM, qui IESV Christo Domino preces fundens, antiquum hostem de obfesso homine, protinus expulit. Cui sanato præcepit, dicens: vade, & post hac carnem non comedas, ad sacrum ordinem nunquam accedere præsumas, quâcumque autem die ad sacrum ordinem accedere præsumperis, statim iuri diaboli iterum mancipaberis. Discessit igitur Clericus sanus, & sicut terrere solet animam, pâna recens, ea quæ Vir DEI præceperat, interim custodiuit. Cùm verò post annos multos omnes priores illius de hac luce migrassent, & minores suos sibimet superponi in sacris ordinibus cerneret, verba Viri DEI quasi ex longo tempore oblitus postposuit, atque ad sacrum ordinem accessit, quem mox is qui reliquerat diabolus tenuit, eumque vexare quousque animam eius excuteret non cessauit.

P E T R V S.

Iste Vir DEI diuinitatis, vt video, etiam secreta penetrauit: quia perspexit hunc Clericum idè diabolo traditum, ne ad sacrum ordinem auderet accedere.

G R E-



G R E G O R I V S.

Quare diuinitatis secreta non nosset, qui diuinitatis præcepta seruaret, cum scriptum sit: 1. Cor: 6. *Qui adharet Domino, unus spiritus est cum eo.*

P E T R V S.

Si vnus sit cum Domino Spiritus qui Domino adhæret, quid est quod iterum idem egregius Prædicator dicat: Rom: 11. *Quis cognouit sensum Domini, aut quis consiliarius eius fuit.* valde enim esse inconueniens videtur, eius sensum cum quo vnus vnum factum fuerit ignorare.

G R E G O R I V S.

Sancti viri in quantum cum Deo vnum sunt, sensum Domini non ignorant. Nam idem quoque Apostolus dicit: 1. Cor: 2. *Quis enim scit hominum quæ hominis sunt, nisi spiritus hominis qui est in ipso? Ita & quæ Dei sunt, nemo cognouit, nisi spiritus Dei, qui se ostenderet nosse quæ Dei sunt, adiunxit: Nos autem non spiritum huius mundi accepimus, sed spiritum qui ex Deo est.* Hinc iterum dicit: *Quod oculus non vidit, nec auris audiuit, nec in cor hominis ascendit, quæ preparauit Deus diligentibus se, nobis autem reuelauit per spiritum suum.*

P E T R V S.

Si ergo eidem Apostolo ea, quæ Dei sunt, per Dei spiritum sunt reuelata, quomodo super hoc, quod proposuit, pramisit dicens: Rom: 1. *O altitudo diuitiarum sapientia & scientia Dei, quam incomprehensibilia sunt iudicia eius, & inuestigabiles viæ eius!* Sed rursus mihi hæc dicenti alia suboritur quæstio: Nam David Prophetæ loquitur Domino dicens: Psal: 118. *In labijs meis pronuntiaui omnia iudicia oris tui.* Et cum minus sit nosse, quàm etiã pronuntiare, quid est quod Paulus incomprehensibilia esse Dei iudicia asserit, David autem hæc se omnia non solum nosse, sed etiam in labijs pronuntiasse testatur?

G R E G O R I V S.

Ad utraque hæc tibi superius sub breuitate respondi, dicens:  
L quod



quod sancti viri in quantum cum D E O vnum sunt, sensum D O-  
mini non ignorant. Omnes enim qui deuotè Dominum se-  
quuntur, etiam deuotione cum D E O sunt, & adhuc carnis cor-  
ruptibilis grauari pondere, cum D E O non sunt, occultaque D E I  
iudicia in quantum coniuncti sunt sciunt, in quantum disun-  
cti sunt, nesciunt: quia enim secreta eius adhuc perfectè non  
penetrant, incomprehensibilia eius iudicia esse cèstantur. Qui  
verò mente ei inhaerent, atque inhaerendo vel sacris scripturæ  
eloquijs vel oculis reuelationibus in quantum accipiunt agno-  
scunt, & nouerunt hæc & pronuntiant. Iudicia enim, quæ D E V S  
tacet, nesciunt, quæ D E V S loquitur, sciunt. Vnde & Dauid  
Propheta cum dixisset. *Psalm: 118. In labijs meis pronuntiaui omnia  
iudicia*, protinùs addidit, *oris tui*, ac si aperte dicat: Illa ego iu-  
dicia & nosse & pronuntiasse potui, quæ te dixisse cognoui.  
Nam ea, quæ ipse non loqueris, à nostra procul dubio cog-  
nitione abscondis. Concordat ergo prophetia apostolicaque  
sententia: quia & incomprehensibilia sunt D E I iudicia, & ta-  
men quæ de ore eius prolata fuerint, humanis labijs pronun-  
tiantur, quoniam sciri ab hominibus, & prolata prodi pos-  
sunt, & occultari non possunt.

## P E T R V S.

In obiectione meæ quæstiuncula patuit causa rationis.  
Sed quæsiō te, si qua sunt adhuc de viri huius virtute, subiunge,

Energumenus liberatus.

E N A G R A M M A.

En bene is, vrgetur malus.

**Q** Vos premit infrenus fauâ ditione Tyrannus,  
Non cessat varijs hos cruciare modis.  
Corpora dum subiit, sauit vehementior hostis,  
Solus ibi regnans noxia quæque facit:



Auctore Gregorio Magno.

82

Ne queat in laudem prorumpere lingua Tonantis,  
Hanc ligat, aut cegit turpia verba loqui.  
Horribili Stentor complet nunc omnia voce,  
Ex ore obsessi dum tonat ipse loquens.  
Concipiens subito *ymphatâ* mente furorem,  
Ut ferus effractâ cumpede currit equus.  
Vinciat hunc funis, nexum max dente resoluit:  
Dæmona ne ferri vincla ligare queunt.  
Clericus, obsequio CHRISTI fortasse relicto,  
Talibus Eumenidum viribus actus erat.  
Haud misero prodest *sa*vi tonsura Ministri,  
Eius supplicium maius at inde venit.  
Nulla Sacerdotum possesso corpore, ritu  
Dæmona consueto pellere verba queunt.  
Ut tamen obsessum BENEDICTVS conspicit, hostem  
Corpore Tartareum cogit abire cruce.  
Nec mirum: maledictus enim non fert BENEDICTVM  
Nemine dâssimilis pugnat uterque nimis.

## C A P V T XVII.

De destructione Monasterij Viri DEI, ab ipso prædicta.

G R E G O R I V S.

**V**ir quidam nobilis Theoprobos nomine, eiusdem BENEDICTI Patris fuerat admonitione conuersus, qui pro vitæ suæ meritò magnam apud eum familiaritatis fiduciam habebat. Hic cum quâdam die eius cellam fuisset ingressus, hunc amarissime flentem reperit. Cumque diu subsisteret eiusque non finiri lachrymas videret, nec tamen vir DEI consueuerat orando plangere, sed mœrendo, quamam causâ tanti luctûs existisset, inquisiuit. Qui vir DEI illico respondit, omne hoc mo-

La

passig.



monasterium quod construxi, & cuncta quæ fratribus præparavi, omnipotentis Dei iudicio gentibus tradita sunt. Vix autem, obtinere potui, ut mihi ex hoc loco animæ concederentur. Cuius vocem tunc Theoprobus audiuit, nos autem cernimus qui destructum modò à Longobardorum gente eius monasterium scimus. Nocturno enim tempore & quiescentibus fratribus nuper illi Longobardi ingressi sunt, qui diripientes omnia, ne vnum quidem hominem illic tenere potuerunt, sed impleuit omnipotens Deus quod fidei famulo BENEDICTO promiserat, ut si res gentibus traderet, animas custodiret. Quare Pauli vicem video tenuisse BENEDICTVM, cuius dum navis rerum omnium iacturam pertulit, ipse in consolatione vitam omnium qui eum comitabantur, accepit.

Diuus Monasterij ruïnā præuidet.

ANAGRAMMA.

Vir mansuetus mira Dei prouidentia,

**F** illia Centauri, quæ præpetis omina penna,  
 Et volucrum linguas, cursus & sidera cali  
 Nôrat, & interpres Diuum ventura canebat  
 Ocyroë, postquam proprij quem pectore clausum  
 Gestabat pueri, felicia fata sereno  
 Dixisset vultu, lacrymis mixta massa subortis  
 Et magno gemitu, diuersâ sorte Marito  
 Euentura suo cecinit. Maiore deinde  
 Et sua fata loquens fuit hac afflicta dolore:  
 Scilicet amissâ iam se ratione futuram  
 Conspectiebat equam. Quis non hac fata doleret?  
 Sic ubi Diuino BENEDICTVS concitus astro,  
 Lata alijs lato Vates oracula vultu  
 Prædixit, funesta suos dum Numinis irâ  
 Perpendit qua fata manent, velut altera deflens



Natorum Niobe manes, cinerèsq; sepultos,  
 In lacrymas resolutus abit, tantumq; doloris  
 Concipit, ut toto fugiens de corpore sanguis  
 Illius interdum sine motu membra relinquat.  
 Talibus in lacrymis gemitundi turturis instar  
 Solus erat Vates, quidam cum Nobilis ipsum  
 Nomine Theoprobis, verè probus, omen adeptus  
 Nominis, accessit, qui mox sermone dolentis  
 Confirmare animum cupiens, hac verba Parenti  
 Fatidico loquitur. Fletus qua causa serenos  
 Fœdauit vultus, lacrymasque effundere quisnam  
 Te cogit Venerande Pater? Cui talibus ille:  
 Inclyte vir, nostri quam sit causa doloris  
 Dum petis, appositâ renuunt qua vulnera tangi  
 Cruda manu renouas: non sunt quos perfero tales,  
 Qui blando valeant luctus sermone leuari.  
 Me tamen ut videas iustâ ratione moueri,  
 Nec me cum lacrymis muliebri more querelas  
 Edere, proponam qua sit mihi causa doloris.  
 Prasagâ video, quâ nosco futura, Tonantis  
 Munere, tam tantum fabricati mente ruinas  
 Cœnobij. Tempus veniet volentibus annis,  
 Cum fera gens cultu studijq; asperrima belli,  
 Prô dolor! euertet, totamq; à sedibus imis  
 Eruet hanc molem. Sic stat sententia Diuum.  
 Attamen in tanta precibus solatia clade  
 Obtinui: nullus violentâ morte peribit,  
 Vel cadet hostili gladio. Quam hac vera fuerant,  
 Exitus edocuit. Densa cum tempore noctis,  
 Quo fratres placidi capiebant munera somni,  
 Longobarda ferox fracto gens limine claustri  
 Irruit, atque lares flammâ crepitante sacros  
 Protinus incendit: nullo tamen igne, vel armis  
 Euerfi in medijs claustri pereunte ruinis.



## CAPVT XVIII.

De absconsione flaconis à Beato BENEDICTO cognita.



Vodam quoque tempore Exhilaratus noster, quem ipse conuersum nosti, transmissus à Domino suo fuerat, vt Dei viro in monasterium vino plena duo lignea vascula, quæ vulgo flacones vocantur, deferret: qui vnum detulit, alterum verò pergens in itinere abscondit. Vir autem Domini, quem facta absentia latere non poterant, vnum cum gratiarum actione accepit, & discedentem puerum monuit, dicens: vide fili, ne de illo flacone, quem abscondisti bibas, sed inclina eum, cautè, & inuenies quid intus habet. Qui confusus valde à Deo homine, exiuit. Et reuersus volens adhuc probare quod audierat, cum flacone inclinasset, de eo protinùs serpens egressus est. Tunc prædictus Exhilaratus puer, per hoc, quod in vino reperit, expauit malum, quod fecit.

Baiulus vini lagenam detinet.

A N A G R A M M A.

Videns in illa, ab angue metuit.

**V** Ir pius, binas meliore vino  
Iusserat plenas famulum lagenas,  
Nursio grata pia signa mentis  
Ferre Parenti,  
Fraude sed multâ iuuenis dolosus,  
In viâ, Diui prope claustra Patrûs,  
Eortè sub densis vepribus, lagenam  
Abdidit vnâ.

Alia



Auctore Gregorio Magno.

Alteram, sacras veniens ad ades,  
Porrigit munus phialam salerni;  
Fronte quam Diuus capiens serenâ,  
Verba salutis

Mandat, & grates Domino referri:  
Vnius noscens phialaq; furtum,  
Admonet seruum latitantis anguis,  
Atque pericli.

Ad Patris seruus monitum stupefcit;  
Sed nihil prater retinet stuporem:  
Scire non noscit sua furta Diuum  
Munere Vatis.

Abditam quarens alibi lagenam,  
Ora dum primum resupina vertit,  
Ecce pro vini fluído liquore,  
Exilit angust.

Territus monstri iuuenis figurâ,  
Crimen agnoscit, sibi dicta seruans,  
Conspicit Diuo geniumq; veri  
Vatis inesse.

## C A P V T XIX.

De mappularum receptione à viro DEI cognita.


**N**on longè autem à monasterio vicus erat, in quo non minima multitudo hominum ad fidem DEI ab idolorum cultu BENEDICTI fuerat exhortatione conuersa. Ibi quoque quædam Sanctimoniales feminae inerant, & crebrò illuc pro exhortandis animabus fratres suos mittere BENEDICTIVS DEI famulus curabat. Quadam verò die misit ex more: Sed is, qui missus fuerat Monachus post admonitionem factam, à sanctimonialibus feminis rogatus mappulas accepit, sibi que eas abscondit in sinu. Qui mox ut reuersus est,



est, eum vir DEI vehementissimâ amaritudine cœpit increpare, dicens: Quomodo est ingressa iniquitas in sinum tuum? at ille obstupuit, & quid egisset oblitus, vnde corripiebatur ignorabat. Cui ait: Numquid ego illic præsens non eram, quando ab ancillis DEI mappulas accepisti, tibi que eas in sinu misisti? qui mox eius vestigijs prouolutus, stultè se egisse pœnituit, & eas, quas in sinu absconderat, mappulas abiecit.

## C A P V T XX.

*De cogitatione Monachi superba à DEI viro cognita.*

 Vadam quoque die, dum venerabilis Pater vespertinâ iam horâ corporis alimenta perciperet, eius monachus cuiusdam defensoris filius fuerat, qui ei ante mensam lucernam tenebat. Cumque vir DEI ederet, ipse autem cum lucernæ ministerio astaret, cœpit per superbiam spiritum in mente suâ tacitus voluere, & per cogitationem dicere: Quis est hic, cui ego manducanti assisto, lucernam teneo, seruitium impendo? Quis sum ego, ut isti seruiam? Ad quem vir DEI statim conuersus, vehementer cœpit eum increpare, dicens: Signa cor tuum frater, quid est quod loqueris? signa cor tuum. Vocatisque statim fratribus, præcepit ei lucernam de manibus tolli, ipsum verò iussit à ministerio recedere, & sibi horâ eâdem quietum sedere. Qui requisitus à fratribus, quid habuerit in corde, per ordinem narravit, quanto superbiam spiritu intumuerat, & quæ contra virum DEI verba, per cogitationem tacitus dicebat. Tunc liquido omnibus patuit, quod venerabilem BENEDICTVM latere nil posset, in cuius auribus tacitæ etiam cogitationis verba sonuissent.




Diuus est noscens occulta fratrum vitia.

A N A G R A M M A.

Sic mentis oculo viderat sanctus futura:

**V**iderat hic veluti presagâ mente futura,  
 Sic Pater alterius pectoris ima videt.  
*Vesper erat, cum Sol radijs declinibus umbram*  
*Duplicat, atque breui tempore finit iter.*  
*Cum sine candela non sunt lumine cæna,*  
*Tota sed appositâ lampade mensa nitet.*  
*Propterea astantem sibi Diuus iusserat unum*  
*Sumendis Monachum lumina ferre cibis.*  
*Paruit ad iussum, stans tenuitq; lucernam*  
*Frater, & exterius murmura nulla dedit,*  
*Talia sed tacitus tumido sub pectore voluit;*  
*Obsequium famuli cui modo rectus ago?*  
*Hac meditata videns, alios accedere Diuus*  
*Imperat, elato detrahit atque facem.*  
*Quæ te frater ait, vesana superbia torquet?*  
*Et subeunt animum quæ meditata tuum?*  
*Festina munire crucis tua pectora signo:*  
*Dæmonis insidijs te cecidisse scio.*  
*Fratribus attonitis ob talia verba Parentis,*  
*Hic narrat socijs quæ meditatus erat.*  
*Non commissa pudet socijs peccata fateri,*  
*Omnibus existent quæ manifesta semel.*  
*Se peccasse dolet, facti veniamq; requirit,*  
*A Patre consequitur quam simul atque Deo.*





## CAPVT XXI.

*De ducentis modijs farinae ante viri DEICellam  
inuentis.*



Alio quoque tempore in eâdem Campaniæ regione fames incubuerat, magnaue omnes alimentorum indigentia coangustabat. Jamque in BENEDICTI monasterio triticum decrat. Panes verò panem omnes consumpti fuerant, vt non plus quam quinque ad refectiōis horam fratribus inueniri potuissent. Cumque eos venerabilis Pater contristatos cerneret, eorum pusillanimitatem studuit modesta increpatione corrigere, & rursus promissione subleuare, dicens: Quare de panis inopia vester animus contristatur? hodie quid minus est: sed die crastinâ abundanter habebitis. Sequenti autē die ducenti farinae modij ante fores cellæ in saccis inuenti sunt, quos Omnipotens DEVS, quibus deferentibus transmisisset, nunc vsque manet incognitum. Quod cū fratres cernerent, Domino gratias referentes, didicerunt iam de abundantia nec in egestate dubitare.

## P E T R V S.

Dic, quæso te, numquid non credendum est, huic DEI famulo semper Prophetiæ spiritum adesse potuisse, an per interualla temporum eius mentem Prophetiæ spiritus implebat?

## G R E G O R I V S.

Prophetiæ spiritus, Petre, Prophetarum mentes non semper irradiat: quia sicut de sancto Spiritu scriptum est, *vbi vult spirat*: ita sciendum est, quia & quando vult, aspirat. Hinc est enim, quod Nathan à Rege requisitus, si construere templum posset, prius consentit, & postmodum prohibuit. Hinc est quod Helisæus, cum flentem mulierem cerneret, causamque nescisset, ad prohibentem hanc puerum dicit: dimitte eam, quia anima eius in amaritudine est, & Dominus celauit à me, & non indi



indicauit mihi. Quod Omnipotens DEVS ex magnæ pietatis dispensatione disponit: quia dum prophetiæ spiritum aliquando dat, & aliquando subtrahit, prophetantium mentes & eleuat in celsitudine, & custodit in humilitate, vt & accipientes spiritum inueniant, quid de DEO sint: & rursus Prophetiæ spiritum non habentes cognoscant, quid sint de semetipsis.

P E T R V S.

Ita hoc esse, vt asseris, magna ratio clamat: Sed quaso de venerabili Patre BENEDICTO, quid quid adhuc animo occurrit, exequere.

Diûs oratione frumentum impetrat.

A N A G R A M M A.

Ita fidens nouum reportat meritum.

**I** Sacidas quondam per inhospita lustra vagantes;  
In quibus exculto frugum non dona ferebat  
Rure Ceres, niueum pluuiosi roris ad instar  
Sedibus atheretis mirando munere Diuûm  
Manna cadens aluit. Parili deserta colentes  
Quos iuuat amplecti CHRISTO præcunte beatum  
Religionis iter, summi moderator olympi  
Sæpè modo nutrit. Famulorum est tanta suorum  
Cura Deo, spretis opibus, carnisq; voluptâ,  
Quos meliora Crucis cernit vexilla secutos.  
Hunc Deus eximium BENEDICTO Patris amorem  
Sapiûs ostendit: solito tamen amplior ille  
Tempore, Cænobio Cereris quo dona decessent,  
Paruit affectus. Positis iam secula mensis,  
Farrâque non aderant, fratrum queis languida possent  
Corpora curari: dolor est cum murmure mixtus.  
Quam patiuntur enim quidam tantummodo fratres



## Vita S. Benedicti Abbati

Esuriem deflent: quidam id contingere cura  
 Deficiente Patris, tacito sermone queruntur.  
 Pauperiem Divus fratrum, iustumq; dolorem  
 Ut Pater aduertit, paribus solatia verbis  
 Addit, & hos curam cupiens sperare supremi  
 Numinis, alloquitur: Quid vos dolor anxius urget  
 Deficiente cibo fratres? ieiunia nunquid,  
 Atque aduersa pati sancta vos regula vita  
 Edocet? Afflictis melius confidere rebus,  
 Nonne etiam mandat totum qui dirigit Orbem,  
 Et nutrit volucres, & agrorum candida vestit  
 Lilia? diuinis num deseret ipse sacratos  
 Officijs famulos? sobolis num cura fouenda  
 Desinet esse Patri? pullos gallina tuendi  
 Immemor an viuet? verum si euenerit istud  
 Natura variante vices, memor usque suorum  
 CHRISTVS erit. Proprio fuit attestatus id ore:  
 Quis dubitare potest? hodie si fercula vobis  
 Desuerint, Fratres, Superum cras munere missa  
 Aduenient. Animo depellite nubila vestro.  
 Hac ubi dicta dedit, Phæbo mergente iugales  
 Oceani lymphis, dum cætera turba quiescit,  
 Ecce vigil precibus BENEDICTVS tempora noctis  
 Transigit. In vanum nec facta fuere precantis  
 Vota DEO: totum radius nam posterus Orbem  
 Sol ubi lustrauit, Cereris (mirabile dictu)  
 Ante fores claustræ ignoto sunt dona ferente  
 Bis centum numero mediorum grana reperta:  
 Sicq; notum fidens meritum Pater ille reportat.





## CAPVT XXII.

*De dispositione monasterij per visionem habita.*

G R E G O R I U S.

**A**Lio quoque tempore à quodam fideli viro fuerat rogatus, vt in eius prædio iuxta Taracinentem urbem missis discipulis suis construere Monasterium debuisset. Qui roganti consentiens deputatis fratribus Patrem constituit, & qui ei secundus esset, ordinauit. Quibus euntibus sponpondit, dicens: ite, & die illo ego venio & ostendo vobis, in quo loco oratorium, in quo refectorium fratrum, in quo susceptionem hospitem, vel quæque sunt necessaria ædificare debeatis. Qui benedictione perceptâ illic perrexerunt, & constitutum diem magnoperè præstolantes, parauerunt omnia, quæ his qui cum tanto Patre venire potuissent, videbantur esse necessaria. Nocte verò eadem, quâ promissus illucebat dies, eidem seruo DEI quem illic Patrem constituerat, atque eius Præposito vir Domini in somnis apparuit, & loca singula, vbi quid ædificare debuissent subtiliter designauit. Cumq; vtrique à somno surgerent, sibi inuicem, quod viderant, retulerunt. Non tamen visioni illi omnimodo fidem dantes, virum DEI sicut se venire promiserat, expectabant. Cumque vir DEI constituto die minimè venisset, ad eum cum marore reuersi sunt, dicentes: Expectauimus Pater, vt venires sicut promiseras, & nobis ostenderes, vbi quid ædificare deberemus, & non venisti. Quibus ipse ait: quare fratres, quare ista dicitis? numquid sicut promisi, non veni? cui cum ipsi dicerent, quando venisti? respondit? Numquid vtrisque vobis dormientibus non apparui, loca & singula designaui? ite, & sicut per visionem vidistis, omne habitaculum Monasterij ita construite. Qui hæc audientes vehementer admirati, ad prædictum prædium sunt reuersi, & cuncta habitacula sicut ex reuelatione didicerant, construxerunt.



## P E T R V S.

Doceri velim, quo fieri ordine potuit, ut longè iret, responsum dormientibus diceret, quod ipsi per visionem audirent, & recognoscerent.

## G R E G O R I V S.

Quid est quod perferutans rei gestæ ordinem, ambigis Petre: liquet profectò quia nobilioris naturæ est spiritus quàm corpus. Et certè, scripturâ teste, nouimus quod Propheta ex Iudæâ subleuatus, repente est cum prandio in Chaldaâ depositus, quo videlicet prandio Prophetam refecit, seque repente in Iudæa iterum inuenit. Si igitur tam longè Abacuc potuit sub momento corporaliter ire, & prandium deferre, quid mirum, si BENEDICTVS Pater obtinuit, quatenus iret per spiritum, & fratrum quiescentium spiritibus necessaria narraret: ut sicut ille ad cibum corporis corporaliter perrexit, ita iste ad institutionem spiritualis vitæ spiritualiter pergeret?

## P E T R V S.

Manus tuæ locutionis, terfit meæ, fateor, dubietatem mentis: sed velim nosse, in communi locutione qualis iste vir fuit.

Hic absens à fratribus in somno videtur.

## A N A G R A M M A.

En is missus ut bona fabrica ordinetur.

**N**on nisi mirandâ constat virtute Tonantis,  
 Corpus idem multis posse manere locis.  
 Talia Socratici non præbent dogmata libri,  
 Illud Aristotelis nec schola tota docet.  
 Quod latuit veteres, opus istud Numinis extat;  
 Paucis collatus maximus estq; fauor.  
 Sed BENEDICTVS eo gaudet dum munere Præsul,  
 Fratribus in somnis cernitur ecce suis, Cæno.



*Cænobium Monachis quâ sit ratione parandum;  
Omnia quôque loca sint fabricanda, docet.  
Posterus Eois dum Sol surrexit ab undis,  
Quilibet ad socium somnia visa refert.  
Se vidisse Patrem, formamq; notasse Aruendi  
Illum Cænobiij, singula verba probant.  
Et iuxta archetypum Patris per somnia latum,  
Ædificant Fratres claustra dicanda Deo.*

## C A P V T XXIII.

*De Sanctimonialibus feminis post mortem absolutis.*

G R E G O R I U S.



**V**ix ipsa, Petre, communis eius locutio à virtutis erat pondere vacua: quia, cuius cor sese in alta suspenderat, nequaquam verba de ore illius incassum cadebant. Si quid verò vnquam non iam discernendo, sed minando diceret, tantas vires sermo illius habebat, ac si hoc non dubiè atque suspensè, sed iam per sententiam protulisset. Nam non longè ab eius monasterio duæ quædam Sanctimoniales feminae, nobiliori genere exortæ, in loco proprio conuersabantur, quibus quidam religiosus vir ad exterioris vitæ vsum præbebat obsequium. Sed sicut nonnullis solet nobilitas generis parere ignobilitatem mentis, ut minùs se in hoc mundo despiciant, qui plus se cæteris aliquid fuisse meminerunt, necdum prædictæ Sanctimoniales feminae perfectè linguam suam sub habitus sui frano restrinxerant, & eundem Religiosum virum, qui ad exteriora necessaria eis obsequium præbebat, incautis sæpè sermonibus ad iracundiam prouocabant. Qui dum diu, ista toleraret, perrexit ad Dei hominem, quantasque pateretur verborum contumelias, enarrauit.

Vir



Vir autem Dei hæc de illis audiens, eis protinus mandauit, dicens: corrigite linguam vestram, quia si non emendaueritis, excommunico vos. Quam videlicet excommunicationis sententiam non proferendo intulit, sed minando. Illæ autem à pristinis moribus nihil mutatae, intra paucos dies defunctæ sunt, atque in Ecclesia sepultæ. Cumque in eadem Ecclesiâ Missarum solemnia celebrarenrur, atque ex more Diaconus clamaret: Si quis non communiceat, det locum: nutrix earum, quæ pro eis oblationem Domino offerre consueuerat, eas de sepulchris suis progredi & exire videbat. Quod dum sapiùs cerneret, quia ad vocem Diaconi clamantis exhibant foras, atq; intra Ecclesiam permanere non poterant, ad memoriam reduxit, quæ vir Dei illis adhuc uiuentibus mandauit. Eas quippè se communionem priuare dixerat, nisi mores suos & verba corrigerent. Tunc seruo Dei cum graui nœore indicatum est, qui manu sua protinus oblationem dedit, dicens: Ite, & hanc oblationem pro eis offerri Domino facite, & vltèrius excommunicatæ non erunt. Quæ dum oblatio pro eis fuisset immolata, & à Diacono iuxta morem clatum est, vt non communicantes, ab Ecclesia exirent, illæ exire ab Ecclesia vltèrius visæ non sunt. Quæ ex re indubitanter patuit, quia dum inter eos qui communionem priuati sunt, minimè recederent, communionem à Domino per seruum Domini recepissent.

## P E T R V S.

Mirum valde, quod dicis, quamuis venerabilem & sanctissimum virum, adhuc tamen in hac carne corruptibili degentem, potuisse animas soluere in illo iam inuisibili iudicio constitutas.

## G R E G O R I V S.

Nunquid nam, Petre, in hac adhuc carne non erat, qui audiebat. *Math: 15 Quodcumq; ligaueris super terram, erit ligatum & in cælis: & quæ solueris super terram, soluta erunt & in cælis.* Cuius nunc vicem ligando & soluendo obtinent, qui locum sancti regiminis fide & moribus tenent. Sed vt tanta valeat homo de terra, cœli & terræ conditor in terram venit è cœlo: atque



ut iudicare caro etiam de spiritibus possit, hoc ei largiri dignatus est, factus pro hominibus DEVS caro: quia inde surrexit ultra se infirmitas nostra, unde sub se infirmata est firmitas Dei.

P E T R V S.

Cum virtute signorū concorditer loquitur ratio verborum.

Mortuæ Virgines solvuntur anathemate.

A N A G R A M M A.

Sanè istæ à morte eriguntur vnà tumulo.

**Q**uas anathema grauis quondam censura notarat,  
Ex tumulo bine moniales surgere clauso  
Sapè videbantur, cuius non absque stupore  
Prodigij rumor BENEDICTI venit ad aures.  
Ille Pater recolens fuerat qua verba minatus,  
Protinus agnoscit Moniales soluere pœnas  
Quas censura tulit. Iubet illicò vota Tonanti  
Atque preces fieri, Diuum munusque litari,  
Filius aeterno CHRISTVS quo victima Patri  
Presbyteri manibus sacris offertur in aris.  
Non magis hoc factò sunt visa exire sepulchro,  
Ut sperare iubet pietas immensa superni  
Numinis, ad cœlos animo felice volarunt.

C A P V T XXIV.

De puero post sepulturam à terra proiecto.

G R E G O R I V S.





Vadam quoque die, dum quidam eius puerulus monachus, parentes suos, ultra quam deberet, diligens, atq; ad eorum habitaculum tendens, sine benedictione de Monasterio exisset, eodem die, mox ut ad eos peruenit, defunctus est. Cumq; esset sepultus, die altero proiectum foras corpus eius inuentum est, quod rursus tradere sepulturæ curauerunt. Sed sequenti die iterum proiectum exterius, atq; inhumatum, sicut prius, inuenerunt. Tum concitè ad BENEDICTI Patris vestigia currentes, magno fletu petierunt, ut ei suam gratiam largiri dignaretur: Quibus vir DEI manu sua protinus communionem Dominici corporis dedit, dicens: Ite, atq; hoc Dominicum corpus super pectus eius, cum magna reuerentia ponite, & sic sepulturæ eum tradite. Quod dum factum fuisset, susceptum corpus eius terra tenuit, nec ultra proiecit. Perpendis, Petre, apud IESVM Christum Dominum cuius meriti iste vir fuerit, ut eius corpus etiam terra proiecerit, qui BENEDICTI gratiam non haberet?

P E T R V S.

Perpendo planè, & vehementer stupeo.

Vnus monachus visitat Parentes & moritur.

A N A G R A M M A.

Væ, ut sic mortuum ipsa terra non sustinet.

**T**rahente Clotho flamina quamdiu  
 Vitalis aura munere vescimur,  
 Non tempus oblitos, vel anni  
 Nos patria faciunt amoris.  
 Athleta quamvis Palladis inclytus,  
 Fumum cupiuit Neritius tamen  
 Sulcans inaequales procellas,  
 De patrijs laribus videre,

Quid



Quid Vrbe Româ nobilius datur?  
 Qua terra peior cardine Taurico?  
 Huc barbarus vadit relicta  
 Vrbe, suos repetens penates.  
 Amore frater ductus erat pari  
 Sub Nursiano Patre, Monastica,  
 Etatis in primo decore,  
 Signa crucis nouiter secutus.  
 Hic derelictos Cœnobio exiens  
 Visit Parentes: sed dolor! in domum  
 Ingressus ut fuit paternam,  
 Morte ruit subita peremptus.  
 Quo tunc doloris vulnere saucia  
 Eius Parentes pectora gesserint  
 Quis explicabit? maior ipsis  
 Orta tamen ratio est doloris,  
 Cum corpus ipsum sub tumulo vident  
 Non posse claudi: crimina transfuga  
 Noscunt parentes inde Nati,  
 Hosque dolor vehementer angit.  
 Hac Nursiano tristitia Prasuli  
 Diuog. Patri nuntia deferunt,  
 Magnoque turbati dolore,  
 Illius auxilium requirunt.  
 CHRISTI sacratum sub modici latens  
 Panis si corpa hic algidis  
 E. rus Sacerdotem decenter  
 Pectoribus iubet applicare.  
 Iussu peracto Prasulis, amplius  
 Non terra fratris corpora respuie  
 Habere defuncti, sed illa  
 In gremio tenuit patenti



## CAPVT XXV.

*De Monacho qui de Monasterio discedens draconem in itinere inuenit.*

G R E G O R I U S.



Vidam autem eius monachus mobilitati mentis deditus erat, & permanere in Monasterio nolebat. Cumque eum vir Dei assidue corriperet, & frequenter admoneret, ipse verò nullo modo consentiret in congregatione persistere, atque importunis precibus, ut relaxaretur immineret: quādam die idem venerabilis Pater nimeritatis eius cadio affectus, iratus iussit ut discederet. Qui mox ut Monasterium exiit, contra se assistere aperto ore draconem in itinere inuenit. Cumque eum idem draco, qui apparuerat, deuorare vellet, coepit ipse tremens & palpitans magnis vocibus clamare, dicens: Succurrite, succurrite: quia draco iste me deuorare vult. Currentes autem fratres, draconem minimè viderunt, sed trementem atque palpitantem Monachum ad Monasterium reduxerunt. Qui statim promisit, nunquam se esse à Monasterio recessurum, atque ex horâ eādem in suâ promissione permansit. Quippe qui sancti vici orationibus contra se assistere draconem viderat, quem prius non videndo, sequebatur.

*Transfuga viso dracone reperit monasterium.*

E N A G R A M M A

*Eo deterritus monstro, vi superna facit magna.*

**P** Ramia non capto veniunt condigna labore;  
Imposito tantum sine corona datur.

Non



Non nego quod Vatis vulgata præmia pangit.  
 Dimidium facti qui bene coepit, habet.  
 Si tamen optatum teneant non carbasia portum,  
 Non bene iucundum nautæ celeusma canit.  
 Non nisi olympiaci collecto puluere Circi,  
 Qua capiti imponat præmia victor habet.  
 Virtutis stadium si quos percurrere mandat,  
 Præliâ non patitur relinquere cæpta Deus.  
 Qui piger abiectus latet, ut Vesanius, armis,  
 Non lenia, amisso munere, damna capit.  
 Aspice sacrati, frustra exhortante Magistro,  
 Transfuga Canobij quanta pericla subit.  
 Ecce tibi serpens oculis spirantibus ignem,  
 Cadmeo similis, cernitur ante fores.  
 Deuoret ut prædam, victu procumbit hianti.  
 Præda sed aduersâ territa parte fugit.  
 Interiora domus repetit velocior Euro,  
 Atque Patris Monachus corruit ante pedes.  
 Se viso reditum dicit sumpsisse Dracone,  
 Delicti veniam suppliciterque petit.  
 Territus & monstro melior virtute supernâ,  
 Conuenit ut Monacho, magna deinde facit.

## C A P V T XXVI.

*De puero ab elephantino morbo curato.*

**S**ed neque hoc silendum puto, quod illustri viro Antonio narrante cognoui, qui aiebat patris sui puerum morbo elephantino fuisse correptum, ita ut iam pilis cadentibus, cutis intumesceret, atque incrementum saniem occultare non posset. Qui ad virum Dei ab eodem patre eius missus est, & salutem pristinae sub omni celeritate restitutus.



*Vita S. Benedicti Abbatis,  
Hic Diuus leprosum mundat.*

*A N A G R A M M A.*

*Isti corpus valdè mundum.*

**M**embra Elephantino quæ sunt correpta dolore,  
Sensibus amissis, læsa dolore carent.  
Talìa nec tactus, nec dextera, vulnera ledit;  
Non timet admotas fætida lepra manus.  
Tacta licet fuerit, veluti non tacta fuisset,  
Sed fallor: tua sit s, BENEDICTE, manus.  
Quàm tangis lepram, bene tacta fuisse videtur:  
Hac etenim tactu debet abire tuo.  
Corpus habet mundum qui fætida corpora mundat:  
Res etenim mundum sordida nulla facit.

*C A P V T XXVII.*

*De solidis per miraculum Presbytero redditis.*

**N**eque illud taceam, quod eius discipulus, Peregrinus nomine, narrare consueuerat: quia die quâdam, fidelis vir quidam necessitate debiti compulsus: vnum sibi fore remedium credidit, si ad DEI virum pergeret, & quæ eum vrgeret debiti necessitas, indicaret. Venit itaque ad monasterium, Omnipotentis DEI famulum reperit: quia à creditore suo pro duodecim solidis grauitè affligeretur, intimauit. Cui venerabilis Pater nequaquam se habere duodecim solidos respondit, sed tamen eius inopiam blandâ locutione consolatus, ait: vade; & post biduum reuertere, quia deest hodie quod tibi debeam dare. In ipso autem biduo more suo in oratione fuit occupatus. Cumque die tertio is, qui necessi-

tate



eate debiti affligebatur, rediret, super arcam monasterij, quæ erat frumento plena, subito tredecim solidi sunt inuenti. Quos vir DEI deferri iussit, & afflicto petitori tribuit, dicens: ut duodecim redderet, & vnum in expensis proprijs haberet. Sed ad ea nunc redeã, quæ eius discipulis, in libri huius exordio prædictis, referentibus agnoui.

Quidam vir grauissimâ aduersarij sui æmulatione laborabat, cuius ad hoc vique odium prorupit, ut ei nescienti in potu venenum daret. Qui quamuis vitam auferre non valuit, cutis tamen colorem mutauit, ita ut diffusa in corpore eius varietas, lepræ morem imitari videretur. Sed ad DEI hominem deductus, salutem pristinam citius recepit: nam mox ut eum tetigit, omnem cutis illius varietatem fugauit.

Sanctus BENEDICTVS pecunias à DEO recipit.

ANAGRAMMA

Sic iste pauper ac bene diues cunctis donat.

**M** Vnificas gestare manus, miserosq; iuuare  
 Christiadiis virtus est ea digna coli.  
 Diues enim paruum tribuit dum munus egeno,  
 Hoc sibi collatum prædicat esse Deus.  
 Conseruat pauidâ gazas qui mente repostas,  
 Seruat ut Hesperidum fulgida poma draco;  
 Nomine se frustra CHRISTI proclamat alumnum,  
 Qui Pluto obsequium sedulus vsque facit.  
 Sed dolor! obtentum diues sic detinet aurum,  
 Ut stipis exigua sapius ara neget.  
 Possidet ardor opum solos non iste profanos,  
 Interdum Mystas corripit atque sacros.  
 Pauperis oblato viuunt de munere CHRISTI,  
 Pauperis heu memores non tamen esse volunt.  
 Non talis BENEDICTVS erat, qui promptus egenis  
 Quâ poterat curâ ferre studebat opem.

Iste



Ille licet pauper, se pauperis usque leuamen  
 In cunctis facilem prauit atque Patrem.  
 Hunc semel accedens, petijt pro munere nummos.  
 Alterius multum pauper ab are grauis.  
 Cum Pater in cistis Diuus nil clauderet auri,  
 Impesuit granis aurea dona DEVS.  
 Mox omnes tribuit, facilis quos munere celi  
 Fecerat hunc nummos magnus habere fauor.  
 Ecquid auare tegis nullis quod profuit aurum?  
 Pauperibus discas paucula ferre miser.  
 Sic tibi multiplici reddentur sanore nummi:  
 Non etenim CHRISTI fallere verba queunt.

## CAPUT XXVIII.

*De ampulla vitrea in saxis proiecta & non fracta.*

**E**O quoque tempore, quo alimentorum inopia  
 Campaniam grauitè affligebat, vir DEI diuersis  
 indigentibus monasterij sui cuncta tribuerat, ut  
 panem nihil in cellario, nisi parum quid olei in vi-  
 treo vase remaneret. Tunc quidam Subdiaconus,  
 Agapitus nomine, aduenit, magnoperè postulans, ut sibi ali-  
 quantulum olei dari debuisset. Vir autem Domini, qui cuncta  
 decreuerat in terrâ tribuere, ut in coelo omnia reseruaret, hoc  
 ipsum parum, quod remanserat olei, iussit petenti dari. Monachus  
 verò, qui cellarium tenebat, audiuit quidem iubentis verba, sed  
 implere distulit. Cumque post paululum, si id, quod iusserat,  
 datum esset inquireret, respondit Monachus se minimè dedisse:  
 quia si illud ei tribueret, omnino nihil fratribus remaneret.  
 Tunc vir DEI iratus, alijs præcepit, ut hoc ipsum vas vitreum,  
 in quo parum olei remansisse videbatur, per fenestram projice-  
 rent, ne in cellâ aliquid per inobedientiam remaneret. Fa-  
 ctumque est. Sub fenestra autem eadem ingens præcipitium pa-  
 tebat,



sebat, saxorum molibus asperum. Proiectum itaque vas vitre-  
um venit in saxis, sed sic mansit incolume, ac si proiectum  
minimè fuisset: ita vt neque frangi, neque oleum effundi po-  
tuisset. Quod vir Domini præcepit leuari, atque vt erat inte-  
grum, petenti tribui. Tunc collectis fratribus, inobedientem Mo-  
nachum de infidelitate suâ & superbiâ coram omnibus increpauit.

Vna olei phiala deiicitur contra laxum.

Æ N A G R A M M A.

Illam miro casu iacta, ex vi DEI non rupta.

**H**esperij regina Soli Campania frugum  
Vsq̃ue ferax, tanto quamuis ferat ubere donas  
Vt tellure Ceres Baccho videatur in istâ  
Et Cereri Bacchus pro fertilitate duellum  
Indixisse; tamen BENEDICTI tempore Diui,  
Quaslibet Ausonia partes vastante furore  
Palladis, & casos campo deflente colonos,  
Sic sterilis mansit tellus, vt salce secunda  
Gramina nulla daret, solitas nec pampinus vnae.  
Magna fames aderat; syluestres carpere dumos  
Et morsu spoliare nemus moribunda popelli  
Turba videbatur: Diues renuebat egeno  
Subsidium; miseris nec erat spes altera cunctis  
Quàm propensa Patris BENEDICTI dextera dandis  
Muneribus: nam Cænobij bona pauperis esse  
Cuncta volens, farris, vel vini quidquid habebat,  
Non veluti proprium, CHRISTI sed munus, egenis  
Curabat tribui. Quodam vir tempore pauper  
Altaris famulus, sacra cuius epistola voce  
In templo legitur, BENEDICTI claustra Parentis  
Accedens, oleum petijt sibi supplice voto  
Conferri, cuius precibus de more, benignè



*Annuit ut Diuus, iubet ad se accedere claustri  
 Oeconomum, mandatq; oleum mox ferre petenti.  
 Sed seruans oleum in communem prouidus usum  
 [Nam modicum quod erat, cristalli ampulla tenebat]  
 Distulit imperium frater. Quod postea factum  
 Diuus ut agnouit, vitream sibi iussit oliui  
 Adferri phialam, iussâ quam seruidus irâ  
 Proiciens lapidi allisit; parere iubentis  
 Hoc facto Monachos ostendens esse necesse  
 Presulis imperio. Fuerit sed vitrea quamuis,  
 Non ampulla tamen saxis allisa, liquorem  
 Perdidit ex casu, velut ante sed integra mansit.*

## C A P V T XXIX.

*De dolio vacuo, oleo impleto.*



Va increpatione completâ, sese cum ijsdem fratribus in orationem dedit. In eo autem loco, vbi cum fratribus orabat, vacuum erat ab oleo dolium & coopertum. Cumque Sanctus vir in oratione persisteret, coepit operimentum eiusdem dolij, oleo excrecente, subleuari. Quo commoto atque subleuato, oleum quod excreuerat, ora dolij transiens, pauimentum loci, in quo incubuerat, inundabat. Quod BENEDICTVS DEI famulus, vt aspexit, protinus orationem compleuit, atque in pauimentum, oleum defluere cessauit. Tunc diffidentem inobedientemque fratrem latius admonuit, vt fidem habere disceret & humilitatem. Idem verò frater salubriter correptus erubuit, quia venerabilis Pater virtutem Omnipotentis Dei, quam admonitione incitauerat, miraculis ostendebat, nec erat iam vt quisquam de eius promissionibus dubitare posset, qui in vno eodemque momento pro vitreo vase penè vacuo, plenum oleo dolium reddidisset.



## De oleo precibus impetrato.

## EPIGRAMMA.

**I**ncenso, precibusque viam Psalter notat unam,  
 Cur trahis hanc oleum Tu BENEDICTE viam?  
 Dicitur ignis amor, qui oleo, nutritur, & ardet,  
 Exundatque istud, crescat ut arctus amor.

## CAPUT XXX.

## De monacho à demone liberato.



Vadam die dum ad beati Ioannis oratorium,  
 quod in ipsâ montis celsitudine situm est, perge-  
 ret, ei antiquus hostis in mulo medici specie ob-  
 uiam factus est, cornu & tripedicam ferens, quem  
 cum requisisset, dicens: Quo vadis? ille respon-  
 dit: Ecce ad fratres vado, portionem eis dare: Iteque perrexit.  
 Venerabilis Pater BENEDICTVS ad orationem, quâ completâ  
 conceitus redijt. Malignus verò spiritus vnum senio-  
 rem monachum inuenit aquam haurientem, in quem statim ingressus est,  
 eumque in terram proiecit, & vehementissimè vexauit. Quem  
 cum vir DEI ab oratione rediens, tam crudeliter vexari con-  
 spiceret, ei solummodò alapam dedit, & malignum ab eo spiri-  
 tum protinus excussit, ita vt ad eum redire ulterius non auderet.

## P E T R V S.

Velim nosse, si hæc tanta miracula, virtute semper oratio-  
 nis impetrabat, an aliquando etiâ solo voluntatis exhibebat nutu.

## G R E G O R I V S.

Qui deuotâ mente DEO adhærent, cum rerum necessitas  
 exposcit, exhibere signa modo vtroque solent, vt mira quæque



aliquando ex prece faciant, aliquando ex potestate. Cùm enim Ioannes dicat: Ioan: 1. Quotquot autem receperunt eum, dedit eis potestatem filios DEI fieri: Qui filij DEI ex potestate sunt, quid mirum si signa facere ex potestate valeant? Quia enim utroque modo miracula exhibeant, testatur Petrus qui Tabitham mortuam orando suscitauit, Ananiam verò & Saphiram mentientes, morti increpando tradidit. Neque enim orasse in eorum extinctione legitur, sed solummodò culpam, quam perpetraverant, increpasse. Constat ergo, quod aliquando hæc ex potestate, aliquando verò exhibentur ex postulatione, dum & istis vitam increpando abstulit, & illi reddidit orando. Nam, duo quoque fidelis famuli DEI BENEDICTI facta nunc replico, in quibus apertè clareat, aliud hunc acceptâ diuinitus ex potestate, aliud ex oratione potuisse.

Satanas in specie medici fugatur.

ANAGRAMMA.

Ita sanè sat decipiens cum figurâ.

**S** Vmere diuersas quis nescit Demona formas?  
 Atque homini tectos mille parare dolos?  
 Nunc cantat volucris, volitatq; per aëra pennis;  
 Nunc serpens terram ventre tumente premit.  
 Hinnitus imitatur equi, rabiemq; Leonis,  
 Ipsum non etiam vox asinina pudet.  
 Addidit atque bouis non rarò cornua fronti;  
 Non diuersa magis Proteus ora gerit.  
 Sed quia cuncta hominis condit sua philtra ruina,  
 Humanam speciem sapius ipse refert.  
 Fit modo sulgenti diues mercator in auro;  
 Debilis & pauper nunc stipis ara capit.  
 Rusticus incuruo terram nunc findit aratro,  
 Nunc veluti miles saua duella ciet.

Atque



Atque quidem similes Damon sumpsisse figurat  
 Apopulo visus sæpè stupente fuit.  
 Sed sumptâ medici specie hunc portare lagenas,  
 Visere & infirmos, arbitror esse novum.  
 Attamen ut medicus, mulâ vectusque bisformi,  
 Cassini ingressus claustra sacrata fuit.  
 Ille togâ verrente solum, canisque capillis,  
 Non secus ac Chiron, aut Epidaurus erat.  
 Laeva manus frantum, phialam sed dextra tenebat,  
 Cætera post eius, pharmaca, tergus erant.  
 Obuius est Diuo factus prope limina Patri,  
 Quem falsi medici non latuere doli.  
 Mox illum intuitus, subeat cur claustra requirit;  
 Vel qua suscepta sit sibi causa via.  
 Ægros respondet medicus se visere fratres:  
 Hoc dicto, gressu præpete Claustra subit.  
 Cernite quâ Damon sanauerit arte dolentes;  
 Antidotum Paon quod nouus isle tulit.  
 Languida decrepiti possedit corpora fratris,  
 Vtq; solet, multis subdidit illa malis.  
 Hac medicina fuit non facta Machaonis herbis,  
 Sed de Tartareo sulphure facta Stygis.  
 Cætera turba nouo fratrum perterrita casu,  
 Abbati socij tristitia fata refert.  
 Hic prope possepsum nullâ formidine venit,  
 Quem postquam tetigit, perfidus hostis abit.

# C A P V T XXXI.

De ligato rustico solo aspectu viri DEI soluto.



Othorum quidam Galla nomine perfidiæ fuit Ari-  
 anæ, qui Totilæ Regis eorum temporibus, contra Ca-  
 tholicæ Ecclesiæ religiosos viros ardore immanissimæ  
 crude-



crudelitatis exarsit, ita ut quisquis ei Clericus, Monachusque ante faciem venisset, ab eius manibus viuis nullo modo exiret. Quâdam verò die avaritiæ suæ æstu succensus, in rapinam rerum inhians, dum quemdam rusticum tormentis crudelibus affligeret, eumque per supplicia diuersa laniaret, victus poenis rusticus, sese, res suas BENEDICTO DEI famulo commendasse professus est, ut dum hoc à torquente creditur, suspensâ interim crudelitate, ad vitâ hora repararetur. Tunc idem Galla cessauit rusticû tormentis affligere, sed eius brachia loris fortibus astringens, ante equû suum cœpit impellere, ut quis esset BENEDICTVS, qui eius res susceperat, demonstraret. Quem ligatis brachijs rusticus antecedens, duxit ad Sancti viri monasterium, eumque ante ingressum, cellæ solum sedentem reperit & legentem. Eidem autem subsequenti, & fauienti Gallæ rusticus dixit? Ecce iste est, de quo dixeram tibi, BENEDICTVS Pater. Quem dum feruido spiritu, cum peruersæ mentis insanîa fuisset intuitus, eo terrore quo consueuerat, adurum se existimans, magnis capitis vocibus clamare, dicens: Surge, surge, & res istius rustici redde, quas accepisti. Ad cuius vocem vir DEI protinus oculos leuauit à lectione, eumque intuitus mox etiam rusticum, qui ligatus tenebatur, attendit. Ad cuius brachia dum oculos deflexisset, miramodo tanta se celeritate coeperunt illigata brachijs lora deuoluere, ut dissolui tam concitè nullâ hominum festinatione potuissent. Cumque is, qui ligatus venerat, cœpisset subito astare solutus, ad tantæ potestatis vim tremefactus Galla, ad terram corruit, & cervicem crudelitatis rigidæ ad eius vestigia inclinans, se orationibus illius commendauit. Vir autem Sanctus à lectione minimè surrexit: sed vocatis fratribus, eum introrsus tolli, ut benedictionem acciperet, præcepit. Quem ad se reductum, ut à tantæ crudelitatis insanîa quiescere deberet, admonuit. Qui fractus, recedens, nil vltius petere à rustico præsumpsit, quæ vir Domini non tangendo, sed respiciendo soluerat. Ecce est, Petre, quod dixi: quia hi qui Omnipotenti Deo familiarîus seruiunt, aliquando mira facere etiam ex potestate possunt. Qui enim ferocitatem Gothi terribilis sedens repressit, lora verò nodosque ligaturæ quæ inno-



centis brachia astrinxerant, oculis dissoluit, ipsa miraculi celeritate indicat, quia ex potestate acceperat habere quod fecit. Rursum quoque quale quantumque miraculum orando voluit obtinere, subiungam.

Hic Diūs vincula resoluit.

*E A N A G R A M M A.*

Vir sicut sol luce diuinā.

**R***usticus à quodam captiuus milite Gallā,  
Cauda astrictus equi currere iussus erat.  
Eminus ut vidit Pater hæc spectacula Diuus,  
Aspectu potuit soluere vincla suo.  
Sic agit in distans, nec non virtute remotā  
Effectus vario Phœbus in Orbe parit.  
Vir fuit hic sanctus Diuinā luce refulgens,  
Hinc etiam distans sol velut egit opus.*

**C A P V T XXXII.**

*De mortuo suscitato.*



**Q**uadam die cum fratribus ad agrī opera fuerat egressus: quidam verò rusticus defuncti filij corpus in vlnis ferens, orbitatis luctu æstuans, ad monasterium venit, **BENEDICTVM** Patrem quæsiuit. Cui cum dictum esset, quia idem Pater cum fratribus in agro moraretur, protinus ante Monasterij ianuam corpus extincti filij proiecit, & dolore turbatus, ad inueniendum venerabilem Patrem, sese in cursum concitus dedit. Eadem verò horā vir **DEI** ab agrī opere iam cum fratribus reuertebatur.

Quem



*Vita S. Benedicti Abbatis,*

Quem mox ut orbatuſt ruflicuſt aſpexit, clamare coepit: Redde filium meum, redde filium meum. Vir autem DEI in hac voce ſubſtitit, dicens. Numquid ego filium tuum tibi abſtuli? Cui ille reſpondit: Mortuus eſt, veni, reſuscita eum. Quod ut mox DEI famuluſt audiuit, valde contriſtatuſt eſt, dicens: Recedite, fratres, recedite: hæc noſtra non ſunt, ſed Sanctorum Apoſtolorum. Quid nobis onera vultis imponere, quæ non poſſumus portare? At ille, quem nimiuſt coſebat dolor, in ſuâ petitione perſiſtitit, iurans, quòd non recederet, niſi eiſ filium reſcitarer. Quem mox DEI famuluſt inquiſiuit, dicens: vbi eſt? Cui ille reſpondit: Ecce corpuſe eiſ ad ianuam Monafterij iacet; vbi cùm vir DEI cum fratribuſt perueniſſet, flexit genu, & ſuper corpuſculum infantis incubuit, ſeſeque erigens, ad cælum palmas tetendit dicens: Domine, non aſpicias peccata mea, ſed fidem huiuſ hominiſt, qui reſcitari filium ſuum rogat, & redde in hoc corpuſculum animam, quam abſtulitiſt. Vix in oratione verba compleuerat, & regrediente animâ, itâ corpuſculum pueri omne contremuit, ut ſub oculiſt omniuſt, qui aderant, apparuerit concuſſione mirificâ tremendo palpiſſe. Cuiuſ mox manum tenuit, & cum Patri viuenteſt atque incolumem dedit. Liqueſt, Petre, quia hoc miraculum in poteſtate non habuit, quod proſtratuſt petijt, ut exhibere potuiſſet.

## P E T R V S.

Sic cuncta eſſe ut aſſeriſt, conſtat patenter: quia verba quæ propoſuerat rebus probat. Sed quaſo te, ut indiceſt, ſi Sancti viri omnia quæ volunt, poſſunt: & cuncta impetrant, quæ deſiderant obtinere.

Hic puerum reſcitat.

A N A G R A M M A.

Hæc ſit precum virtus.



**I**N natos pietas quæ cernitur esse Parentum,  
 Nos satis illorum viæque, morsq; dolet.  
 Tristia Natorum videant si fata priores,  
 Hæc multis lacrymis nocte, diæque gemunt.  
 Cur plerans Niobe mutauit corpora saxo?  
 Natorum ratio mors violenta fuit.  
 Optat quis Monica lacrymarum noscere causam?  
 Deslebat Nati certa pericla sui.  
 Velauit faciem densâ caligine Titan,  
 Dum Phaëton cali lapsus ab arce fuit.  
 Qui violenta sui non fletet funera nati,  
 Non verus genitor, tigris at ille foret.  
 Hoc quidam puerum complexus amore paterno  
 Rusticus, exanimem dum sine voce videt,  
 In lacrymas resolutus abit, totusque dolore  
 Deficit, ut nati frigida membra tenet.  
 Vix puer hic matris claustris vitalibus alui  
 Prodierat, risu nouerat atque Patrem,  
 Imperio Lachesis, seuâ cum cuspide teli  
 Huic vitam subito mors inopina rapit.  
 Tela prius sensit, nouit quàm nomina mortis,  
 Paruulus afflictæ gaudia cuncta Patris.  
 Pusio pulcher erat, flauenti crine decorus,  
 Ore nitens niueo, purpureisque labris.  
 Rusticus hic quamuis, nil rusticitatis habebat;  
 Patre sed illustri Principe dignus erat.  
 Quæ Pater amisso quæret solatia nato?  
 Quem poterit lacrymis hic statuisse modum?  
 Defuncto similis puero vix distat ab ipso,  
 Sic dolor illius pectora mæstus habet.  
 Vnica suneſto superest medicina dolori,  
 Si nati vegetet corpora vita redux.  
 Vitales redeat si non defunctus in auras  
 Filius, afflictum mors trahet atque Patrem.  
 Hoc **BENEDICTE** tuâ sperat virtute, Tonantis



## Vita S. Benedicti Abbatis,

Rusticus eximio posse favore frui.  
 Exanimi credit vitam te reddere posse,  
 Prodigio vires non superante tuas.  
 Constrictis igitur puerum complexus in vlnis,  
 Cœnobij sacros mox venit ante lares.  
 Primæque festino tetigit dum limina gressu,  
 Affatus Diui Præsulis ipse petit.  
 Hunc ubi vicinis operari nouit in agris,  
 Fratribus adiunctis & renouare solum;  
 Ut currat citius, puerum deponit ab vlnis,  
 Cœnobij primas quem locat ante fores.  
 Ad Diuum veniens lacrymis stillantibus, ipsum  
 Ut Claustum repetat, supplice voce rogat.  
 Ante fores, nati se frigida membra locasse  
 Aserit, hæc vita restituique petit.  
 Talia mirando BENEDICTVS verba petentis,  
 Hoc se prodigium posse patrare negat.  
 Sed magis atque magis renuentem rusticus vrget,  
 Auget & innatâ simplicitate fidem.  
 Permoti lacrymis fratres, precibusq; rogantis,  
 Vtlerius pergunt sollicitare Patrem.  
 Tunc totâ repetit Claustum comitante cateruâ,  
 Acceleransq; gradum mox venit ante fores.  
 Hic genibus flexis oculos ad sidera tollens,  
 Ad superos mittit talia verba Pater:  
 O Deus! arbitrio cuius mors spicula torquet,  
 Cuius & eximio munere vita datur;  
 Huius cerne Patris lacrymas, te quaeso, dolentis,  
 Quamque gerit firmam pectore cerne fidem.  
 Fac eius redeat Nativæ diuinus in auras  
 Spiritus, afflictæ sola medela Patris.  
 Vix bene finierat BENEDICTVS vota precantis,  
 Cum capitis rigidis motus adesse fibris.  
 Contremuit corpus, proprias cum spiritus ades  
 Ingressus vitâ mox redeunte fuit.

Hunc



Auctore Gregorio Magno.

115

Hunc Pater ambabus gaudens complectitur vlnis,  
Et iungit teneris oscula multa labris.  
Utque tulit Diuo dignas pro munere grates,  
Cara fouens gremio pignora, letus abit.

## C A P V T XXXIII.

*De miraculo Scholastica sororis eius.*

G R E G O R I V S.



Visnam erit, Petre, in hac vitâ Paulo subli-  
mior, qui de carnis suæ stimulo ter Dominum roga-  
uit, & tamen quod voluit, obtinere non valuit? Ex  
quâ re necesse est, vt tibi de venerabili Patre BE-  
NEDICTO narrem: quia fuit quiddam quod volu-  
it, sed non valuit implere. Soror namque eius Scholastica no-  
mine, Omnipotenti Domino ab iplo infantia tempore dedicata,  
ad eum semel, per annum venire consueuerat. Ad quam vir-  
DEi, non longe extra ianuam, in possessione monasterij descen-  
debat. Quâdam verò die venit ex more, atque ad eam cum di-  
scipulis venerabilis eius descendit frater: qui totum diem in DEi  
laudibus sacrisque colloquijs ducentes, incumbentibus iam no-  
ctis tenebris simul acceperunt cibos. Cumque adhuc ad men-  
sam sederent, & inter sacra colloquia tardior se hora protrahe-  
ret, eadem Sanctimonialis femina soror eius eum rogauit, di-  
cens: Quæso te, vt istâ nocte me non deseras, & vsque mane  
de cælestis vitæ gaudijs loquamur. Cui iller respondit: Quid est,  
quod loqueris soror? manere extra cellam nullatenus possum.

Tanta verò erat cœli serenitas, vt nulla in aëre nubes ap-  
pareret. Sanctimonialis autem femina, cum verba fratris ne-  
gantis audisset, insertas digitis manus super mensam po-  
suit, & caput in manibus Omnipotentem Dominum rogatura,  
declinauit. Cumque de mensâ leuaret caput, tantâ coruscationis



& tonitruum virtus, tantaque inundatio pluviæ erupit, ut neque venerabilis BENEDICTVS, neque fratres, qui cum eo aderant, extra loci limen, quo confederant, pedem mouere potuissent. Sanctimonialis quippe femina caput in manibus declinans, lacrymarum fluium in mensam fuderat, per quas serenitatem æris ad pluuiam traxit. Nec paulò tardius post orationem inundatio illa secuta est: sed tanta fuit conuenientia orationis & inundationis, ut de mensa caput iam cum tonitruo leuaret: quatenus vnum idemque esset momentum, & leuare caput, & pluuiam deponere. Tunc vir DEI inter coruscos & tonitruos, atque ingentis pluviæ inundationem, videns se ad monasterium non posse remeare, cœpit conqueri contristatus dicens. Pârcat tibi Omnipotens DEVS, Soror, quid est, quod fecisti? Cui illa respondit: Ecce te rogavi, & audire me noluisti: rogavi Dominum meum, & audiuit me. Modo ergò, si potes, egredere, & me dimissa ad monasterium recede. Ipse autem exire extrâ rectum non valens, quia remanere spontè noluit, in loco mansit inuitus. Sicque factum est, ut totam noctem peruigilem ducerent, atque per sacra spiritualis vitæ colloquia sese vicariâ relatione satiarent. Quâ de re dixi: eum voluisse aliquid, sed minime potuisse: quia si venerabilis viri mentem adspicimus, dubium non est, quin eandem serenitatem voluerit, in quâ descenderat, permanere: sed contra hoc, quod voluit, in virtute Omnipotentis DEI ex femina pectore, miraculum inuenit. Nec mirum, quod plus illo femina, quæ diu fratrem videre cupiebat, in eodem tempore valuit. Quia enim iuxta Ioannis vocem, DEVS charitas est, iusto valdè iudicio illa plus potuit, quæ amplius amauit.

## P E T R V S.

Fateor multum placet, quod dicis.



Hic



Hic sanctus sororem suam inuisit.

## ANAGRAMMA.

Sic sermonis suauitas cor munit.

**T**Empore non quouis hominem nocet esse locutum,  
 Est etiam interdum nam tacuisse malum.  
 Magna quidem est virtus frano compescere linguam,  
 Conclufum digitis osque tenere fuis.  
 Attamen vt pariles animi virtutibus extant,  
 Prodeft, fi referant verba fcrata fimul.  
 Qui pius eft, pia verbalubens proponit, & audit:  
 Non alio exoptat fe recreare modo.  
 Illa fuit pariter BENEDICTO fuma voluptas,  
 Præbere alloquijs tempora certa pijs.  
 Vifit vt ergo fuum de more Scholaflica fratrem,  
 Ingreffa hofpitij proxima tecta fuit.  
 Hic flexis genibus primum fe Regis Auerni  
 Aduerfum, precibus munit uterque dolos.  
 Tunc Pater incipiens vultu ridente, forori  
 Quæ pridem didicit, calicæ verba refert.  
 Quid virtus, pietas, narrat quid mortis imago,  
 Præmia Sanctorum, gaudia quanta poli.  
 Quàm fit dulce iugum CHRISTI, quàm fitq; beata,  
 Quam degunt Monachi, vita fcrata DEO.  
 Proxima cognofcat Diuus cùm fata Sororis,  
 Qua ratione illi funt fubeunda docet.  
 His, alijsq; fimul dictis ex ordine verbis,  
 Eft impenfa, iubar Sole negante, dies.  
 Gignebant tenebras ftellata crepufcula noctis,  
 Sermónisq; pij finis habendus erat.  
 Propria cùm Diuus cupiens ad Claufta redire,  
 Difceffum hofpitij promptus ab ade parat.  
 Ecce foror fratris verbi dulcedine victa,



## Vita S. Benedicti Abbatis,

Capta rogat supplex continuare velit.  
 Quo magis illa petit, renuit magis ille petenti,  
 Non ita Germanæ, quàm gregis urget amor.  
 Quid faciet deuota Soror? muliebri leuamen  
 Tristitia quarens, fletibus ora rigat.  
 Imponensq; caput mensa [mirabile dictu]  
 Augmentum lacrymis, imbris ipsa parit,  
 Ante serenato fuerat lux aurea cælo,  
 Purus & Orion, purus & Hadus erat.  
 Mox ubi Diua Soror lacrymas profudit ocellis,  
 Mox cælo pluuia fluxit & imber aqua.  
 Atque simul pluuia magno sunt mixta fragore  
 Fulmina Dircaï tela trisulca Iouis.  
 Egredium laribus tam fulgur, & unda negabant,  
 Quod Pater aduertens, talia verba refert:  
 Quid soror egisti? parcat tibi Numinis ira;  
 Fulminibus vel aquis non retinendus eram.  
 Fratris ad ista Soror subdit, non culpa timenda est;  
 Numinis hoc etenim munus adesse scias.  
 Quas dedit ergo Deus noctis sermonibus horas,  
 Te (rogo) discursus nunc peragente fluant.  
 Annuit inuitus frater, vigilisque sacratis  
 Coniuncti alloquijs tempora noctis agunt.

## CAPV T XXXIV.

De anima sororis eius visa.

GREGORIUS.



Vmque die altero eadem venerabilis femina ad  
 cellam propriam recessisset, vir Dei ad monasteri-  
 um redijt. Cum ecce post triduum in cellâ consi-  
 stens, eleuatis in aëra oculis, vidit eiusdem Sororis  
 suæ animam de eius corpore egressam, in columbæ  
 specie



specie cæli secreta penetrare Qui tantæ eius gloriæ congaudens,  
Omnipotenti Deo in hymnis & laudibus gratias reddidit, eiusq;  
obitum fratribus denuntiavit. Quos etiam protinus misit, ut  
eius corpus ad monasterium deferrent, atque in sepulchro quod  
sibi ipse parauerat, ponerent. Quo facto contigit, ut quorum  
mens una semper in Deo fuerat, eorum quoque corpora nec se-  
pultura separaret.

In specie Columbæ videt sororis suæ animam.

A N A G R A M M A.

Sanè nouit speciosam mirabili decore suauem.

**F** Elle Columba carens, niueisq; argentea pennis,  
Candida virginea symbola mentis habet.  
Illa super CHRISTVM, constant quo Principe cætus  
Agmina parthenij, visa sedere fuit.  
Crimine pura fuit quia tota Scholastica Virgo,  
Ecce niuens meritis astra Columba petit.  
Astra Columba petit BENEDICTO fratre, volatuna  
Et pennas volucris, conspiciente procul.  
Latus in aspectu Diuus vocat illicò fratres,  
Illis Germana nuntiat atque necem.  
Quæq; sepulchra sibi curauerat, illa sororis  
Corporis in tumulum sint reſerata, iubet.  
Vtpote quos viuos sanguis, pietasque ligarat,  
Defunctos idem iungeret atque locus:





## CAPVT XXXV.

*De mundo ante oculos eius collecto, & de anima Germani Capuanae ciuitatis Episcopi.*

**A**Lio quoque tempore Seruandus Diaconus atque Abbas eius monasterij, quod in Campaniæ partibus à Liberio quondam Patricio fuerat constructum, ad eum visitationis gratiâ ex more venire consueuerat. Eius quippè monasterium frequentabat, ut quia idem quoque vir doctrinâ gratiæ cælestis infuebat, dulcia sibi inuicem vitæ verba transfunderent, & suauem cibum cælestis patriæ, quem adhuc perfectè gaudendo non poterant, saltem suspirando gustarent. Cumque horâ iam quietis exigeret, in cuius turris superioribus se venerabilis BENEDICTVS, in eius quoque inferioribus se Seruandus Diaconus collocauit: quo videlicet in loco inferiora ad superiora peruius continuabat ascensus. Ante eandem verò turrim largius erat habitaculum, in quo vtriusque discipuli quiescebant.

Cumque vir DEI BENEDICTVS quiescentibus adhuc fratribus, instans vigilijs, nocturnæ orationis tempora præuenisset, ad fenestram stans, & Omnipotentem DEVM deprecans, subito intempestâ noctis horâ respiciens, vidit fusam lucē de super, cunctas noctis tenebras effugasse, tantoque splendore clarescere, ut diem vinceret lux illa, quæ in tenebris radiasset. Mira autem res valdè in hac speculatione secuta est: quia sicut post ipse narravit, omnis etiam mundus, velut sub vno solis radio collectus, ante oculos eius adductus est. Qui venerabilis Pater dum intentam oculorum aciem in hoc splendore coruscæ lucis infingeret, vidit Germani Capuani Episcopi animam in sphæra igneâ ab Angelis in cœlum ferri. Tunc tanti sibi testem volens adhibere miraculi, Seruandum Diaconum iterato bis terque eius nomine, cum clamoris magnitudine vocauit. Cumque ille fu-

isset



fuiſſet inſolito tanti viri clamore turbatus, aſcendit, reſpexit, partemq; iam lucis exigua vidit. Cui tantum hoc obſtupescen- ti miraculum, vir Dei per ordinem, quæ fuerant geſta, narrauit: ſtatimque in Caſinum caſtrum religioſo viro Theoprobō man- dauit, vt ad Capuanam urbem ſub eadem nocte tranſmitteret, & quid de Germano Epifcopo ageretur, agnoſceret & indicaret. Factumque eſt: & reuerendiſſimum virum Germanum Epifco- pum is, qui miſſus fuerat, iam deſunctum reperit, & requirens ſubtiliter, agnouit eodem momento fuiſſe illius obitum, quo vir Domini eius cognouit aſcenſum.

## P E T R V S.

Mira res valde, & vehementer ſtupenda. Sed hoc quod dictum eſt, quia ante oculos ipſius, quaſi ſub vno ſolis radio col- lectus omnis mundus adductus eſt, ſicut nunquam expertus ſum, ita nec conijcere ſcio, quonam ordine fieri poteſt, vt mun- dus omnis ab homine vno videatur.

## G R E G O R I V S.

Fixum tene Petre, quod loquor: quia animæ videnti crea- torem, anguſta eſt omnis creatura. Quamlibet etenim parum de luce creatoris adſpexerit, breue ei ſit omne quod creatum eſt: quia ipſa luce viſionis intimæ mentis laxatur ſinus, tantumq; ex- panditur in Deo, vt ſuperior exiſtat mundo. Fit verò ipſa viden- tis anima etiam ſuper ſemetipſam. Cumque in Dei lumine ra- pitur, ſuper ſe in interioribus ampliatur: & dum ſub ſe conſpicit, exaltata comprehendit, quam breue ſit, quod comprehendere hu- miliata non poterat. Vir ergo Dei, qui in turri globum igneum, Angelos quoque ad cælum redeuntes videbat, hæc procul du- bio cernere non niſi in Dei lumine poterat. Quid itaque mi- rum, ſi mundum ante ſe collectum vidit, qui ſubleuatus in men- tis lumine, extra mundum fuit? Quod autem collectus mundus ante eius oculos dicitur, non cælum & terra contracta eſt, ſed vi- dentis animus eſt dilatatus, qui in Deo raptus, videre ſine difficul- tate potuit omne, quod infra Deum eſt. In illa ergo luce, quæ exterioribus oculis fulſit, lux interior in mente fuit, quæ videntis



animum cum ad superiora rapuit, ei quam angusta essent omnia inferiora, monstrauit.

## P E T R V S.

Videor mihi vtiliter non intellexisse, quæ dixeras; quando extarditate mea tantum creuit expositio tua. Sed quia hæc liquide meis sensibus infudisti, quaeso, vt ad narrationis ordinem redeas.

Germani Præsulis videt animam.

## A N A G R A M M A.

Per ea mira Dei lumina fit magnus.

**G**ermanus meritis, Præsul, sæcundus & annis,  
 Dum pius expleto munere fata subit;  
 Cernitur in sphaera BENEDICTO, luce nitenti  
 Deserri Angelicâ, desuper astra, manu.  
 Totus & inspicitur radio conclusus in vno  
 Mundus, & inde Dei visio mira patet.  
 Quàm magnus BENEDICTÆ Dei per lumina fulges;  
 Sic etenim es viso proximus esse Deo.

## C A P V T XXXVI.

*Quod Regulam monachorum scripserit.*

## G R E G O R I V S.



Ibet, Petre, adhuc de hoc venerabili Patre multa narrare; sed quædam eius studiose prætereo, quia ad aliorum gesta voluenda festino. Hoc autem nolo te lateat, quod vir Dei inter tot miracula quibus in mundo claruit, doctrinæ quoque verbo non medio.



mediocriter fultit. Nam scripsit Monachorum Regulam, discretione præcipuam, sermone luculentam. Cuius si quis velit subtilius mores vitamque cognoscere, potest in eadem institutione Regulæ omnes magisterij alius actus inuenire; quia Sanctus vir nullo modo potuit aliter docere, quam vixit.

## EPIGRAMMA.

**Q**ua Deus ad Moysen sacro mandata tulisti  
Monte, dedit populo sedulus ille tuo.  
Spiritus Omnipotens BENEDICTI ex ore locutus;  
Nos docuit Christi subdere colla iugo.  
Sed quia mortales sine te nil posse fatemur,  
Quasumus, vie sacris corda sepulta focis.  
Hinc erit, ut Patris Nostri præcepta colentes,  
Scandamus solij, tecta decora tui.

### Regulæ Summarium;

**Q**ua documenta suis scripsit BENEDICTVS alumnis  
Plurima vis versu clausa videre breui?  
LINQUE VOLUNTATEM PROPRIAM, ET MOX PROMPTVS OBEDI  
Regula vix aliud, quod sacra mandet, habet.

## C A P V T XXXVII.

*De Prophetica sui exitus fratribus denuntiatione.*

**E**odem verò anno, quo de hac vita erat exiturus, quibusdam discipulis secum conversantibus, quibusdam longè manentibus, sanctissimi sui obitus denuntiavit diem: presentibus indicens, ut audita per silentium tegerent, absentibus indicans, quod vel quale eis signum fieret, quando eius anima de

Q 2

corpo



corpore exiret. Ante sextum verò sui exitus diem aperiri sibi sepulturam iubet. Qui mox correptus febribus, acri coepit ardore fatigari. Cumque per dies singulos languor ingrauesceret, sexta die portari se in oratorium à discipulis fecit, ibique exitum suum Dominici corporis & sanguinis perceptione munivit, atque inter discipulorum manus imbecillia membra sustentans, erectis in cœlum manibus stetit, & ultimum spiritum inter verba orationis efflauit. Qua scilicet die duobus de eo fratribus, vni in cella commoranti, alteri autem longius posito, revelatio vnus atque indissimilis visionis apparuit. Viderant namque, quia strata pallijs atque innumeris corusca lampadibus via, recto Orientis tramite ab eius cella in cœlum vsque tendebatur. Cui venerando habitu vir desuper clarus assistens, cuius esset via, quâ cernerent, inquisiuit. Illi autem se nescire professi sunt. Quibus ipse ait: Hæc est via, qua dilectus Domino cœlum BENEDICTVS ascendit. Tunc itaque Sancti viri obitum sicut præsentem discipuli viderunt, ita absentes ex signo, quod eis prædictum fuerat, agnouerunt. Sepultus verò est in oratorio beati Ioannis Baptistæ, quod destructa ara Apollinis, ipse construxit. Qui & in eo spectu, in quo prius habitauit, nunc vsque si perentium fides exigat, miraculis coruscat.

Diuus emoritur BENEDICTVS.

ANAGRAMMA.

Vt vir in DEVM & decus orbis.

**S** Tat sua cuiq; dies, breue & irreparabile tempus,  
 Occidit vt vates, mors sua quemq; manet.  
 Illaque dum tenso telum demittit ab arcu,  
 Quam voluit metam missa sagitta, ferit.  
 Si timidus fugias, fugientis terga sequetur,  
 Amplius vt timeas, te magis illa premit.  
 Expectare iuuat venientis tempus, & horam;  
 Eius & aduersum spicula ferre gradum.

Sic



Sic ubi fatidici BENEDICTVS munere Vatis  
 Agnouit vita puncta suprema sua;  
 Ad sacras voluit deferri languidus ades,  
 Ut magis hâc moriens tutus in arce foret.  
 Hic flexis genibus, fratrum cingente coronâ,  
 Ne forte in terram languida membra ruant,  
 Presbyteri manibus CHRISTI Venerabile corpus  
 Accipit, & contra se parat arma stygis.  
 Iamq; grauescentis morbus dum febris adurit  
 Pectus, & ex toto corpore vita fugit.  
 Auxilio fratrum surgit formidine nullâ,  
 Expectans rigida spicula tensa necis.  
 Languida non molli ponit sua membra cubili  
 Sed subit erecto corpore mortis iter.  
 Si decet illustres stando expirare Monarchas,  
 Hunc deceat Sanctum cur recubando mori?  
 Stat necis impavidus, tensisq; ad sidera palmis,  
 Scandit ad auctorem mens resoluta, suum.  
 Emeritur Diuus: mortem sed vita perennis  
 Dum sequitur, viuens mortuus astra petit.  
 Fratribus en binis cælo via lata sereno  
 Cernitur ex auro, lampadibusque nitens.  
 Et via sublimes tendens orientis ad oras,  
 Sternitur excultis floribus, atque rosis.  
 Eius in extremâ, barbâ venerandus, & auro,  
 Parte senex residens, talia verba refert:  
 Quæ modo conspicitur tanto fulgore corusca.  
 Est via, regna poli quâ BENEDICTVS adit.  
 Sic BENEDICTVS adit, verè benedictus, Olympus,  
 Vir pius, inq; Deum qui decus Orbis erat.





## CAPVT XXXVIII.

*De insana muliere in eo specu sanata.*

Nuper namque est res gesta, quam narro. Quadam mulier mente capta, dum sensum funditus perdidisset, per montes & valles sylvas & campos, die noctuque vagabatur, ibi tantummodo quiescebat, ubi hanc quiescere lassitudo coëgisset. Quadam verò die dum vaga nimium erraret, ad beati viri BENEDICTI specum deuenit, ibique nesciens ingressa mansit. Mane autem facto, ita sanato sensu egressa est, ac si eam nunquam infania capitis vlla tenuisset: quæ omni vitæ suæ tempore in eadem, quam accepit, salute permansit.

## P E T R U S.

Quidnam esse dicimus, quod plerumque in ipsis quoque patrocinijs Martyrum sic esse sentimus, ut non tanta per corpora sua, quanta beneficia per reliquias ostendant, atque illic maiora signa faciant, ubi minime per semetipsos iacent?

## G R E G O R I U S.

Vbi in suis corporibus Sancti Martyres iacent, dubium, Petre, non est, quod multa valeant signa demonstrare, sicut & faciunt, & pura mente quærentibus innumera miracula ostendunt. Sed quia ab infirmis potest mentibus dubitari, utrumne ad exaudiendum ibi præsentibus sint, ubi constat, quia in suis corporibus non sint, ibi necesse est eos maiora signa ostendere, ubi de eorum præsentia potest mens infirma dubitare. Quorum verò mens in Deo fixa est, tanto maius habet fidei meritum, quanto illic eos nouit, & non iacere corpore, & tamen non deesse ab exauditione. Vnde ipsa quoque veritas, ut fidem discipulis auget, dixit: Ioan. 16. *Si ego non abiero, paracletus non veniet ad vos.* Cum enim constet, quia paracletus Spiritus à Patre semper procedat & Filio, cur se filius recessurum dicit, ut ille veniat, qui à filio

nūq.



nunquam recedit? Sed quia discipuli Dominum in carne cernentes, corporis hunc oculis semper videre sinebant, rectè eis dicitur: Nisi ego abiero, paracletus non veniet: ac si aperte diceretur: Si corpus non subtrahò, quis sit amor spiritus, non ostendo: & nisi me deseritis carnaliter cernere, nunquam me discetis spiritualiter amare.

P E T R V S.

Placet quod dicis.

G R E G O R I V S.

Aliquantulum iam à locutione cessandum est, vt si ad aliorum miracula enarranda tendimus, loquendi vires interim per silentium reparemus.

# SANCTISSIMO PATRIARCHÆ, DIVO BENEDICTO,

Ab omnibus creaturis datur laus & benedictio.

**D**VM BENEDICTE tibi gessit benedicere Musa,  
Prouocat ad laudes cuncta creata tuas.  
Calesces genij BENEDICTO promitte laudes:  
Grataque dent pariter cantica, regna poli.  
Quæ valuntur aquæ liquidum super athera, dicant  
Quod tibi conueniens sit, BENEDICTE, melos.  
Virtutes Domini, BENEDICTI extollite facta,  
Huius sunt etenim facta supenda viri.  
Sol & Luna pari Diuo huic benedicite cantu,  
Cetera mellifluos sidera dentq; sonos.  
Imber & in laudes veniat cum rore paratus,  
Atque Dei promptè spiritus omnis, ades.  
Vos calor, atque gelu, simul ignis, frigus & æstus,  
Noctes atque dies, cum glacieque nives,

Fulgu-



## Vita S. Benedicti Abbatis,

Fulgura, lux, tenebra, nubes benedicite Dno,  
 Cui bene sicanitis, plus benedictus erit.  
 Tu quoque terra ferax, benedic cum germine stirpi,  
 Maxima Sanctorum quâ fuit orta cohors.  
 Montibus adiuncti colles, benedicite Patri,  
 Qui vniuersus veluti mons Pietatis erat.  
 Vos maria & fontes, vos flumina cetera, laudes  
 Dicite ei, aterna quo fluit humor aqua.  
 Vos Cete, & liquidis quacumque mouentur in undis,  
 Aëra per vacuum quæq; feruntur aues;  
 Brutæque cum cunctis animantibus addite cantus,  
 Latæque vos homines iubila ferte homini.  
 Vosque Sacerdotes famuli gaudete Tonantis,  
 Vos iusti iustum tollite in astra virum.  
 Vos humiles humilem dignis celebrate camænis,  
 Sanctus, & in Sancti, concinat ore, decus.  
 Vos Benedictini BENEDICTVM extollite Patrem,  
 Tres veluti pueri, pangite metra Patri.  
 Sis BENEDICTE Pater totum benedictus in æuum,  
 Utq; Deo similis, sis benedictus, Amen.

## CHRONOTAXIS VITÆ S. BENEDICTI.



Rdinem temporum, historiæ animam lucem-  
 que esse, non malè quidam censent; etenim vñ  
 Tatianus Assyrius oratione ad Græcos, ait; apud  
 quos confusa & dissoluta temporum ratio, illis nec histo-  
 ria veritas constare potest. Rectè proinde Chrysosto-  
 mus hom. 2. in Isaiam. Quemadmodum agris termini celumque  
 non sinunt arua confundi, sic tempora non sinunt confundi res gestas;  
 sed dum dirimunt alias ab alijs, & in ordinem congruentem dirigunt,  
 multâ nos liberant turbatione, Cum autem S. Gregorius Dialogos,



Vitamque S. BENEDICTI scribens, Chronologicæ rationem non obseruauerit, non abs re fuerit, maioris lucis gratiâ, post præmissam Vitam & miracula S. Patris, supputationem annalem breuiter repræsentare. Etenim, vt citato loco ait Chrysost: Perinde atque *lucerna in candelabro poni solet; sic in frontispicio literarum, adduntur Consulum nomina, vt omnibus qua subiiciuntur praluceant; qua si susluleris, lumen susluleris, omniaq; tenebris, multaue turbatione compleueris.*

Quoniam autem non satis exploratum est, quo præcisè mense, aut die S. BENEDICTVS natus sit, quo Romam petierit, quo inde recesserit, quo à B. Romano habitum monasticum receperit, quo item Casinum adierit; hinc adeò est, vt tam exacta annorum supputatio iniri nequeat, dum scilicet nescitur temporis punctum, à quo sumendum exordium habitationis Romanæ, vel triennalis in specu latebræ, vel commorationis in Casino. Ex quo proinde capite crediderim inter Auctores exortam varietatem, in designatione annorum S. BENEDICTI. Constantinus tamen Bellottus, Casinensis Monachus, libro quem inscripsit *Gregorius Magnus instituto S. BENEDICTI restitutus*, Colloq; 2. concinnans chronologicam annorum S. P. BENEDICTI seriem, eam vocare non dubitauit, *perspicuam & certissimam temporum supputationem.*

Benedictus etiam Hæstrenus Affligeniensis Monasterij Ord: S. Ben: Præpositus, in Commentario super Vitam S. BENEDICTI à Magno Gregorio scriptam, edito, ex prædicti Bellotti calculo, quam ex Isepeziij Annalibus, aliorumq; scriptis, Chronotaxim. Vitæ S. BENEDICTI coordinauit: eam nos quoq; ab eo mutuò petitam, lectori exhibemus.

Anni Chri- sti.	Anni Ætat S. Bē.	
480.		Nursiæ, ex Patre <i>Anicio Eupropio</i> , & <i>Abundantiâ</i> matre S. Benedictus nascitur, eodem cum sorore Scholasticâ partu, quo & mater defuncta.
481.	1.	Agit, absoluitq; ætatis annum primum.
482.	2.	A nutrice <i>Cyrellâ</i> educatur.
483.	3.	His annis vsque ad septimum degit in domo paternâ.



484.	4.	
485.	5.	
486.	6.	
487.	7.	Circa hæc, vt creditur, tempora, cum Nutrice, Romam studiorum causâ mittitur.
488.	8.	Literarû studijs hoc, & sequentibus annis vsque ad decimû certû ferè completum Romæ operam nauat.
489.	9.	
490.	10.	
491.	11.	
492.	12.	
493.	13.	Romam cum Nutrice deferit, solitarium Deo vacaturus locum quarens.
		In Enfide fractum precibus restaurat capisterium C. 1.
494.	14.	Desertâ Nutrice, clam Sublacum petit; Habitu Monastico à Romano donatur; specum incolit. Cap: 1.
495.	15.	
496.	16.	
497.	17.	Paschatis sacro die Presbyter ei diuino monitu cibos defert. Capite 1.
		Inuenitur à pastoribus. Capite 1.
		Grauißimam carnis tentationem in spinis se volutans superat. Capite 2.
498.	18.	
499.	19.	
500.	20.	
501.	21.	
502.	22.	
503.	23.	
504.	24.	Constantinus Bellotrus hoc anno accidisse vult supradictam tentationem, eaque superatâ,
505.	25.	Postulatum in Abbatem.
506.	26.	
507.	27.	
508.	28.	



509.	29.	Multi relicto mundo, Viri Sancti magisterio se subijciunt. <i>Capite 2.</i>
510.	30.	A Monachis in vico Varronis degentibus in Abbatē eligitur, à quibus veneno appetitus, discedens, adamatam repetit solitudinem. <i>Cap: 2.</i> Nascitur Sanctus Maurus.
511.	31.	Hoc vnde viginti annorum spatio, ab anno scilicet Christi 510. vsque ad 529. excitata sunt in Sublacensi solitudine duodecim Monasteria. <i>Cap: 3.</i>
512.	32.	
513.	33.	
514.	34.	Ab hoc anno vsque ad 520. censet Bellortus ædificata duodecim Monasteria.
515.	35.	Natus est S. Placidus. <i>Capite 3.</i>
516.	36.	
517.	37.	
518.	38.	
519.	39.	
520.	40.	Inicia Congregationis Specuensis hoc anno reponit <i>Wion Lign. vita lib: 3 Cap: 11.</i>
521.	41.	
522.	42.	Maurum & Placidum ad monasticum habitum suscipit S. Benedictus. <i>Capite 3.</i>
523.	43.	Ambulās super aquas S. Maurus Placidū educit. <i>C. 7.</i>
524.	44.	
525.	45.	
526.	46.	
527.	47.	Circa hæc tempora antequam S. Pater Casinum peteret, ordinatus fuerat S. Maurus Præpositus siue Prior claustralis. <i>Cap: 6.</i>
528.	48.	Florentius Presbyter diabolico stratagemate S. Patri, eiusque discipulis insidias struit. <i>Cap: 8.</i>
529.	49.	Sublaciū deserit, montem Casinum adit, ibidemque à Terrullo, alijsq; Nobilibus visitatur. <i>Cap: 8.</i>
530.	50.	Hoc, & consequentibus aliquot annis ædificatur Casinense Canobium, quod biennio absolutum Bel-



		Totus tradit.
		Multi Nobiles ad S. Benedictū in montem Casinū re- licto saeculo cōmigrarunt. <i>Masens in Chronic: lib: 120</i>
531.	51.	
532.	52.	
533.	53.	
534.	54.	
535.	55.	
536.	56.	S. Placidus mittitur in Siciliam, multisque clarer mi- raculis. Eodem hoc anno ponitur obitus S. Germani, & mira- bilis illa S. Benedicti visio, quā totum mundum in solis radio collectum vidit. <i>Capite 35.</i>
537.	57.	Quadriennio toto S. Placidus monasterium Messanæ construit.
538.	58.	
539.	59.	Fame Campaniam vastante, indigentibus S. BENE- DICTVS subuenit, erogatoque omni tritico, du- centos farinae modios caelitus accipit. <i>Cap: 25.</i> Vas vitreū in saxa proiectum non frangitur. <i>Cap: 28.</i> Oleum ex vacuo vase precibus scaturire facit. <i>Cap: 29.</i> Hoc anno Breuiarium Romanum, & Baronius in Notis ad Martyrologium ponit Martyriū S. Placidi.
540.	60.	Præest S. Placidus, constructo à se Sancti Ioannis Baptistæ monasterio,
541.	61.	Sanctus Placidus cum socijs martyrio coronatur.
543.	62.	Sub finem huius anni Legati ex Francia Casinum ve- niant, discipulos à S. BENEICTO petentes.
543.	63.	Totila S. BENEICTVM inuisit, quem detecta eius fraude, vir Sanctus obiurgat, eique futura prædi- cit. <i>Cap: 14. &amp; 15.</i> Futuram monasterij sui præuidet vastationē. <i>Cap: 17.</i> Solo aspectu ligata rustici brachia dissoluit. <i>Cap: 31</i> Ultimo hoc anno 10. Ianuarij Sanctus Maurus Cali- no discedens, Galliam petit.



Sextâ Februarij ultimò cum sorore Scholasticâ colloquitur. *Cap: 33.*

Decimâ Februarij vidit in columbæ specie sororis suæ animam in cælum deferri. *Cap: 34.*

Decima sexta Martij, mortis præscijs, suum sibi Sanctus Pater iubet aperiri sepulchrum. *Cap: 37.*

Vigesima prima Martij, hora tertiâ matutina, stans inter discipulorum manus efflat animam, quæ illustri viâ ad cælum deduci visa est. *Cap: 37.*

*Breuior annorum S. Benedicti Periodus.*

<i>Habitauit</i> <i>S. Benedictus</i>	{	Nursiæ ———	7.	} <i>annis.</i>
		Romæ ———	7.	
		Sublaci ———	35.	
		Casini ———	14.	

*summa annorum mortalis vitæ 63.*







TRACTATUS SECVNDVS.  
DE VUTILITATE REGVLÆ  
S. BENEDICTI ABBATIS,

*Et quos fructus in Ecclesia DEI Ordo Benedicti-  
nus protulerit.*

L E C T O R I  
Beneuolo S.

**N**E queso iactantia tribuas, Amice lector, quod ipsa di-  
ctavit, imo extorsit necessitas; quod ut constaret vniuersis,  
tanto simpliciore stylo prodimus, quanto simplicitas aptior  
est, quam quasi verborum colores & faci, astruenda veruati. In-  
ualuit apud sectarum primum Authores, tum sequaces omnes, repeti-  
tum toties illud Apostata Lutheri, & vulgo plausibile factum: Mona-  
chos inutilia terræ pondera quasi utilem O. bi & Ecclesia nauasset  
operam impius, cum cucullum, & cum cucullo frontem, imò humanita-  
tem exuisset, tot malorum factus author, quot & quales calamitatum  
moles omnes boni persenserunt. Vixi nihilominus periuri & menda-  
cissimi blaterantis effatum suâ sententiâ probare, sani sensus & sancta  
fidei homines nonnulli, quibus congemmatum tot vocibus scomma illud,  
velut dictatum veritatis, ita profundè animo insedit, ut quidquid iam  
de fama Monachorum detraherent seu rebus, DEO minime irato face-  
re, sed probante, viderentur. Quo factum, ut quorum vel maximè  
munus erat, Protectores & Aduocatos agere Canobiorum, ij occasione  
vsi ad



ut, ad propriam libidinem, ad suos quacumque possent conuerterent usus,  
 verum DEO sacrarum facti ex Protectoribus proditores, & protritores,  
 non maiore fructu suo quam damno eorum, quos bonis ac iuribus sacri-  
 lege exuerant; cum quando vel maxime res suas augere visi sunt, &  
 seris etiam nepotibus abundare, illo delusi somno impiorum, tanto sceler-  
 ri secure indormientes, iuxta illud vatis Regij: dormirent quidem  
 somnum suum, at nihil inuenirent in manibus suis Plal: 75.  
 sacro nimirum igne, & hereditatem ipsorum omnem absumente, & ius-  
 ta Numinis vindicta, heredes quoque ipsos, omnemque posteritatem  
 impiorum e medio tollente. Quo quidem tot maximarum familiarum  
 interitu, dolendum est, illos etiam vel minimum quidem erudiri & sapere,  
 quorum vel maxime interesset, non ad casum referre, sed causam, sibi que  
 ac posteris cauere ab auri sacri nefanda siti, numquam cui semel sapue-  
 rit, exsatianda, donec toti letheo illi flumini (ignis, & sulphur, &  
 spiritus procellarum pars calicis eorum) aeternum immergantur.  
 Obtendunt autem (viti nulli non solent sceleri) vili bombyce pallium,  
 & dum consuli aiunt Magnatum seculi huius indigentia, consuli quoque  
 iurata monachorum paupertati, baud minore improbitate illudentes Nu-  
 mini, & Diuis Canobiorum Tutelaribus, quam Julianus Apostata, qui  
 eademmet accensus siti, sacra congeminans spolia, DEVM Diuosque a-  
 iebat thesauris non indigere; quasi verò, quæ semel sibi consecrata essent,  
 Numen non posset, nec asueisset vindicare. Ita Archidux Monacho-  
 rum BENEDICTVS non centum siue sexcenta, sed Canobiorum mul-  
 ta millia perdidit, cum nunquam non essent, qui malum pro bono redde-  
 rent, & dum seros tanti Patris filios, suâ hereditate exuerent, honorem  
 etiam tanti Tutelaris euertere, & confessorum cum tremendo Iudice,  
 iudicem exasperare atque irritare non vererentur; nulla nec eorum qui-  
 bus fundata erant, nec quibus consecrata Calitibus, habitâ ratione, dum-  
 modo sui similibus satisfacerent, & excusarent factum, quod fecisse vi-  
 debantur, dum Monachos inuisarent. Querelarum præcipua erat: In-  
 utilia esse terræ pondera: acceptum ex ore tam frugi hominum, imò  
 ab oraculo illius, dictatū, qui auctor est omnis iniustitiæ, calumniarū, & men-  
 daciorum, cum tamen, etiam ijs qui inuisantur tacentibus, sed neque quo-  
 quam patrocinate mortalium, ipsi immortales, tot millia ex eodem Or-  
 dine calitum, non tam relictis ingenij innumeris monumentis, quam signis  
 in hodiernam diem loquantur, & prodigijs, quantum non una solum  
 vel



vel altera prouincia, sed Ordini BENEDICTI Patris tam Benedicto, debeat orbis terrarum uniuersus. Loquitur terra ipsa tot Martyrum nostrorum sanguine purpurata, tantis Apostolorum nostrorum sudoribus consecrata. Loquuntur ipsi quoque lapides, tot Canobierum, Xenodochierum, Ecclesiarum & quidem Cathedralium, tot scholarum, tot Bibliothecarum, à Monachis tot ante sacula, primum condita bono publico edificia, tantoque deursu saculorum ab ipsdem sere posteritati, immortalè cum meritis consecrata.

Quae tamen omnia, cum non aspiciant siue videre nolint, quos auaritia vel ambitio, atque emulatio transuersos semel caput abripere, necessarium omnino duximus, cum Parentis sanctissimi, tam Fratrum atq; maiorum omnium famam, & quantum in nobis esset, etiam fortunam & hereditatem vindicare; comprobataq; tot Principum, Regum, Romanorum Pontificum literis & diplomatibus, tot, adeoque diuersis uti illustribus toto orbe monumentis, Monachorum merita, ad compendium quoddam referre, simulq; posteris omnibus demonstratissimum reddere, quanta temeritatis sit, Tanti nominis Diuo, Monachorum Patriarcha sanctissimo, singulari Numinis benedictione, inslar Abrahami in generationibus suis multiplicato, de illa ipsa DEI Benedictione detrabere; & tot saeculis, inter tantarum Haresum procellas, perdurantia nominis eiusdem & gloriae monumenta, tanto post euertere; simulq; tot Regum & Principum Fundatorum supremam voluntatem, liberrimamq; de rebus suis dispositionem cassare, & contra ius Diuinum ac naturale, seros illorum filios, suâ hereditate, qui tanto sudore & sanguine, tot gentium conuersione, adeo legitime his quasi patris spolijs ditati, perennare utique nomen suum in posteris suis meruere, plus quàm sacrilegè spoliare: quos potius, si quid à maiorum degenerassent Nobilitate, ad eadem exstimulari, imò honorum Principum & Pastorum zelo atq; industriâ, cogi opportuisset: ne ipsi etiam Calitum honori, quibus tot debebantur nominibus, tot consecrata saeculis erant, quidquam detraberetur.

Hoc ipsum, nec quidquam aliud, in hoc saeculorum praecipitio, praecipitanti non tam suo quam alieno scelere Ordini, consulere nos impulit, eiusque uitam tueri gloriam, atq; amplissima de toto orbe merita, succinctè quidem paulo tamen distinctius explicare.



# REGVLÆ ET ORDINIS SANCTI BENEDICTI, VTILITAS DEMONSTRATVR.



Nihil est quod adeò hominum mentes, ad rei alicuius amorē & prosecutionē alliciat, nihil quod maiorem æstimationem in opinione humanā ingeneret, quàm probè cognita, atque expensa eiusdem rei utilitas. Utilitate enim ducimur, imò rapimur omnes; & prout res aliqua ad destinatum animo finem consequendum magis minusve apta est, eò etiam magis minusve in pretio est, atque diligitur. Hinc pecunia, quòd eà alia omnia, quæ homines ad necessitatē aut voluptatē concupiscunt, faciliè comparentur, tanti passim fit, vt de eà dictum sit: *Pecunia obediunt omnia.* Itemque, *Et genus, & formam Regina pecunia donat.* Ita agri, vineæ, arbores, fructuum causa coluntur: ita peruerso iudicio, *Vulgus amicitias utilitate probat.* Adeò scilicet homo naturā suā utilitatis audus est, vt ei nil nisi quod prodest charum sit. Quare vt Regulæ S. P. N. BENEDICTI, & Vineæ monasticæ Ordinisque ab eo instituti excellentem demonstrem præstantiam, MAGNAM UTILITATEM ei inesse, magna commoda Ecclesiæ ex eo obuénisse, præsentī tractatu confirmabo. Et quidem tantò etiam excellentius, quantò ad ampliora bona consequenda, ipsamque adeò beatitudinem æternam, quæ *bonum summum* est, efficaciora media suppeditat.

Ab hoc capite Regulam S. P. BENEDICTI cum primis celebrandam censuit Eminētissimus Cardinalis à Turrecremata in Commentario super eandem Regulam, sic loquens: *Commendatur Regula Sancti Patris BENEDICTI à magnitudine utilitatis: studuit siquidem Sanctissimus Pater in hac suā Regulā utilia docere, exemplo Domini dicentis (Isaia 48.) Ego Dominus docens*



te vitia. Docet enim huius Clarissimi Patris Regula, sobrietatem, prudentiam, iustitiam, & virtutem: quibus vitius nihil est in vita hominibus, teste Sancta Scriptura. (Sap: 2.)

Quod si, ut veritas ipsa dixit, ex fructibus arbor dignoscenda sit; luce meridianâ clarius erit, BENEDICTINÆ Regulæ Arborem longè optimam esse; quæ nimirum vberriimos fructus dominicis horreis intulerit, ut quidā nostri ævi magnæ auctoritatis scriptor dicere non dubitarit: *Post sacratissima & sanctissima Ecclesia Sacramenta, nihil ita in Ecclesia utile fuisse, ac sanctorum Monachorum Benedictinorum Ordines, & instituta, ut refert Arnoldus Wion.*

Quam Ordinis nostri vbertatem, etiam alij Auctores passim celebrant: & inprimis Iacobus Vitriacus Cardinalis histor. Occiden: cap: 20. de eo refert, quod nulla alia Religio, tot sanctus viris abundauerit, aut tanto tempore rigorem disciplina conseruauerit, aut tot genuerit Ecclesiæ Pastores; qui excellentis vitæ exemplo, & doctrinæ verbo, collustratis tam multis regionibus, tot è diaboli faucibus animas eripuerint. Hæc Vitriac⁹. Cui omninò consentit Thomas Bozius, de sig: Eccl: l. 6. c. 6. n. 17. Sic loquens: *Benedictus adolescens, nullis humanarum rerum, quibus mortales interdum capiuntur, præsidijs & ornamentis instructus, audet ante annos mille atque amplius normam vitæ inducere longè austerissimam, ac tot post se sectatores abduxit, ut eorum numerus iniuri nullo modo possit. Ex eius verò Familiâ prodierunt tot ac tanti in omni laudum genere virtutumque florentes viri, ut quoquo te conuertas, admiratione defixus tenearis. Quot enim Martyres, quæso, ex illius Ordine? Quot miraculis ac sanctimoniâ præstantissimi viri exierunt? Quot Pontifices Summi & admirandi? Hæc ille.*

Paria quoque adfert, si non maiora, qui eiusdem est cum illo Ordinis, Magnus Annalium conditor Baronius, cuius hæc sunt verba ad annum Christi 529. *Quis Dei consilium non magnopere admiretur, dum considerat, eo ferme tempore, quo in Oriente Monachismus esset magnâ ex parte collapsus, eodem in Occidente à S. Benedicto instaurari, atque longè lateq; diffundi obseruantiam monastica disciplina, eamq; adeò secundo germine propagari, cum veluti ex tenui surculo prægrandium exorta sint frugiferarum arborum silua, quæ vniuersam repleuerint Occidentalem Ecclesiam, extiteritq; locuples seminarium, ex quo plurimi progressi sint sanctissimi diuersarum Ecclesiarum Episco-*



*Episcopi: nec defuerint ex ijs, qui in throno Apostolico confidentes, vniuersam Catholicam Ecclesiam, cum vehementiores urgerent fluctus, constantissimè gubernarint: progressiq; ex eodem Monachorum Ordine sint, qui Apostolico munere complures barbaras nationes, Christi iugum ferre impatientes, tandem ad Christianam fidem spontè capeSSendam conuertierint; prodierintq; alij, qui ob suscepta grandia pro religione certamina sint victores consecuti coronam martyrij. Præterimus modo illos, qui sacrarum rerum scientiâ nobiles inter scriptores Ecclesiasticos florere; nec numeramus, quæ numerari vix possint, sacrarum examina virginum. Hac tanta tibi hic vno intuitu, tanquam immensum calum in paruo globo descriptum, inspicienda obiter modo proponimus. Ita Illustrissimus Cardinalis.*

Sed si spatiosissimi huius Cæli vniuersa sidera, toto orbe clarissimè radiantia, singillatim spectare atque enumerare non possumus: liceat saltem eorum congeriem in certas classes, veluti sphæræ huius maiores circulos distributam, aliquo vsque contemplari. Quod vt iucundius faciamus, lubet è sacræ scripturæ thesauro figuram quandam actypum præmittere, quæ totius huius discursus adumbret atque repræsentet argumentum.

Gloriosus Apostolus Domini Ioannes, cælestis Ierusalem, topographiam exhibens, inter cætera describit eius flumen ex utraque parte arboribus consitum, de quo sic loquitur Apocal: 22. *Et ostendit mihi fluuium aquæ vitæ, splendidum tanquam crystallum, procedentem de sede Dei & Agni. In medio plateæ eius, & ex utraque parte fluminis lignum vitæ, asserens fructus duodecim, per menses singulos reddens fructum suum, & folia ligni ad sanitatem gentium. Sanctam hanc ciuitatem in sensu accommodato, Ordinem S. Benedicti designare accipimus. Quid enim ille aliud est, quàm amplissima quædam ciuitas supra montem posita? Ciuitas, inquam, Domini virtutum, cælestis illius æmula, quæ meritò etiam illo nomine gloriatur, Ezech: 48, Dominus ibidem. Vt enim S. Benedictus diuinæ præsentis considerationem discipulis suis, huius Ciuitatis ciuibus, non semel commendauit: ita etiam Dominus Ordinem hunc, ceu ciuitatem suam, semper protexit, & benedictione suâ repleuit. Hæc est Ciuitas, non vocanda *Derelecta*, aut *desolata*, sed iuxta Isaia, 62. vaticinium, nomine nouo,*



quod os Domini nominauit, appellanda, *voluntas mea in ea*. Nihil enim aliud in Benedictino Ordine docetur, quàm abnegatâ propriâ voluntate per veram obedientiam probare, quæ sit *voluntas Dei bona, beneplacens & perfecta*, Rom 3. adeò, vt tota ciuium, nostrorum vita sit *in voluntate eius*. Fluium autem aquæ vitæ, cuius impetus vniuersam hanc ciuitatem Dei lætificat, quid aliud esse dicemus, quàm S. P. N. Benedicti Regulam, quæ non immeritò *aqua vitæ* vocatur, quia ad veram & perpetuam vitam, properanti facem præfert, viam commonstrat, & ad vitam æternam introducit. Est hic fluuius splendidus, tanquam crystallum, quia præ cæteris aliorum legislatorum regulis, Regula S. Benedicti dilucida est, & vt S. ANTONINVS Antistes Florentinus p. 2. tit. 15 c. 12. §. 2. dixit, *singula quæque clarè describit*: cuius verba refero, cum eximie S. P. N. Regulam commendent. ait itaque loco citato. *Sicut Basilus dicitur Pater Monachorum in Oriente, ita etiam Beatissimus BENEDICTVS Pater Monachorum in Occidente*. Ipse enim, vt ait Gregorius, scripsit Regulam discretionem præcipuam, sermone luculentam, & præ cæteris (vt ita dicam) in singulis directiuam. Nam Regula Basilij satis intricata est. Regula Augustini multum generalis, & ad particularia parum descendens: sed per Constitutiones ei additas à diuersis Religionis eius professoribus, austeritatibus & carimonijs adornata. Regula S. FRANCISCI breuis, & propterea multa ibi præcepta scrupulis plena: Sed Regula Sanctissimi BENEDICTI SINGULA QUÆQUE CLARE DESCRIBIT. Hæc S. ANTONINVS Ordinis Prædicatorum decus. Procedit autem fluuius iste aqua vitæ, scilicet Regula S. P. N. Benedicti, de sede Dei & Agni, quia Spiritu sancto docente & ostendente, scripta est: & vt Sanctissima Virgo MARIA, apud S. Birgittam lib. 3. Reuelat. cap: 20. ait, *Composita est de spiritu Dei*. Spiritus autem Sanctus, huius Regulæ dictator, procedit à Patre & Filio, non secus ac fluuius hic, à throno Dei & Agni emanare dicitur, quæ est interpretatio nostri Ruperti. De cuius Regulæ exuberantissimæ perfectionis gratiâ, Cardinalis Turecremata iure affirmari posse, ait, illud Ecclesiastici, 39. *Benedictio illius quasi fluuius inundauit*.

Sed quanam sunt hæc signa (ita enim pluralis numerus perlingu-



singularem intelligendus est) ex utraque parte fluminis posita, afferentia *fructus duodecim*, nisi magna illa Ecclesiæ lumina, Ordinis nostri Proceres atque senatores, quorum aliqui inter herbas germinauerunt *quasi salices iuxta præterfluentes aquas*. Isaïæ 44. Alij, ut palma floruerunt, & sicut cedrus Libani multiplicati, fructum dederunt in tempore suo: ut de sanctissimo Parente nostro illud Ecclesiastici 50. usurpare liceat: *Quasi Oliua pullulans, & Cy- pressus in altitudinem se extollens: & circa illum corona fratrum: quasi plantatio Cedri in monte Libano, sic circa illum steterunt, quasi rami palma, & omnes filij eius in gloriâ*. Ac unde arboribus his varijs fructibus grauidista tanta vberitas, nisi ab irrigatione præterlabentis fluminis? Ab ipsa, inquam, Regulâ, quæ totius Religionis nostræ fons & scaturigo est? A quâ omnis utilitas in ipsos Religiosos, & per eos in totam Ecclesiam dimanauit.

Ut igitur admirabiles hos *Fructus* duodenario numero comprehensos, vno veluti fasce colligatos, lectorum oculis obijciamus; fuit sacratissima Sancti BENEDICTI Religio.

1. In vniuersalis Ecclesiæ gubernatione admirabilis.
2. In particularium Ecclesiarum & Diocesium regimine sollicita.
3. In Gentilium conuersione infatigabilis.
4. In hæresium oppugnatione & extirpatione inuicta.
5. In Schismaticorum ad Ecclesiam reductione pacifica.
6. In Scholarum & Academiarum erectione utilis.
7. In Sacræ scripturæ Interpretatione assidua.
8. In iuris Canonici collectione fidelis.
9. In Historiarum & veterum monumentorum conseruatione incorrupta.
10. In Deiparæ Virginis cultus propagatione pia.
11. In Cerimoniarum ac Rituum Sanctissimæ Missæ Sacrificij, & Diuini Officij, ac Festorum institutione deuota.
12. In vtilium rerum adinventione, ac disciplinarum illustratione ingeniosa.

Hæc omnia igitur magnalia Sacrosanctæ Ecclesiæ decora, & Reipublicæ Christianæ ornamenta, Orbi dedit Sancti BENEDICTI Religio. Sed *Fructus* hos singillatim aliquousque, in gratiam monasticam professorum, fautorumque eorundem, & ad



rerundendas petulantes voces carpentium famam monachorum, eosque nil boni Orbi præstare, sed fruges inutiliter consumere vociferantium, delibabimus.

## ORDINIS BENEDICTINI PRIMVS FRVCTVS.

*Ecclesiæ vniuersalis gubernatio.*



Rdinis nostri emolumenta ab eâ dignitate ordimur, quæ parem in terris non habet, vniue Deo tantum inferior est, Pontificiâ, inquam, quæ Vniuersalis Ecclesiæ molem humeris suis sustinet, ad quam ex nostro Ordine plures assumpti fuerunt, qui magnâ sapientiæ & sanctitatis laude, Petri nauiculam direxerunt. Quorum nomina, si non omnium, (quos Caietanus Abbas, centumtriginta & vnum, grandi sanè numero, septingentis propè annis, ex Ordine Benedictino monachos, Petri Cathedralam insedisse affirmat) eorum saltem de quorum Benedictino Monachatu constat, & locus professionis scitur, vt obiter attingamus: sciendum inprimis cuique insinuamus, ante natalem annum Sanctissimi Legislatoris Nostri BENEDICTI, fuisse in Occidente plurima monasteria, monachosque diuersos, diuersis Regulis, suoque nonnullos ductu & arbitrio viuentes, qui Hiberniam, Scotiam, Galliam, Italiam, inprimis verò Orbis nostri caput, Romam, incoluerunt. Istorum omnium Reformatore Institutorque, publicis Ecclesiæ tabulis BENEDICTVS appellari ac celebrari meruit; *multorum millium* (verba sunt Sancti Faustii in vita Sancti Mauri Abbatis) *perfectorum monacherum, in viuâ etiam nû agents, pater effectus;* cuius ob admirabilem vitæ sanctitatem, & stupendam prodigiorum multitudinem ac magnitudinem, cum toto orbe fama percrebre sceret, Romam latere non potuit, ad quam à diuersis Pontificibus euocatus, plurima, eorundem operâ, cum noua instituens, tum vetera monasteria reformans, Hormisdâ Papâ Lâ-



pā, Lāteranensi Archisterio septennium præfedit, ab eodem Sanctissimo Pontifice summā in veneratione habitus, cuius & Felicis, nec non Bonifacij II. temporibus, tantis incrementis, Magni Patriarchæ nostri institutum inualuit, *ut Roma tunc, Verba Raulini celeberrimi Parisiensium Doctoris sunt, vigente caelestis patriæ desiderio, omnes Ecclesiæ Titulata, atque Collegiata, Monachales factæ sint.* E quibus, ingens deinceps Romanorum Pontificum copia, è Lateranensi maximè cohors tota, summo cum vniuersæ Ecclesiæ emolumento prodijt, qui diuersissimis sæculis, grauissimis ipsidemque æternis meritis, & urbem & Orbem, sibi, sanctissimoque Ordini obstrinxerunt.

## S. SILVERIVS PAPA ET MONACHVS.

**P**rimus ex eorum numero (*Andreas Bambergensi teste*) fuit Sanctus SILVERIVS, Sancti Hormisdæ (de quo paulo ante superius) ex legitimo matrimonio ante Pontificatum filius, superstite etiamnum Sanctissimo Archiduce Nostro, ad illud supremi in terris honoris fastigium euectus, dignus utroq; Patre filius, ab illone huic primum, pro singulari affectione atque oblatione commendatus, an motu proprio, incertum, tanti Patris factus, æternum Ordini, Vrbi, Orbi, & Romano cum primis Imperio ac nomini decus conciliauit, quando egregia vitæ Sanctitate, & Martyrij in primis suprema gloria tantæ dignitatis functionem exornauit. Cum enim Anthimum, Episcopum Hæreticum, ab Agapito antecessore depositum, restituere nolle, agente impiâ Theodorâ Augustâ, à Bellisario in exilium pulsus est, ad insulam Pontiam; sed reclamantibus totius Orbis Episcopis, & ipso iubente Imperatore restituendus cum, in reditu ad insulam Palmariam deduceretur, à duobus Vigilij ministris detentus, ibidem ærumnis, & inedia confectus, in custodia decessit, Deo Vicarij sui iniurias grauiter vlciscente, Bellisariumq; è summo fortunæ fastigio ad incitas redigente, sed & Hunnis quamprimum Europam vniuersam vastantibus, quibus inuictissimus antea Imperator Iustinianus, tributum pendere coactus



aus est. SILVERIUS autem noster, Sanctorum albo adscriptus, Martyris Pontificis titulo, toto Orbe celebratur. Ita Gabriel Bucelinus in Aquil: Benedict: & nos ex eo.

## S. BENEDICTVS PRIMVS.

**S**ANCTUS BENEDICTVS eo nomine Primus, Augustissimum & verè BENEDICTVM Sanctissimi Patris sui nomen benè retulit, primumque ad Pontificiæ summæ Maiestatis solitiū euexit, à multis deinceps eadem appellatione successoribus repetitum. Meruit cum de Ecclesia Vniuersa plurimum, tum de Principe Imperij Prouincia Italia, & capite præcipue eiusdem Roma, afflictissimis temporibus prodigâ in omnes, pauperes maximè, pietate, enixissimis precibus, Tiberium cui charissimus erat, Imperatorem, euincens, vt frumento ingentibus impensis atque labore ex Ægypto comportato, periturum fame regnum, aleret atque seruaret.

Fuit & illud ingens BENEDICTI Nostri meritum, multis mortalium millibus, amplissimisque Prouincijs ab interitu reuocatis, cum Ariana eousque hæresi latè dominante, & nouis incrementis adolescente, Vigilantissimus Pontifex, alios periculo, plurimos peste eâ iam infectos liberaret. Decessit Vir Sanctissimus. A. C. 579. ab ipsis etiam Græcis licet Romanus patria, plurimum laudatus, qui *Cæsari charum, acceptum Deo, gratumq; omnibus ciuibus suis, celebrârunt.* Ita Bucelinus l. c. Cuius etiam meminit Wion Lig: Vit:

## S. PELAGIVS SECVNDVS.

**S**ANCTUS PELAGIVS II. Romanus patria, & monachatu proximus BENEDICTO successit, & multo nomine de Orbe meritis, ab eo inprimis, quod maximum Ecclesiæ Doctorem Sanctum GREGORIUM nostrum Canobio extraxerit, grauissimisque Orbis negotijs adhibuerit, commendatus est.

Schi.



Schismaticis insuper trium Capitulorum illusoribus profligatis, felicissimus & summa Cathedra dignissima vitæ sanctitate, exornata laudatissimus, sancto fine viuis excessit. A. C. 590. *Wion: Lucelin: Sc.*

## S. GREGORIUS MAGNVS.

**S**ANCTUS GREGORIUS I. cognomento Magnus, duplici nomine sanguinis nimirum iure proximo, & adoptionis siue professionis, Sanctissimi Patriarchæ Nostri proximus, ab eodem matri Silviæ Octaviæ, cum ad Sanctissimum Cognatum inuiseret, maternis etiamnum clausus visceribus, quantus futurus erat prænuntiatus fuit. Ex Monacho & Abbate S. Andreæ in Vrbe, S. R. E. Cardinalis electus, grauissimis statim meritis, de Ecclesia meruit, Constantinopolimq; ad Tiberium, Casarem Legatus, Eutichium Patriarcham Hæreticum, ita conuicit, vt eius librum Imperator in ignem inijceret, & Eutichius paulo post morbo confectus resipisceret, suumq; ipse errorem damnaret.

Summo omnium consensu Pontifex salutatus, cum vrbe profugeret, columnæ igneæ prodigioso indicio proditus, & retractus, non in perij solum vtriusq; Prouincijs, sed barbaris etiam extremi Orbis Regnis, mirè profuit. Et primo quidem Pontificatus anno, de ipso Romani Imperij capite Româ meritissimus, pestilentissimam ab vrbe luem prodigiosè auertit, cum Litanijs, æterno vniuersi bono, primùm compositis atq; institutis, & deportata solempni vt vocant in processione Dei parentis imagine, ad eò superos flexit, vt percutiens Angelus spectabili formâ visus, iussus sit eam vaginâ recondere, caelestibus genijs, admiranda musica, iucundissimam illam Antiphonam, REGINA CÆLI primùm occinentibus, Gregorioq; cum vniuerso populo in genua prouoluto, & supremum imponente versum *Ora pro nobis DEVM.* & caeleste illud canticum in Ecclesiam statim vniuersam introducente. Proximum, de propiore Imperij Regno, Italia meritum fuit, quam comparato vndiq; frumento, ele-



mosynis quasi infinitis in pauperes distributis (quos inter, sola in urbe tria Monialium millia aluit) extrema fame, Italiam liberavit. Tum ad reliquas totius Imperij Orbisq; conuersus Prouincias, Schismaticos Ecclesiæ Romanæ conciliauit; Episcopis per omnes vniuersi angulos, incredibili penè cura ac vigilantia intendit, & nequid offendiculi ex negligentia eorum grex Christianus pateretur diligentissimè cauit. Rursum nouo merito Africam demeruit, in qua Donatistas, & Schismaticos mira dexteritate oppressit. In Hibernia etiam exerrantes populos ad sinum S. Matris Ecclesiæ collegit. Tum Ioannem Rauennatem Episcopum, ac dein Dalmatiæ Pontifices correxit. Mox ad Hæreses profligandas conuersus, ingenti passim fructu, in Sicilia imprimis laborauit; ex qua Manichæos expulit; Barbaricinos autem gentiles, necnon Iudæos mira arte ac charitate, ad sacra Christiana pellexit.

Postea Ioannis Constantinopolitani Patriarchæ audaciam, *vniversalis Ecclesiæ Episcopi* nomen sibi arrogantis, felicissimè fregit. Tum Hispaniæ Regnis consuluit; Urbis templa, aliq; passim à Gothis vastata restituit atq; exornauit. Missis in Angliam Augustino nostro, & socijs, Edilbertum Regem cum omni familia conuertit, Ecclesias construxit, & per Regnum vniuersum Episcopatus & Scholas publicas instituit. Agilulphum Longobardorum Regem, vrbi atq; Italiæ imminentem auertit. Schismaticos in partibus Istriæ ad vnitatem reduxit. Et quamuis lecto, ob afflictissimam valetudinem perpetuo ferè decumbere cogereetur, vniuersum tamen terrarum Orbem litteris velut Aquila pennis, circumuolando lustrauit. Gallias Simoniacâ labe purgauit; Germanias missis eò discipulis iuuit. Concilia quibus Ecclesiæ vtilitas, esse & excogitari nil potest, diuersis passim Regnis in Hispania, Africa, Numidia, &c. coegit, & lectissimæ Sanctitatis Viros, iisdem suo nomine præesse voluit. Arianos dein in Hispania, Agnoitas Alexandriæ &c. validissimis auctoritatibus & importunis Legationibus compressit. Campaniæ rusticos à paganizandi ritu auertit. Ligures, Venetos, Hiberos, à Schismate vindicauit; Romanum denique Imperium à grauissimâ bellorum ciade, pace inter Imperatorem, & Agilulphum

Regem



Regem composita, eripuit; Agilulpho ipso ab Arianismo ad Romanæ Ecclesiæ gremium aggregato. Liceat & merita quibus vniuersa etiamnum gaudet posteritas paucis enumerare.

Debent Ecclesiæ, & sæcula deinceps Vniuersa, Gregorio *Ordinationem Breuiarij*, vt vocamus, *Romani*, & omne ferè officium Ecclesiasticum, stylo elegantiore & compendiosiore renouatum, & compositum. Debent præterea *Missa Sacrificium* ita auctum, atq; ordinatum, vt alter eius quasi Auctor habeatur. Debent eidem *Antiphonarium* ab ipso compositum & tot sæculis, tanta cum fidelium recreatione & fructu decantatum. Debent eidem Officia festorum plurium, Circumcisionis, Commemorationis S. Pauli, & plerorumq; Sanctorum Romanorum Pontificum, Dedicationis Ecclesiæ atque aliorum, summo ipsorum etiam Cælitum applausu, tanto temporum decursu, ab vniuersis fidelibus, tam vtiliter, tamq; religiosè celebratorum. Vt de Orationibus Ecclesiæ plerisq; Hymnis atq; alijs ab eodè compositis nihil dicam.

Debetur eidem insuper sollemnis Institutio Ieiunij Aduentus Dominici, diei Cinerum, Lotionis pedum die Iouis Sancto, Rogationum, Stationum, siue Indulgentiarum, &c. Vt nemo vnquam meritorum Gregorij nostri multitudinem numerare, magnitudinem æstimare valeat, & commendare. Quem proin haud immerito Angliæ Rex Edilbertus: *JMMENSVM THESAVRVM*, qui generis humani maximam partem cælo lucrificerit appellarit. Reliquit ingenij pulcherrima & æterna monumenta, quæ dum moliretur, Spiritus Sanctus candidissimæ columbæ specie in aurem ipsi dictare visus est; fuit enim, vt de viuente etiamnum asseruit, Magnus Isidorus noster Hispalensium Pontifex: *Organum SPIRITVS SANCTI*, per cuius gratiam tantum scientiæ lumine praditus euasit vt non præsentium modo temporum, quisquam Doctorum, sed nec in præteritis ipsi par fuerit vnquam. Et Sanctus Ildephonsus noster: *Nihil ei simile antiquitatem demonstrasse; nam Sanctitate vicit Antonium, eloquentiâ Cyprianum, Augustinum sapientiâ, & alijs virtutibus excelluit, &c.*

Quem proin haud immeritò Synodus Toletana VIII. cunctis Ecclesiæ Doctoribus censuit præferendum. Qui denique miraculorum gloria Illustrissimus, Pontificatus anno 13. Mens 6.



die 10. ad præmia æterna euocatus, ab ipsis etiam Græcis ob immortalia merita, solemni quotannis memoriâ celebratur.

## S. BONIFACIVS IV. PAPA.

**B**ONIFACIVS IV. Ioannis Medici Filius, Valerientis Marfus, ex Monacho S. Sebastiani in Vrbe Congregationis primæ BENEDICTINÆ, & S. R. E. Cardinale ad summum Pontificij supremi culmen euectus, de Ecclesia vniuersa præcipuè meruit, Concilijs inprimis pluribus summâ cum Orbis Christiani utilitate celebratis, & adhibitis ad curam Ecclesiarum perfectissimis quibusq; & excoctissimis in Cænobio monachis, quorum industria primæus fidei zelus ac feruor in fidelibus re-fuscitatus, iucundissimo cælitibus spectaculo mire exarsit. Promouit idem BONIFACIVS pro eximio suo in Augustissimam DEI Matrem studio, eiusdem in terris cultum, & celeberrimum illud DEORVM omnium templum vulgo *Pantheon* vocatum, e-iectis inde profanis statuis, vniuersisq; stultæ gentilitatis reliquijs, insigni celebritate DEIPARÆ honori nuncupans, *S. Maria ad Martyres* appellauit, ad quod ipsâ Dedicationis die, viginti & octo onustis curribus, plurima Sanctorum Martyrum corpora transfudit, 13. Martij A. C. 610. tanto deinceps ad anniuersariam Dedicationis memoriâ concursu populorum facto, vt postea S. Gregorius noster, eo nomine IV. Dedicationis memoriâ ad Kal: Nouemb: quibus maior frugum copia in Vrbe esset, transferre coactus sit, cum ob peregrinorum copiam ingens alias famēs urbem flagellaret. Obijt Pontifex meritis A. C. 613. ob eximiam vitæ sanctitatem inter Diuos relatus. *Agit de hoc Pontif: Wion: Bueclm: &c.*

## BONIFACIVS V. PAPA.

**B**ONIFACIVS V. ex monacho eiusdem Congregationis Pontifex Maximus, pari Sanctitate Cathedram Principis Apostolorum exornauit, aliâq; inter præstantissima merita, honori seruorum CHRISTI monachorum Clericorumq; dili-



diligentissimè consuluit, & quod maximi referre putaret, si pastores suos fideles suscipere, pronos autem ad Hæresim, qui minus Clerum æstimarent, eosdem maximis prærogatiuis ornatos eminere voluit, maximasq; immunitates Ecclesijs concessit, ita vt ad eas confugientes extrahi nequirent. Mandauit idem, vt quouis loco Sacrilegi Anathematis fulmine ferirentur. Propagandæ fidei, multa industria institit, & Apostolico zelo, per legatos dignissimos, gentiles ad gremium S. Matris Ecclesiæ inuitauit. Quibus alijsq; præclare gestis, spectatissimus, postquam ordinationes duas Menſe Decembri fecisset, sancto fine decessit. A. C. 622.

## SANCTVS ADEODATVS.

**S**ANCTUS ADEODATVS, natione Italus, Iouiani filius, patria Romanus, ex Monacho S. Erasmi in monte Cælio Ordinis Nostri, Pontifex Maximus, Heraclio Imperante electus, admirabili vitæ sanctitate vniuersæ Ecclesiæ, & Pontificij honoris Cathedræ, decus æternum addidit; cuius tanti viri res gestas perijſſe, haud immerito diligentissimus Historiæ Ecclesiasticæ scriptor Baronius lamentatur. Cæterum Vniuersis gratissimum extitisse, Anastasius commemorat, & in tanta, inquit, magnitudine fuit mitissimus ac benignissimus, vt omnem hominem a maiore vsque ad minimum, libenter susciperet. Peregrinis compassionem exhibuit, vt etiam vnusquisque, quod postulauit sine dubio impetraret. &c. Mortuus & cælo receptus est, A. C. 676. cuius mortem elementa lugere visa sunt, exortis, qualia nulla hominum ætas meminisset, pluuijs & tempestate. Wion: Bucelin: &c.

## S. AGATHO PONTIFEX MAXIMVS.

**S**ANCTUS AGATHO Pannonij Amonis filius, Aprutinus, ex monacho S. Hermetis Panhormi, Congregationis Siculæ, Pontifex Maximus, primo statim Pontificatus anno, de Ecclesia vniuersa, Pontificia imprimis Sede, supra maxima quo-



quorumuis merita præclarissimè meruit, quando datis ad Imperatorem litteris, pessimam illam consuetudinem sustulit, quæ pro confirmatione Romani Pontificis, Imperatori Constantino-politano, summa pecuniaria soluebatur. Tantâ ab indignitate vindicati, æternum AGATHONI nostro debent Romani omnes Pontifices, longè pluribus nominibus eidem aliàs plurimum obligati.

Illo orbem terrarum vniuersum sibi obstrictissimum reddidit, cum diuersissimis toto Occidente Concilijs, in Anglia, Gallia, Italia, Hispania congregatis, ad pestilentissimam Monothelitarum Hæresim proscribendam tantopere incubuit, contra quam denique Sextam Generalem Synodum Constantinopolitanam III. solemnissimè indixit, tantamque pestem felicissimè profligauit. Cuius tantæ rei insignis memoria depicta, atque his ipsis verbis inscripta visitur in Bibliotheca Vaticana, quinto inter fenestrio ad dextram.

*SANCTO AGATHONE PAPA, CONSTANTINO POGONATO IMP. MONOTHELITAE HERETICI VNAM TANTVM IN CHRISTO VOLVNTATEM DOCENTES EXPLORAVNTVR.*

Vt amplius ad commendationem Agathonis nostri excogitari non posse videaturis quam eius meritis deberi CONCILIUM GENERALE SEXTVM, ad Nicænum, Ephesinum, Chalcedonense, & Constantinopolitana duo adiectum; quibus *summa FIDEI CHRISTIANÆ FVNDATA EST.* Vt de alijs eius meritis nihil dicamus, viris, maximè, Apostolicis ad conuersionem gentium destinatis, quos inter Magnus ille Wilfridus noster, de Germania meritissimus, in Frisiorum inprimis conuersione strenuè desudans, multa eorum millia ad gremium Sanctæ Matris Ecclesiæ congregauit. Exiit mortalitatem Sanctissimus Pontifex noster AGATHO. A. C. 682. ob egregiam vitæ Sanctitatem inter Diuos relatus, & miraculorum gloria à Numine illustratus, cuius illud inprimis viuientis celebratur, cum occurrentem sibi leprosum verè Apostolico ac paterno affectu exosculatus, solo eo tactu, prodigiosè curauit & incolumem dimisit. *Trith: Wion: Bucelin:*



## S. LEO II. PAPA.

**S**ANCTUS LEO II. natione Siculus Mylensis, Congregationis nostræ Siculæ Sanctissimus Monachus, humanis & Diuinis litteris, Græcè & Latine doctus, Musicis etiam eruditus fuit, quo nomine æternum de Ecclesia meruit, Hymnosque & Psalmos, ad concentum & modos meliores reduxit. Idem acta sextæ synodi Constantinopolitanæ comprobauit, & in Latinum transtulit, Superbiam præterea Antistiticum Rauennatum fregit, qui Exarchorum freti potentia, Sedi Apostolicæ obedire, detrectabant. Idem, ne ad Archiepiscopatum assumptus, pro vsu Pallij aliorumq; officiorum, quidquam Ecclesiæ persolueret, sanctè & præclare instituit, grandique & ea perpetuo ab Hæreticis aspersa, auaritiæ nota, Curiam Romanam liberauit, & scandalum orbis longe maximum, sustulit. Ipse etiam, vt in celebratione PAX populo daretur, sanxit; multaque alia, breui Pontificatu præclarissimè gessit, ita quidem, vt ob eorundem multitudinem atque præstantiam, longè quàm præfuerat diutius, Ecclesiæ vniuersæ præstitisse videatur. Paupertatis Monachicæ summo in honore nunquam oblitus, vt contemptor opum præcipuus fuit, sic liberalissimè easdem distribuens, verus pauperum pater extitit, neque pecunia solum, sed opera, labore, & consilijs, egentium, viduarum, & pupillorum inopiam ac solitudinem subleuauit. Eius mortem adeò luxerunt vniuersi, vt communibus lacrymis, communem omnium, parentem mortuum, effusissimè testarentur, cuius festiuam memoriam semiduplicis vt vocamus, officio, pro tanti viri meritis Ecclesia Vniuersa, quarto Kalendas Iulij, concelebrat. *Bucelinus.*

## S. BENEDICTVS II. PAPA.

**S**ANCTUS BENEDICTVS II. Romæ, ab infantiâ, Monastica vitæ consecratus, doctrina & Exercitatione rerum Diunarum tantum excelluit, vt obinde *ADMIRABILIS* & singularis ab omnibus haberetur. Pontifex creatus multis modis.



dis Ecclesiæ vniuersæ consuluit, quem pro eximia vitæ sanctitate Constantinus Imperator plurimum suspexit & deuotissime coluit, memorabili deuotionis exemplo, capillos filiorum Iustiniani & Heraclij Caesarum, ad eundem dirigens, quo, solemne verteribus erat adoptionem consignare, cum per capillorum exhibitionem, quis alicui in filium offerretur, & qui eos accepisset, Patris nomen consequeretur. Potuit plurimum apud eundem Imperatorem BENEDICTVS noster, & grandi atque æterno merito, sicut S. AGATHO, de quo supra, pecuniariam summam, ab Electo Rom: Pont: Imperatori pendendam sustulit, sic & ipse ne deinceps in Electione Pontificis, Imperatoris assensus expectaretur impetrauit, pristinaque libertatem Ecclesiæ recuperauit. Mortuus est altero statim Pontificatus anno tantus Pontifex, cuius eminens virtus, inquit Hieron: Platus, *offensa est potius Ecclesiæ, quam data, sublatum cum omnium dolore ac lacrymis* A. C. 685. *Wionus Bucelinus &c.*

## S. SERGIUS I. PONTIFEX MAXIMVS.

**S**ANCTUS SERGIUS PRIMUS, Panhormitanus Monachus, vir doctissimus & ac Sanctissimus, Diuino Spiritu Clerum populumque permouente, Summus Orbis Pastor electus, prima statim inaugurationis die, mire de Schismaticis triumphauit, grandique peste Romam, & Orbem vniuersum liberauit, cum Theodorus, vno consensu Cleri ac populi permotus, tantique Pontificis reuerentia captus, ipsum illico Papam salutarer, & adoraret, sed & Paschalis, inuocato Exarchi auxilio nihil prorsus efficeret, imò Exarchus cum exercitu SERGIUM deturbaturus adueniens, repente mutatus, & ipse Pastorem agnosceret, & coleret. Neque minus ad commendationem, SERGITI nostri, quod tanta constantia sanctis Pseudo Concilij Constantinopolitani se opposuit, ipsique Imperatori id primum enixè petenti, dein extorquere paranti, adeo imperterritus obstitit, vt prius mortem oppetere, quam de auctoritate Pontificia, & iure Ecclesiæ cedere statueret. Cuius æterna admiratione dignissima, in atrocissimum hostem pietas, paulo post eni-

luit,



rum) Galliarum Regis filium, Caroloburgi in Bauaria natum, Ingelheimij à Paulo Diacono educatum, Vuormatiæ in Regni primâ sede collocatû, inde à S. Stephano Nostro, Patris in Regno Galliarum successorem declaratum & consecratum, Principem præclarissimè gestis, eruditione, pietate, magnanimitate incomparabilem, *Primum*, restituto Occidenti Imperio, eiusdem *Imperatorem*, ipsis Natalitijs Christi Ferijs, incredibili populorum omnium applausu, A. C. 800. renuntiavit, ac consecrauit, eiusque similiter Filium, Regno Italiæ donatum, ea ipsa die solemniter inunxit, acclamante tertium populo vniuerso: *CAROLO AVGVSTO A DEO CORONATO, MAGNO, & pijsimo IMPERATORI ROMANORVM, VITA & VICTORIA.* Vt LEONI nostro Germania vniuersa, quin & Gallia, Occidens vniuersus atque Res publica Christiana toto Orbe diffusa, debito inæstimabili atq; æterno longè obstrictissima, primum ac principem suæ gloriæ ac felicitatis auctorem, nulla satis grati animi significatione, tantique deprædicatione meriti, queant venerari,

Comprobavit dignum tanti honoris Maiestate sese Carolus noster, & LEONEM omni Aquilâ perspicatorem, prælogo mentis intuitu, absque comparatione omni, aptissimum tanto muneris Principem destinasse, factis ostendit: ob ea, non Occidenti solum mirandus, sed & Orienti metuendus, vt collata tanti tamque sancti Pontificis auctoritate Carolo potestas, velut solidissima in petra consolidata, stupentibus insolentia facti Orientis Cafaribus, inconuulsa in hanc vsque diem felicissimè subsisteret. Tantum de Orbe Christiano meritis LEO noster, & maximis gerendis rebus Numinis voluntate destinatus, suscepti Pontificatus thronum, generosissimo suo sanguine consecrauit. Agente siquidem inuidentiæ genio, tanti ab omnibus æstimatum, tam sanctum Pontificem, implacabili persecuti odio Paschalis primicerius, & Campulus sacellarius, adscitis in societatem sceleris proscriptæ audaciæ nonnullis, eò denique amentia præuecti sunt, vt sacrilegis in LEONEM iniectis manibus, in terrâ deiecto & fædè conciso, oculos eruerent, & linguam radicitus præscinderent, idque in ipsa sacri muneris functione, inter expiatum per litanias ritu solemni populum. Sed & sacrilegia sacrilegijs cumulan-



lantes, Sanctissimo Pontifice rursus in Ecclesia ante altare iuxta Confessionem tracto, tantum repetuerunt flagitium, & semivivum ante altare suo revolutum in sanguine, dimisere. Veriti autem, ne à fidelibus inde eriperetur, abstractum in Monasterio S. Erasmi in arctâ custodiâ recluserunt. Stupendares? Restitutus prodigiosissimè Ecclesiæ gementi atque afflictæ sanus & incolumis, eadem nocte grandi prodigio oculos ac linguam recepit, ereptusque è custodia, & in Gallias ductus, honorificentissimè à Carolo Magno exceptus, & digno comitatu pompæque reductus in urbem, mansuetudine supra miraculum omne excelluit, dum, ne supplicio capitis aut mutilatione quavis in nocentissimos reos, parricidas tantos animadverteret Carolus, intercessit & impetravit.

Nec plura de LEONE, cæteroqui de uniuerso terrarum orbe, pluribus maximè Concilijs celebratis, & præclarè sancitis, meritisimo. qui post tot orbi præstita beneficia, & labores incurandâ salute populorum exhaustos, diues meritis, & patientia singulari eximius, quieuit in pace Pontifex generosissimus, A. C. 816. pro tantis sanctissimæ vitæ meritis inter Diuos relatus.

## S. STEPHANVS V. PAPA.

**S**ANCTUS STEPHANVS V. Iulij Marrini filius nobili genere natus, professione monachus, ex Monasterio ad summos Ecclesiæ labores extractus, & si paucis mensibus præfuerit, æternum tamen Pontificiæ Cathedræ decus, eximia vitæ sanctitate reliquit, ab ipsa statim consecratione, illustribus adeo miraculis honoratus. Decessit A. C. 817. Pontificatus mense septimo.

## S PASCHALIS I. PAPA.

**S**ANCTUS PASCHALIS I. Maximi Bonosi filius, Romanus, ex Monacho Sancti STEPHANI, iuxta Sanctum Petrum Romanæ, Congregationis primæ BENEDICTINÆ, & S. R. E. Presbytero Cardinale, vniuersalis Ecclesiæ Pastor creatus, Occiden-



eidentem non solum, sed & Orientem grauissimis meritis obstrinxit, quæ digna oratione sanctissimus vir & Encomiastes dignissimus, *Theodorus Studita* summis laudibus celebravit. Idem, eximiam denique ab omni sæcularium Magistratum potestate Pontificis Romani electionem, æterno de successoribus beneficio & merito, impetrauit. Idem plenum Diui Petri Patrimonium, à Longobardis ereptum, vt integre restitueretur effecit. Idem apparente sibi S. Cæcilia, corpus eiusdem solemniter eleuauit, & multa Sanctorum corpora transtulit. Idem stipendia Clericis auxit. Idem captiuos, in ipsis etiam transmarinis regionibus diligentissime perquisitos, viros & mulieres, sicut vere bonus Pastor redemit. Idem plurimas Ecclesias, Titulosque Cardinalium partim condidit de nouo, partim restaurauit. Idem de vniuerso terrarum Orbe meritisimus, Concilia plurima, Romanum, Altinense, Aquisgranense, Arelatense, Turonense, Cabilonense, Moguntinense, Rhemenſe, Theodouillanum, Nouiomenſe, vnus celebrari fecit, eisdemque optimos Præsides dedit, plurima ingenti cum Imperij, tum Regnorum diuersorum vtilitate, decreuit, & instituit. Idem denique dignissimo sanctitatis titulo, summam in orbe potestatem ac dignitatem mirifice exornauit, & æternum posteris exemplum reliquit. Obijt Pontifex, lectissimus A. C. 824. cuius anniuersaria memoria Martyrologio Ecclesiæ Romanæ ad scripta, toto orbe legitur, & pro dignitate tanti viri recolitur.

## S. VALENTINVS PAPA:

**S**ANCTUS VALENTINVS Leontij filius, Romanus, S. Paschalis lectissimus discipulus, Monasticis disciplinis ab incunte ætate innutritus, tantæ virtutis, & sanctitatis fama celebris fuit, vt miro totius Cleri ac Senatus, populiq; consensu, cum vix vna die ab Eugenij obitu sedes vacasset, inuitissimus licet, Pontifex acclamatus sit. Qui cum vix quadraginta dies præfuiſſet, marorene ab tanti oneris in humeros suos impositione, an alia ex causa, & inuidente terris tantum virum calo



ipso, meritis hominum, qui tunc erant, ita exigentibus, immatura morte ablatus est, conquerentibus vniuersis, eum hominem sibi abreptum. *Quo stante, labefactari Romanam libertatem, & Christianam Religionem vix potuisse, omnes persuasissimum habebant.* Obijt 10. Cal: Febr: A. C. 828. vel quod alij habent A. C. 827.

## S. GREGORIVS IV. PAPA.

**S**ANCTUS GREGORIVS IV. patria Romanus, genere clarus, ex monacho Fossæ Nouæ & S. R. E. Cardinale Tit: S. Marci, ad summi honoris apicem euectus, cum frustra Magni & primi Gregorij exemplo latebras quæreretur, orbem moderari coactus est. Fuit Diuinis humanisque litteris apprime eruditus, pietateque, misericordia, atque alijs omnibus virtutibus adeo insignis, ut quartus eo nomine Pontifex, pari sanctitatis laude, illud ipsum nominatissimum redderet. Hic ipso Pontificatus sui initio, clades tam multas Italiae à Saracenis illatas miseratus, eiusdem quibuscunque posset viribus muniendæ consilium suscepit, aliaque inter. Ostia Tiberina communiens, rudera erudens, nouam è collapsa urbem condidit, & muris cinxit, conatuque, minimè ambizioso, successoribus eadem audendi exemplo & incitamento, ut esset, à se Gregoriopolim cognominauit. Mox suam de Imperio vniuerso sollicitudinem testatus, feruentibus Principum odijs, & ad diuturnum bellum, imò Prouinciarum omnium interitum vergentibus vniuersis, ipse ad Ludouicum Imperatorem, & filios fædisima dissensione distractos, periculosissimum iter suscepit, eosque inter se componere, tantumque Imperij totque Regnorum malum auertere laborauit. Pari industria Galliae & Germaniae Episcopis consulens, datâ ad eisdem Epistolâ nunquam satis celebrandâ, grauissimas turbas, & ex his nascentia innumera mala anteuertit.

Neque terras solum demereri satis habuit Gregorius noster, nisi & caelum ipsum eiusque felicissimos incolas omnes demeretur:



referetur: quo proin studio tam digno, in capite Calendiarum, Nouembrium Festum SANCTORVM OMNIVM à fidelibus per totum mundum celebrari præcepit: officioque proprio, quod ipse composuit, decorauit: vt quidquid humana fragilitas per ignorantiam vel negligentiam, in solemnitate singulorum sanctorum, minus plenè seu dignè peregisset in hac sancta obseruatione solueretur. Suspexit meritum hoc haud leuiter, paulo ante per Apostolos nostros conuersa Germania, solemnitatemque tantam soluta Oratione & versu Sanctus Rhabanus noster celebravit. Illud, maxima inter Gregorij nostri longe maximum, vnum, tanto cum fructu vniuerso, tot Concilia celebrasse, è quibus potiora, Parisiense A. C. 829. Compendiense 833. Metense 835. Theodonis villæ 835. Aquisgranense, A. C. 836. & eodem anno Lugdunense, Cabilonense A. C. 839. Aquisgranense alterum, anno 842. eodemque anno Constantinopolitanum, multaque alia à scriptoribus referuntur. Tantis celebrer factis ad felicem immortalitatem conscendit A. C. 847.

## S. LEO IV. PAPA.

**S**ANCTUS LEO IV Rudolphi filius, Romanus, ex monacho sanctorum Siluestri & Martini Congregationis primæ BENEDICTINÆ & S. R. E. Presbytero Cardinale Tit:SS. quatuor Conronatorum, ad generalem Christiani gregis curam vocatus, haud minore Christianæ Reipublicæ bono, suoque merito, plurimè passim Concilia coegit, quam antecessor Sanctissimus eoque nomine meritissimus Gregorius IV. memorabili Regnorum fructu congregauerat. Ex ijs tria omnino Moguntiam indixit, & Germaniæ multis modis præclarissime consuluit, Parisiense, item, Turonense, Regiaticinum, Ticinense, Suefionense, Romanum, Constantinopolitanum, Valentinum, Ticinense alterum, conuocauit, iisque salutaria quamplurima instituit, orbique introduxit vt solâ hæc, tanti tamen momenti, industriâ, suum æternitati nomen mirifice commendaret.

Illud rarius, quo vix adito Pontificatu, euidentissimo exi-



miæ sanctitatis argumento, Principem Imperij, & orbis urbem, gravissimo metu, & peste liberauit; cum enim pestilentissimi animalis afflatu, basilisci nimirum cuiusdam veneno, infecta Roma, haud immerito contremisceret, indictâ solemnî supplicatione, verus pastor Leo ad specum animalis pestiferi solus accessit, sublatisque in cælum manibus, orationis virtute bestiam extinxit, tantamque grandi miraculo pestem confopuit.

Nec impari prodigio fidelibus commendatus, pari felicitate incendium per ædes Saxonum ac Longobardorum Diui Petri Basilicæ *imminens*, solo adhibito Crucis signaculo, furentium flammarum impetum illico dissipauit atq; extinxit: vt facile constaret ciuibus, quanti patrem hunc suum facere deberent, cuius in vota adeò facilis Deus ipse, & paratus esset. Illud de Imperio beneficium haud vulgare fuit, quo Lothario, & Ludouico Regibus, suo & successorum nomine promisit, *ILLIBATA IMPERII IVRA, ET VNUS, ET IN ÆVVM CONSERVANDA &c.* cui illi vicissim, liberam eligendi deinceps Romæ Pontificis facultatem, à se aliquamdiu denuo affectatam, sed à Leone Romanis assertam, nulla deinceps libidine Cæsarum temerandam, sanctè polliciti sunt. vt hoc etiam nomine successores sibi plurimum Leo noster obligarit. Ingens etiam illud fuit, quo grandi metu Italiam imò Europam vniuersam liberauit: quando nimirum tribus coactis classibus, Neapolitana, Amalphitana, & Caietana in urbis subsidium, nulla re magis, quam DIVINIS MYSTERIIS armatas, in ferocissimos hostes, Mauros seu Saracenos immisit; cuius tampiè administrati gestique belli ille exitus fuit, vt iidem non sine Numine, admirabili atque inprimis memorabili victoriâ, ad ostia Tiberina felicissimè vincerentur, insigni miraculo, nauibus hostium dissipatis atque confractis, captiuisque plurimis Romanam abductis, qui quam euertere decreuerant, in eiusdem munitione, & Nouæ urbis (qua S. Petri Basilicam incluserat Leo) molitione, Christianis structoribus collaborarent. Eam à se conditam *Leoninam* appellari, Sanctus vir voluit, pluresque alias per Italiam vrbes restaurauit, & struxit, è quibus Centum cellense oppidum, *Leopolim*, item cognominauit. Et plurimis alijs sanctè & præclare gestis  
ad præ-



tificibus, quasi cum nomine transfusis ac perennantibus. ita Bu-  
celinus.

## S. GREGORIUS III. PAPA.

**S**ANCTUS GREGORIUS, eo nomine Tertius, in ipso summo Orbis Pontificatu, Monachum nunquam exiit, quin & paupertatem Monachicam, ut in ipso Canobio sanctè coluit, amplissimas autem opes, in solos Christi pauperes, orphanos, Viduas, & Ecclesias transfudit. Is non de Imperio solum, sed Orbe vniuerso præclare meruit, & plurimis coactis Concilijs, Hæreses, & pessimas quasque consuetudines per Regna diuersa sustulit.

Germaniam imprimis multis modis iuuit, cuius lectissimum Apostolum S. Bonifacium nostrum, Sedis Apostolicæ Legatum constituit, eiusq; conatus plurimum promouit, & Concilio Germanico præesse iussit. Idem potentissimum Germaniæ Principem, Carolum Martellum Brabantiae Ducem, primus *Christianissimi* perillustri titulo ornauit, qui ab illo, & filijs ad thronum postea Regni Gallici subuectis, Regibus ijsdem, ad hanc usq; diem perpetuus mansit. Idem sanctarum imaginum, & Reliquiarum cultum miro zelo propugnauit & asseruit, & DEIPARÆ cum primis cui erat addictissimus, venerationem, & honorem, commendauit. Denique de cælo ac hominibus benè meritis, neque vlla ex parte Gregorio II. minor, Primo virtute ac meritis proximus, collachrymantibus vniuersis tanquam communi Patre orbatis, sancto fine decessit, A. C. 741. pro eximia sanctitate, & ipse inter sanctos adscriptus.

## S. ZACHARIAS PAPA.

**S**ANCTUS ZACHARIAS, ex absolutissimæ perfectionis Monacho, absolutissimus & verè Sanctissimus Pontifex, haud impari virtute ac gloria, quam prædecessor Gregorius, Pontificatum gessit, cui, inquit Anastasius, tantam gratiam contulit



tulit Omnipotens Dominus, ut etiam pro salute populi Rom: suam ponere salutem non dubitaret. Euicit, vix adito Pontificatu, Luitprandi Longobardorum Regis animum, adeò potenter, ut Sancti viri admonitionibus, quatuor quas iam occupauerat, ciuitates reddere promiserit; quod cum differret, ipsum Interamne agentem conueniens Zacharias, non eas solum impetrauit, sed & Sabinese S. Petri patrimonium, quod triginta anteannos ablatum fuerat, insuper Narniense, Auximanum, Anconitanum, ut Principi Apostolorum redderet effecit; tantà Regis in ipsum propensione, ut captiuos etiam omnes diuersarum prouinciarum ipsi donauerit: à quo etiam pacem, & quietem ac libertatem Italiae, æterno cum merito impetrauit. Dehinc ad alias etiam iuuandas prouincias conuersus, Germaniæ multis modis adfuit, eamq; Diæcesium finibus distinxit, & Episcoparibus auxit atq; excoluit.

Pipinum dein Brabantiae Ducem, ad culmen Regni Gallici euexit, eademq; opera, & Germanorum honori, & Galliae utilitati mire consuluit. De Cleri populiq; Christiani disciplina, & moribus multa præclare sancit. Basilicas plures collabentes restaurauit, Bibliothecam Varicanam, æternâ cum Ordinis gloriâ confecit, contruxit, atque instruxit, Sanctitate denique vitæ, Pontificiæ Cathedræ æternum decus addidit. Reliquit non pauca præclari ingenij monimenta, eaque inter S. P. N. BENEDICTI vitam Græco sermone conscripsit, eiusq; Basilicam Casinensem præsentibus Archiepiscopis vndecim, Episcopis Sexaginta octo, Solemnissimè dedicauit. Mortuus est A. C. 752.

## STEPHANVS II. PONT: MAX:

STEPHANVS II. ex Monacho item creatus Pontifex, vir animi maximi, spei summæ, ostensus Ecclesiæ potius quam concessus, paucissimis diebus præfuit, ante consecrationem tantis fidelium votis præreptus; quem licet nullo alio merito, quàm quæ Orbis sibi vniuersus promiserat, celebrari legamus, hoc nihilominus loco inferendum duximus, quod plurimi scriptores ipsum omnino prætereant. Ita Bucelinus, in tract: de Pont: ex Ord. Ben:

S. STE.



## S. STEPHANVS III. PAPA.

**S**ANCTUS STEPHANVS III. (*alijs secundus*) Constantini filius, Romanus, ex Monacho Archisterij nostri Casinatis, & S. R. E. Diacono Cardinale, ad oues Christi pascendas assumptus, præclarissimè gestis, Orbi vniuerso innotuit. Ea inter, propagandæ apud Germanos Fidei præcipuè intendit, qua in functione Princeps Germanorum Apostolus S. Bonifacius noster, profuso sanguine vitam impendit, & primum Stephani annum, tantæ purpuræ pretio, gloriosissimum reddidit. Sed & Sthephanus ipse, pro Ecclesiæ libertate, & communi populorum ac Regni Italici salute, nequicquam deprecantibus Clero ac populo, & pastori suo metuentibus, omne vitæ discrimen vltro adiit, & iuratissimum Ecclesiæ hostem, Aistulphum Longobardorum Regem, vltro conuenit, apud quem cum nihil efficeret, ad sollicitandam apud Pipinum opem, ipse in Gallias contendit, vbi grauissimo oppressus morbo, ab ipsis Apostolorum Principibus, ac S. Dionysio visitari, ac prodigiosè curari meruit. Illic Pipini filios, Carolum, & Carolomanum Reges inunxit, imperauitq; Gallis, ne quem deinceps Regem alium nisi eâ ex familiâ legerent. Pipini ope, vniuersum S. Petri patrimonium recepit, & Italiæ Regnum graui à seruitute vindicauit. Eundem Regem Casinum cum filijs deducens, ad Sanctissimi Patriarchæ nostri BENEDICTI tumulum supplices, magno Patri, plenâ feruoris oratione specialissime commendauit.

Concilio Romæ celebrato Orbi vniuerso prouidit, & rara in primis sanctitate fidelium oculos perstringens, dignitati tantæ Sedis, decus dignissimum addidit, grauissimorumque meritorum manipulis locuples, collachrymante vrbe & Orbe ad supera abiit. A. C. 757.

## S. STEPHANVS IV.

**S**ANCTUS STEPHANVS IV. (*alijs III.*) Olybrij Rosamirani filius, Syracusanus Siculus, ex monacho S. Chrysogoni Romæ, congregationis primæ BENEDICTINÆ, & S. R. E. Cardinale T. S. Cæcilie, Cathedræ S. Petri impositus, &



ipse eandem mirabili sanctitate impleuit. Obstrinxit, nostrorum more, grauissimis beneficijs vniuersam Rempubicam Christianam, celeberrimo inprimis Romæ Concilio celebrato, in quo maximis cum Italiæ, tum Orbis totius malis occurrit, abrogatis ante omnia, Constantini Pseudo Pontificis Comitijs, omnibusq; eius Conciliabuli actis combustis; & ne quadeinceps eiusmodi pestis Romanam sedem inuaderet, sequuturis quoque sæculis cauens, statuit: ne quis in posterum, nisi Diaconus aut Presbyter Cardinalis, ad Pontificatum assumeretur: vt omnia Constantini acta irritentur, præter Baptisma & Chryisma; vt Episcopi, Presbyteri, Diaconi, cæterique ab eo consecrati, iterum consecrarentur. Seuerissimâ item Censurâ in Pseudo Pontificem eundem animaduersum; sic que Baronio teste; *omnibus inuasoribus Apostolica Sedis, occlusus est aditus, veluti alto interiecto pariete, quo profanum esset à Sacro diuisum &c.* Decessit multis profligatis erroribus gloriosissimus Pontifex, & acerrimus Sacrarum Imaginum propugnator. A. C. 772. cum admirabili vigilantia & constantia inter impetuosisimos temporum fluctus, nauem Christi annos tres, menses quinque, felicissimè gubernasset.

### S. L E O III. P A P A.

**S**anctus Leo III. Azzupij filius, Romanus, ex Canonico, Ordinis nostri Monachus, ex Monacho Presbyter Cardinalis Tit: S. Susannæ ad duas domos, mortuo Adriano primo, ipso obitûs die, vno & miro omnium consensu Pontifex salutaris, postridie summâ vniuersorum gratulatione, acclamatione, applausuque consecratus est.

Et hic est meritissimus ille supra omnes, de Germania, Italia, Gallia, vniuerso Occidente, omnique ad hanc vsque diem Imperatorum successione ac posteritate, Romanus Pontifex, qui frendentibus vsque hodie super tanta auctoritate potestateque Petri successoris inferis, iustissimis ex causis, Imperium ab Oriente, in Occidentem transtulit, & immortalis cum Germanorum gloria, Germanum genere atque origine, sed & educatione Principem, Carolum Pipini Brabantiz Ducis, postea (operâ item nostro-  
rum)



ad præmia denique æternitatis emigravit. A. C. 856. inter sanctos in tabulas Ecclesiasticas relatus. Fuit Cultor Deiparæ præcipuus, cuius Assumptionis Octauam primus ipse instituit, & in Ecclesiam introduxit.

## IOANNES IX. PAPA.

**I**OANNES IX. Rampoaldi filius, patria Tiburtinus, professione monachus. Huius breui Pontificatu, maxima tamen fuere de orbe Christiano merita. Ea inter fædissimo, & pestilentiſſimo Alberti, & Sergij Romanæ sedis peruaſorum, schismate Ecclesiam liberavit. Sed & de Imperio æquè atque Ecclesia meritus, eidem sedulo inuigilans, multa pro eius utilitate statuit, & Berengarium, qui coronationem violenter extorſerat, summa cum æquitatis, tum constantiæ atque auctoritatis Pontificiæ comprobatione exauctoravit. Eum ipse etiam, Orientis Imperator suspexit, coluit, consuluit, quocum, Ioannes noster, & Augusta coniuge in quarto cognationis gradu dispensauit. Idem summo Reipubl: Christianæ bono, tria Concilia cum paulò supra biennium præfuiſſet, celebrauit, unde inquit Baronius, *summam sibi laudem comparauit: utpote, qui missus à Deo uisus sit ad destruenda, quæ à prædecessore Stephano male edificata fuissent &c.* Ita opportune Deus è monachis plerumque substituit, qui afflictissimæ Ecclesiæ perturbatissimo rerum statu amantissimè occurrerent, & quæ negligentia Pastorum, incuriâ seu iniuria Principum, damna illata essent, subinde resarcirent. Deceſſit tantus Pontifex A. C. 905. in templo Diui Petri Vaticano tumulatus, & digno Epitaphio honoratus.

## B. LEO V. PAPA.

**B**eatæ memoriæ LEO V. è villa Priapi, agri Ardeatini, monachus de Brandalo, Congregationis primæ BENEDICTINÆ, S. R. E. Cardinalis, demum Pontifex Maximus creatus, egregiâ sanctitate Sanctissimam Cathedram ornauit, & si nullo alio merito, hoc ipso tamen, multum Roma-



no nomini addidit. Cuius promptissimam bene merendi de vniuersis voluntatem, Christophorus ambitiosissimus Cardinalis impie intercepit, & lectissimum Christi vicarium, minime ex ambitum munus abdicare coegit, & Cænobio inclusit, ipse vero indignissimus tantum Thronum inuasit, & occupauit. Leo autem non multo post, afflictissimæ condolens Ecclesiæ marore contabuit.

## STEPHANVS VIII. PAPA.

**S**TEPHANVS VIII. dictus VII. Theudemundo Patre genitus, ex Ordine nostro ad Cathedram Petri euectus, annos duos, Mensem vnum, dies 15. Ecclesiam gubernauit, cuius res gestæ, etsi scriptorum inopiâ, an temporum iniuriâ interciderint, hoc saltem Elogij inter Rom: Pontifices meruit. *VITAM EIVS MANSVETVDINIS ET RELIGIONIS PLENAM FVISSA.* Obijt 931.

## S. GREGORIVS V. PAPA.

**S**ANCTUS GREGORIVS V. Otthonis Saxonix, & Sueniæ Ducis, ex Iuditha Lotharinga filius, Ludolphi Nepos, Otthonis I. Imperatoris cognomento Magni pronepos, Bruno antea vocatus, ex Monacho S. Viti Corbeix, Verdenfis primum Episcopus, inde Pontifex Maximus salutaris, Maximum, & Germani animi Principem maximis factis ostendit. Cuius vix adito Pontificatu, tanta fuere de Romano Imperio merita, vt nulla sæculorum æternitate satis illud iisdem liceat demereri. Is primum Otthonem III. cognatum Imperatorem solemniter coronauit, vnde confestim Romanæ Ecclesiæ ab eodem Augusto, cognato Pontifici gratiam referente, illud commodi obtigit, vt impiissimi Crescentij intoleranda Tyrannide liberaretur.

GREGORIVS vero vicissim Imperiò consulturus (quo maiore post S. Leonem nostrum eo nomine Tertium Imperij translatoem, beneficio, nemo Pontificum Imperium, & Germaniam obligarit) collecto Episcoporum Romæ Concilio, de consti-



constituendis deinceps certis Imperij ELECTORIBVS ad Patres retulit, & septem Imperij Principes, Ecclesiasticos partim, partim sæculares deinceps, Imperatorem electuros esse, & fore, perpetuos anxio, perpetuumq; eligendi ius, penes solos Germanos esse constituit. Vt in hodiernamvsq; diem, iidem Maximi Germaniæ Principes, GREGORIO nostro, imo, & suo, acceptum tantum honorem potentiamq; debeant, & merito referant, sequuturis etiam post hac sæculis, tantum gratiæ grati animi gratissimâ memoriâ celebraturi.

Vt nihil de perpetuo gliscentium, & ebullientium bellorū, exciso fonte memoremus, GREGORIO, hac lege condita, PATRIS PATRIÆ Titulum merito, & indepto, quod tanta Electorum dignitate, & electionis æquitate, innumeræ seditionum, bellorum & calamitatum Germaniæ, causæ sublata videantur.

Designati ab eodem GREGORIO sex primum Principes, sacri tres, iidemq; diuersorum Regnorum Archicancellarij, Moguntinus Archiepiscopus Germaniæ, Treuerensis Galliæ, & Coloniensis Italiæ; sæculares tres, Comes Palatinus Archidapiferi Imperialis, Saxonum Dux Mariscalli, & Brandeburgicus Marchio Camerarij munere, & titulis insigniti: Quibus ad tollendam discordiam septimus Bôemiæ Rex, Imperatoris Pincerna est additus, vt ad quam ipse inclinaret partem, ea potior haberetur.

His alijsq; præclarissimè gestis Pontifex noster, illud tituli Elogijq; planè perinsignis singularisq; meruit, vt ad Magni illius & *primi*, item nostri, distinctionem GREGORII ipse *Minor* appellaretur.

Migrauit ex hac vita Romæ A. C. 999. maximo omnium atq; imprimis pauperum luctu, quorum reuera *PATER* fuerat, summo cum honore in Basilica S. Petri conditus, & digno Epitaphio celebratus.

## S I L V E S T E R II. P A P A.

**S**ilvester II. olim Gerbertus siue Gilbertus, Agilberti filius Aquitanus, Gallus, ex Monacho Floriacensi, Rhemensis primum, dein Rauennas Archiepiscopus, iam pridem de Gallia meritissimus, Rhemenſibus nimirum scholis, propter



pter incomparabilem scientiam præfectus, de quarum præstantia sic inter alia Massonus in Hugone Capetto Rege: *Rhemensis schola inquit; ceteras antestare videbatur, propter Gerberti auctoritatem præstantiamq; cui ob eam causam Ottho, & Robertus in disciplinam sunt dati &c.* Vir siquidem fuit Gerbertus, omnium longe doctissimus, Philosophicis, & Mathematicis scientijs prorsum admirandus, vnde factum, vt propter insolentiam doctrinæ, Magus vulgo putaretur, quam vulgi opinionem, proni in obtrectationem bonorum, nostri temporis aranei, Hæretici omnes, tanquam profuturum sibi contra Romanam Ecclesiam virus, avidissime infuxerunt, eoq; si possent, mundum vniuersum inficere, nequicquam conati sunt; longè aliter sentientibus de Gerberto viris sanctissimis, vtpotè tanquam de iuratissimo sceleris illius infandissimi hoste; quemq; Pontificiæ Historiæ scriptores, *natura prudentem, præstantem pietate, fide insignem, constantia mirabilem, consilio prouidum, titulis summo Ecclesiæ capite longe dignissimis extollant.*

Eius insignes inter laudes retulit Baronius: *Cultorem fuisse Sanctorum virorum tunc viuentium, cupidumq; Monastica obseruantia atq; malorum acerrimum correctorem nec non egregium (N. B.) Defensorem iurium Ecclesiæ. Deniq; ipsum planè primum extitisse (ingens reuera meritum!) qui Sacra militiæ Classicum occinuerit, vt amplius quid dici, & prædicari de Romano Pontifice, non posse videatur, constetq; facile vnde sibi tantum apud Romanæ Ecclesiæ hostes, odium tantus Pontifex compararit.*

Gilberto, alia inter, ante Pontificatum merita, debetur inuentio Horologii, & Organi Aquatici, aliaq; plurima præstantissima cum primis, & varia ingenij inexhausti monumenta. Sed & Regnum Vngariæ eidem Coronam debet, quam cum iam Polonia Duci pro meritis destinasset, diuinitus moneri meruit, eam Stephano Vngarorum Duci deberi, quam & cum Crucis insigni eidem dono misit, & primum Vngarorum Regem Stephanum declarauit, quæ in hodiernam vsque diem Crucis insignia, priscis Vngarorum adiecta, acceptum à Numine, & Syluestro nostro honorem ad omnem posteritatem profitentur. Obijt Syluester A. C. 1003, à Sancto Sergio successore pro meritis insigni Epitaphio celebratus.



tuit, cum protospatarium Imperatoris eiusdem ad se capiendum missum, à furore militum populique, Patrem & Pastorem suum impensissimè colentium, & propugnantium, in lectulo suo, ne occideretur, occultauit, fuit, & incolumem postea cum occasione remisit. Exiit mortale hoc corpus, magnus reuera Pontifex, A. C. 701. ob insignia sanctissimæ vitæ merita, inter Diuos relatus, & Martyrologio Romano adscriptus *Bucelin: Wisom:*

## IOANNES VI. PAPA.

**I**OANNES VI. Paterni siue Petronij filius, Græcus quidem patriâ sed minime vitâ, professione Monachus, meritis maximus, eâ inter, grandi periculo imò certo exitio, Italiam liberauit, quando populum contra Exarchum furem compescens, Imperatorum Orientis indignationem auertit, multisq; modis Occidenti consuluit. Idem Gisulphum Principem, comminatâ Omnipotentis irâ atque vindictâ, à Campaniæ & Hernicorum provinciâ inuasiōe, non solum remouit, verum adeo percelluit, vt omnia, quæ iam ceperat oppida, restitueret, & vnde venerat, obedientissimè se reciperet. Meruit etiam Ioannes, effusissima sua in omnes liberalitate, captiuis maxime vniuersis per totum Samnium conquisitis, & grandi pretio redemptis.

Sancti Pauli Cænobium nostrum, & Basilicam extra urbem, summè coluit, exornauit, & locupletauit, & post multa alia præclare gesta, felicissimo & qualem semper optauerat, *facili exitu*, vitam hanc clausit; quem nonnulli (incertum, quo genere Martyrij) Martyrem occubuisse contendunt. A. C. 705. Ita *Bucelinus in Aquila Imper:*

## S. GREGORIUS II. PAPA.

**S**ANCTUS GREGORIUS II. Primi & Magni GREGORII, professione, & sanctitate, nec non meritis dignissimè amulus, ex humili Monacho, Pontifex verè maximus etiam ante collatum summæ potestatis honorem, de Ecclesia meritissi-



mus legatione Constantinopolim susceptâ, admirabili triumpho de Græcis ac Schismaticis triumphauit, inque ipsa facie Orientalis Ecclesiæ, eorum errores summo omnium cum stupore manifestos fecit ac confutauit. Vix adito Pontificatu, de vrbe illico atque orbe mereri studuit, bonisque Ecclesiæ ex hostium manibus vindicatis, muros Romæ restituit, & Ecclesias restaurauit. Mox tribus Romæ Concilijs coactis, piissimum SS. Imaginum cultum religiosissime asseruit, & contra Orientales acerrimè defendit. Leonem Imperatorem Iconomachum, constantissimè corripuit, exiliumque ac fortunam Martini Papæ minitanti, his<sup>s</sup> ipsis, alia inter, verbis rescripsit: *Atque utinam Dei munere nobis contingat, ut per Martini viam incedamus, tametsi ob plebis utilitatem viuere volumus, & superuiuere &c. verum tamen per Dominum te obsecramus, à iuuenilibus & puerilibus factis auertere &c.*

Luitprandum Longobardorum Regem qui luadente Leone in necem ipsius cum Exarcho conspirauerat, & iam cum exercitu in campo Neronis confederat, pari, quâ Leo Magnus Sanctissimus Pontifex Attilæ occurrerat libertate, eidem ultro obuius, adeò flexit commouitq; , vt ad eius se pedes non solum prosterneret, & neminem à se lædendum promitteret, verum, quæ indutus fuerat arma atq; ornamenta, ante corpus Apostoli poneret, & Exarcho veniam rogaret, eam non solum facile, concedente Gregorio, sed iuratissimum hostem auxiliaribus etiam copijs iuuantem.

Contumacem exin Isauricum Imp: & hæreticum, anathemate execratus, Romanos Italosq; (quos eo vsq; , in officio pessimè de se meriti Cæsaris continuerat) ab eius obedientia absoluit; & ab eodem recedere fecit. Multa præclare instituit, eaq; inter, illicita cum primis toto orbe coniugia proscripsit. Obijt A. C. 731. Cuius Sanctissimum nomen, anniuersariæ memoriæ cultu, in Ecclesia perseverat.

*Eius si scripta extarent (ait Baronius) resq; ab eo gesta diligentius scriptis mandata essent, Gregorio Magno haud minorem astimares. Vt huius quoque tanta MAGNITVDINE PONTIFICIS nomine, Imperium, Ordo noster, imo Ecclesia, Orbisque vniuersus, haud immerito æternum gloriantur; Meritis in eiusdem nominis Pontifici-*



## S. S E R G I V S IV. P A P A.

**S**ANCTUS SERGIUS conomine IV. Buccaporcinus, ex castro Lunæ oriundus, Monachus lectissimus, si nulla re alia, ipso eximie sanctitatis splendore, de sublimissima Petri Cathedra meritisissimus. Is alia inter præclara facta, Sylvestri II. studia imitatus, de liberandâ tantis terroribus, & tristissima servitutis metu Europa cogitavit, & Itatorum principum animos, ad Saracenos è finibus procul pellendos, & è Sicilia cum primis eiciendos concitavit permovitque: quo quidem conaturum de Italia, tum de Imperio vniuerso meruit plurimum, cui præcipue fauisse ex eo etiam comprobatur, quod multorum opinione, electionis per septem viros Auctor habeatur, cum tamen potius confirmasse quam instituisse credendum sit. Obijt A. C. 1012. Insignibus Elogijs in gestis Rom: Pontificum celebratus.

## I O A N N E S XIX. P A P A.

**I**OANNES XIX. Gregorij Tusculani Comitæ filius, BENEDICTI VII. dicti VIII. frater, ex monacho S. Anastasij in vrbe Congregationis Cluniacensis, & S. R. E. Cardinale Episcopo Portuensi, summus Pontifex renunciatus, alia inter merita, tria Concilia celebrari instituit, è quibus Francofordiense plurimum Ecclesiæ Rom: profuit.

Idem Conradum II. Salicum Imp: coronauit, qui & Ioanni gratiam retulit, grauissimis Romæ seditionibus compositis. Obijt IOANNES A. C. 1032. cum præfuisset annos 8. Menses 9. sepultus in Vaticano, cuius vita, inquit Ciaconus, MIRIFICA LAPDATVR.

## S. G R E G O R I V S VI. P A P A.

**G**RIGORIUS VI. Romanus, Ioannes Gratianus antea dictus, eximia nobilitatis, & summæ perfectionis Monachus, ex S. R. E. Cardinale Archipresbytero Tit: S. Ioannis ante portam Latinam, Christi in terris vicarius



salutatus, æternis beneficijs Ecclesiam orbemque vniuersum obligauit, cui inquit Cæsar Baronius, *tunc temporis afflictissima, admonitionibus, censuris, & armis pacem restituit.* vt paucissimis his verbis amplissima dixisse videamur, nisi longe maius illud, admiratione defixos in stuporem ageret, quod in Gregorio Nazianzeno vnius vrbs Episcopo olim admiratus Oriens, in Gregorio nostro vniuersi orbis Pontifice, tanti honoris contemptore, vniuersa in sæculorum æternitates, mortalium ad Occidentem, æque ac Orientem posteritas obstupescens deprædicabit. Cum enim eidem Henricus Imperator, quod absque assensu suo electum diceret, instaret, vt summo se Pontificatu abdicaret, nulla is quidem male delusi Regis formidine, verum solo Ecclesiæ & pacis amore, cernens ea occasione, nisi pareret, pestilentissimum denuo schisma conflandum, Nazianzeni factum æmulatus, magnitudinem transgressus, summi honoris Sedem Maiestatemque libenter deserens, ad Archisterium Cluniacense secessit, ibique viræ reliquum securius feliciusque sanctissimè transegit; ea tanti honoristam pacifica resignatione spectatior multo, quam illa de qua supra tantorum meritorum in ipso Pontificatu deprædicatione.

## S. LEO IX. P A P A.

**S**ANCTUS LEO IX. Hugonis filius Comes de Dagsburg, & Egisheim, Germanus, Bruno antea vocatus, ex monacho Tullensi Congregationis Cluniacensis, eiusdem loci, Tullæ Leucorum Episcopus, inde ad Cathedram Petri, Auctoritate Henrici III. Imperatoris promotus, habitum Pontificium, quo iam indutus Romam petebat, suasione S. Hildebrandi nostri (qui postea Gregorius VII. appellatus est) memorabili pijs consilijs parendi promptitudine, statim deposuit, liberamque eligendi potestatem, à Cæsaribus toties præreptam, Clero populoque Romano restituit, ab iisdem instituta quamprimum electione, magno applausu Pontifex salutatus, & voce de Cælo delapsa, insigni prodigio in tanta frequentia populi recreatus, qua ipsi



ipsi à Numine his ipsis verbis auxilium desuper promittebatur: *Ego cogito cogitationes pacis, & non afflictionis.* unde facile vniuersis, quantum tanto Pastori credendum, fuerat ominari.

Coepit Pontificatum ingentibus statim meritis, eodemque ipso anno, insolenti sanè vtu, at fructu immenso tria Concilia, Papiæ, Rhemis, & Moguntia celebravit, labique simoniaca, toto orbe nimirum grassanti, funestissimum bellum indixit, carnis vicia longè lateque excidit, & miraculorum gloria à Numine illustratus, Ecclesiæ Romanæ honorem, & decus perpetuum addidit. Nec minore merito in excindenda pestilentissimâ Berengarij Hæresi postea laboravit, multaque alia cum ex hac tum alijs causis Concilia indixit. In auertendo à ceruicibus Christianorum, iugo barbarorum totus fuit, à quibus aliquando interceptus, tantum abest, vt quidquam mali seu iniuriæ passus sit, vt omnibus potius summæ admirationi, & venerationi esset, multoque cum honore dimitteretur.

Illud singulare de ipso Imperio meritum fuit, quo ipsemet tantus Pontifex difficillimo itinere in Germaniam contendens, vt Casarem inter Regemque Vngarorum pacem componeret, miserandum iam imminens Regno utrique periculum exitumque auertit, eoque tam illustri paternæ sollicitudinis, & charitatis argumento, ad omnem posterorum eiusdem nationis successiorem, merito commendandus.

Impensissimo studio Sanctissimum Imperatorem Archiducem & Patrem suum BENEDICTVM coluit, à quo iuuenili etiamnum ætate, cum pestilenti laboraret ulcere, spectabili forma visitatus, & prodigiosè curatus est, ad cuius tanti Patris sepulchrum, iam Orbis Pontifex creatus, altera vice inuisit, & Fratrum ibidem pedes suis ipse manibus lauit. Decessit vir Sanctissimus A. C. 1054. quem insignibus Elogijs B. Victor III. Pont. Max: ipsi familiariter charus commendauit: à quo, inquit, *OMNIA ECCLESIASTICA STUDIA RENOVATA, AC RESTAURATA, nouaque lux mundo visa est exoriri &c.* Qui per *Apostolicam viam semper gradiens, Apostolicos etiam viros in miraculis est imitatus &c.* vt de hoc Ciue suo Germania, atque Ordo noster haud immerito æternum sibi gratulentur.



## S. STEPHANVS IX. PAPA.

**S**ANCTUS STEPHANVS IX. alijs X. appellatus, olim Fride-  
ricus Gozelonis Lotharingæ Ducis filius, ex monacho  
& Abbate Casinenſe, & S. R. E. Cardinale Tit: S. Chry-  
ſogoni, mirifica totius ſacri ſenatus gratulatione Ponti-  
fex ſalutatus eſt. Verum uſque adeò inuitus reluctantque, ut  
per vim ex hoſpicio, ad Baſilicam S. Petri ad vincula educen-  
dus fuerit, poſtredie ſummo vniuerſorum applauſu Stephanus  
IX. appellatus. Is quamuis breuiſſimo Pontificatu, & infirmo  
ſemper corpore, plurimum tamen de Eccleſia meritus, pro cuius-  
dem tranquillo ſtatu aſſidue laborauit.

Imperium curæ inprimis habuit, in eoque à Simoniaca Hæ-  
reſi perpurgando multum deſudans, Henricum denique Impe-  
ratorem, aggredi non veritus, cum is aperta ſacrorum nundi-  
natione, ſacerdotia, Abbatias, Episcopatus venalia habere, nec  
prohiberi vellet, piorum demum catu prohibuit, & ſacris inter-  
dixit. Idem de ipſo etiam Oriente ſollicitus, & meritus, in  
eo à Schiſmate vindicando plurimum operæ inſumpſit. S. Pe-  
trum Damiani Canobio extrahens Eccleſia plurimum profuit,  
cui Damianus, incredibile dictu eſt, quantum præſtiterit. Obiit  
Stephanus altero Pontificatus anno, multis à funere nobilitatus  
predigijs, & inſigni fidelium concuſſu ac veneratione celebratus.

## S. GREGORIUS VII. PAPA.

**S**ANCTUS GREGORIUS VII. Bonicij filius, Tuſcus patria &  
familia Comitum Periliani, Hildebrandus ante Pontifica-  
tum dictus, in ipſa pueritia admirandus, nihil pueros inter  
puerile admittit, eam ipſam ob cauſam ſancto cuidam viro  
piè ſuſpectus, cum infantili molitione, ædiculas è lignorum ſe-  
gmentis ſtruerent alijs, ipſe diſceſſione facta, ignorante etiam ma-  
nu, in arena littoris ſegmenta longo ordine poneret, & quas lege-  
re non poterat literas formaret, hoc ipſo verſu ſtructione ſua  
abſoluto: *DOMINABITUR A MARI VSQVE AD MARE.* Ab  
eodem



eodem seruo Dei iam tunc quantus futurus esset Pontifex agnitus prodicusq; est. Monachum postea Cluniaci professus, in omni etate admirabilis omnibus visus, meruit non multo post Prioris munere sanctissimo ac frequentissimo Monachorum Collegio præfici, iam tunc prodigijs à Numine commendatus, cum de more cucullum manibus excuteret, inde scintillis pro pulvere exilientibus. Et reuera igneus totus erat, ita ut quæ ore proferret, velut ignis vniuersos inflammarent, & medullas quasi ipsas depascerent. Prædicationis munere strenuè functus, eo tanto-pere excelluit, ut Henricus III. Imperator diserte fateretur: *Nunquam se audisse hominem cum tanta fiducia Verbum Dei prædicantem*. A quo Romam abductus, cum inde se rursus subducere pararet, etina Apostolorum Principis apparitione, vltierius progredi prohibitus est. A Leone IX. Subdiaconus ordinatus, dein monasterio S. Pauli extra urbem Prælatus, & ab apparente Gentium Doctore confirmatus, Canobium illud insigniter reformauit. Mox Archidiaconus creatus, & grauissimis quibusque Ecclesiæ negotijs adhibitus, innumeris se meritis, & grandibus miraculis vniuerso commendauit. In Gallias directus, prodigiosissimo felicissimæ legationis successu, ita Ecclesiam perpurgauit, ut vno in confesso præter viginti septem, alios Prælatos, quadraginta quinque Episcopi per simoniam ingressi, suo se honore sponte abdicauerint; cum miracorundem probatione, *GLORIAM SPIRITUI SANCTO*, etiam si conarentur, dare non posse prædiceret, & solemnī precatione: *GLORIA PATRI ET FILIO*, pronunciato diserte, ad reliqua, qui ex illis innocentiam probaturi erant, statim obmutescerent.

Pontifex postea Alexandro II. mortuo admirabili consensu, applausu atque acclamatione salutatus, cum vniuersi in has voces, *HILDEBRANDVM ARCHIDIACONVM BRATVS PETRVS ELA GIT*, erumperent, reclamans obnixusque rubea Chlamide indutus, & Mitra Pontificia redimitus, marens lugensque eminentissimæ in terris Cathedræ impositus est. Præfuit afflictissimis, si vnquam antea vel postea, temporibus, inq; immāni fluctuum tempestate, qua mare hoc magnum repente in immensum intumuit, Nauicula Petri, ut peritissimus, sic im-



perterritus rector, tantis fluctibus, constantissimè obnixus, præter Reges, ac Principum potentissimos, quos liberrimè correxit ac castigauit, Orientis Occidentisque eodem tempore (miranda res!) Imperatoribus, sese vnus opposuit, deq; iisdem gloriosissimè triumphauit; Nortmannos & Saracenos compescuit, inque tanta rerum perturbatione, ac negotiorum, & fluctuum mole, sibi constans semper, Concilia plurima summo cum Reipublicæ Christianæ bono celebrauit, innumeras penè legationes expediuit, fidelibus vndeque consuluit, diuersissima Regna iuuuit, Gentiles conuertit, Hæreses obtriuuit, Græcos ad communionem pellexit, Croatiam, & Dalmatiam titulo Regni insigniuit, Patrimonium S. Petri auxit, Romam ab incendio prodigiose seruauit, Clerum reformauit, monachorum studia accendit, præclarissima multa per Ecclesiam instituit, vt nec numerare quidem, nedum describere seu expendere, tantorum liceat immensitatem meritorum. Meritus idem verè Maximus Pontifex, insolentissimum planè amorem Virginum Virginis, & fauorem singularem, ac fere maternum affectum, quo in imagine etiam sua, quam frequentius, & impensius colebat Gregorius, eidem arridere perquam familiariter, lachrymanti autem, pie condolare & collachrymari visa est, quem summo Ecclesiæ solatio eadem benignissima MATER, prodigiosè curare dignata, incolumem esse iussit, cum vehementissima æstuans febris, periculose decumberet. Eius celebrantis dextro humero, candidissima de calo descendens columba, insidere conspecta est, vt in eo primi Gregorij spiritum requieuisse nemo ambigeret. Defunctus est tot arumnis atque laboribus Pontifex verè prodigiosus A. C. 1085. etiam à morte obleruatum Pontificiæ maiestatis decus, & probatissimam Petræ Romanæ firmitatem, Hæreticis saculorum omnium (præcunte mendaciorū Architecto Bennone Pseudo Cardinale, iuratisimo Gregorij hoste) & inter ipsos inuis⁹, metuend⁹, intolerand⁹, cuius virgineū corp⁹ atate nostrā post annos à morte quingentos, sacris amictū, & fere integrū repertū est, & digniore tumulo exornatū, nomen autē Martyrologio Romano inter sanctos adscriptū, toto terrarū orbe anniuersaria memoria dignissime recolitur.



## S. VICTOR III. P A P A.

**S**ANCTUS VICTOR III. Dauferius in sæculo, monachus & Abbas mutato nomine Desiderius appellatus, Samius Patria, Beneuentani Principis filius, familia Epiphania, paratissiam sibi nuptijs, & opulentissimo renuntians Principatui, monachum apud Casinates professus, tanta enituit vitæ sanctitate, vt Sanctissimo illi Ordinis Archisterio Abbas præfici meruerit; quem honorem, vt admitteret, multum deprecatus & nimium oblectans, vix tandem feruentissimis suorum lacrymis permotus acquieuit. Pari desiderio post obitum admirandi illius sanctitate, & constantia Pontificis Gregorij VII. ab vniuerso Clero, ac Populo Romano, successor expetitus, cum nullis precibus flecti posset, inuitus demum, reclamans, renitensque Christi anno 1086. Pontifex salutatus, & coronatus Victoris III. nomen accepit, vniuersa vrbe de tanti capitis electione plaudente & triumphante. Verùm Victor, inaudito ad eam diem contempti summi honoris exemplo, post dies quatuor Româ egressus, insignia Pontificatus Tarracinæ dimisit, & cucullo contentus suo, Casinum se recipiens, rigidus, & sanctè obstinatus, nullis omnino precibus, lacrymis, rationibusque, illa vt resumeret persuaderi potuit. Quoad denique altero post anno, Ecclesia, quasi de nullo alio, quam Desiderio suo, vnice sibi desiderato cogitante, Sacri Præsules Vniuersi, cum Iordano Capuano Principe, ac Rogerio Calabriae Duce, ad eius pedes prouoluri: *ne rem Christianam grauioribus incommodis affectam veller, neque totius Cleri ac tot procerum, infimas supplicationes frustrari pergeret, quibus omnino deliberatum ac constitutum esset, neminem alium, ipso quidem superflite, ad id honoris euehere:* victus tandem Victor noster, manus præbuit, & cum metueret Numinis resistere voluntati acquieuit, & breui licet Pontificatu, multa tamen præclarissimè gessit: Roma nimirum, summo totius orbis Christiani bono, & gaudio, grauisimo schismate liberata, profligatisque in Africa Saracenis felicissimus, immaturâ tamen mortè, summæ omnium expectationi summisque conatibus præreptus: quem nonnulli Martyribus accensent, veneno, vt aiunt à schismaticis propinato extin-



extinctum, A. C. 1087. Insignia eius inter ingenij monumenta celebrantur inprimis libri quatuor, quibus sanctissimi Archiducis sui BENEDICTI discipulorumque eius Casinensium res gestas est prosecutus, ipse à Petro Damiani nostro viro sanctissimo & oculato teste *MONACHORVM ARCHANGELVS* appellatus.

## B. V R B A N V S II. P A P A.

**B**Eatus V R B A N V S II. olim Ottho de Castellione, Milonis filius, natione Gallus, ex Monasterio Lateranensi, strictioris vitæ desiderio ad Cauense transiens inde non multo post Cluniacum admissus, inter præstantissima sanctissimi loci sydera præcipue eluxit. Inde postea extractus, & S. R. E. Cardinalis Episcopus Ostiensis renunciatus, iam tum maximis meritis orbi innotuit, grauissimisq; Legationibus dexterissime perfunctus, in Guibertinâ maximè Hæresi profligandâ plurimum meruit, ad eoque Sanctissimis Pontificibus Gregorio VII. & successori eiusdem Victori III. se probauit, ut uterq; dignissimè iudicaret, qui sibi in summa Reip: Christianæ cura, & vniuersi orbis regimine succederet, eoq; nomine S. R. E. Cardinalibus enixius commendarent.

Mortuo proin Victore, summo omnium consensu applausuq; Pontifex renunciatus, inprimis curis habuit, ad sanctissimi Patris sui BENEDICTI tumulum Casini inuisere, ipsiq; susceptum onus commendare: Vbi grauissimo laterum dolore penè exanimatus, ipsomet opitulante, & apparente BENEDICTO prodigiòse curatus est.

Mox præclarissimè de Ecclesia mereri aggressus, ante omnia sanctissimi antecessoris sui Gregorij VII. acta approbavit & schismaticis sese constantissime opposuit. Concilia plurima (quorum sedecim, grandi sanè, sub vno scilicet Pontifice numero enumerat Binius) inæstimabili cum utilitate, ac dignitate Ecclesiæ celebravit; Guibertum Antipapam vrbe expulit, Henricum Imperatorem ob immania flagitia excommunicauit, primus *Cruciata*, memorabili item merito, contra infideles auctor, ad-

mirabi-



mirabili felicitate, Palæstinam, & Jerosolymam recepit, & Saracenos plurimis bellis proterens, gloriosissimè triumphauit. Fuit cultor *ADMIRABILIS MATRIS VIRGINIS* præcipuus, cuius ipse *OFFICIUM* æterno cum merito fructuq; (*CYRIVM B. M. V. vulgo appellant*) toto terrarum orbe promulgauit, & a Monachis etiam ad Clericos transtulit, sed & vsum eiusdem secularibus commendauit: vt ad ipsum cum publica tot Ecclesiarum, Collegiorum, & Ordinum vota, tum priuata tot millium Deiparæ deuotorum pietas, magna ex parte tanquam ad Institutorem spectare videantur. Gratissimum præterea eidem Magnæ Matri nostræ, Cisterciensium nostrorum Institutum, perfectissimam Benedictini Ordinis Reformationem confirmauit, & summo studio propagauit. Quin & pulsum Matutinum, Meridianum & Vespertinum ad iuuandum exercitum Christianum toto orbe indixit; Hæreticos verbo, & exemplo, imo & scriptis doctissimis conuicit, & multo alio nomine, Imperium, Ecclesiam, Orbem vniuersum sibi obligatissimum reddidit. Mortuus est A. C. 1099. rebus iam compositis, sedicionibus sedatis, munitionibus Ecclesiæ recuperatis, ciuibus omnibus sibi reconciliatis, paceq; diu exule restituta, atq; ipsa Catholica Ecclesia in tranquilliorē statum reuocata gloriosissimus felicissimulq;.

## S. PASCHALIS II. P A P A.

**S**ANCTUS PASCHALIS II. Reginerius antea vocatus, Crescentij & Allatiæ filius, Tuscus, ex Monacho, & Abbate S. Laurentij, & Stephani extra muros Romæ Congregationis Cluniacensis, & S. R. E. Presbytero Card. Tit. S. Clementis, expetente populo, eligente Clero, ac collaudante sacro Cardinaliū senatu, in schismate contra Clementem III. Antipapam, verus Ecclesiæ Pastor constitutus, admirabili industria operam suam sanctæ Matri comprobauit. Et quia in frequenti Conciliorum cum Generalium, tum prouincialium celebratione, longè maximam ac præcipuam Ecclesiæ vtilitatem pendere, non dubitabat, mirabili zelo, & inæstimabili fructu, solus ipse dum præfset, sex & viginti (celebrioribus solum computatis) Con-



cilia indixit, ijsq; rei Ecclesiasticæ & Regnorum vtilitati mirifice consuluit. Meriti incomparabilis, & ad æternitatem omnè inprimis memorabilis, syllabum solum memoriæ loco attexamus *Primum* quod celebrari instituit Concilium fuit Pictaviense anno Pontificatus primo, Christi 1100. 2. Lateranense A. C. 1102. 3. Londinense sub idem tempus. 4. Londinense secundum. 5. Trecense primum. A. 1104. 6. Florentinum A. C. 1105. 7. Quintelinburgense 8. Moguntinum. 9. Guastallense. 10. Hierosolymitanum A. C. 1107. 11. Trecense secundum. 12. Londoniense 1108. 13. Beneventanum eodem anno. 14. Pictaviense A. C. 1109. 15. Rhemense. 16. Hierosolymitanum II. 17. Lateranense II. anno 1112. 18. Viennense. 19. Beneventanum A. C. 1113. 20. Apud Cyperanum eodem anno. 21. Beluacense. A. C. 1114. 22. Syriacum 1115. 23. Troianum 24. Colonienſe A. C. 1116. 25. Lateranense III. 26. Romanum IV. Vt ex hoc solo tanto numero innumeram meritorum multitudinem Paschalis nostri omineris facilius, quam meriaris. Sed alia obiter attingamus: quorum illud inter præcipua eius numerandum: inconcussa constantiæ virum de quatuor omnino monistris, summæ Cathedræ inuasoribus, Guiberto, Alberto, Theodorico, & Maginulpho, gloriosissime triumphasse. Proximus triumphus, de Simoniacæ & Henricianorum Hæresi fuit: inde alius æquè insignis, de effrenata Clericorum libidine, concubinato velut iure quodam in orbem introducto, atq; vnà cum infando fidelium scandalo, à Paschali nostro felicissime proscripto ac profligato.

Sed & de infidelibus maxime in Oriente triumphos plurimos egit Sanctissimus Pontifex, cuius auspicijs feliciter res gestæ, & antiquis renouatis miraculis, innumerabiles hostium copiarum deletæ sunt. Idem Tyrannos varios oppressit, Romanorum insolentiam compeſcuit, Henricum Cæsarem ad obedientiam pertraxit, Ecclesiasticam ditionem à multis disceptam, restituit, & amplificauit; Schismadeniq; atrocissimum omnino dissoluit, ac sustulit, & pace orbi atq; Ecclesiæ reddita, innumeris meritis diues ad triumphos æternos abiit A. C. 1118.



## S. GELASIVS II. P A P A.

**S**ANCTUS GELASIVS II. Ioannes antea vocatus, patria & familia Caietanus, ex Monacho Casinate, & S. R. E. Cardinale Tit: S. M. V. in Cosmedin, omnium Patrum votis Pontifex Urbis, & Orbis salutaris, primam statim electionis diem, innocentissimi sanguinis gloriosissima purpura insignem reddidit, à Cincio Frangipane, pugnis & calcibus percussus, & tanquam brutum animal, intra limen Ecclesiæ acriter calcibus cruentatus, per capillos & brachia tractus, & captivus, ad domum nefarii Principis perductus; quem tamen mox ciues in libertatem vendicarunt; cum vix ereptus, à Casare Henrico pari scelere appetitus, àgre in patriam Caietam euasit. Rona reuersus, iterum Frangepaniorum manus vix euasit, & quod vndiq; appeteretur, in Galliam se deniq; recepit, summâ fidelium gratulatione ibidem exceptus. Meruit breui licet Pontificatu, plurimum de Ecclesiâ Gelasius, & quatuor Concilijs celebratis, ea inter duo in Germania conuocari voluit, & afflictissimæ Germaniæ consulere laborauit. Denum Concilio Viennensi cum ipse interfuisset, & illud nagno Ecclesiæ bono felicissimè absolvisset, ad sanctissimum Cluniacense Archibsterium delatus, postquam prouido mentis intuitu Ecclesiæ mirâ industriâ, & charitate prospexisset, inter perfectissimorum Monachorum agmina fortunatissimo obitu decessit, à sanctitate, continentia, doctrina, ac dicendi eloquentia, quæ tunc temporis pro miraculo habebatur egregie commendatus. Eum insigni Encomio honorat his verbis Cardinalis BARONIVS. *Post Martyres, inquit, qui suo sanguine Martyrium consummarunt, haud facile inter Romanos Pontifices, aliquem quis inueniet, qui breuiori vitæ tempore, maiora sit passus, ob idq; præ laudiori Corona donandus, atq; celebrioribus fuerit praconiis celebrandus &c.* Prafuit menses solum vndecim, dieq; sex & viginti, sepultus in Canobio Cluniacensi A. C. 119.



## CALLISTVS II. PAPA.

**C**ALLISTVS II. Guido antea vocatus, Gulielmi Burgundiae Comitis filius, ex Monacho Monasterij Falleritani Congregationis Cluniacensis, & Archiepiscopo Vienne[n]si, ad summam in terris Cathedram subuectus, sui electionem per visum quoddam mire præcognouit, cum proxima electioni nocte, sibi à præpotente quadam persona, lunam sub chlamyde repositam committi vidisset, ne causa Ecclesiæ transitu Apostolici periclitaretur. *Quod magis magisq[ue] perspicuum, inquit Baronius, euenta reddiderunt: siquidem diuturnum bellum ob Inuestituras conflatum, diu multumq[ue] Ecclesiam fatigans, & lacerans, cedente tandem Imperatore, ab eodem Callisto Papa felicissime compressum est.* Vt hac vnare, si nulla alia satis celebratus tantus hic Pontifex noster videatur. Sed & ante Pontificatum, tanti idem est habitus, præsertim cum sub Paschali II. Legatione Apostolica fungeretur, vt *MAGNUM TEMPORE SCHISMATIS CATHOLICÆ ECCLESIE FVISSE PROPAGACVLVM* celebretur.

Vix adita suprema dignitate, maximi animi statim indicia prodidit, & Rhemos indicens Concilium, de iuuando labente in præceps orbe, plurima vtilissime decreuit; mox Ecclesiam magno, vt labore sic fructu perpurgare aggressus, grauissimos errores sustulit, Ecclesiæ rebelles compescuit, ipsum deniq[ue] Cæsarem ad officium reuocauit, permouitq[ue]. Tum Concilium Generale Romæ cogens Ecclesiasticam disciplinam restaurauit, sed & aliud eodem anno per Germaniam indicens, Vuormatiæ nimirum, sic demum Imperatorem flexit, vt electionibus Episcoporum spontè renunciaret. Eidem *DEVS* pro tantis meritis etiam in hac vita gratias plurimas contulit, easq[ue] inter plurimis in Oriente contra Saracenos victorijs beauit. Decessit magnus reuera Pontifex A. C. 1124. Cuius memoria, inquit Cæsar Cardinalis, *summa cum benedictione in ecclesia Catholica perseuerat; vt pote Sanctissimi Pontificis, cui Deus dederit, tam breui tempore adeò gloriosa peragere, Ecclesiamq[ue] Imperatorum Tyranide, seruitutis iugo depressam, VINDICARE IN PERPETVAM LIBERTATEM.*



## INNOCENTIVS II. P A P A.

**I**NNOCENTIVS II. Gregorius antea vocatus, familia illustri de Papa, Joannis filius, ex Abbate Sanctorum Nicolai & Primitiui S. R. E. Cardinalis, à B. Urbano II. creatus, mortuo Honorio II. in B. Petri Cathedram euectus, eam maximis, & ipse meritis demeruit, & connitente inprimis Mellifluo Doctore nostro Bernardo, grauissimum schisma propulsauit, Lothariumq; Germaniæ Regem, importunius pro Inuestituris sibi restituendis instantem, eiudem Bernardi opera, magna cum Ecclesiæ, tum Germaniæ utilitate, & Clero conciliata auctoritate deterruit; multaq; in veneratione deinceps ab eodem Imp. habitus, cum ipso Generale colloquium de statu Ecclesiæ, atq; Imperij in Roncalijs habuit. Pari diligentia ac sollicitudine Galliarum Regnū inuare aggressus, idem per seipsum lustrauit, & reformauit, ab omnibus summa veneratione exceptus, solis Nouiomenlibus, derisorijs ipsum verbis contemnentibus, qui statim, vlciscente Numine, prodigioso incendio penas dederunt. Celebrauit plura summo Ecclesiæ bono Concilia Innocentius noster, & præter atrocissimum schisma, Arnaldistarum pestilentissimam Hæresim Orbe eliminauit. Obijt A. C. 1143. plenus meritorum, & red-dita inprimis Ecclesiæ pace, æternum celebrandus.

## B. EVGENIVS III. P A P A.

**B**EATUS EVGENIVS III. ex abbate S. Anastasij in vrbe, Pontifex creatus, æternum sibi nomen, & Ecclesiæ decus præclarè gestis conciliauit. Eius Pontificatus initia illustrissima, Armeniorum conuersio, reddidit. Sed & sacrum bellum, quod ipse ingenti molitione, concitatore Diuo Bernardo nostro, contra infideles indixit, maximum eius animum, propagandæq; fidei zelum orbi prodidit.

Neq; Saracenos solum in Oriente appetere satis habuit, pari feruore aduersus Boreales Paganos populos expeditionem suscepit, & quantis potuit modis, Christi, & Ecclesiæ diuionem



augendo intendit. Concilia aliquot celebravit, è quibus Rhe-  
menſe inprimis Reipub: Chriſtianæ mirificè profuit, in quo Eu-  
donis maxime peſtilentiſſima Hæreſis, & præſtigiae proſcriptæ  
ſunt; ſed & Principum maximorum inter ſe graviſſimè diſſiden-  
tium cauſæ cognitæ, & plurimorum bellorum fœdiſſima incen-  
dia conſopita. Decelsit ingenti cum luëtù tantus Paſtor Eccle-  
ſiæ A. C. 1153. inſigni miraculorum gloria à Numine poſt mor-  
tem illuſtratus.

## A N A S T A S I V S IV. P A P A.

**A**NASTASIVS IV. Conradus antea vocatus, Benedicti de  
Suburra Romani Nobilis Filius, ex monacho, & Abbate  
Sancti Ruſi Veliternæ Diaceſeos, Orbis Pontifex ſaluta-  
tus annum vnicum, & meſes inſuper quatuor præfuit,  
quo tam breui tempore, ſi nulla re alia, vitæ tamen exemplo di-  
gniſſimè præfuit, & plurimum profuit, cum ab alijs virtutibus,  
tum ab inſigni liberalitate commendatus, qua verum ſe paupe-  
rum patrem comprobans & verè Paſtorem bonum, ſſigente na-  
xima fame Europam, effuſè egentibus ſubuenit, & digniſſimo  
exemplo, quo conferendi theſauri Pontificij eſſent, omni ſuccel-  
ſorum poſteritati oſtendit.

## H A D R I A N V S IV. P A P A.

**H**ADRIANVS IV. Nicolaus Breakſper antea vocatus,  
obſcuriſſimis parentibus editus, Patrem Robertum ha-  
buit, Monachum poſtea in Diui Albani profeſſum, quo  
cum ibidem aliquot annos degens, Abbas demum San-  
cti Ruſi effectus, ab Eugenio III. ſacro Cardinalium Collegio  
adlectus, ſummum denique Pontificatum meruit, cumque præ-  
clare geſtis inſignem reddidit. Fuit terribilis admodum Hæreti-  
cis atque Schiſmaticis, Apoſtolico zelo, iam ante Pontificatum,  
commendatiſſimus, quo Daniamac Noruegiani magna ex par-  
te Chriſto, & Eccleſiæ lucrificavit. Idem Romanam urbem ſe-  
ditio-



ditionibus pessimè agitatam, composuit, ciuesque in gratiam recepit. Idem Hæresiarum nequissimum Arnaldum, Urbis Orbisque perturbatorem, ab Imperatore (cuius castra sequebatur) extorsit, & flammis tradidit. Idem Græcos sæpè, scissura diuisos, ad sacræ Rom: Ecclesiæ sinum, & communionem adducere multum laborauit. Idem Gulielmum Siciliæ Regem Ecclesiæ Rom: oppida diripientem, sacris interdixit, & cætu fidelium exclusit, nec non Regno deiecit. Idem Apostolicæ sedis dignitatem magnopere amplificauit, & plurima alia præclare gessit, plenusque meritorum Christi anno 1159. vitam hanc exiit, maximique nominis in terra memoriam reliquit.

### ALEXANDER III. PAPA.

**A**LEXANDER III. Pontifex Maximus, Senensis patria, olim Rolandus appellatus, Raynutij Bandinelli filius ex Canonico Cathedralis Pisanae Ecclesiæ monachus Clara-vallis in Lombardia Cænobij, cum & morum, & eruditionis laude præstaret S. R. E. Cardinalibus accensus, ab Eugenio tandem tertio Cancellarij eminentissimo gradu sublimatus, Adriano mortuo, summi Pontificatus apicem conscendit, quanto maiore temporum difficultate, tanto euidentiori maximi animi, & egregiæ virtutis comprobatione toto Orbe spectatus. Obnixus est, incredibili constantia immensis fluctibus Alexander noster, & quod mirandū de Cæsare demum, deque quatuor atrocissimis beltijs, Schismaticis nimirum Pontificibus, Octauiano de Monticello, Gaidone de Crema, Ioanne à Strumia, & Laudo siue Lando gloriosissime triumphauit; & supplici ac prostrato ad pedes Friderico Cæsari gratiam, Orbi & Ecclesiæ quietem tanto post reddidit.

Romæ celeberrimum conuocans Concilium reformandæ Ecclesiæ diligentissimè intendit, & multa sanctè instituit. Fuit summo in honore longe humillimus, in egentes, & iuratisimos insuper hostes beneficus. Octauiani Antipontificis mortem, Davidis exemplo multum deplorauit, & exultantibus Patribus purpuratis, haud leuiter succensuit, cuius mortem, & tempus

mor-



mortis prophetico spiritu prædixisse memoratur. Et quamvis tantus esset, reperere tamen crudelissimi illi exactores Dæmones, quod rectam eidem ad cælos semitam retardaret, nisi Apostolorum Princeps, Diuique Gregorius I. & Isidorus nostri interuenissent, & exorata magnæ etiam MATRIS ope, recta deduci ad superum gaudia Alexandrum suum ab æquissimo iudice impetrassent. Quod ipsum beatæ memoriæ Marcus Sancti Isidori Legionensis Canonicus mira visione in Hispanijs conspexit, ipsaque die ac hora quibus decesserat Alexander, Canonicis fratribus suis prodidit. A. C. 181.

## S. GREGORIVS VIII. PAPA.

**S**ANCTUS GREGORIVS VIII. Albert<sup>9</sup> antea vocatus, natione Samnis patriâ Beneuentan<sup>9</sup>, familiâ de Mora nobili, & honorata ortus, summæ perfectionis, eruditionisq; laude celebris, ab Adriano IV. Cænobio extractus, insignem statim operam Ecclesiæ nauauit, & sacro Senatui accensus, denique DEO bene iuuante, Urbano III. extincto, Cathedræ Diui Petri, insigni omnium gratulatione impositus, breuissimo, duorum solummodo mensium Pontificatu, magnanimitatem tamen suam, zelum ac pietatem, non vno argumento vniuersæ posteritati prodidit, à celeberrimi nominis scriptoribus summe commendatus, asserere non dubitantibus, eo acriorem diligentiorēq; Pontificem creari non potuisse.

Hierosolymam sub antecessore à Saladino recuperatam, ve reciperet, sacrum summa contentione bellum indixit, efferuescentia passim inter Christianos odia, & metuenda admodum bella, composuit, pacem denique & armorum depositionem, totâ Europâ ad integrum septennium promulgauit. Decessit in medijs conatibus expeditionis sacræ Pisis, quo se Ferrariâ relicta, ad negotia Cruce signatorum maturanda ipse contulerat; cuius morte *Clarissimam ORBIS LVCEM EXINCTAM* Ciaconius asseuerat, viri non tam ab eruditione singulari ac facundia, quam Vitæ sanctitate plurimum commendati. Mortuus A. C. 1187. & in Cathedrali Pisana tumulatus.

B. G R E-



## B. GREGORIVS IX. PAPA.

**B**eatus GREGORIUS IX. olim Vgolinus ex Comitibus Signiæ oriundus, vti genus, longo quidem sæculorum decursu ad sanctissimum Patriarcham nostrum reulit, sic eidem nouo iure, in cucullo sese deuouit, ex quo, pro vitæ meritis ad summa Ecclesiæ negotia expetitus, ex Diacono Cardinale S. Eustachij, Episcopus Ostiensis, & Veliternus, summam deniq; Cathedram conscendere meruit, & orbem, vt maiestate, sic beneficijs maximis impleuit, & demeruit.

Paucissima è plurimis commemoramus: Eius primum iussu, campanæ sonitus, cum ad consecrationem in SS. Missæ sacrificio tum ad salutationem Angelicam, per Ecclesiam, & orbem terrarum vniuersum institutus, fidelium pietatem, & reuerentiam, tam ad venerandum Christi Corpus, quam admirabilis Matris electionem, & gratiam suspiciendam & colendam mirè induxit, & concitauit. Idem Fridericum Imp: & reliquos Europæ Principes, ad sacrum bellum potenter crexit, atq; accendit. Eundem Cæsarem, minus Ecclesiæ deuotum, atq; additum, admirabili constantia officij commonefecit, & surdum diris deuouit, & Imperio deiecit. Idem Perusinos aliosq; inter se dissidentes, amicè composuit, & magno periculo uicinos liberauit. Idem Hannibalinam Hæresim felicissimè oppressit; urbem ad officium reduxit. Idem per insigni de sacris familijs merito, SS. Dominicū, & Franciscū, illum Prædicatorum, illum Minorum Institutores, Beatos item Antoniū de Padua, & Elisabetham Reginam, Sanctorum albo adscripsit, & Canonizauit. Factionibus item Guelphorum ac Gibellinorum inualescantibus obnixus, pefsumeunti Romæ atq; Italiæ occurrit, ad sacrum potius bellum rebelles dissidentesq; induxit. Decessit Romæ tantus Ecclesiæ Pastor A. C. 1241. ingenti apud omnes sui relicto desiderio.



## B. INNOCENTIVS IV. PAPA.

**B**EATUS INNOCENTIVS IV. olim Sinibaldus Fliscus, ex Lauaniz Comitibus oriundus, Obizonis filius, Genuensis Ligur, ob egregiam Diuini humaniq; iuris cognitionem ex monacho sancti Benigni Fructuariæ, Purpuratorum Patrum collegio adiunctus & Presbyter Card: Tit: Sancti Laurentij in Lucina, à Gregorio IX. creatus, cum eximia insuper emineret vitæ sanctitate, turbatissimis Reipublicæ Christianæ temporibus, ad eam summa cum potestate gubernandam, Pontifex Maximus salutatus est.

Eum infensissimus licet Ecclesiæ Romanæ Fridericus II. Imperator Cardinalem plurimum dilexit, & Pontificem reueritus est; de cuius electione cum audisset, amicissimum se Cardinalem Sinibaldum perdidisse, iuratissimum autem hostem Innocentium nactum esse, diserte edixit. quod ipsum paulo post euentus docuit; cum Innocentius iura Ecclesiæ maximo animo rueretur, & Cæsarem ijs cedere renuentem, diris denuo deuoueret, & regno exueret. Concilio Generali Lugduni celebrato, multa æternum orbi profutura decreuit, & sacrum denuo bellum indixit, cui Ludouicum Galliarum Regem præficiens, *CHRISTIANISSIMI* Titulum, iam olim à nostris iisdem Regibus concessum, aliquamdiu intermissum, reddidit, eorundemq; successoribus perpetuum voluit: Galerum purpureum S. R. E. Cardinalibus attribuit, & pro insigni quasi assignauit, cuius sanguineo colore, notare se asserebat, *PARATOS ESSE DEBERE, PRO REPUBLICA CHRISTIANA, ET LIBERTATE ECCLESIASTICA ADSUMM ETIAM SANGVINEM PROFUNDENDUM.*

Idem Regnum Neapolitanum Pontificij solij Imperio adiecit, & tanta accelsione Patrimonium S. Petri adauxit. Idem Tartaros, ad Communionem fidei, & Christiana sacra vocauit, suaq; industria omnes orbis provincias lustrauit atque curauit, Idem Cruciferorum Ordinem approbavit, Edmundum Cantuar: Vuilhelmum Briocensem, & nostrum Stanislaum Cracouiensem, Pontifices, sanctorum albo adscripsit, Idem Deiparæ honorem summo



Summo studio promouit, cuius Octauam Natiuitatis, per vniuersam Ecclesiam instituit. Ordines Prædicatorum, & Minorum, multis modis demeruit, propagauit, iuuit ac fouit. Summa in orbis cura, de studijs nihil remittens, ijs orbi vniuerso mirè consulere laborauit, & consuluit; Commentarios in Decretalium libros, vulgo Apparatum Sacrum, Nouellas, aliaque vtilissima scripsit, & edidit, Titulo longè dignissimo, *PATER IVRIS*, iure merito appellatus. Decessit multis alijs meritis longè meritissimus Pontifex, A. C. 1254. ab vniuersis fidelibus diu multumque deploratus.

## ALEXANDER IV. PAPA:

**A**LEXANDER IV. olim Raynaldus, Comes Signiæ, Philippo patre natus, ex seris sanctissimi Patriarchæ nostri BENEDICTI, sanguinis Anicij nepotibus, Monasticâ autem professione, & virtutis æmulatione eiusdem filius, ob insignem, & virtutis, & eruditionis famam, à Gregorio IX. sacro Cardinalium Senatui adscriptus, mortuo demum Innocentio IV. Successor designatus, maximo quamprimum animo arduos Ecclesiæ labores aggressus est, constantiâ inprimis, & vigilantiam enituit. Manfredum Siciliæ Regem Friderici II. filium, paterni sceleris impiè æmulum, à rapina rerum Ecclesiæ abstinere monuit, contemnentemque publicâ in concione, Anagninæ sacris interdixit; & quamuis variè vexatus, alios tamen etiam tyrannos animosè persequi non dubitauit. Verus fuit Pauperum Pater quibus liberalissimè subuenit; Hæreticorum osor iuratissimus, libroseorundem proprijs manibus exussit; & vt erat vigilantissimus, pestilentissimam *de statu gratiæ* Hæresim quandam in ipso ortu felicissimè extinxit.

De litterarum studijs item meritissimus, litteratos plurimum coluit, ac promouit; Vniuersale studium in Regno Nauarra Tudeleni in oppido, magno eius Regni commodo instituit. Ipse etiam à studijs quibus cultissimus erat nunquam ne Pontifex quidem omninò remisit, verum ingenij semper aliquod moni-



mentum relinquere laboravit. Vitæ tamen maximè sanctitate Petri Cathedram exornare contendit. De diuersis sacris ordinibus, bene meruit; Eremitatum S. Augustini institutum confirmauit, eidemque alias quasdam Eremitarum Congregationes adiunxit, Pacis conciliandæ studiosissimus fuit, & factiones Guelphorum ac Gibellinorum nouis incrementis auctas diligenter consopiens, Venetos demum Liguresq; inter se grauissimè dissidentes per seipsum componere conatus, tam sancto conatui immortuus, Viterbij decessit A. C. 1261.

## VRBANVS IV. PAPA.

**V**RBANVS IV. Trecis humili natus genere, patrem Panthaleonem sutorem veteramentarium habuit. Verum, ingenij acumine, cum mire excelleret, Parisios studiorum gratiâ missus, omnium artium cognitione instructissimus, Theologicis Canonicisque studijs exercitissimus euasit. Inde ad varios honores expetitus, præter omnem ex humili emergentium consuetudinem, honorum omnium contemptu enituit, monachumq; in Monasterio Fossæ Nouæ professus, magnæ eruditioni, magnas virtutes addidit, ob eas ad Viridunensem Cathedram Cænobio extractus, postea Ierosolymorum, ac denique Pontifex maximus renunciatus. Fuit & ipse cum antea, tum in Pontificatu Pacis Conciliator felicissimus, iam olim eo nomine, in Germaniam, Prussiam, Pomeraniam, Liunioniam missus; de Imperio alijsque Regnis ac Prouincijs meritissimus. Idem de propaganda fide plurimum sollicitus, insignem contra infideles exercitum Cruce signauit, & memorabilem inprimis de iisdem non sine Numine, victoriam innumeris penè hostium, cæsis, retulit, cum Perceuallus eorum Imperator Patrimonio S. Petri iam immineret, in modicæ aquæ transitu mirè mersus, neque vsquam deinceps visus.

Sed & de Oriente mereri aggressus, missis Constantinopolim ad Imperatorem Legatis, Græcos in fide instrui curauit, & à Palæologo Cæsare Orthodoxam fidei Confessionē, sibi exhiberi  
impe.



impetrauit. Obstrinxit & alijs plurimis beneficijs orbem, quæ inter festiuissimum illud sacratissimi Corporis Christi Festum, per vniuersam Ecclesiam celebrari instituit, & immortalis in terris comparato nomine, mortalibus valedixit. A. C. 1264. Perusij vbi excesserat in Cathedrali Ecclesiasepultus.

## S. CÆLESTINVS V. PAPA.

**S**ANCTUS CÆLESTINVS V. olim Petrus de Morono, ob admirabilem vitæ sanctitatem ex Abbate Maiellano, cum grauissimè in electione dissiderent Cardinales, à Latino Ostiensi Episcopo nominatus, attonitis ac mox consentientibus vniuersis Pontifex salutus, frustra deprecatus obnixusque, è fuga denique admirabili populi studio ac gratulatione retractus, inuitus & mærens solemnissime inauguratus est, ad cuius coronationem plus quam ducenta mortalium millia confluisse memorantur. Cuius aetellum, quo ipso coronationis die, Christi exemplo humillimus summus Pontifex vsus fuerat, cum impositus eidem contractus quidam ascendisset, prodigiosè statim curatus est.

Praefuit vix totos quinque menses, & ne quicquam reclamante Carolo Rege, & Neapolitanis, exemplo ad eam diem inaudito, stupentibus vniuersis, Pontificatu se maximo abdicans, manifeste probauit quam extra ambitionem veri monachi viuerent, quantoque cucullum summis honoribus, imo summorum honorum supremo apici anteferrent. Eum Bonifacius successor, metuens ne denuo eligeretur, carceri inclusit, tanto quacunq; duceretur populi concursu facto, eum sibi Pontificem deposcentis, vt concubia solum nocte iter instituendum esset. Euolauit sanctissimus captiuus ad immortalia regna, decimo captiuitatis mense, ob admiranda prodigia, & testatissimam sanctitatem Diuorum albo adscriptus. Cuius sanctissima Ordinis nostri congregatio, prodigiosæ sanctitatis viris ad hanc vsque ætatem nostram, ingens Europæ nostræ decus conciliauit.



## B. BENEDICTVS XII PAPA

**B**Eatus BENEDICTVS XII. olim Iacobus Furnerius, ex Abbate Montis Frigidi S. R. E. Cardinalibus aecensus, Pontifex demum Orbis, mirabili præsagio renuntiatus, cum animi remissione mire excelleret, succensens eligentibus, in hæc verba prorupit, *Asinum elegissis*. Verum dignissimum Christi Ecclesia caput electum, ingentibus statim meritis comprobavit, & quod in visione quadam Episcopus quidam cognouerat, velut immundissimum stabulum, orbem perpurgavit, & quod nemo antecessorum ausus esset, nihil Reges potentissimos, nihil Principes, nihil tot Regnorum Antistites reueritus, omnes omnino *COMMENDAS ET COMMENDATARIOS*, aliosque eiusmodi Titulos à Dei Ecclesia proscripsit, Avaritiam à Curia Romana mira industria orbisque summa gratulatione exclusit, pluralitatē beneficiorum sustulit, Imperio uniuerso, Galliæ item alijsque Regnis mire consuluit, Clerum reformauit, Episcopos ad explenda veri pastoris munia compulit, Ordines diuersos reformauit; populum Romanum, vt senatoriam tandem dignitatem, quam diu Regio nomine gesserant; vt Ecclesiæ auspicijs susciperent atque administrarent persuasit; Ludouicum Bauarum Imperatorem ad saniora reuocare, pacem inter Reges Galliæ, atque Angliæ conciliare plus quam paterno affectu laborauit.

Exercitum prætetea contra Reges Marrochiorum, & Granatæ conscripsit, & cruce signauit, de quibus prodigiosissimam victoriam, cæsis caprisque hostium quadringentis milibus, reuoluit. Idem magnus reuera Pontifex fædissimam Fratricellorum Hæresim obtruiuit, Simoniacos compescuit, & incredibili constantia, contra Reges Bohemiæ, & Angliæ pro libertate Ecclesiasticâ consurgens, eos à fidelium communione remouit. Ipse etiam Armeniam ad gremium Ecclesiæ vocauit, Apostolos in Tartariam destinauit, libertati Ecclesiæ mille modis consuluit. Obijit vir Sanctissimus A. C. 1342. *Restitutoris Ecclesiarum* titulum merito indeptus, cum paulo ante mortem, grandi item merito Penitentiariæ officium mira industria reformasset.



## CLEMENS VI. PAPA.

**C**LEMENS VI olim Petrus Rogerij, ex Fiscanensi Abbate, Arclatensis, mox Senonensis, dein Rotomagensis, tum S. R. E. Cardinalis Episcopus, Pontifex deinde Maximus creatus, eam dignitatem summa cum gloria Ordinis, Orbis emolumento dignissime gessit, nomenque suum immortalibus meritis, ad omnem posteritatem commendauit. Pontifices inprimis successores demeritis, insigne Palatium Pontificium Auenione construxit. Dehinc Imperium Vniuersum iuuare aggressus, Ludouicum Bauarum pessime meritum, frustra commonitum diris deuouit, & Imperio deiecit, aliumque eligi Cæsarem præcepit. Is operâ Clementis electus est Carolus IV. Bullæ Aureæ auctor, ut eius quoque utilitas ad Clementem nostrum referenda videatur.

Indignum dein ratus Pontifices Romanos alieno in fundo habitare, Auenionensis vrbs Dominium, ab Ioanna Regina dignissima emptione Romanæ Ecclesiæ ditioni addidit, auctoritate Pontificiæ extero in Regno haud leuiter consuluit.

Pestifera lue totum orbem occupante, cum vix decimus quisque ex mille mortalibus superesset, magna pietatis Christianæ admirandaque opera Clementis nostri erga infectos fuere, ut qui legat, tantam in tanto Pontifice filiorum curam, in pauperes inprimis propensionem, profusionemque, magnopere admiretur. Illud inter præcipua, Clementis planè maximum celebratur: *IVBILÆVM PLENÆ REMISSIONIS* centesimo quoque anno institutum, ad *QUINQUAGESIMVM* magna omnium fidelium lætitia, atque incomparabili cum utilitate reduxisse, quod vitæ mortalium communis ferè breuitas, tantæ gratiæ participio plerosque excluderet. Mortuus est lectissimus Ecclesiæ Pastor, & Pauperum pater A. C. 1352. relictis non paucis præstantis ingenij monumentis.



## B. V R B A N V S V. P A P A.

**B**EATUS V R B A N V S V. olim Guilelmus Gabalus à Grisacio, Grimoardo viro inprimis nobili patre, pari nobilitate matre Amphilia, sanctitatis opinione celebri, in oppido, & Castro paternæ ditionis Grisacio natus est. Omnibus disciplinis instructissimus, cum maximi ab omnibus fieret, cucullum exambiit, quod in Mimatenſi amplexus Canobio, nunquam in omni deinceps vita, nec in summo quidem Orbis Pontificatu exiit. Per viginti postea annos ius Pontificium, & sacras literas professus, celeberrimus euasit, inde ad varios honores expetitus, Antisiodorensis primum Abbas, mox Diui Victoris Massiliæ ab Innocentio VI. creatus, grauissimis dein pro Ecclesia Legationibus functus, Pontifex demum Maximus, non sine Numine renunciatus est.

Quippe Casinum fortè cum ex Legatione diuerteret, & sanctitate loci captus, Episcopos quosdam *Commenda* Titulo Archisterio illi incubare plurimum doleret, mirabili quodam impulsu, se voto adtrinxit, siquidem destinatione Numinis Vicariæ Petri vices in terris aliquando sibi obtingerent, oppressiorem se loci illico subleuaturum. Dictu mirabile! Delati sibi summi honoris diem eundem fuisse, quo votum hoc vouerat, (quamuis Cardinalis non esset) qui à sacro senatu Legati occurrebant, retulerunt; cuius accepti beneficii non immemor Urbanus, vix adito honore, depulso Commendatario, ipse Abbas sibi Casinatis titulum cum Summi Pontificis honore assumpsit, & quatuor annos gessit, quoad sacro loco plenè prospectum esset, & dignus tanta præfectura Antistes circumspiceretur.

De Ecclesia dehinc vniuersa sollicitus, eidem omni modo consuluit, insignique felicitate ac merito, Pontificiam maiestatem, quod nemo antea ausus, tanto tempore exulem Italiæ atque Romæ restituit, & huic antiquum, & princeps decus imò sibi seipsam reddidit. Sedemque vel per Legatos solum, sæpè à tyrannis occupatam, summo omnium cum applausu recepit, Vaticanum Palatium restaurauit ac exornauit, eam ad rem operâ pauperum vltus, quorum octingentos, & mille aliquando alere



alere consueverat. Cui gratulaturus felicem, & gloriosissimum ad urbem reditum Carolus IV. Imperator cum vxore, & liberis, eo ipse aduolauit, ac Stratoris officio exhibito, Sacris operanti Diaconus adlitit. Neque ea solum Occidentis submissione felix noster Urbanus fuit, sed & Orientis Imperator Ioannes Paleologus, pari demissione, & ipse Romam vsque occurrit, & supplex Urbano, eam quam Romana docet Ecclesia, fidem, *Et Spiritum Sanctum à Patre Filioque procedere, Romanumq; Pontificem, Summum Dominici gregis Pastorem, caput & Magistrum publicè professus est.*

Ad purgandam dein Ecclesiam conuersus Urbanus, ambitioni fœdissimæ Clericorum frænum induxit, *PLURALITATEM BENEFICIORUM* sustulit, quemq; in Ecclesia propria residere coegit, luxum vestium coercuit. De relitteraria item meritis, alter Bononiensis Vniuersitatis, bellorû cladibus prostratæ, Fundator extitit. Idem rara felicitate, indictis solemni ieiunio, & Litanij, Principum Apostolorum capita inuenire meruit. Idem sacratæ ceræ vsum *AGNEM DEI* vocant, multis sæculis intermissum, inexplicabili beneficio reuocauit. Idem de plurimis sacris, & nouis Ordinibus optimè meruit, S. Brigittæ nimirum, Sancti Hieronymi, Patrum Iesuatorum, & Montis Oliueti Instituta confirmauit, fouit, & propagauit.

Innumeris denique meritis gloriosus, sancto fine decessit, anno ætatis 61. Christi 1370. vir verè virgineus, Virginem moribus, vultu, vitâ, imo Angelum præseferens, nec ad extremum vsque anhelitum cucullo se suo, & vestibus exspoliari passus, suprema iussione, & voluntate, in suo S. Victoris Canobio, insigni pompa, & comploratione sepultus, quem insignibus deinceps miraculis Numen honorauit, ita vt de Canonizatione eius non semel ageretur.

## GREGORIUS XII. PAPA.

**G**REGORIUS XII. olim Angelus Corarius, patria Venerus, singulari eruditione, nec non generis nobilitate, sed eximia super omnia vitæ sanctitate commendatissimus, tantis titulis, & ante, & in Pontificatu, sed eo in-



primis supra quam explicari possit, de orbe vniuerso, præclarissimè meruit: Cum enim fœdissimo, ac perniciosissimo schismate Ecclesia Dei plurimis annis, grandi cum infidelium scandalo, fidelium detrimento, atque plurimorum mortalium exitio, miserandum in modum laceraretur, tribus nimirum de Orbis summo Pontificatu contendentibus: Patribus in Concilio Constantiensi celeberrimo congregatis, diu multumque de tollendâ tam perniciosa vniuersæ Ecclesiæ controuersiâ laborantibus, Gregorius noster vt laboranti matri succurreret, suoque tam illustri exemplo, idem quoque faciendi Ioanni, & BENEDICTO Romanæ sedis peruasoribus auctor esset, supremo & ad quem legitimè vocatus, eo dignissimus, ascenderat, honori renuncians, noui legendi Pontificis copiam fecit Patribus. Tanto magis æternis sæculis illustrissimo insolentis meriti ab exemplo commendandus, quanto difficilior erat (quibusdam de abdicatione eiusdem plausum sibi, ex inuidencia tanti honoris concitantibus, alijs insuper, vt abdicaret vrgentibus) hostibus gratum facere, quam propria sponte abdicare, plurimis, quasi coactus, & velut illegitimus renunciasset, sibi persuadentibus, quem nisi volentem nulla potestas, nulla Concilij auctoritas deturbare potuisset. Fuisse virum præter summam eruditionem sanctissimum, sexcenti tradidere, vnde, & ante Pontificatum summis honoribus perfunctus, primum Episcopus Castellanus, mox Chalcidensis, dehinc Patriarcha Constantinopolitanus, Legatus postea à Bonifacio IX. ad componendos Regni Neapolitani motus, rursum Picena etiam Legatione ornatus, absensq; Cardinalis Tit. S. Marci creatus, demum Consiliorum Papæ intime particeps, eo mortuo magno bonorum plausu in honore successit, eo taliter, vt diximus, postea resignato, multo magis meritis magis gloriosus, quam quisquam deinceps suscepto, & administrato. Creatus est post abdicationem à Concilio S. R. E. Cardinalis Episcopus Tusculanus, Collegijque Apostolici Decanus, ac Piceni perpetuus Legatus, & vitæ reliquum summâ quiete, & sanctitate, felicius multo, quam suprema illa in specula transigens, non multo post, antequam Martinus V. eligeretur valedicens mortalibus ad felicem æternitatem emigravit.



travit, dilata eouſq; noui capitis, non ſine Numinis voluntate, electione, ne Gregorio ſuperſtite, eſſi abdicato, alius Pontifex eligeretur. Et hos quidem plerib; alijs intermiſſis, Pontifices Romanos ex Ordine noſtro Benedictino aſſumptos, reſerre placuit. Prætereo enim quinque Antipapas, qui ex Monachis ad ſummam Cathedram euecti, non rectè ſe pro Pontificibus geſſerunt: quos de nomine recenſet, *Wion libro 2. Cap: 3.* ex quo eodẽ allego.

1. *Philippus* Antipapa, monachus Sancti Viti Romæ, A. C. 767. ſublimatus, & A. C. 768 priuatus, ſedit annum 1. dies 24.

2. *Anaſtaſius III.* monachus Specuẽſis, ſedit dies aliquot.

3. *Benedictus IX.* dictus X. Antipapa, monachus Sancti Anaſtaſij Romæ, A. C. 1058. ſedit menſes 9. dies 8.

4. *Silueſter III.* Farſenſis Congr: monachus, intruſus Anno 1102. ſedit menſes 3. dies 15.

5. *Pafchalis III.* Antipapa, natione Vngarus, monachus Strumiẽſis, Anno Chriſti 1169 intruſus, ſedit annos 7. menſes 5.

Prætereo etiam ſex illos Pontifices Schiſmaticos, qui à ſede ſuâ deiecti, Ordinem Benedictinum profiteri coacti ſunt, aut eiũdem habitu induti: quos ſimiliter idẽ *Wion libro 2. cap: 6.* recenſet, atque eorum.

1. *Conſtantine II.* A. C. 766 ſedit annum 1. men: 1. dies 11. in monaſterio Cella nouæ recluſus.

2. *Chriſtophorus* Romanus, A. C. 906. ſedit menſes 7. ad monaſterium Caſinenſe detruſus.

3. *Benedictus V.* Rom: A. C. 964 contra Leonem VIII. Hamburgi in Saxonia in monaſt: tentus.

4. *Albertus Attelanus*, contra Paſchalem II. A. C. 1101. menſes 4. ſedit, coniectus ad Monaſt: S. Laurentij.

5. *Maginulphus* Rom: contra Paſchalem II. A. C. 1102. in ſchiſmate creatus, & poſtea ad Cauenſe Monaſt: recluſus.

6. *Gregorius VIII.* Burdinus contra Geladium II. A. C. 1158. euectus, annis 4. ſedit: ſed anno Chriſti 1121. indictione 14. abdicare coactus, in tũrri Caſſinenſis Canobij primum à Calisto II. incluſus, deinde in Cauenſi monaſterio, uſque ad Eugenij Papæ III. tempora ſuperuixit in monaſtico habitu.



# C A R D I N A L E S

## EX ORDINE SANCTI

## B E N E D I C T I

**P**ontificibus porrò eos subijciamus, qui in vniuersalis Ecclesiæ regimine iisdem dati sunt cooperatores, S. R. E. Cardinales: qui tanquam *Cardines Orbis terra* 1. Reg: 2. ad Sanctam Ecclesiam sustentandam ex Benedictinis assumpti sunt. Quorum numerus ab Historicis probatæ fidei, ab ipso Sancto Patre Benedicto, adusque Concilium Constantiense dicitur fuisse 184. quibus si adiungantur alij quatuordecim, à tempore dicti Concilij ad hæc vsque nostra tempora creati, omnino resurget numerus à Genebrardo proditus lib: 3. Chronologiæ, Cardinalium videlicet ex Ordine Sancti Benedicti ferè ducentorum numerum surrexisse.

# ORDINIS BENEDICTINI

## SECUNDVS FRVCTVS,

*Aliarum Ecclesiarum gubernatio.*

**V**T iam ad particularium Ecclesiarum gubernationem descendamus, illi recensendi sunt, qui iuxta Ezdræ sacrum oraculum lib: 2. c. 12 fuerunt, *Principes sacerdotum & fratres eorum in diebus suis*. Patriarchæ, scilicet, Archiepiscopi & Episcopi.

*Patriarcharum* verò numerus fuisse refertur quinquaginta.

*Archiepiscoporum* autem mille quingentorum & sexaginta quatuor, siue vt alij legunt, mille sexcentorum; quod ex Trithemio, Sabellico, Volaterano, Genebrardo, & Plato, Wionus recipiendum putat lib: 2. c. 11.

*Epi-*



*Episcopus* porro ex Ordine nostro assumptos, idem Wionus, attentâ Historicorum fide asserit euasisse quatuor millia & eò amplius: qui gubernaculis Ecclesiarum applicati, miro modo easdem decorarunt, & Ordini immortale conciliarunt decus. Vera siquidem illa Domini est sententia, Math: 5. & in Ordine Benedictino completa: *Non potest ciuitas abscondi supra montem posita; & nemo accendit lucernam, ut abscondat eam sub modio, sed super candelabrum ponat, ut luceat domum intransitibus.* Non latuit, inquit Trithem: de viris illust: Ordin: S. Bened: lib: 1. c. 5. *Non latuit Ordo Sancti BENEDICTI sub modio abiectiois & obliuionis, sed supra candelabrum Ecclesie exaltatus est, ut doctrina & sanctitatis lumen, eius praberet fidelibus.* Vnde mox ab exordio plantationis sue, multipliciter in Ecclesia DEI meruit exaltari, dum populi quisque fideles, de grege Benedicti Patris Ecclesiarum suarum maximo-pere sibi eligerent sacerdotes. Quanam Ecclesia non summis tunc optasset desiderijs de Ordine tanti Patris habere Pastorem, in quo Christiana religionis amor viguit, sacra scientia lumen effulsit, honestas morum resplenduit? factum est itaque, ut multi fratres ex hoc Ordine ad diuersas Ecclesiarum dignitates vocarentur: aliqui propter eximiam sanctitatem, aliqui verò propter sacra doctrina excellentiam, nonnulli ob singularem agendorum industriam, quidam etiam propter generis claritatem: omnes autem ob regularis vite disciplinam. In omnibus enim amor religionis monastica, miro populum modo in sacerdotibus afficiebat. Hæc Trithemius, de mirabili nostri Ordinis antiquitus profectu. Verum & hoc sæculo nequam quo viuimus, & præ-senti ætate quâ hæc scribimus, plerique ex Ordine nostro doctrinâ & merito excellentes viri, ad regimen Ecclesiarum primariarum assumpti, ab antiquis monachis, infusâ, sanctitate & doctrinâ celeberrimis, nequaquam degenerarunt.

E maximis Theologis Benedictinæ palæstræ, circa annum Domini 1633. eluxit venerandæ memoriæ vir *Antonius de Perez*, ex Abbate Vallisoletano, Vrgellitanus inprimis Pontifex, dum pro meritis meritissimus & illustrissimus Archiepiscopus Tarraconensis: cuius extant Theologica multa scripta, quæ summo rei literariæ bono & scholasticæ Theologiæ, quam ex celeberrimis in Hispania Cathedralis miro omnium applausu ex-



posuit, typis orbi sunt communicata.

Eâdem pariter ætate, nimirum anno 1635. *Antonius Wolfrad*, eiusdem cum Perez nominis & gloriæ, Crémiphanensis monasterij in Austriâ superiore Abbas, magni nominis & prudentiæ exactissimæ homo, à Ferdinando II. Imperatore, impensius dilectus admotusque Consilio Intimo, & Camera Imperiali præpositus, pro amplissimis & fidelissimis obsequijs Viennensium Episcopus & S. R. Imp: Princeps constitutus, summos inter Proceres Imperij auctoritate maximè eminebat. Qui, uti in publicis Germaniæ munijs, & Cæsaris commodis, è fide religiosâ & innatâ prudentiâ dextrè procurandis, commendatione ipsius Augusti Cæsaris & Procerum plausu versabatur; ita officium Præsulis vigilantissimi laudabiliter exequabatur.

Insignis quoque Antistes *D. Iosephus de la Zerda* Hispanus, monachus Benedictinus, olim in Salmaticensi Academiâ primum Cathedræ S. Thomæ, deinde primariæ Theologiæ moderator, postea anno Domini 1644. Almeriensis Episcopus, nunc Pacensis: cuius sine suffragio temporis priscum acumen, cuius sine commendatione antiquitatis, pristinam facundiam, gravissimi admirantur Doctores: qui utraq; gloriâ in suis operibus editis potitus est, & sensus & sermonis; cum inter verba splendida sublimis fulgeat sensus, & sermo splendeat acumine & sententijs: quem aliqui Magni Tostati Abulensis Episcopi, & in scribendo vbertatem celeritatemque, & in disserendo profunditatem, omniumque disciplinarum comprehensionem, cum fanore tamen politioris styli, nam in hoc, & elegantiarum delicijs, Gigantem illum, Tostatum scilicet superasse contendunt.

Illustr: præterea *Caramuel Lobkovitz*, carissimum Phæbo Musisque caput, & Theologorum huius sæculi Primas, agit Episcopum Campaniæ in Italiâ, & Ecclesiam Dei ornat, & gloria Benedictinæ lumen addit: in quo encomia coniuncta sunt, & honestissimæ vitæ & incomparandæ eruditionis: per quem edita iustæ magnitudinis non pauca volumina consummatissimæ limæ, non in secessu aut umbra sed inter multiplices curas; & quia memoria & ingenio pollet admirabili, adiuuatque naturam totus in legendo & scribendo positus, omnem omnium ingen.



ingeniorum lucem collectam in se continere videtur: adeò, ut qui libros ab eo compositos legunt, plura ab illo doceri vident, quam quæ ab homine sciri posse credidissent.

Jam verò quid de Reuerendissimo & Celsissimo Domino Matthæo Ferdinando à Bilemberg Archiepiscopo Pragensi, Principe, Legato nato, inclyti Bœmiæ regni Primate, Cæsareæ Regiæque Maiestatis Consiliario, dicam: qui anno Christi 1638. Ordinem S. BENEDICTI professus, post aliquot annos in eo laudabiliter peractos, Abbas Sancti Nicolai Pragæ ordinatus, pro meritis demum Episcopus Regino Hradecensis anno 1659. consecratus, & tandem anno 1668. Archiepiscopus Pragensis electus, Benedictini nominis gloriam impræsentiorum adauget. In quo seruatum non solum, sed restitutum, sed & propagatum, imò & auctum primæ gloriæ amplissimi Ordinis antiquissimum decus & splendorem, Ordini in primis nostro, dein Bœmiæ, Orbi denique terrarum vniuerso gratulamur.

Multi præterea alij in viuis adhuc positi Antistites reperiri in diuersis Prouincijs possent, qui ex Ordine nostro ad insulas vocati, in numerum superius allatum non veniunt: cum Ordo Benedictinus per Dei gratiam in varijs Prouincijs insigniter nunc effloreat, & plerique monachi ex eo moribus & conuersatione præstantes, atque scientiâ scripturarum illustres, Præsuleo honore & muneris insigniuntur. Quamquam non propterea felicem Ordinem nostrum asseruerim, quod sublimes personas in throno Pontificio & Cathedris Episcopalibus sicut olim ita & moderno tempore confidentes habeat, sed felicem & gloriosum ex eo affirmo, quod annis iam mille & ferè ducentis, professores eius semper & merito sanctitatis & doctrinarum eruditione Orbi illucescant.

Omnes autem isti Archipræsules & Præsules è Canobijs protracti, & positi supra candelabrum Ecclesiæ, quantum alijs hominibus profuerint & quas utilitates Catholicæ Religioni attulerint, vix oratione consequi datur. Ab his enim maxime profluxit qui ordine sequitur.



# ORDINIS BENEDICTINI TERTIVS FRVCTVS,

*Gentium conuersio.*

**D**Vces ac Præceptores Gentium, magnos Ordinis nostri Apostolos, qui directi sunt diuinitus in penitentiam gentis & tulerunt abominationes impietatis, prolixo sermone commemorare necessum foret; sed compendio vten-  
tes, eorum nomina & Regnorum siue Prouinciarum, quibus fidei lumen intulerunt, annotasse suffecerit. Quem verò delectat penitius cognoscere, quæ magnalia per eisdem diuina bonitas effecit, citatos à nostro Wiono Historicis, & Bucelini Annales & Menologium Benedictinum adeat.

Anno igitur Domini 596. *Augustinus*, alique S. Gregorij discipuli in Angliam missi, Reges, Gentemque ad fidem conuerterunt; totamque regionem monasterijs repleuerunt, quæ magnâ parte Metropolitanæ, & Cathedrales Ecclesiæ fuerunt, quarum Præsules & Canonici aliquot sæculis non alij quàm *Benedictini* Abbates & Monachi fuisse reperiuntur. Hi porrò Christo plures lucrifacientes discipulos, Euangelij lumen per totum Septemtrionem sparserunt.

Nam anno 683. S. *Chilianus* in Franconiam, siue Orientalem Franciam à Conone Papâ missus, Ducem, Gentemque ad fidem adduxit. Circa eadem tempora duo *Euualdi* Westphaliæ Christo & Ecclesiæ acquisierunt, Martyrio coronati anno 693. S. *Lambertus* Tungrorum Episcopus Taxandros, siue Kempinenses à Gentilitatis errore reuocauit, Martyrij palmâ donatus anno 698.

Quid verò dicemus de S. *Bonifacio* Moguntino Episcopo & Martyre?

*Quo Duce Germanis pietas se vera, fidesque  
Insinuans, caput ritus abulere profanos.*

Hic enim totius fere Germaniæ, & Friuli Apostolus, Mar-  
tyrij



Myrij gloriâ Apostolatus munus cumulauit, anno Christi 754. Ex eodem nostro Ordine *S. Stephanus* Vplacensis Episcopus, Sueciæ & Helsingæ Apostolus extitit, Martyrio affectus anno 850. *S. Wigbertus* Sorabos, siue Frisio Saxones ad fidei confessionem adduxit. Vti etiam *S. Abbo* Vascones conuertit.

Sanctus verò *Adalbertus* Gnesnensis Archiepiscopus, in Bœemiâ, Vngariâ, Poloniâ, Prussiâ, sacræ fidei cultum plantauit, & continuis prædicationibus rigauit. Eodem tempore, ex monasterio Sancti Alexij Romæ eductus *s. Bonifacius*, primus Boenensis Archiepiscopus, Hunnorum, Slauorum, & Russorum, Apostolus fuit, Sanctus verò *Gerardus* Vngaros in Pannoniâ Euangelicâ luce illustrauit. *S. Bruno* Ruthenorum Archiepiscopus Prussos & Liuones, Sarmatiæ populos sacro Baptismate tinxit, atque ipse, vt etiam præcedentes quatuor, Apostolatus gloriam etiam Martyrij laureâ condecorarunt.

Longum porrò foret alios omnes Apostolos nominatim, suis elogijs exprimere; quare vt de Confessoribus Apostolis confertim dicamus, *S. Chitennus* Atrebatenses; *S. Willibrordus* Frisios; *S. Amandus* Brabantos, Flandros, Sclauos & Vascones; *Vulfrannus* item Frisones; *Wilfridus* Hollandos ad fidem adduxit. Franconiam secundo *Willehadus* Bremenensis Episcopus Christo adiunxit. Frisijs, Hollandis, Saxonibus *S. Wilbertus*; Suecis, Gothis, & Aquilonaribus *S. Ansgarius*; *S. Ludgerus* Saxonibus, & Frisijs Orientalibus; *S. Vicelinus* Wandalis & Slauis. *S. Lebninus* Transsylvanis; *S. Wimo* Gothis Aquilonaribus. *S. Otto* Bambergensis Episcopus, Pomeranis in Sarmatia Euangelium Christi annuntiauit.

In hisce Regionibus Christo iam subiugatis passim Monasteria, velut spiritualia militum Christi fortalicia, excitarunt, in quibus ad tuendam, ampliusque propagandam fidem monachorum præsidia collocarunt.

Postremo loco adijciendus hic est *D. Bueillus*, qui penetrans inferiores partes terræ, *Antipodum* siue noui orbis, & Americæ Apostolus primus fuit. Ob singularem sanctitatem, & admirabilem doctrinam, Indiarum Archiepiscopus & Patriarcha, Summique Pontificis Vicarius apud illas regiones constitutus anno



Domini 1493. sub Alexandro sexto. In *Brasilia* quoque *Benedictinorum* Monachorum exstrui cæpere cænobia, vti testatur *Petrus Iarricus* in *Thesauro Rerum Indicarum* lib: 1. c. 27.

Inter plurima verò quæ Cænobitarum nostrorum Euangelicam messem consecuta sunt bona, non postremo loco habendum est, quod post illatum Regis Christi Euangelium, populi ad voluntatem magis adducti, oppida & ciuitates ædificare cæperint. Vt enim ex *Strabone*, *Iulio Casare*, *Tacito*, *Pomponio Malâ*, & *Herodiano*, *Bozins* probat, Germani olim & Boreales populi in subterraneis specubus, aut sub frondibus cubabant; cum domos aut ciuitates non haberent, quas tamen magno numero postquam fide Christi imbuti sunt, construxerunt. Illud autem, ait *Bozins* lib: 22. c. 6. non pigebit repetere, pleraque Septentrionis vrbes, iuxta Monasteria conditas, quod à monachis scilicet ad omne bonū populi olim Boreales inculti & agrestes, instituerentur. Id hæreticus *Munsterus* in descriptione *Lucerna*, tradit lib: 3. *Geograph: Ciuitas*, inquit, *Lucerna*, post Monasterium, & partim ratione monasterij est condita; id quod in multis oppidis quoque videre licet, quæ iuxta monasteria successu temporis succreuerunt, præsertim iuxta monasteria *Dini Benedicti*. *Rhenanus*, damnata fidei scriptor, lib: 2. rer: Germ: ait, occasione Cænobiorum in Germanicis Prouincijs oppida fieri capta, eoque modo *Argentoratum* fuisse restitutum, ædificato prius monasterio, cui cupiebat optimus quisque ædes habere coniunctissimas, itaque ex oppidulo cænobiali (nam cænobium potior pars erat) contractis eò vicis proximis, tandem posteriori tempore esse urbem constitutam. Eadem ratione, inquit, nunc propius *Rhenum* visitur *Mâgunciacum* quod olim plusculum distabat. Idem accidisse *Spiræ* conijcio. Hæc ille.

## Q V A R T V S F R V C T V S,

### *Hæresum extirpatio.*

**N**on tantum eam in curam *Benedictinorum* Monachorum pia sollicitudo incubuit, vt fidem plantaret; verum etiam vt euelleret impietatem, opera diaboli destrueret, errores disper-



Si sperderet, hæreses dissiparet. Fuit enim Ordo noster fidei fortalicium, sanctæ Ecclesiæ armamentarium, & fortissima turris David, in quâ omnis armaturâ fortiû. Sauientibus eni hæresibus, ex nostris extiterunt, qui se opponerent murum pro domo Dei, & vel hæreticos corâ confutarent, vel eorû scripta absentes refellerent. Ita *S. Gregorij* industriâ Longobardi in Italiâ; & *S. Leandri* Hispalensis Episcopi, Visigothi in Hispaniâ, ad fidem Catholicam reducti sunt. Ita *Martinus* Dumienfis ab eadē sectâ Sueuos, partē aliquā Hispaniæ incolentes reuocauit. Et an non Benedictini nostri Sacramentariâ hæresim in semine suo, & capite Berengario suffocarunt? Cum enim ille vndecimo sæculo cor & animam, Religionis nostræ, veritatem dico sacrosanctæ Eucharistiæ, impeteret, an non statim exsurrexerunt nostri, *Fulbertus* eiusdem Berengarij olim Magister, *Lanfrancus*, *Albricus*, *Guitmundus*, *Guido*, alijque; Quid verò de *Paschasio* Ratberto dicemus, qui prophético spiritu necdum ortam hæresim, tanto tempore ante refutauit? vixit enim anno 880. Quod eodem spiritu etiam fecit *Ratherius* Veronensis primùm, ac deinde Leodiensis Episcopus, qui insuper Antropomorphitarum hæresim extirpauit. *Gilbertus* Porretanus, *Petrus* Bruius, *Abaelardus*, *Henricus*, & *Arnoldus* de Brixia hæretici, à quo refutati sunt, nisi à nostris SS: *Petro* Cluniacensi, & *Bernardo* Clareuallensi Abbatibus? Græcorum errores scriptis confutauit *S. Anselmus*; coram etiam mirâ facundiâ *Humbertus* Cardinalis Michaellem Constantinopolitanum & Leonem Acridanum Episcopos, præsentē Imperatore confudit, conuicitque. Albigeneses quoque, primos ac præcipuos aduersarios Benedictinos è Cisterciensi familiâ senserunt; vt pluribus refert *Abraham Bzouius* anno Christi 1199. Lutheranis & Calvinistis, strenuè occurrit doctissimus *Genebrardus* noster, Archiepiscopus ad Aquas Sextias; & vt alios omittam, *Gabriel Gifford* siue à Sanctâ Mariâ, ex Benedictino Archiepiscopus Rhemenfis, qui suis concionibus Calvinum, eiusque sequaces validissimè oppugnavit.



## QVINTVS FRVCTVS,

*Schismaticorum reconciliatio.*

**P**acifici Regis filij ad pacem & vnitatem Sanctæ Romanæ Ecclesiæ, quos schisma ab illâ diuiderat, reducere semper studuerunt. Quo in genere nostrorum industria, maximè enituit. Petrus enim Damiani Mediolanenses ducentis annis à Romanâ Ecclesiâ abductos, simoniacaque labe, ac Nicolaitarum hæresi infectos, ad Ecclesiæ Catholicæ gremium gloriosissime reduxit. Et memoratus supra S. Bernardus, ingens illud schisma, inter Innocentium secundum, & Anacletum Antipapam, suâ vnius auctoritate & operâ sustulit; Henricum Angliæ Regem Pontifici conciliauit; Galliam ei, omnemque Germaniam coniunxit; urbem ipsam, totamque Italiam liberavit; Rogerium Siciliæ Regem confutauit, Petri Leonis partes fregit, Guilielmū Aquitanæ Ducem, Schismatis defenforem emolliuit, & ad penitentiam permoit. Idem etiam Mediolanensium schisma contra Ecclesiam sustulit.

## SEXTVS FRVCTVS,

*Scholarum ac Academiæ institutio.*

**I**nter præcipua Reipublicæ Christianæ bona, sine dubio censeri debet Iuuentutis institutio, quæ tanti est, vt beneficio huic Philosophi testati sint, homines vicem reddere non posse. De quo, ne (quod dici solet) sine die & Consule loquamur, iuuat loquentem introducere nostrum Trithemium in Chron: Hirsaug: anno 890. Erat, inquit, his temporibus in monasterijs nostri Ordinis hæc consuetudo celeberrima, vt Schola monachorum in singulis panē Canobijs haberentur, quibus non seculares homines, sed Monachi moribus & eruditione præficebantur nominatissimi: qui non solum in diuinis Scripturis docti essent, verum etiam in Mathematicâ, Musicâ, Rethoricâ, Poesi, & in cæteris omnibus secularibus.



ularis litteraturæ scientijs eruditissimi haberentur. Ex his multi non solum in Romanâ linguâ docti erant, sed etiam in Hebraicâ, Gracâ & Arabicâ peritissimi. Quoties autem idoneū ad hanc subeundā Provinciā in suo Canobio Monachum Abbas minimè habuisset, de aliquo alio Monasterio petere aptum non erat verecundum. Sic namque doctissimus ille Monachus Gēmbiacensis Sigebertus, multo tempore in Canobio S. Vincentij Metensē, Monachorum præceptor, quamquam de alio monasterio fuit. Ita Strabus monachus Fuldensis in Hirsfeldiâ; Notgerus S. Galli in Stabulaw; Albinus Monachus Anglicus in Fuldâ; Milo S. Amandi in Corbeiâ, atque alij complures in alijs Monasterijs, docendi ad tempus tenuerunt officium, ubi conuersionis primordia non sumpserunt. Hac autem consuetudo sanctissima primum in Angliâ cepit, ubi venerabilis ille monachus & Presbyter Beda Monachorum institutor factus, multos post se doctissimos reliquit discipulos.

Anno quoque 952. idem scribit, in omnibus monasterijs fuisse Scholas literarias, in maioribus autem Canobijs fuisse generalia studia sacræ scripturæ & aliarum disciplinarum: ad quæ ex alijs monasterijs, tanquam ad vniuersitates, monachi transmitti solerent.

Et sanè Alcuino siue Albino Flacco, Parisiensis Academia originem suam debet, de quo vetus Poëta.

*Quid non Alcuino facunda Lutetia debes?*

*Instaurare bonas ibi qui feliciter artes,*

*Barbariemque procul, solus depellere capit.*

Oxoniensem vniuersitatem noster Neotus Diaconus fundauit: in quâ tria principio constructa erant collegia: Grammaticis vnum, Philosophis alterum, tertium Theologis. Quatuor alij Monachi Cantabrigiense studium excitauit. Ticini siue *Papia* in Italiâ vniuersitatem fundauit Ioannes Scotus, Venerabilis Bedæ discipulus. Quorum exemplo Benedictini hodieq; varijs locis è cathedrâ docent. In Hispania Vallisolerani Patres decreuerunt, vti in Congregatione sint tria perpetuò Collegia, in quibus Artes liberales, & Philosophia doceantur, & quartum in quo Theologia. Pro Philosophia designantur, S. Stephani de Ribas desfil, S. Iuliani de Samos, & S. Mariæ de Irache: pro Theologia S. Vincentij salmantica. Præterea designant duo-



decim alia monasteria particularia, in quibus Artes & Theologia prælegantur: ut videre est in eorum Constitutionibus Barcinonæ impressis. A Benedictinis quoque regitur *Salisburgensis* in Bauariâ Vniuersitas. *Parisijs* in Galliâ, prælegunt Patres Congregationis S. Mauri: *Duaci* in Flandriâ, & in Ciuitate *Gerardimontensi*, *Vedastini*, & *Missionis Anglicanæ*; alijque alibi, vti oculis meis vidi *Cremiphanijs*, *Lambacique* in Austriâ, *Braunouia* in Bôemiâ, nostros gymnasia erudiendæ seculari iuuentuti excitasse, & literas humaniores attentius perdocere.

Ex hoc porro fructu, alij aliquot sequentes prodierunt, atque imprimis.

## SEPTIMVS FRVCTVS.

### *Sacra Scriptura Interpretatio.*

**I**N hâc sanè adeò Nostri se indefessos exhibuerunt, ut alijs palmam præripuisse videantur. Dedit enim Ordo noster Sanctæ Matri Ecclesiæ, decem Doctores, qui totam sacram scripturam à capite (quod aiunt) ad calcem, suis lucubrationibus exposuerunt. Quorum primus sit Venerabilis *Beda*. Secundus *Rabanus Maurus*. Tertius *Haymo Halberstadensis* Episcopus. Quartus *Strabo* qui Glossam Ordinariam: & Quintus *Anselmus Laudunensis* qui Interlinearem composuit. Sextus *Rupertus Tuitiensis*. Septimus *Petrus Berchorius*, qui omnia penè scripturæ verba in suo Dictionario moraliter explicat, alteroque libro, Moralitates totius S. Scripturæ plano stylo interpretatur. Octauus *S. Paternus*, ex Sancti Gregorij scriptis excerptiones in omnes veteris & noui Testamenti libros exhibuit. Nonus *Hieronymus Lauretus*, Siluam Allegoriarum ad totius sacra scripturæ intelligentiam ex SS. Patribus conscripsit. Decimus *Isidorus Clarius*, Brixinensis, Græcè, Hebraicè, Latineque doctissimus, ex monacho Cassinensi, Episcopus Fulginatensis, Sacra Biblia ad Hebraicam Græcamque veritatem castigauit, & scholijs locupletibus illustrauit: in quo tamen quædam corrigenda ex sententiâ PP. Concilij Tridentini annotata sunt.

Præ-



Prætereo nunc alios clarissimos Doctores, Gregorium Magnum, Alcuinum, Anselmum, Angelomum, Ambrosium, Anbertum aliosque innumeros in hoc studio diligentissimè versatos. Neque defuit nobis alter Hieronymus, qui Hebraismos, Hebræorumque Chronica, & Rabinorum aliquot tractatus, Latinis auribus daret, *Gilbertus Genebrardus* hæreticorum expugnator acerrimus, & scriptis suis orbi notissimus.

## OCTAVVS FRVCTVS.

*Iuris Canonici collectio & interpretatio.*

**V**tilem toti Ecclesiæ, ac præsertim, Iurisconsultis operam nauasse Benedictinum Ordinem, nemo non fatebitur, qui considerauerit ab eo profluxisse tot Canonum ac Decretorum collectores, & clarissimos Pontificij Iuris Interpretes. Inter eos autem, qui sacros Canones collegerunt, primo loco Cardinalis Baronius anno 527. ponit, *Dionysium Exiguum*, nostri Ordinis Abbatem. Tertio loco *Martinum Dumisensem* ac *Bracarensem* Episcopum. His addendus sextus *Sanctus Burchardus*, qui libros viginti, ex SS. Patrû, Generaliû Conciliorû sententijs, ac Pontificum Decretis composuit. Quantus verò fuit *Gratianus*, qui nobile illud opus de *Concordantiâ discordantium Canonum*, siue quod *Decretum* appellatur, compilauit: quo Iuris Canonici professores, præcepto Eugenij III. in scholis vtuntur. Cuius gloriâ æmulatus est, *Ioannes Abbas Niucellensis*, qui præclarum opus, & à nullo alio tentatum, *Biblia* scilicet & *Canonum Concordantiâ*, posteris reliquit. Quem alius Abbas *Lapus* nomine, secutus est, qui omnium primus *sextum Decretalium*, & *Clementinas* exposuit. His omnino par, vel etiam maior fuit, *Nicolaus Tudesius* Abbas Catanensis & Archiepiscopus *Panormitanus*, & S. R. E. Cardinalis, qui octo Tomis quinque *Decretalium* libros, *Clementinas*, aliaque multa ad Pontificium Ius spectantia explicauit.



## NONVS FRVCTVS.

*Historiarum conseruatio.*

**E**A fuit Benedictinorum Cænobitarum in annotandis rerum suo, & præcedenti tempore gestarum historijs, diligentia, ea in describendis, vel in epitomen contrahendis priorum chronographorum monumentis fidelitas; ut penes eos veterum Annalium repositorium, & Sanctæ Ecclesiæ Archiuum fuisse videatur. Hinc scilicet prodierunt Chronographiæ & Chronica nostrorum, *Mariani Scoti, Hermannii Contracti, Regionis Abbatis, Lamberti Schafnaburgensis, Anastasij Bibliothecarij, Sigeberti Gemblacensis, Leonis Ostiensis, Petri Diaconi, Dodechini, Roberti Montensis, Aimoini, Roberti Remensis, Ioannis Trithemij, Helinandi, Matthæi Paris, Matthæi Westmonasteriensis, Thoma Walsinghami, Witichindi, Pauli Langij, Genebrardi, & aliorum plurimorum*. Quid, quod pleræque sanctorum vitæ, quas Surius refert, à Benedictinis monachis scriptæ legantur.

Qui verò Martyrologia scripsere, soli penè Benedictini fuerunt. Venerabilis scilicet *Beda, Florus, Vsuardus, Wandelbertus, Ægidius de Damnis*, Addendum denique, quod ad omne disciplinarum genus spectat, tradi à nostro Wiono lib: 2. c. 61. ex historicorum fide, fuisse nostri Ordinis quindecim millia Auctorum, scriptis & eruditione celebrium. Nec silentio prætereundum, à nostris Veterum Patrum monumenta potissimum, conseruata esse, quæ vel ipsi, ante exortam typographiam describebant, vel à suis discipulis exarari curabant.

## DECIMVS FRVCTVS.

*Cultus Deiparæ Virginis propagatus.*

**S**ANCTISSIMAM Deiparam Virginem MARIAM præcipuo deuotionis affectu nostri semper & coluerunt, cuiusque cultum quantum in ipsis fuit, longè lateque propagarunt. Atque ut Christus Dominus vitæ suæ scriptores quatuor habet



habet Euangelistas, & Ecclesia quam acquisiuit sanguine suo, totidem præcipuos agnoscit Doctores; ita à Benedictino Ordine gloriosa Regina cali quatuor acceperit laudum suarum egregios Præcones, & Doctores verè eximios: *Ildephonsum* Toletanum, *Anselmum* Cantuariensem Archiepiscopos, *Rupertum* Tuitiensem, & *Bernardum* Clareuallensem Abbates, quos vulgò S. MARIE Sacellanos nuncupant, & verè pansis velis in eius laudibus deliciosissimè spatiantur.

Nec defuit aliorum nostrorum circa eiusdem Virginis venerationem studium. Atque ut ab Apostolicâ sede incipiamus, S. *Gregorius Magnus* cum solemnes illas supplicationes instituisset, in quibus B. Virginis Imago à S. Lucâ delineata præferebatur, quæ pestem quaquaversum auertebat, cum Angeli Canticum, illud, *Regina Cali latere &c.* canerent, ipse subiecit: *Ora pro nobis DEVM Alleluia.* Idemque in capite Litaniarum tertio eam inuocare voluit, creberrimasque stationes ad eius templum instituit. Officium Circumcisionis Domini, siue Octauæ Natiuitatis, cum Collectâ, *Deus qui salutis æterna*, ad eius honorem composuit.

*Bonifacius IV.* Deorum templum quod *Pantheon* dicebatur, Deiparæ Virgini omnibusque Martyribus dedicauit: quod inde SANCTA MARIA ad Martyres dictum, nunc ab ædificij formâ, S. *Maria rotunda* nuncupatur. Octauam Assumptionis B. MARIE *Leo IV.* instituit. Officium S. MARIE in sabbatho, & Præfationem illam, *& te in veneratione Beata MARIE*, *Urbanus II.* cui etiam paruum Officium tribuitur; licet alij illud Sancto *Petro Damiani*, itidem Benedictino adscribendum putent. Eiusdem inuentum est, pulsus matutinus & vespertinus, in honorem Virginis Matris, quem restituit, ac meridiano pulsu auxit *Gregorius IX.* itidem Benedictinus. Abstinentiam à carnibus diebus Sabbathi, in honorem eiusdem Sanctissimæ Virginis *Gregorius VII.* in Ecclesiam introduxit.

*Innocentius IV.* ad Festum Natiuitatis Beatæ MARIE Octauam adiunxit. S. *Ildephonsum* Festum Expectationis B. MARIE Virginis, in Hispania instituit: uti S. *Anselmus* Festum Conceptionis: atque alius quidam Abbas S. *Nicolai*, primarius Auctor fuit institutionis Festi Præsentationis S. MARIE. Rosarij quoque in-



uentionem, siue Coronæ Marianæ, cuidam Petro Monacho Benedictino tribuunt, Pontacus in Chronologia, & Polydorus Vergilius de inuent: rer: lib: 20. c. 2. & ex eis, noster Wion. Quam verò gloriosum est, à nostro *Hermanno contracto* dulcissimam illam Dei genitricis salutationem SALVE REGINA, Ecclesiam, habere, & toties cum gaudio & fructu illi recitare? postremum verò illud epiphonema, *ô clemens, ô pia, ô dulcis Virgo Maria!* Sanctus Bernardus Spiræ existens adiecit. Idem *Contractus* alteram, quoque Antiphonam *Alma Redemptoris Mater*, Sacratissimæ Virginis merito consecrauit, à quâ ingenium & sapientiam acceperat. Decantatissimum illum in totâ Ecclesiâ Hymnum, *Aue maris Stella, B. Bernardus* acceptum ferimus.

Admirabilis prorsus est pietatis affectus, quem erga cæli Reginam habuit, aliosque docuit *Sanctus Gerardus* Episcopus Hungarorum, Apostolus & martyr, qui consecratâ in honorem sanctissimæ Virginis pulcherrimâ Ecclesiâ, eius deuotione ita tenebatur, vt ne nominare quidem eam vel audire, sine lachrymarum profusione valeret: & quod maius est, ad eiusdem sacratissimæ Virginis cultum promouendum, per singulas suæ Diœcesis Ecclesias, Sabbatum diem in eius honorem sacrum instituit: & vt eundem omnes sub officio nouem lectionum, sicut in die Assumptionis celebrarent, præcepit: tantamque in animis Hungarorum, ipsiusque Regis pectore, huius Sanctæ Virginis deuotionem excitauit, vt & ipsius Regis familia, totaque Pannonia, *Sancta Maria familia*, appellata sit: & insuper ab ipsis Hungaris, in quorum ore nomen eius non auditur, led tantum *Domina*, pro Patrona & protectrice in perpetuum electa. Qui verò de eâ loquens *Domina* nomen tacuisset, ei ex Gerardi lege genua illicò flectenda erant, & corpus humi prosterndum. Ad eiusdem Virginis aram thuribulum argenteum collocauit, duosque prouectæ ætatis homines adhibuit, qui perpetuò vigilarent, darentque operam, ne vnquam thimianus deficeret. Ad eandem cum sacra pompâ & supplicatione post Matutinas & Vespertinas preces veniebat. Nihil vnquam denegauit, quod *Sancta Maria* nomine peteretur; adeoque vt fontes impunitos dimitteret, si errati veniam Sanctæ Virginis interposito nomine postulassent.



*Sanctus Adalbertus* etiam, Pragensis primò Episcopus, & postea ad gentes conuertendas digressus, ac Apostolus Slauorum, Gnesnensisque in Poloniâ Archiepiscopus, ingenti amoris studio statim à puero in Matrem Dei ferebatur; cuius deuotionem & sincerum cultum Polonos suos edocuit, eisque Slauonico idiomate de B. V. MARIA Canticum deuotissimum composuit, quod Poloni singulis diebus Dominicis & festis in Ecclesijs suis decantant, & olim ante pugnam cum hostibus initam, quin in ipso quoque conflictu armorum decantare solebant. Seruaturque inter Polonos adhuc, is pietatis Marianæ cultus, quem eis S. Adalbertus noster specialiter commendatū esse voluit, vt omnes castrenses homines & totus fere Equestris ordo, diem Sabbati, abstinendo à coctis cibis, in solo pane & aquâ, per omnem vitam singulis hebdomadis strictè ieiunent, ad honorem Beatissimæ Virginis, cuius patrocinium eo genere afflictionis vltro ne exambire probantur, & protectionem inter innumera periculorum aduersa efflagitare non cessant.

Quid referam *Ioscionem* Bertinianum Monachum, qui sacratissimum virginis nomen tot Psalmis, quot literas continet, suo exemplo honorandum docuit? quam verò id gratum Virgini Mariæ fuerit, quinque rosæ quæ super demortui faciem inuenta sunt, & in medio earum aureis literis exaratum, dulce nomen MARIA, satis superque declararunt.

*Odiloni* quoque Cluniacensi Abbati tanta in Virginem pietas fuit, vt cum in choro psallentium ad illum versum ventum esset, *Tu ad liberandum suscepturus hominem, non horruisti Virginis uterum*; sese protinus in terram prosterneret: quod Sanctam Ludgardem quoque fecisse, suumque Confessarium *Thomam Cantipratanam* edocuisse, accepimus.

Solemne item *Cluniacensibus* fuit, quotidie *Sacrum de B. Virgine* decantare; & in Ecclesiâ infirmorum quæ in eius honorem consecrata erat, quotidie *Hora de Dominâ* ab alijs, quam qui in Conuentu publico Horas persoluebant, decantabantur. Ne longior sim, omitto plurium nostrorum Hymnos, Prosas, Cantica, Homilias, aliaque ad Sanctissimæ Virginis honorem excogitata: mira item obsequia à S. *Petro Damiani*, S. *Gertrude*, & *Mehitilde*,



alijque pluribus delata. - Hæc autem paulo fufius profecutus sum, vt Benedictam inter mulieres matrem, à Benedictino Ordine maximi habitam, semperque cultam fuisse, nec posterioribus Ordinibus nostrum hac in parte quidquam cedere, sed exemplo potius præluxisse, ostenderem.

## VNDECIMVS FRVCTVS.

### *Rituum Ecclesiasticorum & Cæremoniæ institution.*

**Q**Uod in Regij Prophetæ laudibus positum legimus, Ecclesiast: 47. *Dedit in celebrationibus decus.* Id ad Ordinem nostrum non iniuriâ transferre quoque possumus. Nam Sacrosanctum *Missa sacrificium & Horarum Canonicarum Officium*, eorundemque ritus & cæremoniæ potissimum instituta atque amplificata sunt à *S. Gregorio* qui ex nostro Ordine Pontifex Maximus exstitit. Ille verò *Introitus*, prout nunc dicitur, *Alleluia*, *Tractus*, *Collectas*, *Orationes secretas*, *Post communionem* composuit; *Offertorium* post Euangelium fecit, & decantari iussit: *Præfationes* plures ordinavit: in Canone verba illa, *Diesque nostros in tuâ pace disponas* &c. apposuit: *Orationem Dominicam*, cum humili præfatione, *Præceptis salutaribus moniti*, &c. in Missâ dici instituit, & plura alia, quæ in eiusdem Antiphonario & Sacramentorum libro videre est.

Breuiarij totius ordinatio ab eodem facta est, atque ex Beati Benedicti Regulâ sumpsit, vt Horis singulis præponeretur, *Deus in adiutorium meum intende.* Idem ieiunium Aduentus, & Officium Dominicarum eiusdem, Officium item Commemorationis S. Pauli, & Dedicationis Ecclesiæ, Litanias maiores, Stationes ordinavit. Ab eodem habemus piam illam cæremoniam imponendi cineres in capite Ieiunij, Adorationis S. Crucis in die Parasceues, Lotionis pedum in Cæna Domini. Idem Cantum firmum, qui ab eo *Gregorianus* dicitur, in Ecclesiam inuexit, & Cantorum Scholas exortauit. Missæ triginta pro Defunctis, ab eo etiam *Gregoriana* dictæ, inueniuntur.

Vt verò ad alios progrediamur, *Notkerus* Sangallensis monachus,



nachus, inuenit composuitque Profas, siue Sequentias, quæ inter Alleluia & Euangelium decantari solent: quas Nicolaus Papa 1. approbavit. *Gregorius IV.* festum Omnium Sanctorum: *Sanctus Odilo* Cluniacensis Abbas Commemorationem Fidelium Defunctorum: *Guido*, ex Generali Abbate Cisterciensis Ordinis, S. R. E. Cardinalis Diaconus, pium ritum pullandi campanulam, ad eleuationem Sacræ Hostiæ, & cum eadem ad infirmos defertur, adinuenit. Hymni, *Vt queant laxis*: *Paulus* Diaconus Cassinensis monachus auctor fuit. *Theodulphus* Aurelianensis Episcopus, Hymnum, *Gloria, laus & honor* &c. quem in Dominicâ Palmarum Ecclesia canit, itemque & alterum, *Vexilla Regis prodeunt*, composuit. Officium SS. Trinitatis, & Sancti Stephani *Alcuinus* Abbas, Ecclesiæ dedit. Atque alij alia.

## DVODECIMVS FRVCTVS.

*Rerum vtilium & variarum adinuentio.*

**V**Ltimus sic fructus variarum & vtilium rerum, quas nostri vel adinuerunt, vel illustrarunt fasciculum floridum exhibebit, quorum in superioribus nulla facta mentio. *Michael* igitur Florentinus, Camaldulensis Eremita, Coronam Christi Domini inuenit, quâ triginta tribus Orationibus Dominicis, & quinque salutationibus Angelicis annos vitæ Saluatoris nostri veneramus. Quod salutare inuentum, *Leo X.* diplomate suo confirmavit, & indulgentijs exornauit. *Gerbertus* Archiepiscopus Rhemensis, qui postea Pontifex Maximus *Siluester II.* appellatus, Horologia & Organa hydraulica composuit. Et quamuis de ijs *Vitruuius* lib: 9. c. 9. meminerit, neglectam tamen, & ab hominum memoria absconditam praxim, *Siluester* in usum reuocauit: qui etiam plura scripsit de Arithmeticâ, de Sphærâ, & compositione Astrolabij.

*Guido* Abbas notas Musices, *Vt, Re, Mi, Fa, Sol, La*, adinuenit: Manum præterea, vt vulgo vocant, per literas flexuris digitorum sinistræ manus adiungere docuit, ex quibus, vt omnes fassentur, facillima reddita est Musicæ institutio.



*Dionysius Exiguus*, Cyclum Paschalem, & morem computandi annos à Natiuitate Domini nostri Iesv Christi primus excogitauit; quò, duo bona Ecclesiæ inuexit: Primum, vt memoriam Diocletiani tyranni, à cuius principatus initio anni denominabantur, tolleretur, & beneficium Incarnationis menti nostræ obuersaretur.

*Ptolomæi Tabulas*, totamque Cosmographiam reparauit *Nicolaus de Denis*, monachus Richenbacensis.

At quantus, quæso, fuit *Constantinus Afer*, Sacri montis Cassini monachus, verè *Polyglottos*, qui Hebræam, Syram, Chaldaicam, Græcam, Latinam, Italicam, Persicam, Arabicam, Ægyptiacam, Æthiopicam, & Indicam linguam perfectè nouerat? Hic Grammaticâ, Dialecticâ, Rhetoricâ, Geometria, Mathesi, Astronomia, Musicâ, Physicâque Chaldaeorum, Arabum, Persarum, Saracenorum, per triginta nouem annos edoctus, Orientis & Occidentis Magister, nouusque Hypocrates orbi effulsit. Factus enim Cassini Monachus, ex diuersarum Gentium linguis plurima transtulit, ipseque alia ad Medicinam pertinentia conscripsit.

Ciceronianam Eloquentiam *Isachimus Perionius* imitari studuit, dum quædâ Aristotelis & Porphirij, nitido & eleganti stilo, è Græco in Latinam linguam transtulit, & pleraque alia disertè ipse scripsit.

### *Benedictina Prophetides quatuor.*

**C**oronidis loco subiicio, quinque prudentes Virgines, veterum Sybillarum æmulas, iisque sanctitate longè maiores: *S. Elisabeth* Schonaugiz Abbatisam. *S. Hildegardem*, *S. Gertrudem*, itidem Abbatisas. *S. Mechtildem*, & *Rosunaidem* Sanctimoniales: quarum priores quatuor, prophetiæ spiritu, sanctitatis gloriâ, & literarum monumētis clarissimæ fuerunt.

*Rosunidis* verò Pœtria, Græcè & Latine doctissima, Oratores dicendi arte supergressa, Pœtarum sui temporis nulli inferior, multa versibus composuit, Virginesque sanctas ad continentiam hortando, Comœdias sex composuit, Laudes B. Virginis, & Sanctæ Annæ, aliorumque sanctorum diuerso metri genere.

Quam



Quamuis autem gentilis vates Iuuenalis Satyra 6. cecinerit,  
haud sibi placere feminam, quæ *curtum sermone rotato.*

*Torqueat enthymema.*

Nobis tamen hæc, & quæcunque ei similis, meritò videtur  
eximium Ordinis nostri ornamentum, &

*Gloria feminei, & decus admirabile sexus.*

### *Duodecim fructuum colligatio & conclusio.*

**A**Tque hi sunt Duodecim Fructus amplissimi, quos in  
Ecclesiæ Paradiso magnâ copiâ attulerunt Benedictinæ  
arbores, plantatæ secus decursus aquarum, quæ fluunt  
imperu de Libano; consitæ, inquam, iuxta fluvium  
Regulæ, qui à S. BENEDICTO Montis Libani nomine designa-  
to, imperu quodam descendit, ad cuius humorem arbores hæ  
radicem mittentes, omnem ab eo vigorem & fructum accepe-  
runt. Vnde de Beatissimo P. N. BENEDICTO. Isaias vaticinatus fuisse  
videri posset, cum ita ait c. 43. 44. 54. 65. diuersis in locis: Ab Ori-  
ente adducā semen tuum, & ab Occidente congregabo te. *Effun-  
dam spiritum meum super semen tuum, & Benedictionem meam super  
stirpem tuam. Et germinabunt inter herbas quasi salices iuxta præter  
fluentes aquas. Ad dexteram enim, & ad Lauam penetrabis: & Se-  
men tuum gentes hereditabit, & Ciuitates desertas inhabitabit. Et  
ponam vniuersos filios tuos, doctos à Domino: & multitudinem pacis  
filijs tuis. Non laborabunt frustra, neque generabunt in conturbatione:  
quia SEMEN BENEDICTORVM est, & NEPOTES eorum cum eis.*

## APPENDIX FELICITATIS PRIMÆ.

### SIVE

## TRANSCENDENS TERMINVS.

*In quo, vnum, verum, solum, Bonum,  
Regulæ, & Ordinis S. BENEDICTI demonstratur.*

Omni-



**O**Mnium quas hactenus enumerauimus Laudum atque Excellentiarum, hæc vna facile princeps est, quod *Regula S. BENEDICTI* observatorem suum rectâ ducat, atque etiam introducat ad Regnum Cælorum. Quantum enim exaltatur cælum à terra, tantum hæc prerogatiua omnibus alijs antestatur. Quid enim aliud est, *Regula S. BENEDICTI*? nisi spes salutis, arrha gloria, pactum æterni fœderis, clauis paradisi, via Regni Cælestis?

*Spes*, inquam, *est salutis*, quia idem nos Regulæ subdidimus, vti in Prologo eius, docet Sanctissimus Legislator: *ut ab ipso Magisterio nunquam discedentes, & in eius doctrinâ usque ad mortem in Monasterio perseuerantes, passionibus Christi per patientiam participemus, ut regni eius mereamur esse consortes.* Atque vt recens scriptor Hieron: Plat: l. 1. de bon: stat: rel: c. 25. ait: *Credere ac profiteri quisque de sua Regulâ debet, quod eâ ingrediens, & sine errore & cum magno lumine, magnâ etiam & perpetua voluptate, ad immarcescibilem cælestis patriæ voluptatem perueniet. Arrha est gloria, & pactum fœderis æterni;* quia qui Regulam hanc profitentur, cum DEO pactum ineunt; vt pro regulari obseruantia, æternæ vitæ conferat gaudium. Hoc verò pactum DEVS libentissimè admittit. *Omnem enim vouenti DEO, vt ait S. Fulgentius lib: de fide ad Petrum c. 3. & reddenti quod vouit; ipse quoque DEVS reddet Cælestis Regni pramiam quæ promissit.* Huius autem promissionis pignus & arrham in sacra Regula nobis exhibuit. *Clauis* deinde *est Paradisi*, huius enim portas, sicuti primorum Parentum transgressio nobis occluserat; ita mandatorum DEI obseruatio, eandem nobis recludit. idque de sua Regula sanctissimus Licurgus noster Casinensis apertè significat, cum ait in Prologo: *Admonitionem pij Patris libenter excipe, & efficaciter comple: ut ad eum per obedientia laborem redeas, à quo per inobedientia desidia recesseras.* Regulæ ergò obedientia, obseruata Paradisi ostia referat atque patefacit. *Via* postremò *est regni cælestis*, quia ad illud rectâ ducit. Hæc est enim arcta via, quæ ducit ad vitam. Vnde optimè suos discipulos Beatissimus magister ibidem monuit: *Si quid paululum restrictius, dictante æquitatis ratione, propter emendationem vitiorum, vel conseruationem charitatis processerit; non illico*

*pauore*



pauore perterritus refugias *Viam salutis*, qua non est nisi angusto initio incipienda. Finemque iungens principio, optimè de hac via concludit cap: 73. *Quisquis ergo ad patriam caelestem festinas, hanc minimam inchoationis Regulam descriptam adiuvante Christo perface.*

Verum, ne verbis tantum quantumvis verissimis hanc caelestis hereditatis promissionem adstruamus; Caeleste prodigium in medium adferemus, quo Diuinæ bonitati placuit eam omnibus reddere certissimam. Adferemus autem non ex nostra interpretatione, sed eorum, quorum auctoritas in Ecclesia est multo maxima, & sanctitas notissima, sanctorum scilicet Gregorij magni, & Bernardi Abbatis, qui Regulam nostram tanquam scalam in caelum porrectam, per quam Sanctus BENEDICTVS ascendisset, describit: quod eius verbis etsi plusculis hic describendum duxi. Humilitatis gradus, ille Iustorum omnium spiritu plenus, in Regula suâ tradidit verè per omnia BENEDICTVS. Ille enim spiritualement nobis erexit scalam: cuius utique summitas caelos tangit. quod in eius gloriofo transitu euidenti legimus miraculo commendatum, Beato Papâ Gregorio scribente. Inter discipulorum manus imbecillia membra sustentans, erectis in caelum manibus stetit, & ultimum spiritum inter verba orationis efflauit. Quâ scilicet die duobus fratribus, uni longius posito, alteri autem in cellâ commoranti, reuelatio vnius atq; indissimilis visionis apparuit. Viderunt namque quia strata pallijs, & innumeris corusca lampadibus via, recto Orientis tramite ab eius cellâ in caelum vsque tendebatur. Cui venerando habitu vir desuper clarus assistens, cuius esset via quam ternerent inquisiuit. Illi verò se ne scire professi sunt. Quibus ille ait: Hæc est via, quâ dilectus Domini Cælum BENEDICTVS ascendit. Quæ est enim viâ ab eius cellâ prodiens, nisi Ordo quem idem vir Beatus instituit, & forma vitæ quæ ab eo sumpsit exordium? Quâ nimirum viâ Domini dilectus ascendit, quia non potuit vir sanctus aliter docere quàm vixit. Et hæc quidem eorum vel maxima fiducia est, qui ipsius utcumque student inharere vestigijs, ipsum præceptorem præuiumque sequuntur. Neque enim venire aliquatenus in dubium potest, quin omninò sacer sit modus conuersationis, & diuinâ magis inspiratione atque consilio, quàm humanâ prudentiâ vel adinventionem formatus, quo nimirum tantam in vitâ gratiam sanctitatis, tantam post obitum gloriam felicitatis idem verè BENEDICTVS



*DICTVS* obtinuit. Hactenus Bernardus in declamat. *Ecce nos reliq.* Cuius sermonem luculento testimonio S. Petrus Damiani confirmat, atque hoc nomine felices Casinenses, adeoq; omnes Benedictinos censens, instar Reginae Sabæ exclamat *apud 36. c. 16.* *Beati qui vobiscum viuunt! Beati qui inter vos, & in sanctis operibus vestris moriuntur! Pia nimirum fide credendum est, quia scalâ illa, qua de Cassino monte olim in calum videbatur erecta, adhuc pallijs strata, lampadibusq; coruscat. Sicut tunc excepit Duce[m], ita nunc exercitum transmittit ad caelestia subsequenter: nec ab eius glorioso tramite exorbitant declinantes iam defuncti, cuius dum in hoc exilio vixerent, vestigia sunt secuti. Hæc ille. Quæ etiam Deipara Virgo MARIA apud S. Brigittam l. 3. reuel: c. 21. confirmat, sic loquens: Cum his ignibus incipit Religio BENEDICTI, quæ unumquemque iuxta dispositionem & capacitatem sensus sui dirigebat in viam salutis & æternæ felicitatis.*

Sed quis vel mente complectatur innumerabilem prorsus numerum Sanctorum militum, qui Ducem secuti per hanc *scalam* ad cælestia tabernacula ascenderunt? De sancto enim BENEDICTO ita cecinit Mantuanus lib: 3. Pastor.

*Progenies huius longos imitata per annos,  
Acta Patris, diuos auxit, ditauit Olympum,  
Ciue nouo, Et alius quidam:—  
Iste quot indigetes! quot Diuos protulit Ordo!!  
Vix fasti capiunt numerum! sunt æthere plures,  
Quam qui Sanctorum sunt in monumenta relati.*

Petrus autem Damiani multitudinem Sanctorum ex Ordine Sancti BENEDICTI admiratus, ita ait *homil: 9. de S. BENEDICTO.* *Solus iste militarem manum Excelso Principi ceteris abundantius presentabit, & Monachorum turmis, Angelorum more viuentibus, calorum adimplebit palatia. Quam igitur resurgens, & splendidus miles astitit Imperatorio tribunali, plenus infinitis virtutibus, agminibus innumeris comitatus?*

Vt autem quæ de innumero penè nostrorum Sanctorum numero tradita acceperimus, hîc recenseamus; scribit *Wionus* eum tantum fuisse, vt secundum *Trithemium*, millenarium quintum, decimum; iuxta *Petrum Messiam*, trigessimum; secundum alios, trigef-



trigesimum septimum; & iuxta Petrum Bugianum, quinquagesimum, excedere feratur. At Antonio Iopez, numerus quinquaginta, quinque millium sanctorum satis exiguus videtur, certoq; credit multò plures omninò fuisse. Quod ne cui fidem excedere videatur, aut per hyperbolen nimia exaggeratione dictum, duobus ex capitibus astruere conatur.

Primum, ex multitudine Monasteriorum, quæ noster Ordo obtinuit. De quibus Folengius explanans illum versiculum, Psalmi 101. *In conuertendo populos in unum*, scribit: Pontificia decreta referunt, uno eodemq; tempore Benedictini instituti fuisse supra septem & triginta millia Canobiorum, quas Abbatis vocari libuit. Quibus Antonius de Iopez, putat Prioratus, & Monialium monasteria non connumerata, quorum illi quatuordecim millia, hæ vero quindecim millia aliquando habuerint. Et Genebrardus in suâ Chronologiâ ad annum Domini 524. non longè ab hoc numero recedit. Hanc porrò multitudinem non credit per excessum, expressam; tum quia præter Ordinem nostrum aliquot sæculis vix aliquis Ordo in Ecclesiâ viguerit, atque ita omnia Monasteria eiusdem fuerint Ordinis. Vnde in solâ Viennensi Diœcesi, Surius l. Ian: in vitâ S. Clari Abbatis, refert, sexaginta Canobia fuisse. Tum quia Ordo per totum mundum propagatus fuit, ut per Apostolos nostros, qui varijs locis Euangelium disseminarunt, passim multiplicata fuerunt Monasteria; quorum alia Cathedralium Ecclesiarum, alia Parochialium loco erant; atque ita nostri multis locis totum Clerum constituerint, omniaque ea obierint munia, quæ iam vel sæcularis Clerus, vel diuersorum Ordinum Religiosi laudabiliter exercent. Tum etiam quod singulorum Ordinum, ac Congregationum sub Regulâ S. BENEDICTI militantium, plurima referantur fuisse Monasteria. Cisterciensium fuerunt quatuor millia Monachorum, & sex millia Monialium Canobia; quibus si aliarum Congregationum & Ordinum, atque etiam plurima, quæ à nullâ Congregatione dependent, adiiciantur; magnum sine dubio numerum effecerint.

Alterum caput statuit noster Chronographus, infinitam quasi monachorum multitudinem, quam partim ex iam dicto Canobiorum numero, partim ex historijs colligere liceat; atque sine au-



zest dici posse, fuisse tempus, quo tot fuerint nostri Ordinis monachi, quod iam in omnibus alijs Ordinibus simul sumptis Religiosi numerentur. In Hispaniâ enim in Monasterio S. Petri de Cardenâ, reperit fuisse ducentos. In S. Petri de Arlançâ, ducentos quadraginta. In Alcobaçia, nongentos nonaginta nouem. In Francia, vt ex vita S. Clari Surius refert, in aliquibus monasterijs quingenti, aut sexcenti monachi erant. Vno quoque tempore in sua Claraualle septingentos S. Bernardus habuit. In S. Germani de Pratis, centum viginti nutrirî solebant. In Dunensi monasterio, refert Meyerus ad annum Domini 1392. olim fuisse communiter trecentos sexaginta. In monasterio de Publet, in Catalaunia, vsque ad quingentos. In Luxouienfi Abbatia, tempore S. Columbanî erant trecenti, & tempore S. Eustasij sexcenti. In Gemmerico, teste Meyero, erant nongenti ad chorum professi, vltra mille quingentos laicos. In Fuldensi monasterio, exceptis Conuersis, ijsque qui diuinis officijs destinabantur, quadringenti Monachi studiosi residebant. In Benchorenfi Monasterio, vt S. Bernardus in vita S. Malach. refert, tria millia Monachorû exstiterûnt, qui succedentib⁹ sibi vicissim choris continuaret solemnîa Diuinorû: ita vt ne momentû quidê diei ac noctis vacaret à laudib⁹: qui psallendi modus *laus perennis* dictus est, & in pluribus Ordinis nostri locis vsitatus, nominatim in Agaunensi, quod S. Mauritiij dicitur, & S. Medardi.

Neque exiguus fuit Monialium numerus. Lugdunî enim S. Salaberga sub se habuit trecentas. S. Flora Parisijs totidem vt auctor est S. Antonin⁹: super quo inspicî poterit Suri⁹ ad diem 27. septembris. In monasterio *Wimbum*, quingentæ erant: & S. Florentia sanctorum Leandri & Isidori soror, præerat mille Sanctimonialibus, in quadraginta monasteria distributis.

Ex his porro duobus capitibus colligi vult immensum sanctorum numerum, cum magna passim viguerit sanctitas: quod si in singulis monasterijs vnus atque alter tantum fuisset sanctus; vel sic magnus conficeretur numerus. Quid igitur dicendum erit, cum aliqua centurias aliquot, & chiliades sanctorum dederint?

Sacrum enim *Cassinense* monasterium quinquies mille, quingentos & quinquaginta quinque, sanctorum numero adscriptos computat, vt antiqui versus indicant.



*Mitis, & inuicte, Christi uerna BENEDICTE,  
In Calo sisti, tot Fratres promeruisti;  
Quingentos, quinque, quingenos, millia quinque,  
Ad te translato, prius omnes canonizatos.*

His porrò iungamus Monachos *nongentos* in Benchorensi Cæ-  
nobio à Pictis occisos fuisse; alios item *nongentos* à Danis in Ge-  
meticensi; *mille & amplius* iterum à Danis in Anglia, cum san-  
cta Leofrona Abbatisa; Turonis à Normanis *centum & sedecim*;  
Floriaci *sexaginta*; Messanæ usque tertiò à Piratis, & Lerini ab  
infidelibus, in S. Vincentio propè Vulturum à Saracenis, No-  
nantulæ ab Hungaris, & alijs in Cænobijs, tam virorum, quàm  
mulierum, in diuersis Prouincijs & Regnis consistentibus, uti  
legimus de Monasterio S. Martini in Pannoniâ, & Sanctæ Crucis  
montis calui, cæterisque Cænobijs in Polonia; infinitos ferè per  
Martyrij gloriam ad cælos euolasse. Etiam dictum Gemeticum  
vno die *quadringentos quinquaginta* Confessores cælo dedit, quæ res  
valdè admirabilis legi potest apud Suriûs. sept: in vita S. Aicardi.

Hiscæ demum si annumerentur Pontifices, Archiepiscopi,  
Episcopi, Abbates, Monachi, Sanctimoniales & Conuersi, in nu-  
merum sanctorum sub Confessorum nomine relati; quis non  
videat facile ad eum numerum summam peruenturam, quem  
noster Historicus assignauit. Sed de toto numero nil certius  
affirmari posse arbitror, quàm si cum discipulo, quem diligebat  
IESVS, dixerimus esse *turbam magnam, quam dinumerare nemo po-  
terat*, nisi ille, cui soli cognitus est numerus electorum in aternâ felici-  
tate locandus, qui omnium nomina in libro vitæ descripta tenet,  
& qui numerat multitudinem stellarum, & omnibus eis nomina vocat.

Atque hæc quæ de sanctorum Ordinis nostri multitudine  
hactenus dicta sunt, non eò tantum faciunt, ut Ordinis splendo-  
rem magnifice commendent; sed insuper magnæ omnibus in  
eo degentibus consolationi sunt, quod animaduertant se sub ea  
Regula DEO militare, per cuius obseruantiam tam innumerabi-  
les cætus aternæ gloriæ hæreditatem adepti sunt. Quin & il-  
lud accedit, quod tot vitæ spiritualis habeant Duces ac spiran-  
tes Monasticæ pietatis imagines, tot item apud DEVM Patronos  
& Intercessores, quot eiuidem secum professionis in cælo re-  
gnantes sanctos venerantur accolunt.



# AD SANCTVM PATREM BENEDICTVM.

## Apostrophe.

**O** Sancte Monachorum Patriarcha & Dux BENEDICTE, cui Dominus tantam gratiam conferre dignatus est, ut licet te, toto vitæ tuæ curriculo, innumeris coruscare fecerit miraculis, tamen super omnia, Regula quâ conscripsisti, admirandâ Dei Optimi Max: bonitatem, liberalitatemq; prædicet, quia meram miramq; sanctitatem spirat, paucisq; omnino verbis omnem complectitur Evangelicæ summâ perfectionis. Incredibile memoratu est, quantistvam Regulam Romani Pontifices laudum præconijs exornârint, confirmarintq;. Hanc eamde multâ, variâque Religiosorum tam monachorum quam militû familiâ, profitentur. Innumera visuntur in Europâ passim fundata sacri huiusce tui Ordinis Monasteria, in quib<sup>9</sup> eximia planè sanctitas & eruditio floruerit: ex hisce, velut equo quodam Troiano, innumeri prodiere Herôes, sanctissimi Abbates, sapientissimi Catholicæ Ecclesiæ Præsules, eminentissimi Cardinales, Summiq; Pontifices, qui prudentissimè multos annos Apostolicæ nauiculæ gubernacula moderati, admiranda totius Orbis Christiani fuere lumina, atq; columina. Quamobrem mirum non est, multos Duces, Principes, Reges & Imperatores, suis coronis, sceptris, regnis, ac fascibus abdicatos, purpuram ac paludamentum exutos, deflocatâ, cêrûculatâ, depexâ lacernulam, cilicinûque sagû indutos, omnè mundi vanitatè calcaasse: nouâ, te Duce, sub religiosa Crucis vexillo, militiam, tantâ submissione, modestiâq; militasse. Atque hæc omnia ad tuam inclytam laudem spectant, hæc tua continent encomia, hæc tuas virtutes deprædicant, hæc tua merita commendant, hæc tuam augent famam: hæc quantâ nunc inter Cælites beatissimæ immortalitatis, & gloriæ coronâ redimitus emineas, facis



fatis abundeque indicant; hæc quantum Tibi, quantum tuo etiã sacro, quem fundasti Ordini, pietatis & amoris affectum debeant; vniuersi fideles, significant; hæc denique suauiter nos inuitant ad imitanda, quàm diligentissimè, vestigia tua, qui viuè adeò studui. sti imitari, tibi que demereri Christum, qui sanctissimis integerrimæ vitæ exemplis, & sapientissimis doctrinæ tuæ præceptis tot caelestes sanctissimorum Heroum turmas, generosissimas tot lectissimarum Virginum, fortissimarumq; viraginum, immò Christianarum Amazonum phalanges suauiter in tua vestigia coëgisti, coactasque amabilissimo religiosæ seruitutis iugo mancipasti. Pax ille noster Optimus Maximus, vt sanctissima tua æmulati vestigia, supernæ municipales vrbs, perenni quoque beatissimæ immortalitatis gloriâ potiamur, dicaturque nobis, in extremo illo iudicio: *venite Benedicti*, tunc enim omnes saluandi Benedicti fient.



# I N D E X

## T O T I V S O P E R I S,

tam verborum quàm rerum.

A.



- |  |   |      |
|--|---|------|
| <i>Bacuum</i> momentoin Chal-            | <i>fidem egregiè propagat.</i>            | 150. |
| <i>deam ex Iudæa transla-</i>            | <i>Alapa fugatus demon,</i>               | 107. |
| <i>tus fuit.</i>                         | <i>Albertus in Schismate Papa.</i>        | 195. |
| 94.                                      | <i>Alexander III. PP. quatuor besti-</i>  |      |
| <i>S. Adalberti Gnesnen: Archiepsc:</i>  | <i>as Antipontifices profligat.</i>       | 183. |
| <i>deuotio in Deiparam virgi-</i>        | <i>Alexander IV. Pp. ex sanguine S.</i>   |      |
| <i>nem.</i>                              | <i>P. N. Benedicti, vere fuit pater</i>   |      |
| 209.                                     | <i>pauperum &amp; amator litterato-</i>   |      |
| <i>S. Adeodatus PP. ex Ordine Sancti</i> | <i>rum.</i>                               | 187. |
| <i>Benedicti.</i>                        | <i>S. Amatus exemplo S. Benedicti in-</i> |      |
| 149.                                     | <i>specu abbatius resedit.</i>            | 8.   |
| <i>S. Agathe PP. ex Ord: S. Bened:</i>   |   |      |

Ana-



- Anastasius III. Antipapa.* 195. *cios Romanos suscipit, & eorum fili-*  
*Anastasius IV. Papa egregio vita e-* os. 47. *monachum vagum virgâ*  
*xemplo plurimum prodest.* 182. *cedit & emendat.* 49. *fontem è rupe*  
*Anathematis sacrivus.* 95. *elicit.* 51. *ferrum ex aquis educit.* 53.  
*Angeli comites in viâ S. Ben:* 63. *Agnosceit S. Placidum lapsum in a-*  
*S. Antonini elogium de S. Ben:* 140. *quas, mittit Maurum, adscribit mi-*  
*Antonius Perez Archiep: Tarrac:* 197. *raculum discipulâ obedientiâ.* 54.  
*Apollo Cassini cultus* 63. *destruitur* *recipit panem veneno infectum à*  
*eius idolum à S. Benedicto ibid.* *Florentio missum.* 58. *imperat cor-*  
*Archiepiscopi ex Bened: quot?* 196. *uo ut deferat in locum incognitum.*  
 58. *declinat Florentij persecutione.*  
 59. *illacrymatur morti eiusdem.*

## B.

- Baronij Cardin: Elogium de Ordine*  
*Sancti Benedicti,* 138. *ibid. Maurum exultantem castigat.*  
*Bellisarij calamitas.* 143. *ibid. omnium Iustorum spiritu ple-*  
*Sanctus Benedictus.* *nus.* 58. *petit Cassinum.* 62. *comi-*  
*S. Benedicto gloria accedit à Grego-* *tes habet Angelos & cornos* 63. *Cas-*  
*rio Magno vita eius scriptore.* 2. *si destruit idolatriam.* 63. *constru-*  
*ta S. Benedicti utilis est.* 5. *quia mo-* *it oratoria S. Ioanni & S. Martino.*  
*ralem doctrinam firmat.* 6. *hæreses* *63. diabolum corporaliter videt fre-*  
*confutat.* 9. *Nursia nascitur S. Be-* *mentem & sibi aduersantem.* 63.  
*neditus.* 16. *ex eius ortu magna lux* *quid egerit Cassinum appulsus* 64. *o-*  
*mundo accessit.* 17. *Roma studet.* 18. *ratione à saxo demonem depellit.*  
*studia deserit.* 19. *eius in pueritiâ* *6. phantasticum incendium detegit.*  
*maturus.* *ibid. capisterium redin-* *66. puerum à pariete confractum*  
*tegrat.* 20. *nutricem fugit & Subla-* *sanat.* 68. *claret prophetico spiritu.*  
*cum petit.* 21. *Habitu monastico do-* *70. & 71. Totila Regis simulatione*  
*natur à Romano.* 27. *A sacerdote* *detegit.* 73. *ipsum increpat & e-*  
*inuisitur.* 30. *Diuinis intentus Pa-* *mendat.* 76. *Episcopo Canusino que*  
*scha ignorat.* 31. *Pastores in fide in-* *de Româ pradiixerit.* 79. *sanat cle-*  
*struit.* 33. *Tentationem carnis supe-* *ricum demoniacum.* 81. *consciis di-*  
*rat in vepreto.* 34. *eligitur in Ab-* *uicorum secretorum.* 82. *Cassini e-*  
*batem.* 41. *veneno appetitur, sed* *uersione predictâ impetrat à Deo a-*  
*crucis signo vas venenatum frangit.* *nimas.* 84. *furtum flasconis cogn-*  
 43. *discolos monachos relinquit.* *ibid.* *scit.* 86. *mittit suos ad concionan-*  
*Canobia duodecim erigit.* 46. *Patri-* *dum.* 87. *videt monachum recipe-*  
*re mappulas sine licentiâ.* 88. *videt*  
*super-*



- superbam monachi cogitationem 89. Schismata susceperunt. 204. Scholas  
 & fratres in magnâ fame consolatur, & Dei opem spondet. 91. absens dor-  
 mientibus designat loca ædificando Canobio. 93. minatur monialibus lo-  
 quacibus excommunicationem. 96. monachum inconstantem discedere  
 iubet. 100. Elephanticum sanat 102. sanat  
 veneno infectum. 103. dat omnia pauperibus. 103. castigat cellarium  
 parcum, & inobedientem 105. ole-  
 um precibus impetrat. 106. alapâ  
 demonem pellit. 107. ligatum resti-  
 cum soluit, & Gothum corripit 110.  
 infantem mortuum resuscitat. 114.  
 colloquitur cum Scholasticâ sorore. 115.  
 non solus. 116. videt mortuam foro-  
 rem in calum ferri. 119. sepulchro  
 suo eam inferi curat. 119. mundum  
 sub solis radio contemplatur. 121.  
 videt Germani Episcopi animam in  
 calum deferri. 122. Regulam scribit.  
 122. prauidet & prædicit obitum su-  
 um. 123. sanctissimè moritur stans.  
 124. mulier amens in eius specu sa-  
 natur. 126. ab omnibus creaturis  
 datur Benedicto laus. 127. vita S.  
 Benedicti Synopsis. 130.  
 Benedictini.  
 Benedictini quantoperè meruerint  
 de vniuerso. 135. Ecclesiam Dei quam  
 diu gubernarint. 142. quot fuerint  
 ex ipsis, Cardinales, Archiepiscopi,  
 Episcopi. 143. 196. Gentium Apostoli.  
 200. Hæreticos confutarunt. 203.  
 FF
- Schismata susceperunt. 204. Scholas  
 & Academias instituerunt. 205. to-  
 tam scripturam sunt interpretati  
 206. Ius Canonicum collegerunt &  
 exposuerunt. 207. Historias conser-  
 uarunt & literas. 208. Cultum Dei  
 parâ propagarunt. 209. & 210. Ca-  
 remonias & ritus pios inuenerunt.  
 212. alia vtilia adinuenerunt vel  
 illustrarunt. 213. ex Benedictinis  
 quot sancti euaserint? 218. quantus  
 numerus Benedictinorum Monaste-  
 riorum. 218. De Ordine Benedicti-  
 no elogium Baronij. 138. Benedi-  
 ctina Prophetides quatuor. 214.  
 S. Benedictus I. Papa ex Ordine  
 S. Benedicti fame Italiam libe-  
 rat. 144.  
 S. Benedictus II. Papa, meretur ti-  
 tulum Admirabili. 151. maxi-  
 mi fit à Cesare ibid.  
 Bened: V. in Schismate Papa. 195.  
 Bened: IX. Antipapa. 195.  
 B. Bened: XII. Pp. Commendas &  
 Commendatarios tollit. 190.  
 S. Bonifacius IV. Papa, honorem  
 Dei parâ promouet. 148.  
 Bonifacius V. Papa, vir Aposto-  
 licus. 149.  
 Bueillus primus America Apostolus  
 ex Benedictinis. 201.  
 C.  
 S. Cælestinus V. Papa, sanctitatis  
 mirificum exemplar. 189.  
 Calistus II. Papa prauidet Pontifi-  
 catum.



catum, & illustria encomia ex  
eo retulit. 180.  
Cardinales Benedictini quot. 196.  
Cassinense monasteriū manibus  
construitur monachorum. 64. de-  
struitur a Longobardis. 84. ha-  
buit sanctā monachos, quinque mil-  
lia quingentos, quinquaginta quin-  
que. 217.  
Christophorus in Schismate Pp. 195.  
Clemens VI. Papa ex Ordine S.  
Bened: auctor Iubilæi. 191.  
Clericus damoniacus à S. Benedicto  
sanatur. 80. interdicit illi car-  
nes & Ordinum susceptionem 81.  
rursus ob hac neglecta corri-  
pitur. 82.  
Columba speciem anima S. Schola-  
stica prætulit. 119.  
Constantinus Afer monachus Cassi-  
nen: polyglottos. 214.  
Constantinus II. in Schismate Pa-  
pa. 195.  
Corvus alitus à S. Bened: 57. iussus  
venenatum aufert panem ibid  
corui comitantur iter agentem  
sanctum Benedictum. 62.  
Contentio amica inter S. Benedi-  
ctum & S. Maurum dirimitur  
à S. Placido. 54.

## D.

## Dæmon.

Dæmon tintinnabulum frangit  
22. in specie avis merula accendit  
sanctum in libidinem. 35. monachū

abducit ab oratione. 49. S. Bene-  
dictum & discipulos eius oppugnat.  
59. lapidi insidet & immobilem red-  
dit. 65. excitat phantasticum incen-  
dium. 66. ruinā parietis monachum  
conterit. 68. apparet Benedicto in  
forma medici mulo insidentis. 108.  
varias formas induit. 109. alapā su-  
gatur. 107.

## E.

Energumenum S. Bened: liberat. 82.  
Episcoporum magnus numerus ex Or-  
dine Sancti Benedicti 197  
B. Eugenius III. Papa, bello sacro  
plurimum meretur, qui & Ar-  
menos Ecclesiā lucratus est. 181.  
Excommunicationis metuēda vis. 95.  
Exemplorum magna utilitas. 5.

## F.

Fames ingens in Italia. 91. & 105.  
Farina ducenti modij ante cellam  
inuenti. 61.  
Florentius inuidet S. Benedicto. 56.  
mittit ei panem venenatum 57.  
impudicis choreis discipulos eius  
perdere nititur. ibid.  
Fons ex rupe manat precibus sancti  
Benedicti. 51.

## G.

Gabriel Gifford ex Mon: Archiep.  
Rhemen. 203.  
Galla monachos & clericos persequi-  
tur. 110 rusticum affligit. ibid.  
S. Gelasius II. Papa initiat Pontifi-  
catum



- catum proprio sanguine, 179.  
*S. Germanus Episc. visus à S. Benedicto in calum ferri.* 121.  
*Gothus à S. Bened. recipitur.* 32.  
*vepres exscindens ferrum perdit.* 53.  
*S. Gregorius I. Papa Magnus Doctor Ecclesia scripsit vitam S. P. Benedicti. 2. 3. 4 & seq. non tamen omnia gesta S. Benedicti descripsit.* 122.  
*in summo Pontificatu quanto. perè meruerit.* 145.  
*S. Gregorius II. PP. Imperatorem priuat imperio Occidentali* 154.  
*S. Gregori<sup>o</sup> III. Regib<sup>9</sup> Gallia Christianissimi titulum concedit.* 155.  
*S. Gregorius IV. PP. condidit Gregoriopolim, & festum omnium Sanctorum instituit.* 162.  
*Bestus Gregori<sup>o</sup> V. septē viros Electores imperatoris instituit.* 167.  
*S. Gregorius VI. Papa magistratu supremo se abdicat.* 170.  
*S. Gregorius VII. miraculis illustratur & à Deiparā prodigiose curatur.* 173.  
*S. Gregorius VIII. Papa à pio zelo commendatus.* 184.  
*B. Gregorius IX. Papa pulsus salutationis Angelicæ author.* 185.  
*Gregorius XII. Papa sanctitatis opinione clarius.* 193.  
*Gregorius Burdinus in Schismate Papa.* 195.
- ie status assertor.* 182.  
*Hereticos Benedictini semper confutarunt.* 203.  
*Historiarum scriptores qui nam ex monach: nostris.* 208.  
*Hora Canonica aseruntur ex vitā S. Benedicti.* 10.  
*Horologij inuentor Gilbertus monach: Benedict:* 168.  
*Hungarorum erga B. V. Mariam deuotio insignis.* 210.

## I.

- Jgne Phantastico deluduntur fratres.* 66.  
*Innocentius II. Papa Schisma profligat & Ecclesia consulit.* 181.  
*B. Innocentius IV. purpureum galerum Cardinalibus attribuit, dictus que fuit, Pater iuris.* 186.  
*Joannes VI. Papa hostes Ecclesie compescuit.* 153.  
*Joannes IX. Papa Schisma sadissimum profligat.* 165.  
*Joannes XIX. Papa plurimum de Ecclesia meretur.* 169.  
*Juris Canonici collectores & interpretes Monachi Benedictini* 207.

## L.

- Lateranensi monasterio præsuit S. Benedictus & alij ex eius Ordine.* 143.  
*S. Leo II. Papa magnis meritis Ecclesie consulit.* 157.  
*S. Leo III. PP. ab Oriente in Occidentē imperiū transfudit.* 159.

## H

*Hadrianus IV. Papa Pontificia ma-*



Oculos erutos, & linguam precisam  
miraculosè re.uperavit. 160.

S. Leo IV. Papaposte & incendio  
Romam liberauit, urbemque  
condidit Leoninam. 164.

B. Leo V. ex monacho Pontifex, in-  
nocens honore dei jicitur ab inua-  
fore sedis. 165.

S. Leo IX. insignia elogia prome-  
ruit ob sanctissimè administra-  
tum Pontificatum. 170.

Lutheri scemma in monachos. 134

## M.

Maginulphus in schismate Pp. 195.

Marcus Poeta S. Benedicti di-  
scipulus, 63. carmen eius de S. P.  
Benedicto ibid.

SS. MARIE Virginis Deipara  
honore promouet Bonifacius quartus  
148. eiusdem Deipara cultum adau-  
gent multi deuoti nostri monachi  
208. & 210.

S. Maurus offertur S. Bened:  
47. fit Prior claustralis in sublati-  
53. innoxie calcit aquas & Placi-  
dum ex ijs educit. 54. adscribit mi-  
raculum sancto Benedicto. 55. num.  
stat S. Benedicto Florentij interi-  
um. 58.

Michael Camaldulensis Corona D.  
N. inuentor. 213.

Miracula sancti faciunt aliquando  
per orationes, aliquando per  
imperia. 108.

Monachi foris contra Regulam

comedentes à S. Benedicto 47.  
guuntur. 70. & 71. monachi cogi-  
tatio superba à S. Benedicto dete-  
cta. 88. monacho fugitino fit obui-  
us draco. 100. monachus vagus à

S. Bened: increpatur & caditur.  
49 monachus resuscitatur à S. Be-  
ned: 68. monachus energumenus à

S. Bened: sanatur. 108. monachi  
spoliantur suis fortunis. 135. in mo-  
nachos scomma Lutheri. 135.

Moniales garrula à S. Benedicto  
monentur sub pana excommu-  
nicationis. 65.

Morbum elephantinum S. Benedi-  
ctus sanat. 102.

Mulier amens in specu Benedicti  
sanatur. 126.

Mundus totus quâ ratione videri  
possit. 120 & 121.

## N.

Niobe in saxum conuersa, 113.

Nobilitas generis solet parere igno-  
bilitatem mentis. 95.

Nuda puella saltant ut discipulos  
S. Benedicti ad libidinem pro-  
uocent. 57. & 61.

## O.

Obedientia caca illustre exem-  
plum. 55.

Ocyrrhoe filia Centauri Nympha  
fatidica in equam conuersa. 84.

S. Odilonus in Deiparentem insignis  
deuotio. 211.

Oleum.



*Oleum multiplicatum.* 106.  
*Orationis virtus mirifica.* 113.  
*Ordinis Benedictini merita de Ecclesia Dei.* 141.

## P.

*Parentum amor in filios.* 113.  
*S. Paschalis I. Papa, plurimis meritis Ecclesia consuluit.* 161.  
*S. Paschalis II. Papa, quatuor Antipapas profligat.* 177.  
*Paschalis III. Antipapa.* 195.  
*S. Pelagius II. Papa ex Ordine S. Benedicti.* 144.  
*Philippus Antipapa.* 195.  
*S. Placidus S. Bened. offertur.* 47.  
*adeſt S. Benedicto aquam prodigioſe impetranti.* 51. *labitur in aquas & à Mauro extrahitur.* 54. *cui adſcribat miraculum.* *ibid.*  
*Pluviam lacrymis impetrat Sancta Scholaſtica.* 115.  
*Potionem monachis diabolus deſert.* 107.  
*Presbyter diuino monitu S. Benedicto cibos deſert.* 30.  
*Propheticum ſpiritus habuit Sanctus Benedictus.* 74. 86. 87.  
*Prophetides quatuor ex Ordine S. Benedicti.* 214.  
*Puer monaſterij deſertor apud parentes moritur.* 98.  
*Puer alter à pariete confractus, ſanatur per S. Bened.* 68.

## R.

*Regulam ſcripſit diſcretam S. Benedictus.* 123. *eius magna utilitas.* 137. *eſt via & ſcala ad celum.* 216.

*Res utiles & varias ſibi adinuenerunt.* 213.

*Riggo Totila regis ſpatarius, regem ſe ſimulat.* 73.

*Roma clades à S. Benedicto predicta.* 75. & 79.

*S. Romanus habitum monaſticum confert S. Benedicto.* 21. *eum in ſpelunca paſcit.* 29.

*Rosneydis monialis doctiſſima.* 214.

*Ruſticus ligatus ſolo aſpectu ſancti Benedicti ſoluitur.* 110.

## S.

*Sabinus Episcopus Canuſinus viſitat S. Benedictum.* 76.

*Sacra Scriptura interpretes ex monachis plurimi.* 206.

*Schola & gymnafia à Benedictinis inſtituta.* 205.

*S. Scholaſtica fratrem viſitat, tempeſtatē ciet, 115. moritur.* 119.

*Schiſmaticos Benedictini ad unitatem Eccleſie reduxerunt.* 204.

*S. Sergius I. Papa ipsis Schiſmaticis reuerendus.* 152.

*S. Sergius IV. Papa ſacra expeditione ſe commendat orbi.* 169.

*Sernandus Abbas Sancto Benedicto carus.* 126.

*S. Siluerius Papa diſcipulus Sancti Be.*



- Benedicti* 143. *ma aurea custodienti.* 103.  
*Silvester II. Papa ob insolentiam* *Totila ex congressu S. Benedicti e-*  
*doctrina uirgo magus putaba-* *mendatur.* 76.  
*tur.* 108. *Turcremata Cardin: Regulam S.*  
*Silvester III. Antipapa.* 195. *Bened. insigniter laudat.* 137.  
*Solidi tredecim calitus allati.* 103.  
*Stephanus II. Papa immature pra-*  
*ripitur.* 156. *S. Valentinus Papa sanctitate ca-*  
*S. Stephanus III. Papa. ex mo-* *thedram summè ornauit.* 161.  
*nacho.* 157. *Vas vitreum saxi illisum & non fra-*  
*S. Stephanus IV. Pp. Sedis Aposto-* *ctum* 105.  
*lica honori consulit.* 158. *S. Victor III. Papa stupendum con-*  
*S. Stephanus V. Pp.* 160. *tempti honoris exemplum.* 175.  
*Stephanus VIII. mansuetudinis &* *Vitriaci Cardinalis de Ordine Be-*  
*religionis exemplar.* 166. *nedictino testimonium.* 138.  
*S. Stephanus IX. Papa miraculis* *Vrbanus II. Papa, à S. Benedicto*  
*claret.* 172. *prodigiosè curatur.* 176.  
*S. Stanislaum Episc: Cracou. ca-* *Vrbanus IV. Papa pacis concilia-*  
*nonizauit Innocent: IV.* 186 *tor.* 1884  
*Summi Pontifices ex Benedictinis* *B Vrbanus V. Pp. cucullum ad mor-*  
*quot fuerunt?* 142. *tè usque semper deferebat.* 192.  

**T.**

*Temporū Ordo historia anima.* 129.  
*S. Thomas Aquinas veritates ali-*  
*quot confirmat ex vita Sancti*  
*Benedicti.* 7.  
*Thoma Boziz de Ordine Benedicti-*  
*no testimonium.* 138. *S. Zacharias Pp. Ecclesia meritissi-*  
*Tenaces & parci similes draconi po-* *mè presuit.* 116.

V.

Z.





# ERRATA.

*Da veniam erratis, paruula si qua vides.*

Pag: 6.	Versu.	1	sun. lege, sunt.
		2.	prædicat. l. prædica.
13.		4.	arguti. l. argutijs
41.		23.	Tertullig. l. Tertullus.
63.		35.	milliari. l. milliaria.
		36.	lusita. l. lusit
129.		5	adduntur. l. adduntur.
150.		22.	videaturis. l. videatur.

*Pluscula hic ibi occurrent, quæ vel oculos nostros fugerint, vel peritus Lector faciliè animaduertet.*



## PHARVS BENEDICTINA.

*Vitam S. P. Benedicti, & Ordinis ab eo instituti, illustrem toto Orbe gloriam complectens, votiuo sambici applausûs honore.*

A

*M. Stanislaſo Iosepho BIEZANOWSKI Leopoli in Almâ Vniuerſitate Cracoui: Collegâ Minore, Ordin: Pæſeos Profeſſ: excipitur.*

**C**Æleſte fulgur, lampas Orbis aurea,  
lubar beatum, mille candens ignibus,  
Magni Parentis Vita, mentium Pharus,

Et



Et vniuersa sanctuaris gloria,  
 Bono legentium destinata publico,  
 Ab erudita quando prodit dexterâ;  
 Quidni secundis, vt feratur passibus,  
 Et mille plausus, & meretur oscula  
 Deuota mille; tota cæli gratijs  
 Et tota sacro delibuta nectare.  
 O quotquot igne sanctiori pectora  
 Auetis vri, dulcibusque corripì  
 Perfectioris spiritûs caloribus!  
 Accendat hæc vos flammæ cordis Pharus;  
 Mentemque formet lectione sedulâ,  
 Datura lumen, vberemque gratiam  
 Perfectionis; quâ per Orbem fulgurat  
 Sacratûs Ordo, vera Diuûm patria,  
 Et Vaticanæ prisca sedes gloriæ.  
 I ergo felix, digna luce pagina,  
 Tecumque Diua luceat mundo Pharus,  
 Quousque in Orbem, clara lampas Cynthia.  
 Diem coruscis prouehet iugalibus,  
 Viuetque magnæ sacra proles Nursiæ.

Sit nomen Domini BENEDICTVM, ex hoc, nunc,  
 & vsque in sæculum.





